



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





600040875U



18010

7

5

cr<sup>o</sup> n. 4-

J. M. Lopez





№. 1146-



JOHANNIS BAPTISTAE  
B I A N C H I

*In Archiatrorum Magistratu Primi a Consiliis  
Regiaeque Taurinensi in Aca-  
demia Medicae Facultatis  
Professoris &c.*

De Naturali in Humano Corpore,  
Vitiosa Morbosaque  
GENERATIONE

H I S T O R I A

*Cum aeneis Tabulis, justisque Rerum  
Indicibus.*



AUGUSTAE TAURINORUM MDCCXLL

---

Typis JOHANNIS BAPTISTAE CHAIS Typographi S. S. R. M., suorum  
Excellentissimorum Magistratum, suaeque  
Regiae Universitatis.

**IMPRAMATUR.**

***Vic. Gen. S. Officii .***

***V. Barò M. R. , & Med. Facult. Regens ,***

***Se ne permette la Stampa , Morozzo per  
la Gran Cancelleria .***



# ORATIO

IN REG. TAUR. ACAD. ANAT. THEATR.

XII. KAL. FEBRUAR. MDCCXL.

A JOH. BAPT. BIANCHI,

*Dum publicam inciperet Anatomen,*

Coram EXCELLENTISSIMO Rei  
Litterariae MAGISTRATU

HABITA:

QUAE SEQUENTIS OPERIS PROOEMIUM EST.



UM ab hujus Academiae instauratione ad haec usque tempora, nihil unquam jucundius habuerim, praeter frequentiam hanc vestram, N. N.,

Quâ dum me ex hoc amplissimo loco dicentem quotannis excipitis, gratos vobis esse acceptosque labores hos meos humanissimè ostenditis; id profectò in causa est, cur ego officia in me vestra grato pariter memorique animo prosequuturus, nova semper, & si Diis placet Vobis non indigna, dicendi argumenta excogitaverim; eaque solemni hac die, quo cultu vires meae patiuntur, coram vobis habere studuerim. Quapropter, cum ante hos viginti annos Anatomicae Scientiae prae-

A

stantiam

Anno

MDCCXX

MDCCXXI

MDCCXXII

MDCCXXIII

MDCCXXIV

MDCCXXV

stantiam, ejusque cum bonis omnibus disciplinis necessitudinem, in solemnibus Comitibus praefatus, hanc Provinciam susceperim, eodemque scholastico anno exordia humanorum staminum, eorum naturas & ordines, & ad singulas ordiendas Hominis partes connexus attulerim; sequentibus indè annis, quae in hac Facultate nobiliora mihi visa fuerant, publicis prolusionibus complectebam. Omnia igitur humani corporis canalium genera, & principum secretionum loca, & animalium motuum instrumenta, & ossa singula eorumque artificium & robur, aliquando prolata sunt. Miniatis hinc Tabulis quaslibet oculorum partes, opticeque spectantes leges, explicare perreximus. Postea in alium ordinem revolutà totius Hominis machinà, atque membranis, musculis, tendinibus, ligamentis, cartilaginibus, glandulis, visceribus, universis partibus perlustratis, recentes, eosdemque praecipuos omnes, Anatomicarum Rerum Inventores Viros censere ac celebrare visum est. Accessit indè Muliebri, a nobis inventum & conditum, gravidumque integrae eminentiae Simulacrum; quo non illae solum, quae conceptum respiciant partes; sed caeterae penè omnes corporis, uno intuitu revelatae sunt. Succedebant nova venarum & articularum, a nobis quoque inventa constructaque



Etque Simulacra: Quibus quaeque sint, in-  
 ternae & externae, horumce vasorum pro-  
 pagines, propriis in sedibus oppidò specu-  
 lati sumus. Hinc aliâ luce, suscepta, per om-  
 nes & maximè priscas aetates, Anatomica  
 Studia & Inventa aperire contendimus. Sed  
 nova deindè nervorum & ossium numeris  
 omnibus absoluta Statua, ut superiores  
 aliae venosum undequaque, aut arteriacum  
 Hominem fecerant, ita in singulis mini-  
 misque partibus aequè eleganterque nervo-  
 sum explicuit. Sequenti felicique anno, quo  
 Tu **EXCELLENTISSIME PRIME PRAE-**  
**SES**, Litteras regere atque fovere coepi-  
 sti, illaeque exindè magis magisque florue-  
 runt, praelocatione nostra demonstratum  
 est: Anatomen ritè cultam totius Faculta-  
 tis Medicae Caput & Cardinem esse: No-  
 vosque, recentibus praecipuè saeculis, de-  
 lectos morbos, imò nova remediorum ge-  
 nera & opera, Anatomicis Studiis omnino  
 deberi. Intereà post longè latèque evolutas  
 eas, quae notae jam sunt, humani corpo-  
 ris provincias, invias haëtenus, parvique  
 hujusce Orbis velut ignotas terras designavi-  
 mus: Et quidquid in Anatome, ipsaque ob-  
 mancã Anatomen Praxi medica, adhuc  
 deficiat; & quidquid Posterì addituri sint,  
 singulatim attigimus. An non ex Italorum  
 inventis atque lucubrationibus Anatome &

MDCCLXXX

MDCCLXXXI

MDCCLXXXII

MDCCLXXXIII

MDCCLXXXIV

MDCCLXXXV

Praxis illustrata est? Id quidem singularem  
Prooemio, & hujusce gentis inventorum  
Hominum recensione, tractatum fuit. An  
non selectiora nobilioraque mechanica ma-  
chinamenta, Facultates aliae ab Anatomia  
didicerunt? Id quoque a nobis est prodi-  
tum. An non ex brutorum plantarumque  
comparata Anatome, Hominis fabrica  
praeclarius innotuit? Et nos comparatam  
Anatomen in singulis humanis partibus stu-  
diosè discussimus. Porro ut Mundi par-  
tes omnes, ita animalium quàm maximè,  
certo numero, pondere mensurâque statutae  
sunt. Haec pariter ubiquaque humani cor-  
poris adamussim perpendimus. Atque cum  
Viro Anatomico honestius acceptiusque sit  
nihil, quàm suae Facultati accrementa fa-  
cere; Nos numerosissimis foetibus, ab ovo  
ad natum Hominem undequaque collectis  
ac praeparatis; iisque singulis homuncio-  
nibus, qui ad quintum quemque totius  
graviditatis diem respondeant, ad hunc lo-  
cum explicatis, eorumque enarratâ abso-  
lutâque Historiâ, in haec quoque conati  
sumus, Sed alia ulterius Inventâ nostra,  
Simulacra alia, Tabulas alias, liquoribus  
injectos aut balsamis conditos Homines,  
novasque horum partes, earumque singu-  
lares apparatus, sequenti Anatomicâ Prae-  
fatione demonstrare satagemus. Demum  
postremis



postremis iis annis externas & internas Capitis partes, & interiorum atque exteriorum sensuum instrumenta, & motuum altiora organa, naturalibus novis & artificiosis quoque partibus recollegimus atque revisimus. Tum verò insignia superioris sacculi Anatomica Inventa, ad ea praesentis aetatis contulimus ac comparavimus. Liquidarum humani corporis & solidarum, sensilium & insensilium partium complexum atque harmoniam tradidimus. Illaeque inutilis res, quae istis aetatibus ab Anatomicis inquiri plerumque solent; utiles verò, quae omissae jacent, proximè superiori anno sigillatim discussae sunt.

Quibus quidem omnibus per me sumptis argumentis, atque in hoc amplissimo Theatro coram Vobis ex ordine pertractatis, quamquam omnes humani corporis partes functionesque, sat superque comprehensae fuisse videantur; fatendum tamen est, *Auditores*, nihil hucusque dictum esse de illa Homini functione, quae tantum caeteris praestat, quantum humana vita rebus omnibus antecellit. Nam machinarum conspirantium functiones, quibus humanum corpus excrefcit, nutritur & vivit, nisi agendi principium consequantur, quia suapte naturam inertes illae sunt, perpetuo quiescunt. Quae igitur Vis illa est, quae functio, per quam

humani corporis fluidae solidaeque partes, ovo conclusae, aliae in alias concitantur, impelluntur, calefiunt, & vivere incipiunt? Undenā tot humorum fluxus & secretiones? Quomodo tot solidorum corporum vibrationes & impetus, tēSIONES & motus excitantur? Annon haec omnia aliquando pertrahabimus? At verō id praestare difficilius est, quò minùs ad haec usque tempora innotuit Vis illa, quā genitura virilis ad femineum semen perveniens, matura ova commovet, afficit, foecundat. Vis quidem & qualitas occulta, atque illi, quam *electricam* vocant, omnino comparanda. Vos enim non ita pridem in hoc eodem Theatro usque ad caput Hominis ignitas excitari motiones, admoto tantum ad pedes vitreo fricato tubo, non minori jucunditate, quàm admiratione vidistis. Annon ex subito hoc motu multum luminis desumendum est ad subitos motus illos dignoscendos, qui per generationem in quibuscumque animalibus producuntur? Sed generationem prosequi, quantumvis difficillimum sit, nihilo tamen minùs ut difficiliora etiam in ejus origine aliquando aperiantur, me juvāt hodiernā luce suos effectus sermone completi. Generatio igitur actio est, quā corpus organicum, propriā adhuc vitā destitutum, & alio jam vivente inclusum, ab eodem sol-

vitur

Generatio quid sit.



*Prooemium.*

7

vitur atque explicatur, ut motus vitae proprios exerceat. Organicum verò corpus, materiae contextus est, ex succis, canalibus & aëre resultans; quo hae partes motu proprio & reciproco, quem vitalem dicimus, moventur, aut moveri possunt. Sed cum motus iste in viventibus perpetuus non sit; idcirco ex vivente organico & morituro corpore, ut eadem semper species servetur & propagetur, novum alterum, aut plura generantur. Porro generationis argumentum, licet de ea tantum sermo instituat, quae aut naturalis, aut vitiosa, aut morbofa in humano corpore sit, amplissimum sanè, & prolixum nimis esse videtur. Quod ne mihi dicenti, & Vobis audientibus molestiae foret, Typis edere, Vobisque donum facere cogitavi. Ita pariter mihi volupe est, vigesimum hunc adolescentis Academiae completum annum, quem summa PRINCIPIS Providentia, tam Illustrum ejus Moderatorum & Patrum selectione, memorabilem beatumque facit, singulari opere celebrare. Ego interim quò brevius potero, partes Liberculi, quem editurus sum, summatim modò percurram; Et mirum illud animalis vitae exordium, si vires ferant, in posterum aggressurum esse polliceor. Atque utinam Cycenum imiter; qui ad finem properans, cantum elegantius modulatur.

A 4.

Quem.

*Et quid vivens  
organicum corpus*

*Generationis  
necessitas.*

Quemadmodum supremus naturalium rerum ordo, in continuis generationibus similium a similibus earumque gradatis explicationibus situs est; ita in animalibus non solum & plantis, sed metallis ipsis aliisque fossilibus corporibus, generationis principia atque instrumenta quotidie a Philosophis inquiri solent. Et verò quatuor ista sunt: Praevium germen, seu semen aut *embryo*, quod idem est: *Folliculus* continens, qui ovum dicitur: Foecundans, seu generans causa: Demum foecundati germinis, ad usque generationis complementum, conveniens stationis locus, qui incubatus vocatur. Incubatus ratione animalia *vivipara* altera; altera *ovipara* dicta sunt: Prima, quorum ova internè seu in utero matris; Altera quae extra matrem incubantur. In Humano corpore generationis instrumenta cum eadem semper non sint, humanas idcirco generationes in naturalem, vitiosam atque morbosam distingui oportet. Naturalis generatio est, quum naturale germen & ovum in *ovario* sunt: Tum generans naturale principium ad hunc locum operatur: Et creata ova foecundataque, in naturalem incubatus sedem, seu in uterum descendunt; ibidemque statuta tempora complent; & gradata incrementa, ad usque expletam foetus maturitatem ac naturalem partum, consequuntur.



quantur. Vitiosa generatio est, in qua quidem naturalis ovorum sedes & solita generans causa, non idem verò incubationis locus; aut ejus saltem tempus vel brevius, vel longius, neque ideò naturale est. Atque morbosa generatio est illa, in qua neque ovorum & germinum idem locus, neque idem foecundans generansque principium, neque eadem incubatus est sedes. Nos itaque nostro hoc opusculo primùm naturalem in humano corpore generationem, deinde vitiosam, tertio morbosam prosequemur.

Ad naturalem generationem explicandam accedent humana germina, distinctis ovis, seu capsulis, in muliebri ovario antè generationes implicita & condita; hinc per succorum confluxus accreta; hinc maturata, hinc foecundata & explicita; postea in foetus, demum in natos Homines ampliata. Quid igitur ovorum maturitas, quid eorum alibilia vasa, eorumque congeries seu *placenta* sit, & quale in ovario eorum intercedat commercium, diligenter explicabitur. Atque *embryones* ab ovario solvi; in uterum delabi, ipsique annecti; *amni* liquorem immutari; sanguinem confici; cordis motum, humorum circuitum, caeterasque vitales omnes excitationes res, cōtinuam actionem esse suspiciemus. Ad primam in utero

*Præfatio  
Summaria.*



utero foetus aetatem, quidquid eidem cum matre liquorum & motuum commune sit; & quae partes in foetu agant, in nato adultoque; deleantur inde, aut otiosae permaneant: In altera verò aetate, unam primis mensibus Homunculi nutritionem esse; sequentibus celebrari duplicem; & quid partus causa potissimum sit; & quid a partu contingat in Homine, singulatim ostendemus. Deinde ut ea, quae antè partum adveniunt, patentiora fiant; ad recens ovum redeuntēs, ejus in utero, toto graviditatis curriculo, accretionum leges & ordines, a nostris Archetypis omnino demonstrabimus. Neque omissa erunt foetus in utero versionis tempora & causae; & quaeque inde succedant res: Neque *placentae* loca in *ovariis* & utero, ejusque nexuum singulares modi: Neque illae ejusdem atque *umbilicalium* vasorum, quae graviditatis processu mutationes contingunt. Ita proditis in omni sede ovorum emisphaeriis & formis, uterique cum foetu accrementis; & quantum par erit, *embryonum*, foetuum, *ovariorum*, tubarum, uteri, *placentae*, ejusque vasorum, aliarumque secundinarum reclusis fabricis atque rationibus; nostrisque insuper, cum aliorum foetibus comparatis, iisque omnibus per justas icones patefactis, veritatem acu tetigisse aliquando confidemus. Sed cum tot illa instrumenta, quae in humanam naturalem

ralem generationem conspirant, vitiosae quoque generationis per saepe sint causae; idcirco Opusculi Pars altera in illos, cheu nimis crebros, malae generationis modos, locos & ordines progredietur; unde tanta mulierum infortunia orta sunt.

Recens Anatome veterem, nec raro fatalem, absterisse errorem visa est. Majoribus enim nostris omnes in feminis graviditates, quae extra uterum in abdomine evasissent, semper extitisse in utero arbitratibus, iis illae solum victimae non ceciderunt, in quibus eorum cultri statutas ad metas fortuito non pervenere. Nunc post inventas superiori saeculo muliebrium ovarum sedes, eorumque non infrequentes detectos lapsus, sperandum est, gravidarum sectiones ad faustam tutamque methodum revocari posse. Utinam quae modo inquirunt plerique Anatomici, iis quoque non paucis, quae in Medica Praxi desiderantur, simili modo conducant. Igitur in mulierum organis, in *ovariis*, in tubis, in utero, quae facilem vitiosis generationibus viam sterant, inquiremus: Cur iis Mulieres, plusquam animantia caetera, obnoxiae sint; & quatenam earum intemperantiae iisdem conferant, adamussim explanabitur. Vitiosi conceptus omnes advenient, externi, interni, intermedii: Molae, falsa germina; & *monstra*: Foetus vel diutius coërciti, inde-

*Ex alterius Partis.*



que exsiccati, corrupti, aut etiam incorrupti; vel brevius immorati; quos abortus denominant. Differentias omnium, indicia, solemniora exempla, nostris maximè Historiis accuratè exponemus. De celebri vitioforum aliquorum conceptuum auxilio, seu caesareo partu, interno externoque, prolixius tractabimus. At solis ne Mulieribus generationum incommoda? Quippiam utrique sexui commune esse debuerat. Hoc quidem in morbola generatione evenit: Cujus periculis Mares & Feminas aequaliter subici sancitum fuit.

*Et Tertine.*

Rem itaque per verminosas eas germinationes expediemus, quae dum in humani corporis partibus morborum sunt causae, morbolae generationes dicentur. Atqui cū humani vermes vel intra vel extra cibarium canalem degant, primique, vel naturales sint vel morbosi; nos naturales, seu teretes lumbricos, pineales, taeniolas & ascarides, qui familiares Homini hospitesque sunt, neque nocui, nisi jisdem nos ipsi malā prius nutritione noceamus, ex initio paululum memorantes; peregrina & infesta, in alimentorum fistula aliisve in partibus orta aut intrusa, animantia singulatim percurreremus. In intestinis Taenias, quas veras dicunt, & quae fortè teretium sunt monstra, variis re ipsa speciebus & formis, undè tanta Scriptorum dissidia manant

nant ; instructas esse intuebimur . Cucurbitini Vermes dicti , eorumque novae partes, invisique ad hanc diem juncturarum modi , atque earum rationes aperientur . Postmodum inter monstrosa memoratorum canaliculorum animantia, *lacerti-forme*, aut si lubeat, *salamandri-forme* insectum adveniet . *Eruci-forme* vel potius *bombyci-forme* subsequetur : Aderit quoque *angui-formis viviparus* vermis : Cujus causâ *intestinales* ipsos ordinarios, *oviparos* esse alteros , alteros porro *viviparos*, exemplo pariter *oviparæ viviparæque* muscae , conjiciemus . Extranea prorsus humani corporis bruta , ab extraneis quoque parentibus propagata esse constabit . Sed ad fetus extra intestina natosque vermes progressi , horum alios , qui in partibus sunt , e quibus exitus pateat ; alios , qui alicubi degant , undè exire non queant, ex ordine prosequemur . Ex tribus primorum classibus , prima , in externorum sensuum organis aut caveis viventes , seu aurium , narium , oculorum & oris distinctim vermes complectetur : Altera vermes , per naturalia trajicientes docebit ; nimirum *renales* , aut aliter *urinales* dictos ; itemque , qui utriusque sexus genitalium partium morbofi sunt ; Tertia , aërearum majorum viarum incolas , seu pulmonarios , revelabit : Plerosque singularibus nostris Historiis firmabimus . Deinceps ad eos , qui ad corporis



corporis fores non politi, nullam videntur habere viam, quâ exeant, gradu factò; primum hepaticos vermes exquiremus: Hinc illos, qui nidulantur in cerebro: Tum quae super iis planè comperta sunt, adjiciemus. Succedent lienis, pancreatis, pericardii, ipsiusque cordis aliorumque viscerum vermes. Neque deerit volatile insectum, spermaticae Homini venae affligere repertum: Ejusque folliculus atque incubatio ostendentur. Porro dum *mesentericos* aggrediemur, naturales hominum vermes suapte naturâ nec rumpere nec rodere, appositè demonstrabimus. Praesto erunt intermedi generis alii, seu qui inter externos internosque censendi, variam cum propriis latibulis rationem cõsequuntur. Scabiei vermes atque phthiriasis pediculos, singulari classe memorabimus. His recenti quodam addito vermium, cujuslibet morbi propriorum, Commento; habitoque insuper, in corollarii locum, brevi vermium sanguinis, naturalium morbosorumque, sermone; ipsaque ad complementum Operis, humanorum Cadaverum genuina animalia, eorum chrysalides & nata muscarum genera; & singula, quae nobis ipsis aut fide dignis Homi nibus nota sint, suis locis attingetes; & difficiliora, si quae fuerint, quantum liceat, explanantes; tum demum praecipuarum rerum imagines, a diligenti Discipulo mul-

multaeque spei Adolescente aere incisae ,  
explicantes , Tertiam hanc Partem ipsum-  
que Opusculum absolvemus .

Ita , *Auditores* , in priori parte natura-  
lem Historiam Anatome illustrabit : In al-  
tera haec Praxi ; in ultima naturali Hi-  
storiae Praxis inserviet . Hunc aliis labo-  
ribus superaddam meis : Quos ab adole-  
scentia , vigiliis & impensis non parcens ,  
& lucris ac domesticis curis omnino ante-  
ferens , perlubenter suscepi ; ut ex Pra-  
xi & Anatome veritatem illam pro virili dis-  
quirerem ; Quae nimis sanè Faculta-  
tem hanc nostram , ad hanc usque diem  
latere visa est , crassisque velut nebulis obsita  
delitescere . O quàm esset optandum ,  
ut , qui omnes in Medicarum Rerum Uni-  
versitate docent scribuntque medentur-  
que Viri , Studia sua ad unum aliquando  
conferrent ; & libris ac controversiis depo-  
sitis , suum opus , Caemētariorum saltē more ,  
uno spiritu elaborarent ! Hi singuli , ut  
fabricentur , suo quisque loco positi , lapides  
& lateres ordinatis vicibus manibusq; com-  
mittere atque unanimiter colligare con-  
duescunt . O utinā Facultas nostra saeculis  
omnibus ita factos habuisset Artifices ! Coe-  
pta haec ad mundi initia jactisq; funda-  
mentis optimis , sequentibus tamen aevis  
nunc erecta , nunc demolita , haecenus , quod  
olendum , parum accrevit . Accrescet Haec  
tamen



tamen curis aliquando vestris, *Sodales Amantissimi*, qui hîc in honorem meum sedetis, *Professores optimi*, qui Florentissimam, si unquam aliàs, Academiam hanc nostram illustrare pergitis: Eoque amplius accrescet, quò majori conatu, Discipuli, qui adestis lectissimique Tirones, hoc tempore, quo amplissimi isti litterarumque amantissimi Moderatores, in suam Vos clientelam recens excipiunt, omni-que cura vestrùm commodis prospicere parati sunt, virtutis & gloriae viam insistere prosequemini. Si id praestabitis, Vos quoque in Medicæ Facultatis fabricam, vestrum aliquando lapidem collocaturos esse confido.

Vobis autem, *Viri Excellentissimi*, ut merita in me vestra significem, quemadmodum hujus orationis exordio, nunc iterum sermonem meum converto: Qui hanc diem, quâ demonstrationes anatomicas publicè aggressurus, ex hoc loco praefari soleo, ita praesentiâ vestrâ exornare voluistis; ut tanto hoc vestrùm omnium Conventu, non solum me cumulari honore & perfundi, sed recreari plurimum, quinimo incitari & accendi persentiam. SUMMA enim MENS illa, quae Vos ad hanc SEDEM apposuit, & in Officiorum vestrorum dignitate velut transpicitur, mihi, curis ac aetate labenti, vires animosque revocare videtur. Dicebam.



P A R S P R I M A  
N A T U R A L I S G E N E R A T I O .



Umana germina , distinctis  
ovis, singulari ordine in fe-  
minarum *Ovariis* inclusa ,  
prima , a rerum initio , sua-  
rum partium flamina conse-  
quuta sunt . Haec flamina , per com-  
munium indè generationum processus &  
series magis magisque evoluta explicata-  
que , tandem per sibi inditam specialem  
generationem singulatim commota , & ad  
perfectam explicationem atque accretionem  
aliquando disposita , primum in *embryo-  
nes* , deindè in foetus , postea in natos ho-  
mines evadunt . Sed haec singularis gene-  
ratio , quae etiam *foecundatio* dicitur , in  
humana ova atque germina , seu semina,  
haudquaquam recipitur , nisi haec priùs ad  
maturitatem pervenerint . Maturitas est  
ovorum & germinum ad certam magni-  
tudinem evolutio & accretio : quas qui-  
dem, cum per alibilium laticum accessiones  
& confluxus fieri oporteat , jam in primo  
illo ovorum *gestationis* loco , seu *ovario* ,  
*umbilicalia* seu alibilia vasa praestò sunt ;  
& eorum radices & radicum congeries ,  
quae *placenta* dicitur . *Placentae* vasa ovis

*Humana Ova  
atque germina  
ante omnes ge-  
nerationes jam  
sunt .*

substrata, seu alteri eorum hemisphaerio extrinsecus coalita, alibiles calicum succos ovo atque *embryoni* communicant: calices enim, seu *ovatorum* sinus & alvei, ova continent: Hi succiferis vasis referti sunt: Haec vasa cum *umbilicalibus* conveniunt. Sed de iis infra. Ità caeterum constituta ova, suisque binis tunicis, seu *chorio* & *amnio* instructa, in omnium, quae adoleverint, mulierum *ovariis*, in virginibus, nuptis, foecundis, sterilibus, non gravidis & dudum gravidis, & iis, quae recens conceperint, ad usque maturam aetatem liquore plena continuè perspicua sunt: Quae in vetulis, absumpto humore, arescunt & corrugantur.

*Gradatim inde  
maturifcunt,  
maturaque foecundantur.*

Ova ex initiis magnitudine differunt: Neque igitur simul omnia ad maturitatem perveniunt. Ita statò tempore in animalibus nunc plura matura ova sunt, nunc pauciora, nunc nulla: Matura in *oviparis*, ex *ovariorum* folliculis, seu calicibus, in uterum spontè decidunt: Matura in *viviparis* ad decidendum sunt quidem disposita & prompta; neque tamen decidunt, donec a maris geniturae effluvio, novos quosdam suscipiant motus. Quum ea igitur solum ova atque germina a genitura moveantur, quae matura sunt; & ova atque germina non simul omnia, sed

sed alia post alia matureſcant; *Multipara* idè bruta, ſi brevi poſt partum denuò prægnantia evadant, pauciores foetus plerumque concipiunt; ſi tardiùs, numeroſiores. Atque maturitas ovorum & ſeminum, & ad ſingulares motus eadem excitantis ſubſtantiae introductio & afflatus, tantae in viventibus omnibus ad abſolvendos conceptus neceſſitudinis ſunt, ut vel in ipſarum plantarum floribus, niſi quidam ſubtiliſſimus pulvis, apicibus tamquam teſticulis per ſtamina firmatis inditus, per piſtillum ſeu *oviductum* perveniat ad matura jam ſemina, in ovis ſuique generis utero ſeu *ovario*, ad *oviductus* baſim aperto, degentia, iſſique geniturae motus inferat, haec quidem inſaecunda remaneant. Ita in omnibus *vegetabilibus*, pulvis, apices, ſtamina, quae ad ſingulos flores data ſunt, maris officia praeſtant: *Oviductus*, appenſus uterus ſeu *ovarium*, comprehenſaque ova atque ſemina, velut ſemineae ſunt partes.

Jamque matura ova, poſtmodùm foecunda facta, ſeu in pernicioſiſſimos motus concita, ſubitam in ſuis partibus impenſamque explicationem intendunt; ut in tantam brevi molem atque vim augeantur; quâ quidem paulò poſt conceptionem ſuos aperire calices, expediri ab iſſ

*Faecundata oviducto in utero delabuntur.*



& erumpere , diductoque ovarii involucro appositam obtentamque tubam penetrare valeant : Velut matura sylvestris cucumeris germina a propè admotae manus calore in subitos aptosque motus concita , apertis statim calicibus strenuè foras velut ejaculata erumpunt . Nam quod in *vegetabili* hoc ovo per subitam a manus halitu excitatam liquidorum *rarefactionem* fit , ut inflatum tensumque ovum eam sibi compareret vim , quam nos , nucleo cerasi , per pressionem digitorum ejaculantes , induceremus ; id ipsum ex influxo genitali effluvio primùm in humano ovo praestari videtur . Copiosus *amni* liquor oppidò in ovo rarescit : Undè tam subitus ovi tumor tantusque nisus exoritur . Jacens enim in ovo & liquore, foetus corpusculum, & ovi ambitu centies fortasse minus , ità , subitoque expandi non posset , ut liquidum & ovum premendo inflare valeret. Transgressa in uteri caveam foecundata eruptaque humana semina , suorum *umbilicalium* vasorum examen , seu *placentam* , eorumque liberos , & hiantes apices uteri *sinulis* porrigunt nectuntque. Ita *umbilicalia* vasa humanis *embryonibus* externa sunt, ut patulo semper ore succos haurire valeant : Ita quoque in caeteris viventibus sunt disposita : Nam licèt in plantis & *oviparis*

*paris* animantibus sub ovi cortice recondi videantur; in illis tamen, germini, seminalibus foliis interposito, exteriora pariter sunt; quae primum alentes latices ex iis foliis excipiunt; postea in radices evadunt: In *oviparis* verò, vel insectis, vel aquatilibus, vel etiam quadrupedibus, *embryoni* exteriora quoque sunt: In *oviparis* volatilibus, quorum ovis, vitellus & albumina insunt, vasa haec à cicatricula seu *embryone* foras edita, ad vitellum & albumina, ipsumque *chorium* protenduntur. Tum verò in volatilium genere sanguineis *umbilicalibus* vasis membraneus tubus additur; quo succus vitellum ambiens, indeque & vitellus ipse, in pulli ventrem devehantur. Quidpiam instar hujus tubi, immo instar infundibuli, sanguiferis vasis adjecti, in latis *umbilicalibus* tenellorum humanorum foetuum falciis nobis interdum apparuisse visum est. Tanta equidem, quae in humano ovo primis *gestationis* temporibus liquoris copia redundat, non a solis venosis, sed a pluribus sanè rivis, fortè & a raris tunc poris *chorii*, instar seminis in humidiori uberiori-que terra brevissimè tumescentis, invehenda esse videtur. Haec igitur *immisaria* foetus non tantum ab utero uberes succos hauriunt, quibus exilissi-

ma germinis stamina magis magisque explicari, & in perspicuum *embryonem* accrescere contingat; sed novos imprimis vitales motus suscipiunt. Namque ut in *oviparis* ab exteriori, ita in *viviparis* animalibus ab interno, seu uterino incubatu commotus atque excitatus ille idem liquor in *umbilicalibus embryonis* vasis antea jam degens noviterque confluens, novos hosce susceptos motus ex iis canalibus ad interiores alios continuos, contentosque pelucidos antea succos, ita transmittit & propagat; ut ruber seu sanguineus ex iis novis motibus exortus color, atque in iis *umbilicalibus* succis incoeptus, ad alios postmodum interiores liquores quoque penetrans, jam ad vasa, atque liquida cum cordis caveis communicantia perveniat. Devento jam ad cordis bullulam sanguine, haec statim micat, seu saliens, ut ajunt, punctum fit; seu corculi motus incipit; & *embryonis* completur vita; & purpurei jam laticis, seu sanguinis, trajectio per corculum, & a corculo propulsio, & a propulsione progressio per partes, reditusque a partibus inchoantur. Porro in hoc rerum puncto *embryo* in foetum evadit: simulque *umbilicale* vas largiores succos ex *chylaxis*, & albuminibus in *oviparis*; tum verò ex  
coty-



*cotyledonibus* , *placentis* , uterisque in *vi-*  
*viparis* , ad foetum importans , ejus par-  
 tibus copias & incrementa , simulque vi-  
 res atque firmiores sedes conciliat : Hinc  
 liquorum circuli , misturae , secretiones  
 aliaeque vitales res .

*Embryone* in foetum facessente jam *Humani foe-*  
*tus alibiles suc-*  
*ci .*  
 quaedam partes vix antea membranaceae ,  
 varios firmitatis gradus consequuntur :  
 Nonnullae citius in ossa indurescunt ; ut  
 quae ad *spinam* , ad *pelvim* , aut medios  
 majores articulos , aut *tympani* cavitatem  
 sunt : Lentiùs procedentes aliae , priùs  
 cartilagineae sunt , antequam ossa fiant ; ut  
 ossa *cranii* , extremitates artuum , *apophy-*  
*ses* plurimae , atque *epiphyses* omnes . Haec  
 sanè omnia obtinentur per rectè instructam  
 a matre in foetum liquorum undequaque  
 affluentiam ; quibus quidem extentae ejus  
 partes , simulque pleniores ac propiores prae-  
 stitae , alios contactuum modos suscipiunt .  
 Foetum non ali materno sanguine ; seu pro-  
 priè sanguineum liquidum a matre ad *pla-*  
*centam* , & a *placenta* ad foetum pro ejus  
 nutritu non convehi ; sed *chylum* solum-  
 modo , aut nutritium a *chylo* succum , probe  
 elaboratum cum reffuo foetus sanguine im-  
 misceri in *placenta* & transferri , liquido  
 constare videtur : Primùm ex inspectis a  
 diligentioribus Viris in praegnantium ute-



ro, albis innumeris seu tanquam *chyliferis* vasis: Secundò ex celebri Plurium observatione in gravidis canibus, per repetitas sanguinis detractiones, exanguibus paulatim redditis; ideoque tandem demortuis; quarum gestati foetus debito adhuc sanguine referti saturique deprehendebantur: Tertiò ex perspecta *placenta* lacteis liquoribus redundante, eosque immo largè effundente (a): Quartò ex accretione *placentae* aliarumque *secundinarum* in molis, cum decresciente destructoque, immo penitus consumpto foetu: si enim lactea seu nutritia uteri peculiariora vasa cum his partibus non immediatè communicarent, sanguis matris per *umbilicales* venas ad foetum ire, & a foetu per arterias in *secundinas* pro earum alimonia redire creditus, his postea vasis per foetus necem a proprio officio sublatis, neque hunc circulum, neque harum partium nutritionem servare in circulo posset. Demum succi ab utero ad *placentam* non rectà, seu per una aut saltem continua, sed per diversa & tantum contigua, poris dumtaxat communicantia vasa, idest per coli aut incerniculi, uno verbo, per secretionis rationem traiciuntur. Neque igitur per vias, quibus

(a) Vid. in *Anatom. Observat. Histor. Reg. Scient. Paris. Acad. ann. MDCCXIV*,

bus secretio fit, purus & integer, seu non secretus sanguis traduci potest. Liquores in *umbilicales* arterias injecti, per *placentae* substantiam in *umbilicalem* venam continuo referuntur. Ergo vasa foetus, matris vasis per *anastomosis* juncta non sunt, ut matris sanguinem in eum devehant: Nec insuper quidpiam sanguinis a foetu ad matrem revertitur; cum haec reversio non nisi novâ secretionis operâ, seu, ut ajunt, *infiltratione* haberi queat: Nec matris & foetus communis sanguinis circuitus est; sed, ut in *oviparis* fit, cuique suus, propriarum partium confiniis circumscribitur. In Equâ, Sue feminâ, Apro, Cane marino aliisque brutis, *secundinae* diu antè maturum foetum matrici nexae non sunt. *Placenta* in iis animantibus valde subtilis est, dispersaque in minutula, diu plerumque insensilia, tubercula; quae solum postremis gestationis mensibus accreta atque ampliata, nectuntur cum utero, & sensibilia fiunt. Viperæ & Torpedinis foetus neque *placentam* gerunt, neque cum utero videntur connecti: In iis itaque animantibus, aut serò aut nunquam, matrum & foetuum *immediata* per uterum communio est. Atque commercia succorum in uteris & foetibus, per omne animantium genus, analogâ sunt. Aliisque obser-

observationibus & rationibus confirmari res potest. Porro effusio sanguinis in partu, non a sanguineorum vasorum uteri, cum *placenta* communicantium, disruptione; sed a sola uteri robusta contractione, indèque in *vaginam* expressione alicujus contenti sanguinis partis aestimanda est. Ita interdum in partu nullus exit sanguis, utero scilicet non statim constricto, aut non ita satis constricto, ut sanguinis, quem in circuli vasa premit, partem quoque aliquam in suam caveam exprimat: Exit indè in puerperii *lochiorumque* progressu per ipsamet menstruorum vasa, ab excitationis aliquando solitis validisque hujus organi corrugationibus expressus. Quod autem ad faciem *placentae*, quae uterum respicit, membrana aut membranaceus reticulus supertensus sit, aut nihil etiam horum sit, perindè esse videtur: Neque enim membranae defectus, liberum magis sanguinis, quàm *chylosi* succi trajectum probat. Accedit observata a Littrio ( b ) in falso germine ( immò potius molâ ) *placenta* ultra modum accreta: Et quum ad foetum, in quasdam vesiculas evasum & consumptum, primò parùm, deinde nihil nutritii a Matre suscepti succi, *placenta* transmitteret

( b ) In *Histor. Reg. Scient. Paris. Acad.* ad ann. MDECXV.



mitteret , hoc ipso succo , qui erat omninò lacteus , tota diffuens reperiebatur : Favet id ( adijcit Cl. Auctor ) iis , qui statuunt , in homine , ut in pluribus animantium generibus ( ubi res ultra omne dubium est posita ) lac & non sanguinem a Matre in foetum transmitti , sanguinis saltem lacteam atque albam substantiam . Porro lacteae , non sanguineae substantiae transmissio in ruminantibus cunctis , tum in Cuniculis , Leporibus , Indicis Porcellis , aliisque , luce clarior est . Sed observatio D. Merj ( c )

„ quòd foetu ab utero egresso , & umbilicali funiculo caeso , sed non ligato ,

„ placentaque uteri fundo adhuc nexâ , per

„ umbilicalem venam sex propè librae sanguinis cum maximo matris discrimine effluerint ; dum placenta unam prope libram vix pendet , alicujus momenti est : Ita & alia ab eodem Viro perlata ,

„ Mulieris maturè praegnantis , & casu subito extinctae , in cujus cadavere ventris cavitas sanguine plena , sanguinea verò sua , tùm foetus unà perempti , vasta omninò vacua deprehensa fuerint : Sanâ atque adhuc connexâ placenta , nulloque ad uterum effuso sanguine ,

( d ) & quod ab ipsomet Auctore adijcitur

super

( c ) In eadem Hist. ad ann. MDCCXIV.

( d ) In eadem Hist. ann. MDCCVIII.



super hac re in casu foetus sinè corde nati (e). Plures interea harumce observationum circumstantiae superessent perpendendae illustrandaeque. Porro super hac re graviolem fortalsè observationem memorare lubet. Vegeta quaedam & juvenis femina toto *gestationis* tempore tantam eandemque perpetuam ab utero haemorrhagiam passa fuerat, ut calculus factus sit, 150. libras sanguinis toto hoc tempore perdidisse: Peperit tamen feliciter: & vix mediocribus expletis *lochiis* haemorrhagia quaelibet evanuit: Mulierque in optimam valetudinem rediit. Consulti Periti aliqui, arbitrati sunt, *placentae* partem ab uteri annexu toto graviditatis tempore fuisse disjunctam: Alii verò solidiora super hac re, alio loco indicanda, cogitarunt. Nam postquam Cel. Ruyschius villosam tunicam, *chorii* propaginem demonstraverit, *placentae* latus utero obversum obducentem (quâ quidem integer trajici cruor non posset) (f) subiicit:  
 „longè itaque a veritate recedit, quod dixerint olim Anatomici: Vasa sanguinea  
 „*placentae*, inosculari vasis sanguineis uterinis „

*Histo in cruentae Taurinensis Graviditatis.*

*In foetu sunt & operantur partes, in nato*

Interea in humano foetu per unam, seu *umbilicalem* viam ad *gestationis* initium progress-

(e) *In eadem Histor. ann. MDCCXX.*

(f) *In Thesaur. Anatom. V.*

gressumque enutrito , res placidè videntur incedere . Vacuus & collapsus cibarius canalis minimam abdominis partem occupat; potissimam tenent hepar , atque succenturiati renes: hepar alibiles succos ab *umbilicali* vena per portae venam hauriens, alteram eorum, eandemque potissimam partem citiùs per venosi tubi diverticulum , minorem alteram tardiùs per priùs inductum in tota sua substantia circuitum , ad commune in humanorum liquorum alveum, seu cavam venam propellit: renes succenturiati *urinariae* propriorum renum secretioni, opportunam diverticuli rationem praestant. Porro succenturiati renes in humano foetu aniplissimi , & ad ostia propriorum renum, quos amplectuntur suoque velut in sinu recondunt , appositi , largissimam sanguinis copiam , aut ab *emulgentibus* ipsis arteriis, aut ab ipso ibidem sito *aortae* trunco , excipientes, in caussa sunt , cur minor hujus liquidi in renes propriè dictos sit fluxus , & in iis idè minor urinae secretio celebretur : Cujus major secretio plura in humano foetu , *allantoidis* experte , intulisset incommoda . Quamobrem sicut in nato homine proprii renes , priùs in foetu valdè exiles & succenturiatis renibus plerumque minores, semper indè crescunt adusque debitam comparatam magnitudinem : Ita succen-

*indè adultoque  
otiosae, aut nul-  
lae .*



succenturiati renes in nato homine, officio functi, a propriorum renum complexu paulatim secedentes, semper videntur decre-scere. Praeterea in foetu quidquid ex jecore biliosi succi, aut crassioris salivarii liquidi in *pancreate* aliisque cibariae fistulae salivosis glandulis, tum quidquid pariter mucosae substantiae in stasis ejusdem tubi incerniculis secernitur, neque excernitur, sed coercetur, & cumulatur, & immiscetur; demum quidquid faeculentum fit ex oris nutritu, quem foetus postremis mensibus suscipit, & sub communi *meconii* nomine in intestinis redundat, id certe omne, ne per anum exeat, *amniique* liquorem conspurcando, alibilis hujus succi conditionem laedat, ad *intestinale* diverticulum, sive caeci intestini appendicem *vermiformem* dictam, quae sanè in foetu maxima est, & intestini tenuis amplitudinem aequat, tamquam in communem cloacam pedetentim deponitur, coacervatur reservaturque. Hoc ideo in foetu diverticulum, immò singulare excipulum, non tantùm iis scoriis refertum ac turgens deprehenditur (quod quidem post natum hominem haudquaquam spectatur); sed pro commodiori receptaculi officio dupliciter circa *Ileum* intestinum plerumque inflexum, totidem ideo commodioribus sinibus

Fig. XVIII.



nibus ac velut distinctis excipulis instruitur. Adhaec , ut delapsarum in dictam appendicem faecum sustentetur pondus , coli intestini ligamenta ad hanc partem desinunt & coeunt , eamque instar cingulorum muniunt, ac velut *suspensoria* suffulciunt. Praeterea caecum intestinum in foetu brevissimum est , & secùs ac in nato instructum : Tota enim ejus figura ad *vermiformem* implendum processum facta esse videtur : quae scilicet ad modum amplioris infundibuli , in eum se aperientis atque deonerantis concinnata est . Urina a renibus in vesicam fluens ( quae tamen , ut diximus , sat modica est ) per apertum in hoc excipulo singulare aliud diverticulum , seu *uracham* , videtur leniter & paulatim traieci in spongioso-cellularem , *umbilicali* funiculo implexam substantiam ; & ex hac per placentam adusque maternos succos convehi ; ut horum ductu per maternos tandem renes unà cum materno lotio eliminari queat. Ita *urachi* cavitas, quae in natis adultisque persaepe adhuc spectatur , in humano foetu semper conspicua est : adjuvatque lotii per hunc canalem trajectionem , alia in foetu , quàm in nato adultoque , *urinariae* vesicae positio : In illo enim longioris figurae vesica est , atque ad umbilicum directior & propior . In foetus pectore,

re, inanibus , flaccidis atque in se replicatis pulmonibus, princeps thymo locus est: Quae nempe non subactos , aut non satis subactos , in primae digestionis visceribus nutritios succos , postremis praesertim graviditatis mensibus , colligens servansque , & forte propriis momentis indè subigens , ab ingressu in sanguinem nonnihil retardare videtur . Thymum enim in foetu, novum non tantum *chyli* , sed & *mesentericae* & *pancreaticae* subtilioris lymphae , fortè & *intestinalium* specialium succorum diverticulum , immo superadditum excipulum esse, verisimile arbitror . In *galaxiam* foetus, quae quidem libera, & patula servanda est, fluere latices necesse est: Non tamen oppidò cum sanguine commisceri debent succi omnes, qui *galaxiam* introeunt : quoniam in foetu , qui non respirat , haberi iusta illa & vitalis omnium succorum cum sanguine mixtura non posset , quae in pulmonibus & respiratione praestatur : Idcirco Thymus , *galaxiae* summitati apposita , succos crudiores recipit , statoque tempore retinet servatque . Ita in recens natis , neque adhuc lactatis , neque aliter pastis, a Graafio limpidi humoris copia , & a Bartholino , Munickio , Aliisque plurimis , lactis redundatio in Thymo reperta est . In nato verò homine Thymus instar aliorum  
foetus

foetus diverticulorum decrefcit , & inutilis omnino pars praefcitta , velut contemptim a respirantibus pulmonibus calcatur & extenuatur ; ut in adultis plerùmque omnino abfumptus , nec propria veftigia fervaverit ( g ) . Rurfus fanguis in Thorace foetus , ab altera in alteram auriculam , & a majori in majorem arteriam per bina adhuc alia , iifque partibus intermedia diverticula , five *ovale* foramen atque *arterialem* tubum , levi unda progreditur . Ita foetus , diverticulis iftis & promituariis , ceu providiffimis fubfidiis levatus & fubventus , dempto omni animalis oeconomiae difcrimine , tranquillè degere , fuaeque in accrementa ire fuaviter , aliquandiù videtur .

*Nutritio foetus prius per umbilicalia vafa , deinde etiam per os celebratur : Unde potiffima parit causa .*

Quum verò vires gradatim acquirat , aptiorque fiat ad externos quoque motus , quos quidem fuo in *amni* liquore pofitu comodiores habet , fibique fuarum partium obftrictus in dies moleftus fit , iftas naturali inftinctu extendere nititur : In hoc crebriter fufcepto nifu , capite a dimotorum extenforumque genuum , brachiorum & manuum fulcimentis elabente , & ob fuam , prae caeteris partibus , impenfam molem & gravitatem neceffariò in uteri inferiora decidente , tota foetus mutatur pofitio ; ejuſdemque , inverfo devolutoque corpore , inferiores artus ad priftinum

C

capitis

( g ) *Vid. Thef. noſtr. de Viſc. Fabr.*



capitis locum ascendere necessum est. Rur-  
sus densitate semper increscens *placenta*,  
spatia foetus & liquoris *amnios* coarctare  
pergit. Quare foetus in dies adauctus &  
grandescens, suâque mole in majorem  
præstandam uteri cavitatem urgens, eoque  
magis intermedium, in quo velut innatat,  
*amnii* liquorem stringens & premens, in  
caussa ipse est, ut ad summum constrictus,  
& ubique trusus atque coactus hic liquor,  
vel in ejus oris caveam aliquandò ir-  
rumpat: & mox ab ore in *pharyngem*, a  
*pharynge* in *oesophagum*, & ab *oesophago*  
in ventriculum sibi viam sternat, & li-  
quidi motu perfluat: Ita in natis  
foetibus, vel non natis sed maturis &  
ab utero extractis, has tubi cibarii partes  
jam succo istiusmodi imbutas, immò re-  
dundantes reperimus. Quamobrem adul-  
tus foetus jam duplici, seu per os & um-  
bilicum, nutritione perfruens, succis im-  
pensè scatet & viribus. Neque ad tam  
promptè cumulatam, & gravem succorum  
minuendam plenitudinem succenturiatorum  
renum, thymique diverticula sat esse pos-  
sunt. Jam ergo moles & unda totius san-  
guinis sollicitat magis, aperitque *pul-  
monicas* vias. Redundat novis substan-  
tiis, tumetque ventriculus: Intestina tu-  
ment, novâque excrementorum mole ita  
gra-

gravantur , ut , quum appensum diverticulum , seu *vermiformis* appendix , hospitandis iis omnibus non sit satis , suas quoque molestias ab eorum mole , pondere , acrimonia jam perferant . *Galaxia* tumet , tumentque vasa omnia , tantoque succorum gurgite proprii jam renes , & vesica tument . Foetus angusto jam nimium carcere vexatus & pressus , gravis , turgidus , inquietus , virium aeris , & motuum corporis indigens , jactat se ; & trunco & artubus & capite quatitur : Et *spinam* sensim dirigens , & pedes & brachia in fundi uteri latera novo robore intendens , atque ita extimulans ; demum eadem in fortes contractiones , ac propulsiones adigit ; unde illa uteri se constringentis manat vis , potissima partus causa , seu naturalis matricis tenesmus excitatur : Id verò , quum non sine violentis ejusdem ligamentorum , atque cervicis , vaginae , pudendorumque distentionibus , & veluti divulsionibus contingat , non potest , quin secum quoque acerrimos in iis omnibus partibus cruciatus ducat . Sed iis *uterinis* additis , suisque simul etiam viribus , suum praecipue ad ima uteri devolutum caput magis magisque concutiens & impellens foetus , eodemque *secundinas* validè premens , easque ad cervicis hiatum in formam ampullae , descenso cumulatoque

liquore *amni*i plenae & turgentis, protrudens & elongans, productamque ampullaceam hanc partem attritu demum extenuans & abrumpens, per hanc portam sibi lucem & viam aperit: Et secum involucra, seu tunicas & *placentam*, plerumque trahit. Neque enim tam strenuae *secundinarum* distentiones sinè vi, ad earum adhaesionis punctum, seu *placentam*, inducèta, esse potuissent. Atque illa quidem, a maturo foetu ad *placentam* inflicta, postrema concussio est, quâ haec pars suas omnes radicularum *gomphoses* ab uteri alveolis aliquando solvere atque enodare adigatur. Interdum foetus toto *amnio*, aut aliquâ ejus parte a caeteris *secundinis* solutâ, involutus excluditur: atque ita Galeatus vocatur.

*In nati foetus  
partibus quae  
eveniant*

Egressus in liberum aërem, eique illico immerfus, velut qui in aquas pectore tenus delabens, iis prementibus ad subitam costarum elevationem cogitur, ab aëris pondere improvisò gravatus & pressus, costas necessario attollit. Ita pectoris ampliacionem, ita ingressum aëris, ita respiracionem fieri, necessum est. Itaque vix natus respirat foetus; & acceptis aëris suppetiis suas partes undequaque urget ac premit; & mingit; & deijcit; & plorat; & ejulat; & fugit; liberèque deglutit.

Jam-



Jamque per ejus pulmones liberrimus sanguinis trajectus est . Memorata idcirco amittuntur diverticula , & singularia excipula . Succenturiati renes & Thymus usu functi delentur , aut ferme exarescunt . Et *vermiformis* appendix, quae , ut diximus , tubus amplius fuerat , a contentis & coercitis faecibus extentus, & suas ab amplitudine & extensione subtiles , intestinorum instar gracilium , tunicas gerens , exhausta jam vacuataque , & , ob apertam expectatamque in foetu desidendi rem, suo munere functa, sensim retrahitur; & ab Ileii amplexibus recedens , in dies gracilescit : ejusque libera membranea latera naturali contractione densantur ; densata ad morem densatarum in caeteris foetus diverticulis tunicarum, atque in ligamenti naturam occalescentium , in substantiam quoque prope *ligamentaceam* durescunt : Ad quam quidem habitudinem deventa haec intestinorum appendix, in nato adultoque vix non occluditur ; nempe vix angustam & inutilem cavitatem asservat , similem ei , quae in natorum adultorumque *urachis* adusque umbilicum , aut non longè ab umbilico, plerumque adhuc deprehenditur ( *h* ) . Ita-

C 3

que

( *h* ) In pluribus Cadaveribus Juvenum , Virorum & Senum ad superiores annos publice in Anatomico Theatro dissectis ,

que in nato homine caecum intestinum depositâ , quam priùs ad suam appendicem egerat , infundibuli ratione atque formâ , in longum producitur , simulque ad latera retrahitur , & roboratur ; suoque , quo in appendicem tendebat , valde constricto hiatu , proprium jam munus aggreditur : Suâ enim positione cum saccus , in quem omnes superiorum intestinorum faeces decidunt , subter eadem appensus reapse sit , opportunus idè earumdem faecum typus est ( Gall. *un moule* ) quas nempe ex Ileo delabentes , tum verò liquidiores aut molles , inductâ morâ & pressioibus , humidiori parte exuit : & residuo magmati coactam , solidiusculam & in se consistentem , longam seu rotundatam ac velut columnatam formam concilians , in causâ est , ut in unum velut corpus compacta figurataque excrementa , uno solùm naturaliter stimulo , non pluribus , unam , non crebras & incommodas dejectiones , in perfectioribus animalibus , fortè & in omnibus , incitare valeant . Sed haec , quae alio loco tractantur , ( i ) in praesens non sunt operae . Demum in nato diverticula caetera , vena & arteriae *umbilicales* , *venosus* tubus in hepate

*praeterquam intot apertis privatim aliis , patulum adhuc urachum ostendimus .*

( i ) *Vid. Thes. nostr. de Visc. Fabr.*



te, *arteriacus* inter aortam & *pulmonicam* arteriam, ovatum inter cordis auriculas foramen, & *urachus* ad umbilicum, clauduntur. Verumtamen *urachus* pervium saepius servari diximus: & ovatum foramen in pluribus adhuc apertum manet: Undè Urinatorum est ratio.

Dum foetus in utero crescit, unam *Accretionis leges in foetu.* eandemque proportionem constanter non servat; sed modò magis, modò minùs augetur, pro ratione incipientis, vel mediae, vel maturae jam graviditatis. A conceptu usque ad finem primi mensis in ratione adaucta crescere, ut gravium descensus, videtur. Toto mense altero usque ad tertium integrum, augetur tantùm in ratione directa temporis: ut si intra biduum duos accrementi gradus acquirat, quatri-duo pariter quatuor accepturus sit. Trimestris factus, denuò inaequaliter crescit usque ad septimum expletum mensem, & in ratione quidem adaucta; sed caeteris paribus non aequè ac primo mense. A septem mensibus usque ad nonum completum, & ultra, non ampliùs in ratione adaucta, immò, neque in ratione directa, sed potiùs in ratione imminuta excreescere videtur: ita ut si intra tres dies incrementum fiat ad duos gradus, sex diebus tres tantùm gradus vel pauciores addantur: Namque octavo ac



nono mense , & si quid excedat , foetus ad majorem potius suarum partium firmitatem & robur , quàm ad externam augendam dimensionem progreditur . Monendum est tamen , haec , juxta Matrum aetates & constitutiones , variosque in eis rerum non naturalium usus , eadem sibi semper non esse . Nunc , ut quae diximus de humani foetus progressuum legibus , per exemplaria & imagines , a nostris ovorum & foetuum Archetypis fideliter diligenterque collectas , illustrare ac demonstrare valeamus , ad ipsa foetuum primordia reverti , & ab iis adusque eorum complementum per omnes incrementorum gradus procedere , opus est .

Quae figuris  
demonstrantur.  
Fig. I. & II.

Fig. III.

Humanus *embryo* , in ovis vel maturis , ante conceptum invisibilis est : Optico tamen vitro perspectus , sub quadam incerti obscurioris corpusculi specie , immò sub levissima velut *semilunari* macula , deprehendi , ab aliquibus traditur . Nos verò ab humanis illis *embryonibus* incipiamus , quos sanè videmus , & curiosè servatos demonstrare cuilibet possumus . Humanus igitur *embryo* post conceptum patens fit : Nam tertio quartove a conceptu die in ovo , quod ex priori rotunda forma jam ad ovatam accedit , vel nudis oculis inspectus , in minutissimum vermiculum evolutus jam apparet

Fig. IV.

apparet. In iis graviditatum exordiis ova in utero , ut priùs erant in *ovariis* , *placentis* suis dimidio adhuc superficiei circumscripta sunt : Quod inferius dicemus . Post septem dies a suo in uterum ingressu exploratus in folliculo humanus foetus , ad instar vermis continuè cernitur : Qui nempe major factus , subtilem & levem truncum , levi , longâ & acutâ caudâ exceptum , seu a capite nudum externis partibus , seu sinè ullis artubus valde promissum & tandem acuminatum corpus , ostendit. At vero hic vermis grandiusculum jam caput , distincto collo impositum , exerens , supernis ideo partibus jam humani quidpiam exhibet ; & colli interventu capitatus jam truncus est . Rursùs si clariorem rerum solliciti , vermiculum hunc *opticâ* lente speculamur ; non tantùm has omnes adauctas partes jucundiùs attingimus ; sed in elato capite jam quaedam nobis humanae faciei vestigia obversantur . Porro si crystallo deposito , & ad ovatum jam foetus folliculum redeuntibus , *vasculosam* elegantè *placentam* , folliculo circumdatam , hîc a nobis diligenter antèriùs diductam & quaquaversùs explicatam , contemplamur ; tum verò levi principio nata , latè indè diffusa , multoque *placentae* spatio copulata , *umbilicalia* vasa cernimus ; singulares quidem

Vid. Fig. I.

Fig. V.

Fig. VI.

Fig. V.



dem res, & Anatomicorum curiositate valde dignas percipimus. Tria namque humano conceptui graviditatis processu, eademque notabilia succedunt: Primum in ovi figura, alterum in *placenta*, tertium in *umbilicali* funiculo.

Ovi habitudo  
n ovaria & in  
utero: ejusque  
est conceptum  
iterationes.

Fig. I.

Fig. IV.

Ovum in femineis testibus quocunque tempore rotundum est: Cujus hemisphaerium alterum ab imposita instar pilei *placenta*, ejusque superstructis vasculorum fasciculis, opacum, asperum & inaequale est: Alterum verò non obductum, sed liberum, ob subtilissimas componentes tunicas leve & pellucidum spectatur. Foecundatum & in uterum delapsum ovum, suâque jam vitâ fruens & crescens, elongatur, & ad ovatam reapse figuram accedit. Uteri cavitas in ovi ingressu angusta est; ut quae scilicet esse solet in non gravidis, neque puerperis, neque aliquâ hujus visceris insolitâ affectione detentis feminis; atque ita angusta, ut vix pisum, aut fabam, admittere valeat: Semper enim haec pars in *constrictionem*, imò ferme in *occlusionem* nititur: introductum ergo aequalis pilo magnitudinis, & fortè etiam majoris, foecundatum tumensque ovum uterus non solum completi, sed premere, sed elongare debet; immo plus minùs explanare potis est. Ovi igitur hemisphaeriis ad uteri faciem continuè



nuè compulsis , explanatis & pressis, quod asperum ac villosum est, seu , quae eidem ab initio nexa & continua est, nec unquam ab eodem distinguitur , placentam , utero coalescere, neinpe suos liberos fluctuantefque *vasculares* villos , seu radículas , quas quidem priùs in *ovarîi* loculis infixas habuerat , nunc in uteri poros infigere , necesse est . Villosa enim , levissimi musci ad instar , *placentae* superficies a calice soluta , tanquam decorticata pars est , quae facîle idcirco ad uteri faciem agglutinatur; ovoque indè augescente , in stricta adhuc uteri latera urgetur & premitur : ut hinc non mutuus tantùm ambarum attactus , sed inferiùs dicenda connexio praestetur . Ovi verò detecta ac levigata pars altera , libera sinè ullo connexu , solum uteri proximum contactum obtinet . Fortè etiam primam oblongae figurae rationem suo ad primam tubae ponè simbrias & tentorium angustiam, deinde ad angustissimum ejusdem in uteri caveam aditum transitu , ovum consequutum jam fuerat: In iis enim trajectibus sola tubae *dilatatio* parum esse; ovum quoque elongari oportere , videtur . Quid autem miremur , humanum ovum , quod si maturum est, jam grande est, si verò foecundum fiat, grandius quoque fit, per plures tamen tubarum angustias non diffi-  
cile

cilè traïci ? Natura in viventibus , & maximè in generationis rebus , aptos suos subitoſque dilatandi modos habet. Quis crederet , maturum foetum per anguſtiſſimum uteri oſculum tranſire poſſe ? Hoc vero ita ſubitò aptèque dilatatur ; ut ſinè huius noxa ille tranſeat . Sed foetus quoque latiores partes , & caput praefertim , in tranſitu elongantur . Quis igitur non intelliget , ovum ſuo per tubam trajectu produci , aptèque ſubitòque tubam dilatari ? Nec certè ita grandium corporum per ita impares anguſtias , niſi alterorum productione , alterarum verò amplificatione , haberi tranſitus poſſent. Quantum in Gallinis aliisſque inſuper volatilibus , *oviductus* foramen , ſive infundibulum , ſit anguſtum , poſt Graafii aliorumque Anatomicorum icones neminem impraeſentiarum latere poſſet : nec latere inſuper , quàm pendula in iis animantibus *oviductus* a racemo , ſeu ovario diſtantia ſit : Et quantum Vitellorum maturorum moles major ſit ( centies fortasſe pluſquam muliebrium ovorum ) *oviductus* foramine . Vitelli tamen omnes per huiusce *oviductus* ſemitam in uterum delabuntur . Quadrupedum organa ſi advertimus ; in brutis variis & praecipuè maioribus , ut Vaccis , *oviductus* extremum , ovario obverſum , pluſquam in mulieris tuba

ba coarctari, re ipsa, atque, prae aliis Autoribus, ex memorati Graafii Tabula, ubi utraeque, muliebres & vaccinae, partes appositae sunt (k) oppidò perspicimus. Quàm verò vaccina ova, exilioribus illis osculis, indèque & exilibus *oviductibus* traducenda, majora sunt muliebribus ovis, quae insuper & per ampliora tubarum ora, & per tubarum sinus etiam ampliores, pertranseunt! Sed quid ratiociniis utemur, aut analogias advocabimus, si res ipsa se palam facit? Notissima Historia Celebris Bussiere (l) foecundati ovi in suspensa supplicio femina, suo adhuc in itinere inter *ovarium* & tubam inventi, ea, quae tradimus, apertè confirmat atque demonstrat, Deprehendi (scribit ille)

„ tubam dextri lateris versùs extremitatem suam praeter solitum distensam,

„ quòdque ea distentio in maxima sua latitudine complectebatur plusquam pollicem unum in diametro, ac versùs uterum sensim diminuta paulo ultra sesquipollicem procedebat. Ea pars hunc in modum dilatata se incurvabat, totumque fere amplexabatur ovarium, cujus

mem-

(k) *De Organ. Muliebr. & in Tab. ab iis deducta Bibl. Anat. Tom. 1. quae XX. est.*

(l) *In Epist. Gall. apud Acta Phil. Angl. 1694. & latine redd. apud Act. Lips.*



„ amplius adnexum videbat  
„ nus tamen cum illud au  
„ adherere adhuc illi depr  
„ tiolum satis durum , per  
„ rebant vasa sanguinea , i  
„ & etiam supra illud dispe  
„ illa vasa foetus materiam  
„ ti ac incrementi recipit ,  
„ ovario , quàm in utero ,  
„ tiolus ille placentae rudis  
„ dubio continet , Quid ha  
„ lidius , quid opportunius ad  
„ comprobendam firmandamq  
„ quae a Scriptoribus hucusqu  
„ runt , exempla reperiri poter  
„ obtentam adhuc , ad ovum  
„ apertam , & quòd maximè , ta  
„ fortunèque dilatatam : En o  
„ datum , adauctum , atque ab  
„ majori ex parte solutum . &

ad ovi mensuram gradatim quoque dilatatur : seu continens vas , juxta contenti corporis crescentes magnitudines , in omnes quoque partes augetur .

Ad *placentam* venientes : hanc perpetuam esse humanorum ovorum omnium sociam & partem , eorumque dimidium , in pilei formam extrinsecus occupare , jam vidimus . Ova in femineis testibus , non secus ac glandes in quercuum arboribus , uno suo hemisphaerio calices eleganter instructos occupant , altero libera sunt : Nectuntur autem calicibus *placentae* interventu ; quae nempe totum illud hemisphaerium involuit , quod in calice immersum est . *Vasculares placentae* radices per *gomphosim* in alveolis , seu areis reticulorum , quos vasa calicum faciunt , infixae sunt . Atque hae a calicibus nutritium sugentes lac , stabiles firmaeque remanent , donec ova immatura sunt : Laxantur verò & vacillant , quum maturescere ova coeperint : Eademque in fructibus atque seminibus plantarum analogia perspicitur . Solvuntur verò exeuntque ab *ovariorum* alveolis *placentae* radices , si a focundi tandem congressus opera , strenuè concutiantur . Ita nempe maturorum in infantibus dentium radices , quae prius firmæ & stabiles in propriis alveolis erant , & ab iis alibiles succos hauriebant , momento ab iis-

de m

*Artificiosus Placentae nexus in Ovario & in utero : ejusque in utero mutationes .*

dem expediuntur, si laxae jam pridem fuerint; nunc porro fortiter excutiantur. Equidem in universo animali genere *placentas* & dentes, unas illas esse partes inspicimus, quas cum aliis partibus stato tempore ne-cti, statoque solvi, naturaliter expediat. An non igitur nostra inter has partes comparatio appositè cogitata dicenda est? Neque enim radicum *placentae* in *ovarîi* aut uteri *sinulos* introductio, quam ipsam *gomphosim*, seu instar dentium connexionis esse dicimus, ad plantarum inoculationem referenda esset, velut olim retulit Cl. Drelincurtius ( *m* ). Inoculatio enim actio est, firmam, stabilem, perpetuam duorum corporum in unum corpus unionem, non verò temporariam, non mutabilem statoque tempore solvendam, intendens. *Placenta* ejusdem ac totum *ovarium*, seu *vascularis* substantiae est: Utrumque enim corpus in aqua diligenter subactum, aut aliter praeparatum, in eandem *villosa-vasculari* compaginem facessit. An non igitur dicendi quoque locus est, *ovarium* velut majorem quamdam atque communem *placentam* esse ( nisi velis cum pluribus primum *ovorum* uterum dicere ) in quam certo tempore minores plurimae ac singulares *placentulae* propriis radicibus infigantur & crescant

(*m*) In *Sistem. de hum. foet. Perioch. XXVII.*



crescant; quemadmodum in plantas plurimas aliae infiguntur *plantulae*; suasque radices inferant, & vegetentur & augetur; se se invicem tamen foras ad quoddam tempus pressurae; veluti plures oppido dentes ad unum alveolum infixi, sese mutuè foras gradatim premunt impelluntque? In comperto illud est, maturas cum ovis *placentas* atque a geniturae effluvio aliquando commotas, suo ab *ovariis* discessu maturefcentibus aliis locum facere; missosque calicum nexus cum uteri poris resumere; tum verò quem proprio corpore dimidium ovorum corticem, radicibus autem suis tanquam eorum bulbum & pediculum in *ovariorum* alveolis praestaverant, eundem in uteri cavea corticem, & in uterinis alveolis bulbum & pediculum, ad eadem ova auctosque eorum folliculos praestare. *Placentosum* porrò ovi corticem, in Mulieribus ab inditis conceptus motibus pro sua quoque parte in *ovario* explicatum & tumentem, & suo quoque tumore in solutiones a calice conspirantem, tum *vascula, intestinulorum tenuissimorum ad instar, contorta*, ut ait Heisterus (\*) exerentem, id esse putamus, quod sub *lutei & glandulosi*, aut *glandiformis* corporis, ovo substrati, nomine ab Aliis describitur. In gravidis & puerperis, quibus lutea corpora valde esse conspi-

D

cua

(\*) *Comp. Anat. de part. Genit. Mulier.*

eua scriptum est, nos nihil lutentm aut glandulosum, sed solum hoc *placentae* vasorum elegantissimum, plerumque albo-rubescens, examen, ovo cuilibet substratum, haftenus deprehendimus. Num fortè lutea Illorum & glandulosa sunt corpora, mollusci quidam velut adiposi pulvilli, ovis, ne crescendo nimium se premerent, interpositi, atque in humidioribus Mulierum *ovariis* non rarò occurrentes? Attamen exiles hi lobuli productaeque striae, ni morbida sint, lutei coloris esse non videntur. Accuratissimi Anatomici, qui castigatis sanè iconibus (n) in Vaccarum aliorumque brutorum *ovariis* lutea corpora explicarunt; in muliebribus tamen *ovariis*, quae in iisdem tabulis designantur & comparantur, nec posuere, nec ponere unquam cogitarunt. Oculatissimus prae aliis omnibus Anatomicis Fridericus Ruyschius substantiam, in muliebrium *ovariorum* calicibus ova ambientem, nunquam luteam, nunquam glandulosam, sed rubram, sed villosam observavit: *Admodum mollis*, ait (o) *villosa, rubicunda, sanguinolenta, sicuti videre est in cavitate uteri post foetus exclusionem, ita ut exclusio ovi ex ovario considerata sit tanquam primus, & ovi partus*: Et inferius

(n) Vid. Graaf. Icones in Tract. mulier. org.

(o) Thesaur. Anat. VI. fol. 24.

rius suum ovarii Archetypum describens :  
In uno, addit ( p ) ex ovariiis vestigium ovi  
videre licet, scilicet ubi ovum est expulsum ;  
calix post contenti expulsionem obsessus est ma-  
teria quam rubicunda, quam olim inveni  
villosam, post ovi exclusionem : Hic autem  
a liquore occurrit compacta, rubicunda, in cu-  
jus medio foramen aut cavitas exigua repe-  
ritur, quam Ego habeo pro osculo cavitatis,  
ex qua ovi contentum est prognatum, quae  
cavitas, jam denuo contracta, foraminis in-  
stas nobis occurrit. Pro ovi contento habeo li-  
quorem, qui in ovis continetur, & membra-  
nulis, Chorion, & Amnio obducitur. De qui-  
bus ergo muliebribus ovis sentiendum sit:  
an de iis, quae invisibilia sedeant in glan-  
dulosis luteis, quae certè in Mulieribus  
non videntur, corporibus : an de aliis,  
tot modis in hoc opere demonstratis, quae  
in quacunque magnitudine, tum verò vel  
immatura sint, vel matura, vel foecun-  
data, ante exitum ab ovario, in exitu,  
& post exitum, semper eadem, & iisdem  
semper partibus instructa praeclarè viden-  
tur; Cordatiores Anatomici, quorum mos  
est non credere, sed videre, ut lubeat,  
judicabunt. Sed de iis alibi. Atque ad hu-  
manam *placentam* redeunt: Illud uti-  
que compertissimum quoque est, *pla-*

D 2

*centam*

( p ) Eod. Thesaur. fol. 27.



vid. Fig. 1. &  
IV.

*centam*, quae in *ovariorum* statione ejusdem  
semper cum ovi tunicis mensurae & pro-  
portionis est, dissimilis subinde proportio-  
nis in utero fieri: Quamquam aliquandiu,  
seu primis graviditatis diebus, juxta *dila-*  
*tationis* tunicarum rationem, ipsa etiam  
ita dilatari videatur, ut quam exilis cu-  
pae formam ad minora habuerat ova, simi-  
lem ad majora, sed ampliorem, adhuc ha-  
beat. *Placentae* vasa, quum *gestationis* processu  
magis ad latera in crassitie rationem, quàm  
in longitudinem augeantur; haec ideo pars  
paulatim contrahi simulque condensari vi-  
detur; donec non amplius dimidium *cho-*  
*rii* seu ovi hemisphaerium, sed minorem in  
dies circumferentiam occupet: At per gra-  
dus in se retrahitur atque spissatur: nam-  
que primum post mensem ovi superficiei  
solum circiter trientem complectitur: Po-  
stea a membranarum amplius crescentibus ma-  
gis magisque restringitur & cogitur: ut tan-  
dem in minorem quidem ambitum, respec-  
tu ad accretam membranarum amplitu-  
dinem, at verò in densum solidumque cor-  
pus orbiculatim colligatur. Quare etsi *pla-*  
*centa* in omnem semper rationem accre-  
scit; cum ejus tamen in latum accretio  
simili membranarum accretione valde mi-  
nor sit, decrescere potius videtur. Interea  
cum accretio *placentae* in densitatem ma-  
jor

jor , in latitudinem minor ; tunicarum vero in densitatem minor , in latitudinem major , in reciproca ratione sint ; eadem omnium incrementi conditio est . Ex iis ergo , quae de *placentae* loco , connexu , fabricâ , officiis , incrementis , in *ovario* & in utero hactenus ostensa sunt , & ulterius figuris ostendentur , mirari subit , quod ii Viri , qui se in foetibus *vasculosam chorii superductam substantiam , villis , tamquam radiculis undique dependentibus & fluctuantibus instructam* , primos delineasse asserunt , non dignoverint , ipsam esse diffusam & subtilem , fermè velut priùs erat in *ovario* , neque hactenus valde contractam compactamque *placentam* : Miramur insuper , quod hanc substantiam *exteriolem esse chorii tunicam* effati sint : Quum tamen in eorum figuris *umbilicalem* funiculum adusque eandem substantiam perduxerint , & in icone foetus trium , quod ajunt , mensium , ejusque *secundinarum* , nulla alia , praeter hoc villosum corpus , *placentae* vestigia designaverint ( q ) . Quisquis verò petas genuinam *placentae* habitudinem cum tunicis *amnio* & *chorio* , postquam illa graviditatis progressu suam soliditatem compleverit ; sic habeto . *Chorium* internam seu concavam *placentae* faciem obtegit : ibidem sub-

D 3

tile

( q ) Vid. inferiùs in explic. Fig. XI. Tab. I.



ticum lenes motus alto accretoque, funiculi artificio non opus fuerat: Immo plus dilatatae ingescentis vasis distributiones, ex latiori calicis area, tamquam plus sparsae plantarum radices ex latiori solo, nutritios succos hauriebant. Sensim verò apparatur funiculus, non tantum quum foetus jam pulsatur cor, sed quum nutritus atque accretionis negotia majora jam sunt. Neque verò in sola latitudinis, sed quoque in *rectitudinis* ac longitudinis ratione, quod ad ejus in utero mutationes, perspicendus *umbilicalis* funiculus est. Hic enim in tenellis foetibus non tantum rectior, sed quoque brevior est: Ita liquores quàm citissimè in foetus feruntur; praecipuè cum foetuum locales motus nulli adhuc, aut saltem insensiles sint. Dum tempus verò pervenerit, quo foetus omnis se movendi facultatis potiri, neque a brevi funiculo, tamquam ab affixa arctius catena, impediri oportet, catenam hujusmodi valde elongari necesse est. Ita *umbilicallium* vasorum complexus, quemadmodum propter expositam causam in funem concinnatur; ita & in omnes suas partes, juxta foetuum incrementa adeptasque vires & motus, magis magisque producitur; productusque, in flexiones & plicas, progressu majores, disponitur: Ad tres circiter *gestationis*



*stationis* menles , cum brevis adhuc sit ,  
 paucas flexiones suscipit : ulterius , cum  
 longior fiat , plures consequitur : Juxta  
 foetuum motus saepè etiam ad eorum colla  
 contorqueri solet : Mediâ praegressâ gra-  
 viditate , etiam si collo implicatus jam sit ,  
 antequam ad *placentam* perveniat , in alios  
 quoque flexus torquetur : Ex iis *umbilica-*  
*lis* funis plicis & angulis alia fortasse uti-  
 litas comparatur : Ex iis quippe aliquando  
 redundantes ob magnam *umbilicalis* venae  
 amplitudinem nutritii latices , non solum  
 atteri attenuarique , sed quoque a nimio  
 in foetum incurso & inundatione cohiberi  
 possunt . Omnia , quae diximus , ico-  
 nibus repraesentantur . Nunc ut eò , undè  
 digressi fuimus , redeamus .

Dierum circiter duodecim humanus *Incrementa fo-*  
 vermis , instar chrysalidum in insectis , *etiam , iconibus*  
 suam videtur metamorphosin incipere . *ulterius demon-*  
*strata .*

Namque ad latera summitatis trunci bi-  
 nae papillae , seu pusilla duo tubercula ,  
 utrinque unum ; duoque pariter , utrinque  
 unum , ad inferiora *caudati* trunci latera  
 prodeunt . Cauda verò jam extenuata ac  
 velut exaresfacta est , ut vix amplius appa-  
 reat . Quum verò contingit sexdecim cir-  
 citer dierum foetus speculari ; superiora  
 atque inferiora tubercula in iis acumina-  
 tiora praestita , seu in artuum exordia jam  
 producta

Fig. VII.

Fig. VIII.

Fig. LX,

Fig. X.

producta videntur; trunco praeterea ampliato, deletâ jam caudâ, facieque in humanam vertente. Ita nobis, viginti dierum foetus inspicientibus, jam hi grandiores apparent, cum crescentibus artubus; adhuc tamen in apicem desinentibus, sinè manu atque pedè; sed inferiori impensèeducta mandibula: lumbi non valdè adhuc expansi. Illi verò, qui vigesimum jam quintum diem attigerant, satis majori, ad priorum mensuram comparata, latitudine & crassitie, cum jam apparentibus lumbis & iliis, deformi quidem adhuc inferiori mandibula, instructi; sed ad mancorum adhuc artuum extrema non solum manuum & pedum, sed digitorum prima jam vestigia praebentes, se produnt: Atque gradata haec artuum, tamquam radicum, a trunco foetus, eruptio, dentibus iterum comparanda est: Hi vel in ipso adulto foetu, trunci sinè ullis radicibus sunt: Has postmodum paulatim exerunt. Porro ad hunc XXV. dierum foetum elegans *placenta* in suos *vasculares* villos soluta, nostris in iconibus perspicitur, & a caeteris secundinis expedita; solaque ad foetus connexum relicta: Lunata haec est; seu segmentum semicirculo minus describens; cum a priore suo ambitu retracta jam sit: Huic appellit funiculus seu potius *fascia umbilicalis*, latè-  
que

que necitur : quae quidem a foetu ad *placentam* aequalis latitudinis est ; tum verò brevis & recta . Aborsus triginta duorum dierum, nobis non ita pridem oblatus , nostroque in Musaeo , ut Superiores caeterique omnes , servatus , ovum gallinaceo non valde inferius repraesentat : in cujus pellucidis tunicis inclusus transparet accumbens foetus , cum valde adhuc lato & *fasciati* ( ut in junioribus iis foetibus plerumque est ) *umbilicalium* vasorum ductu , plicis insuper referto , brevi adhuc & recto , sed inaequalis latitudinis ; cum mancis adhuc artibus & imperfectis digitis ; tum verò distinctis tunicis , eisque appositâ jam valde contractâ *placentâ* ; & in insolitos , at elegantes *vasculares* lobos concinnatâ . Singularis in tenello hoc foetu inferior mandibula est ; quae nempe vix longitudine deformis , sed ferè naturalis conspicitur : Quod certè in aliis foetibus , qui tribus mensibus minores sunt , plerumque videre non licet . Triginta sex dierum foetus neque adhuc satis elongatos perfectosque artus , manusque & pedes eorumque digitos , porrigit : Ita fermè qui quadraginta dies consequutus erat ; ut ut magnitudine superiori major : quem nos , ut & priores atque sequentes aliquos , stantem rectumque in iconibus exhibemus :  
quam-

Fig. XI.

Fig. XII.

Fig. XIII.



Fig. XIV.

Fig. XV.

Fig. XVI.

Fig. XVII.

quamquam in uteri cavea alia eorum positio est. Ita aptius eorum dimensiones apparent. Porro gemellos quinquaginta dierum ad nostras icones adijci curavimus: in quibus quidem jam grandioribus, artuum, trunci, capitis justam aliquando completamque conformationem & proportionem perspicere est. Accedit indè foetus duorum mensium cum dimidio: ut ejus magnitudinem, tertiâ circiter parte superiorum gemellorum magnitudine majorem, videamus: Hic suam *placentam*, *umbilicali* funiculo adhuc continuam, ostendit: At verò funiculus non valde elongatus, neque ideo valde flexus erat. Trium postea mensium cum dimidio, & quod excedit, foetus in ea, quam tener in utero, naturali positione exquisitè repraesentatur; cujus jam longior *umbilicalis* funiculus non tantùm collo, sed aliis quoque partibus inflectitur. Denique foetum in utero matris, subito morbo extinctae, mortuum quoque repertum, dies aliquot ultra mediam graviditatem gestatum, jamque in utero versum, porrigimus: ut genuina foetus cum utero post mutatam positionem habitudo in propatulo sit. Foetus ad majorem claritatem a suis tunicis expeditus est. Uterus in interno revoluta latere nexam adhuc *placentam* praebet; & foetum proximè

proximè amplectitur . Neque tamen tanta uteri ad contentos foetus accessio , ac fermè ubique contactus , naturalis esse solet . Sed foetu , qui ad oculos est , sub matris vitam vexato , exitumque & abortum fortasse moliente , cum ruptae tunicae , & aquae *amni* defluxae fuerint , uterus ab iis antea extentus , demptâ effusi liquoris resistentiâ , robustum suum in contractionem naturale momentum egerat ; ut , totâ suâ constrictâ cavitate , propior superstiti foetui evaderet : Vas enim istud tantarum in contractionem est virium , ut vel demortuum , & extractum , & impletum , urgeat in implentia corpora ; eademque obstringens , adhuc strenuè contrahatur . In hoc foetu , cum *umbilicalis* funiculi longitudo jam mutata sit , grandiores ejus plicae videntur . Neque in aliis ulterius depromendis foetibus ex tot tantisque , quos ex omni graviditatum tempore & genere curiosè collegimus atque servamus , brevi hac historia immorari juvat : cum statae tabulae ad naturales eorum omnium , praecipuè maturiorum , imagines habendas , nimis angustae fuissent : Tum verò cujuslibet *gestationis* mensis , aut intermedii temporis , adusque maturitatem & partum proportionales foetuum , quae eorum incrementa & magnitudines respiciunt , ab iis figuris

figuris, atque ab expositis crescendi legibus deducere, proclive sit. Sed ea, quam in icone ostendimus, versio foetus in utero, & capite in cervicem prolapsio, tanti in graviditatibus, immo in ipsa praxi, momenti est, ut post allatum exemplar, ab hac re, quibusdam animadversionibus adhuc exquirenda, abstinere non liceat. Nam quae dicta superius jam fuerant, eam satis illustrasse non videntur.

*De foetus versio-  
ne in utero.*

Tempus, quo foetus in caput volvitur, cum ab ejus matrisque motibus dependeat, videtur fortuitum incertumque esse. Caput, quod caeteris partibus majus & gravius esse jam diximus, si cum illis aequilibrium amittat, & propensionis linea, a capite per centrum corporis *perpendiculariter* ad ejus basim protensa, extra basim exeat, tunc caput deorsum volvatur, eodemque tempore sursum aliae partes, vel ipsis lubricis ambientibus *amni* aquis juvantibus, ad capitis locum ascendant, necesse est. Sed quò motus foetuum accrescunt, eò majorem operam adhibent ad capitis, naturaliter ad anteriora jam propendentis, inclinationem ad eadem loca eiendam. Itaque inversionem hanc, certè ad commodiorem partum a naturae legibus institutam, ab ipsis foetuum vitalibus motibus elicitam, omnino naturalem esse dignoscimus.



gnoscamus . Haec porro post satis explicatum foetum, debiteque in suas partes completum & extensum, quolibet mense accidere potest; ex quo foetus acceptis viribus in corporis motus nitatur: Idque Anatomicis inspectionibus comprobatum est: Namque in quibusdam Mulieribus gravidis, repente sublatis, trimestris foetus jam in caput deciderat. Quo foetus invertitur momento, ad anteriorem uteri partem valde protenditur; atque hinc loci velut pendulus, non satis, ut par est, innititur atque fulcitur: Unde ex quolibet, vel levi, infimi ventris matris incurfu ictuve, tunc foetus mors, vel abortus sequi potest. Ita Hippocrates: *Incipit laborare puer ante partum; & interitus periculum subit, quum in utero vertitur* ( 1 ). Post lapsum caput foetus suo pondere adhuc descendens, uterinae cervicis alterutram circumferentiam premit, eique, velut basi, firmiter infigitur: Qua de re ab anteriori parte aliquantum recedens, tutior fit: Neque ex modica vi, ut antea, abortus produci poterit. Si vero foetus ante sextum mensem non volvatur, ob jam adeptam molem & extensionem, ab uteri lateribus undequaque constrictus, suspenditur & a casu impeditur: Quapropter foetus isti vitioso laboriosoque partu nascuntur

Fig. XVII  
Lis C.

( 1 ) De trimestri Partu .

euntur . Peraçtâ conversione foetus in utero , ejusque capite ad ejus cervicem delapso , hoc certè ab introducto in vaginam uterique osculum peritè digito faciliè explorari , quocunque graviditatis tempore posset ; nisi osculum propriâ solidâque contractione clausum , versùs anum inflexum , densè rugosum , & tenacissimo insuper glutine obliqnatum esset . Reperiuntur tamen dexterrimæ manus , quæ ita impeditum & incurvum uteri hiatum tenui obtuso , & quâdam formâ instructo specillo, sinè gravi gestantis feminae incommodo superare posse , & foetus , vel tenerioris, caput propè tangentes , de graviditate judicium ferre, pollicentur : Sunt porro & Maleficæ , quibus acuto introducto instrumento , vacuari aquas , abortum edi, immo foetum , matre incolumi , interfici, fama est . Sed maturo foetu atque imminente partu , etiam ante aquarum effluxum , cum jam laxatum , extenuatum dilatatumque matricis os , tum verò jam antèriùs directum & satis a glutine expeditum sit , vel ipsæ vulgares obsetrices induceto digito ad caput infantis perveniunt . Quosdam caeterùm novimus , qui in anum explorantes , cujuscumque temporis graviditates palàm facere consueverant .

Quam

Quam hæcenus diximus , prima homi-  
nis vita est ; ea scilicet , quam in uteri  
latebris agit : Altera deindè sequitur , dum  
partu in apertam lucem emergit : Sed utra  
præstantior sit , vix dicere auserim . Foetus  
in obscura vita imperfectus adhuc homo  
est : attamen a naturalium functionum per-  
fectissima , seu generatione , componi in  
hominem coepit . Natus autem homo ali-  
quandiu quidem perficitur : demùm verò  
in imperfectissimam pessimamque omnium,  
moriendi functionem dissolvitur . Atque hu-  
mana generatio non eò solùm admirabilis  
est , quòd per subitam evolutionem vitæ  
initia recludat : sed quoque admirabilior ,  
quòd vitam hanc innumeris aliis atque diu-  
tinis evolutionibus jamdudùm paraverit .  
Namque ex ea , quam vidimus in huma-  
no germine , vix credibili artuum omnium  
velut ex nihilo prodita , & celerrima expli-  
catione in crura , brachia , pedes , manus ,  
digitos omnesque partes , an non itidem  
caeterarum partium evolutiones atque emer-  
siones , antequam sensibiles fierent , pede-  
tentim & per tot illos gradus , quot ab  
ovorum creatione , naturalium rerum exor-  
diis coæva , adusque eorum completam  
maturitatem requiruntur , processisse diju-  
dicandum est ? Cum verò in puncto , an-  
teà oculis omnibus inaccesso , singulae distin-

*Arceutibus &  
postremis in trah-  
co foetus evo-  
lutionibus ve-  
tustiores in ova-  
riorum serie al-  
tioresque com-  
probantur.*



Etæque *embryonis* partes reverà fuerint comprehensae; quae tamen deindè tam latè explicantur, conspicuae fiunt, atque in molem amplificari valent; an erit adhuc dubitandi locus, nascendorum hominum ova atque germina, non quidem in generatione construi & formari; sed jamdudùm elaborata, *vegetabilium* adinstar, solummodò explicari & evolvi?

Multae actiones & instrumenta, coitus momenta, ad humanam generationem conspirans.

Atque utinam generatio humana neque tantà partium evolutione, neque tanto actionum, quae momento temporis fiunt, numero admirabilis esset; ne tam crebri in Feminis, falsi infaustique conceptus acciderent! At nimis fanè summa & mirifica sunt, omnemque cogitationem facilè superant, quae generationis momento peraguntur. Omnia mulierum genitalia organa intendi, atque in se retrahi conantur: Uterus per ligamenta rotunda inferiùs ad viriles partes deducitur; simulque lata ligamenta, tanquam proprias aponeuroses, musculosum hoc organum ad se trahit adducitque; & hoc modo ad latera quoque se ipsum suasque appendices retrahit: Latior extrema pars, libera mobilisque tubarum, seu *oviductuum*, qui ad peripheriam centri horum duplicium motuum sunt positi, versùs hoc centrum adducitur; &, ob artificiosam latorum ligamentorum connexionem

xionem , ad tumidiora , seu maturis ovis referta, *ovariorum* loca deflecti, iisque affigi, necessum est . Eodem tempore geniturae virilis effluvium , uteri vaginam , cervicem & fundum , *oviductus* , *ovaria* praeterit; matura ova appellit, foecundat: Quae illicò valde tument; vim faciunt; prodeunt; & per *oviductum* , uterum versùs feruntur ( quod fusiùs alibi nobis dictum est (u) ) . Haec omnia nonnisi letorum feliciumque complexuum tempore ab innumeris & subtilissimis artificiosarum partium machinamentis praestari intelligimus. Quae cum ita sint , id mulieribus saepissimè , quod minoribus plurium rotarum, aliarumque machinarum ordine, contextis horologiis evenire solet: quorum harmonia eò faciliùs labefactatur , quò subtilior est . Et feliciores in brutis animantibus conceptus & partus succedunt , ob simpliciore fortassis , quàm in mulieribus , firmioremque genitalium eorum partium structuram .

## E 2

( u ) *In Thes. de novis in genitalibus partibus edit. ann. MDCCXXXVIII. : tum in nostr. human. foet. Tract.*

68  
 PARS ALTERA  
 VITIOSA GENERATIO:

*Vitiis generati-  
 onis generati-  
 onis causis.*

**E**Quidem inter Muliebria Instru-  
 menta, quae in humana gene-  
 ratione, foecundoque amplexu,  
 ab illo motuum & actionum con-  
 centu aberrare possunt, *ovaria*, tubaeque  
 primas tenent. Harum enim in primis par-  
 tium erroribus extra uterum graviditates  
 ita frequentes sunt, ut earum copiam  
 animadvertens Politissimus Scriptor, qui  
 neque Medicus est, Celeberrimus Fonte-  
 nelius tradiderit: „ Des foetus hors de la  
 „ Matrice ne sont pas aussi rares, qu'il se-  
 „ roit a souhaiter „ (x) *Ovaria*, ut ova  
 illa plurima, quae in dies maturescunt &  
 tument, tueri firmitus, aptiusque contine-  
 re valeant, firmâ & duriusculâ tunicâ in-  
 structa sunt: Haec ideo foecundati ovi  
 pressionibus nisibusque interdum non ce-  
 dens, idque intus retinens, *testiculares*  
 inferre graviditates potis est: & maximè  
 si testes, a laboriosis ac violentis partu-  
 bus distortionem, contusiones, decorti-  
 cationes, aut affectionem aliam quamli-  
 bet fuerint passi; undè succingens mem-  
 brana

(x) *In observat. Anat. ad Histor. Reg. Scient.  
 Paris. Acad. ann. MDCCXIV.*



brana durior, & velut callosa sit facta: vel si foecundata ova, prope *ovariorum* cum proprio ligamento nexum, fortè sita sint: Hoc enim loco duplicata ab expanso coalitoque ligamento tunica, densior solidiorque est. Sed cum multo major *ventralium*, ut dicunt, quàm aliarum omnium extra uterum graviditatum sit numerus; Tubarum errores *ovariorum* erroribus crebriores esse putandum quoque est. Crebriùs enim ex tubis foecundata ova decidunt, quàm in *ovariis* vitiosè servantur. Faustum equidem feminis, si quae ova a testibus per tubas in uterum progressura fuerant, a tubis succussa, vel aliter delapsa, aut rejecta, ideoque in ventrem cadentia, languida & lubrica maneant; neque alicubi adglutinentur, sed marcescant & pereant: ut ex opposito deploranda sanè calamitas; si vegeta sint, atque obviarum partium tenacia; iisdemque adnata & fuccreta, in infausam praegnationem evadant: primum tamen bono Mulierum omine compluries contingit. Namque cum tot facilibus modis ovorum trajetibus deficere humani *oviductus* possint; si quae ex iis ova decidunt, alicubi ventris omnia aut plura conciperent, mihi sanè naturalibus vitiosi crebriores fore conceptus viderentur. Cum

enim in vegetarum bonaeque aetatis Mulierum, utriusque simul testibus 30. 40., imo 50. & amplius, ova plerumque deprehendantur; in maturis, neque amplius parientibus, multò plures certè, quàm foetus fuerint editi, ad testium ambitus cicatrices cum solitorum foraminum vestigiis, & inanibus subter calicibus deprehendantur; in vetulis verò nulla amplius plerumque ova sint; Major profectò fecundatorum ovorum numerus cecidisse in ventris caveas, ibidemque periisse; minor, ad foetus, indèque homines efficiendos, transisse in uterum videtur. Et fortè, ut in plantarum & brutorum, ita & hominum generationibus altum Divinae Providentiae consilium est suspiciendum: Quòd dum eorum omnium *ovaria embryonibus* refertissima sunt, ut nunquam quorumcunque viventium semina deficere possint, eae quoque inductae sint causae, quae quidem, ne angustus terrarum orbis nimis viventibus obruatur, multam eorum partem a conceptione subtrahant & impediant.

*Vitiosarum graviditatum causa non infima esse potest, tum in Mulieribus ab ovatio distantia, &*

Porro Mulierum *oviductus*, undè potissima in iis vitiosarum graviditatum est causa, illius, quod ad *ovarium* & quod ad se, conditionis est, ut vel ovum non excipiens, vel exceptum non traducens,  
ab

ab opere suo modis plurimis declinare  
 queat . Primùm enim , quod ejus ad *ova-*  
*rium* habitudinem spectat , nimia in mu-  
 liebri genere tubae ab *ovario* distantia &  
 libertas esse videtur . Namque cum haec ad  
 anticas , atque posticas rotundi aut subrotun-  
 di *ovariorum* corporis diversas partes & fa-  
 cies admoveri debeat ; ut matura in diversis  
 iis sedibus , ac foecundata ova excipere  
 valeat ; ad plurimam ejus longitudinis par-  
 tem ita libera & vaga est ; ut non tan-  
 tùm ab *ovarîi* sedibus latiori suo extre-  
 mo , seu tentorio , valde dissita , in ven-  
 tris caveam , & adversâ plerumque ad  
*ovarium* positione ac directione hiet & pro-  
 pendeat , sed cum *ovario* nullis , qui fir-  
 mi stabilesque sint , alligetur modis . Et  
 sanè in Mulieribus , neque per extremas  
 fimbrias , neque per musculares fibras ,  
 neque per alia vincula vagum istud & in-  
 constans *oviductus* orificium cum *ovario*  
 connectitur . Quidam profectò per liga-  
 mentum latum dispersus , tubisque & *ova-*  
*riis* interpositus , nervulorum implexus oc-  
 currit : sed quid ad inducendos harum  
 partium in foecundo coitu constantes con-  
 tactus nerveis illis funiculis tribuendum  
 erit ? An nervorum motus muscularium  
 fibrarum potestatibus est par ? An arbitra-  
 rius esse poterit , seu alicui temporaneae

*mobilitas ,  
 inconstanti*



contractioni obedire valens? An, vel si proprius in nervis motus ad operam excitari posset, hic *nerves* in diversos ordines dispersa fila ad unam, & eandem directionem adigeret? Quamobrem tubae ad *ovariam* intentio, accessio & contactus, fortuita esse videntur; nimirum tamquam casu praestita a communi genitalium partium in voluptuario congressu tensione, atque in se omnium contractione accessioneque. Facile est igitur, tubam, aut non firmè, aut non rectè satis, debito *ovarii* loco applicari; aut si applicata sit, citius removeri atque flecti; antequam debitus in ejus orificium ovi trajectus fiat.

Et ipsae quoque tubae naturalis compositionis, & fabricae; tum tunc utriusque summe.

Sed quamquam ovum excipiat tuba, quot insuper difficultates in eadem tuba superandae sunt! Neque enim sola ejus sedis mobilitas & inconstantia, liberae tubaeque ovorum trajectioni obstare potest; sed ejus insignis longitudo, tum praecipue flexuosa habitudo, inaequalis capacitas, & maximè, valdè strictus & angustus ad ejus versus testes extremum appositus angiportus; strictissima verò angustissimaque minor ejus, seu cum uteri fundo communicans extremitas. Namque, ut irregulares plurimae tubarum cum latorum ligamentorum laminis connexiones; hinc productae in earum

rum caveis curvitates & anguli, totidem superandas ab ovis in tanto tramite angustias obijciunt; ita in iis angustiarum locis pinguis tubarum mucī collecta interdum quantitas densataque, insuperabilem aditum facit. Circulus ille velut tendineus, qui ponē tubae tentorium, seu pelvim, ejus diametrum insigniter illicō obstringit, tantae interdum contractionis & resistentiae est, ut ova illic perventa, traici ulterius non queant; sed in ventrem necessariō decidant. Quid verò dicendum non esset de nimis persaepe lubrico, tentorii intimam faciem ungente latice; ut immissa jam ova ad usque labendi necessitatem lubricentur; aut ita glutinoso, ut ova implicet, & ab ulteriores trajectu vetet; aut de mala hujusce *tubariae* pelvis atque infundibuli habitudine, quā quidem haec pars constricta nimium, aut relaxata, ovis ulterius urgendis inepta sit? Quid de majori illa ad tubae ingressum in uterum angustia, praecipue si aliquo lenti succi congestu augeatur? Addite memoratam in tam longo tubarum ductu flexibilitatem liberrimam: Addite internam plurimam tubarum naturalem *rugositatem*; quae quidem, ut in intestinīs fit, ab interna tunica, plurimum super externam diffusiori, producit. Ita

si tubae , aut a primordiis , aut per vitium indè aliquod , aut etiam succretum morbum , velut per divulsiones in partu, decorticationes, inflammationes, aut aliam quamlibet affectionem , ad aliquam latiligamenti partem , praeter naturales connexiones , strictius solidiusque coalescant; aut etiam alicui *ovariorum* lateri ab origine , aut per subsequenter morbum adnatae , aut caeterum ( ut saepius assolet ) *peritonaeo*, omento , imo intestinis aliisque partibus ita implicatae nexaeque sint , ut foecundi conjugii tempore ad *ovarii* contactum & accubationem accedere , liberèque pervenire non possint ; ova utique ab *ovariis* egredientia , ab iis non excipientur : ut ideo in ventris caveas delabi necesse sit . Haec verò vitia , vel in alterutra , vel in utraque tuba esse possunt : ut ideo memorata casus ovorum discrimina , completa, vel incompleta sint. Hujusce succretae connexionis tubae cum *ovario* exemplum inferius in altera *Taurinensis* Feminae Historia videbimus. Hic verò advertemus , vitiosas utrarumque tubarum habitudines , si ad illum obstructionis gradum pervenerint , quo nihil omnino per eas transire queat ; aut ad eam cum vicinis partibus implicationem, quâ nullo pacto ad *ovariorum* contactum acce-



accedere possint ; tunc constantis etiam sterilitatis causas esse. Quare in naturaliter, aut progressu aetatis, steriliū Mulierum apertionibus saepe visi sunt tubarum tumores ; aut ab attiguis tumoribus constantes pressiones ; aut aliae a praeviis inflammationibus, aliisve morbis organicae affectiones : stabiles insuper earum distortionēs ex laboriosis praehabitis partibus : tum eadem interiùs omninò arctatae atque coalitae : aut a propriis sedibus luxatae . Potissimùm verò orbicularis laudatus limbus, totius tubae extremum angustans naturaliter & constringens, in utraque tuba coalitus, frequens sterilitatum causa visus est . Iis accedunt & alia horumce canalium vitia, ad ciendas sterilitates non minùs facientia : velut *spasmosae* tubarum contractiones, aut paralyes, aut ariditates ab irrorantis mucilaginis defectu ; aut è converso nimia lenti hujus succi copia, aut tenacitas ; aut gravis alia depravatio, aut vitiosa positio . Ita in publica hujus anni *Anatome* genitales Mulieris partes ostendimus ; quarum tubae non tantùm latis in ligamentis velut sepultae erant fortiterque coalitae ; sed earum latiora extrema adeò ad mediam ipsam uteri fundi externam faciem fuerant omninò inflexa

xa

xa, suasque ibidem fimbrias atque tentoria alligaverant; ut difficillimè disjungi potuerint. Et sanè haec Mulier, ut ut de venerea re benemerita, nunquam conceperat. Quapropter ex iis, quae occurrunt, organicis in tubarum cavea & connexibus, praeterquam in vagina uterique osculo, fundo aut substantia, sterilitatis causis, inferre juvat; virilis geniturae effluvium rectà per uterum & tubas ad *ovaria*, ovaque in iis contenta foecundandaque ferri. Nam si a pudendis & vaginâ, per universi circuitus vias primum in sanguinem, deinde in *ovaria* conheretur genitalis hic halitus; memorata quaelibet tubarum vitia non quidem sterilitatis, sed *ventralium* dumtaxat, aliorumve vitiosorum conceptuum causae esse possent.

*Intemperantiae  
utriusque hu-  
mani sexus, ad  
vitiis quoque  
gravitates co-  
tribuire valent*

Attamen dum vitiatarum muliebrium generationum causas, praecipuè in tubarum erroribus inquirimus, an non quidpiam fortè jacturarum, quae ovis adveniunt, aliarumque eorum calamitatum, ipsis in coitu intemperantiis hominum tribuere datum esset? Nam facite, quòd uno efficaci congressu maturum ovum foecundatum, commotum inflatumque, atque ad egressum ab *ovario* promptè excitatum sit; & tuba ad *ovarium* intenta, suisque apertis

apertis Productisque fimbriis, tamquam totidem praetentis digitis imò potius manibus , adversus ovum , in ovario tandiù gestatum , jamque nitens in partum , solemnem primae obstetricis operam jam aggrediatur : Tum verò alius intempestivè succrescat fervescens congressus ; qui protinus spermaticas partes in alios concitans motus , ligamenta uteri quatiat , hinc cum caeteris partibus liberio rem tubam inprimis concutiens , a suscepto super ovarium sui generis incubatu dimoveat atque deflectat , rigidiores denuo praestando ; an non de maximo ovorum , tubam jam ineuntium , discrimine cogitabitis ? An non proclive erit inferre , tubam , quo momento a priùs assumpta ad firmum cum ovario contactum curvitate erigi jam debet , ut suscepto ovo rectum inde aptumque , per inclinatum velut planum , iter apparet , denuò potius incurvari ; hinc ovum ab inito itinere succutere , semovere , deturbare , imò ità faciliè emovere ; ut quo promptu ova ab ovariiis in tubae infundibulum transferant , eodem quoque , aut a teste , aut a tuba ipsa , in ventrem delabantur ? Equidem id saltem brutis omnibus commune propriumque est , ut haec foecundum coitum aliquando habitum , repetitis statim aliis non inturbent & perdant . An non inter vitiosarum gravidatum



mè rectà apponitur , atque servatur : tum  
verò *oviductus* , vel propriis membraneis  
productionibus , vel musculosâ substantiâ,  
vel etiam *ligamentacâ* , proximè cum ip-  
so *ovario* connectitur. In volucrum genere,  
quamquam *oviductus* foramen , seu contra-  
ctus limbus , a racemo , seu *ovario* , plu-  
rimùm dislet , & valde liber sit ; ut  
nempe ad omnes , & singulas ejusdem fa-  
tis expansas partes , pro latè diffusis ex-  
cipiendis ovis , aptiùs moveri atque expa-  
tari queat ; suâ tamen latissimâ productio-  
ne , quae imò ejus motus dirigat , cum  
ipso quoque *ovario* firmè coalefcit : ejus  
verò post foramen progressus semper am-  
plior evadit : Tum in avibus *ovariorum* fermè  
plana sunt , & undique aperta , seu ad  
unum liberumque velut tabulatum com-  
posita : neque iis ideo *oviductus* in tantos  
flexionum modos , mirabili , ut ita dicam,  
industria contorqueri debet ; ut debet in  
Mulieribus , ad ova , in diversis , immò  
oppositis , *ovariorum* orbis plagis sita , ex-  
cipienda : qua de re , ut quamminimè  
errare posse *uterina* brutorum in genere  
tuba videtur , foecundatum germen ab  
*ovario* in uterum devehens ; ita muliebris  
tuba quammaximè . Atque ut ad libe-  
rum ovi trajectum tot impedimenta esse  
queunt , quot memorata ea sunt , per quae  
humanæ

humanae tubae a brutorum tubis discriminantur; sic dum vitiosae graviditates, magisque sterilitates, in mulieribus frequenter adveniunt, generatim in brutis rarae admodum sunt: Quamquam in majoribus brutis, ut vaccis, equis, aliisque ob maiorem in iis tubarum, saltem quod ad longitudinem & angustias, cum muliebribus similitudinem, non tam rarae sint. Ita brutorum huiusmodi infœcunditates heris laepe & parariis negotium facessunt: & Accuratissimus Genuensis Anatomicus *Fasce* nobis ante hos duos annos referebat, vaccam in tuba praegnantem vidisse: sed quoque praegnationem hanc inter insolentes eventus numerabat.

Cur verò brutis ad *gestationes* tanta commoda data sint, & tanta Mulieribus discrimina: & an haec muliebri originali culpa, praeter dolores partus, succre-  
ta adhuc alia censenda sit poena: id dum mystici Homines viderint; nos ex iis quae diximus, varias vitiosarum generationum, seu graviditatum species jam deducemus. Vitiosa igitur graviditas triplex est: externa, interna, atque intermedia: externa, quae extra viscera in ventris cavea defigitur; & foetus cum *secundinis* ad eorum facies solum connectitur; & *placentae* radiculæ eundem cum eorum nutritiis va-

*Vitiosa generatio, seu graviditas, in varias suas species distinguitur.*



sis connexum, quem cum uterinis vasis obtinere solent, idemque commercium ineuntes, accrementa foetui naturalium similia contribuunt : atque haec *ventralis* simpliciter graviditas nobis dicta est : quae in *ventralem* minùs externam, & *ventralem* magis externam, tum insuper in superiorem, & inferiorem subdistinguitur : Minùs externa, quum foetus, ejusque involucria in viscerum spatiis nonnihil profunda sunt : magis externa, quum illa magis extrinsecùs, seu velut *subcutanea*, jacent : superior, quum regiones abdominis, supra pelvis caveam sitas, conceptus occupat : inferior, quum inter confinia pelvis, seu infimae ventris cavitatis, consistit : in iis omnibus foetus debito tempore non extracti, vel exsiccantur, vel putrescunt, vel neutri manent . Interna porrò vitiosa graviditas illa est, in qua etsi naturale, foecundatumque ovum jam ab ovario per tubam in uterum transierit ; hoc tamen ovum, vel in molam, vel in falsum germen, vel in monstrum facessit : vel etiamsi foetus in ovo explicatus & accretus, in haec vitia non cesserit, brevius tamen quàm par sit, aut diutius, in utero immorans, nec solito naturalique partu exclusus, vel per abortum expellitur ; vel in hoc vase sensim exsiccat, atque, ut ajunt, *coriaceus*



*viaceus* fit ; vel putrescit : Putridus verò , vel per uteri vaginam & pudendas partes integer , aut membratim excernitur ; vel ipso tandem quoque corrupto abruptoque utero , in ipsam ventris caveam irrumpit . Ad internas quoque vitiosas graviditates referendae illae sunt , quae vel in interna ipsa *ovariorum* substantia , vel in interna tubarum cavitate sunt . Media demum vitiosa graviditas illa est , quae vel inter *ovariorum* substantiam , ejusque succingentem tunicam ; vel ad exteriorem tubae caveam , ante ejus *tendineae* circuli ingressum , seu ad tubae tentorium efficitur : media verò dicitur , quoniam neque interna est ; ut quae in uteri fundo , aut solida *ovariorum* substantia , aut interna tubae cavea celebratur ; neque externa est , ut *ventrales* dictae . Illa porrò a Philippo Salmuth ( *z* ) & Casp. a Reies ( *a* ) relata graviditas , in qua foetum per os partum fuisse legitur ; eademque a Maroldo ( *b* ) mirabilior indè facta , ex partu per eundem locum triplici in eadem femina descripto , primo foetus cum *placenta* ; altero foecundati ovi , & tertio novae *placentae*

F 2

tae

( *z* ) *Cent. 2. obser. 94.*( *a* ) *Elyf. juc. quaest. 91.*( *b* ) *Ex Rulaco : Traité de l' Operation César. Cap. XIV.*

*tae*, & integrorum ossium partiumque novi foetus; tum verò ab aliis per similes narrationes firmata: & illa in urinali vesica praestita (c) nos non solum cuiusdam vitiosarum graviditatum generi referendae sint, profectò ignoramus; sed quoque neque eas intelligere, imo nec credere, lubenter confitemur. Cum verò harum omnium delinquentium *gestationum* aliquod asserere peculiare exemplum non abs re esse videamus; caeterisque longè crebrior *ventralis* seu externa graviditas sit; ad hanc Provinciam implendam se primùm praebet appositè prior illa earum, quae nostris diebus visae sunt, celebrium Taurinensium *ventralium* graviditatum: atque inter illas superiores *ventrales* ea est, quas magis externas, seu *subcutaneas* dicimus.

Ventralis graviditas Taurinensis Feminae.

Angela Francisca, Alexandri Morani Periti Taurinensis Chirurgi Coniux, minuta, *picrocola*, aetatis annorum XXVI., Februario mense anni 1714., jam dudum a ventre, maximèque ab *umbilicali* sede, impensè, non assiduè, dolebat: Nonum graviditatis mensem tetigerat; eademque antegressis mensibus passa, quae in quatuor aliis maturè gestatis filiis, & bene partis sustulerat: Idque desuper, quòd in hac postrema praegnatione ad flaccientes, ac

semper

(c) Eph. N. C. Cent. 3. & 6. obs. 20.



semper inanes mammas lac nullo modo accesserit ; tum verò ventris tumor superiora solum loca , potissimum *umbilicalia* , occupaverit , vacuâ relictâ *hypogastricâ* sede . Diuturna praeterea fuerat spirandi angustia , constantes nauseae , crebri vomitus , crebraeque *anomaliae* febres . Dolores postea dies aliquot temperati sunt ; solitique , qui nonnihil torpuerant , redditus foetus motus : recreſcebant tamen cruciatus ad quartam Martii mensis diem : indeque saeviores , ad lumbos atque *uterinas* partes gliscebant . Quare se partui proximam putans femina , accersiri obstetricem curat : quae postquam aptè puerperam collocasset , manuque in vaginam intrusa , cervicem uteri , quam partui paratam censuit , asperius , quàm decuisset , obstetricari nisa est ; multa ex hoc loco diuturnaque sanguinis effusio successit . Succrevit vomitus cum nauseais perpetuis acerrimi , plerumque inanes ; *cardialgiae* ; spirandi difficultas ; ardentissima febris , cum siti , calore atque vigiliis perpetuis : quibus addebatur dolor , a scrobiculo ad umbilicum impensè divellens & lanians . Accersitus ipse ; atque antecedentia , & adjuncta quaelibet illumque imprimis cruciatuum principem stabilemque locum , ejusque tumoris rationem seriò perpendens , de *ven-*



*trali* graviditate cogitare coepi . Certiora tamen super hac re signa cupiens, Chirurgum de *Roy*, in obstetriciis quondam peritissimum, advocari jubeo . Hic uteri osculum diligenter speculatus, id non dilatatum, non explanatum, non extenuatum invenit, ut maturis atque imminentibus *atetinis* partibus esse, necesse est; sed a consueta illa in non gravidis angustia nullo pacto immutatum: ut ideo de graviditate extra uterum omnino statuendum fuerit . In iis salebris etiam superaddito expertissimo D. Calvo, tunc Chirurgus, rerumque Chirurgicarum eleganti Scriptore, postea Medicinae Doctore a nobis renuntiato, nunc Sacerdote piissimo, & eximiae doctrinae Filii, Collegii Doctoris optimi, felici Patre; eodemque in consilium adhibito, unâ rei summam Marito aperiebamus: nimirum: Foetum *ventralis* conceptus esse, eumque in ultimo vitae agone positum: In extremo, simulque inani internarum virium pariendi nisu nihil superesse tentandum, praeter parvum, seu, quem ita ego appellare soleo, externum caesareum partum; eoque magis, quod, aliquo adhuc vitae foetus elucente indicio, & Matris & Filii incolumitati prospici unâ operâ posse videbatur . Sed, *voleffe il Cielo, che alle sue persuasive* ( de me ait feminam vi-  
sente

sente , consulenteque laudatus Calvus )  
 ( d ) *avessero ceduto in tempo le repugnanze  
 domestiche , e dell' Ostetrice .* Nostro igitur  
 ( malâ sorte ) non statim , ut opus erat ,  
 expleto consilio , aliud indè , praeter do-  
 mesticorum atque obstetricium difficulta-  
 tes , eidem adversatum est . Namque ac-  
 cerbissimi , super priores omnes , extemplò  
 surrexere dolores : quos nonnisi partus es-  
 se , seu eosdem illos , quibus pepe-  
 risse aliàs solita fuerat , misella exclama-  
 bat : immò peperisse jurasset : cum ab  
 hoc summi cruciatus puncto omnes illi  
 molestiae sedatae fuerint : nec pristinos il-  
 los , ad *umbilicalem & epigastricam* regio-  
 nem semper incommodos , foetus subful-  
 tus , immò nec minimnm ejus motum am-  
 pliùs senserit : & vomitus , qui priùs  
 perpetui fuerant , eodem inomento pla-  
 nè subsederint . Atque post illud tem-  
 poris nonnisi immobile pondus se gestare  
 in ventre percepit femina ; idque , quum  
 ad alterutrum latus decumberet , instar  
 lapidis dilabens concidensque . Adhaec  
 verò post diem unum augetur febris ; post

F 4 alterum

( d ) *In Epistola ad Anellium , edita in ejus-  
 dem Libro : Suite de la nouvelle Metho-  
 de &c. , & in alia Epist. : Lettera Istori-  
 ca di Paolo Bernardo Calvo &c. Tori-  
 no 1714.*



alterum acutior ardentiorque fit , cum deliquio frequenti , immani siti , crebrâ mentis alienatione , delectu virium , nunc luridâ , nunc rubeo-plumbeâ facie : quodque rei caput est , halitus oris teterrimè fetet ; & assiduus ex utero liquaminis , fetentissimi seu *cadaveracei* odoris , fluxus animadvertitur . Ex iis igitur non solum dignovimus , maturum foetum in sui generis partus conatibus , & in illo dolorum apice , a necentibus , & alentibus ventris partibus unâ cum *secundinis* semotum divulsamque , indeque mortuum fuisse ; sed jam in praecipitem corruptionem evadere : tum verò foetus sedem cum *uterinis* partibus communicare ; cum ex illa in has tabifici liquores stillarent : Quamobrem nostrum de matre , foetuque simul salvandis per caesaream sectionem consilium fore ex parte irritum , doluimus ; cum haec maternae salutis solum posset inde subsidium ferre : At sectio a nobis , dignotis his omnibus , tunc cò ardentius urgebatur , quò celerrimam mortui foetus putrefactionem , maternum quoque excidium promptius propiusque minari , in comperto erat . Sed nova ex timore feminae , atque ex consultis Viris aliis , oblata obstacula sunt . Interea putrido *uterino* fluxui , aliisque calamitatibus accesserat



ferat major spirandi angustia , summa virium in dies decessio ; hinc gutturis sibilus & stertor . Duodecimâ a summis doloribus , seu a foetus obitu die , tumor ad umbilicum prodiit , se quàm citissimè expandens & erigens ; brevique acuminatior praestitus , *hiatulo* , vix milii granum admittente , spontè aperiebatur ; apertumque tumoris osculum , ichorem fetidissimum luridumque tabum , *uterini* simillimum eructabat : Hinc pessimè mulieris res versae : acerrima febris cum delirio , duroque & angusto celerrimoque brevique pulsu , fortiora & assidua deliquia , clamorosa sitis cum sicca aridaque lingua , vomitus perpetuus , marmoreae extremorum frigiditates , spirandi suffocatio , cadaverosa facies , stertor magnus ; *Antipatricus* indè , atque formicans jam pulsus . Tumoris osculum , spontè adhuc dilatatum , putridos cum horrida lividaque sanie emittebat capillos ; similelque vagina uteri pari tempore eiciebat . Foetus *subcutaneus* erat , mortuus , putrescens ; suoque tabo matrem interimens : Mors propè est : nec vitae hora superesse videtur . Quis temerè sectioni adhuc obstitisset ? Secuit ideo aliquando Calvus noster peritissimus , introducto priùs specillo , eoque amplam caveam , & astantem foetum speculatus .

Foetus

Foetus die ab ejus obitu 18., omni involucro carens extrahitur, nigerrimus, corruptissimus, fetidissimus, multis jam in partibus solutus & fracidus: Eruitur inde non minoris labis *placenta*. Reviviscit Genitrix; recreatur subsidiis; vires recolligit: teterrima uteri purgamenta minuuntur; & tandem desinunt: Inductum abdominis vulnus topicis remediis folum, suppurationem aggreditur; & multam salutis portendit spem. Sed cadaverosum octodecim dierum contagium, in inficiendas eas omnes, quae foetum comprehenderant, partium matris superficies, jam nimis latè longèque processerat. Mulier ipsâ sectionis horâ ab orci faucibus erepta; postea inter alterna salutis & occubitus indicia nutans, decem adhuc integros dies vixerat: quum ab iis, quae *necroses* internarum partium comitantur, *symptomatibus* correpta & obruta, placidè expiravit: a serotino caesareo partu nonnullos vitae dies consequuta: quae tamen, florente tunc aetate, vel ipsos seniles annos a tempestivo impetrasset.

*Feminae Cadaveris inspectio.*

Aperto a Peritis Calvo & de Roy in frequentia Spectatorum Cadavere, internae partes ventris liventes, immò nigrae omnes perspectae sunt: sed hic gangraenae color, atque suffusio solam earum partium



tium superficiem invaserat : Cum levi hoc nigredinis absterfo abraſoque cortice, rubrae omnes & incolumes interiùs appa-  
rerent : ut facilè omnes noverint, tinctu-  
ram hujusmodi a ſolo putridi foetus con-  
tactu fuiſſe ſuperductam. Membranae fe-  
rè rotundae & ſpongioſae, jam valdè cor-  
ruptae, alicubi lacerae ſolutaeque, ad  
ventris centrum inteſtinis ſuperſtratae, ſu-  
periùs colo, reliquo ambitu tenuibus in-  
teſtinis connexae, ūilque, *ſupernumerarii*  
*meſenterii* adinſtar, adnatae, eademque  
novi inſtar vinculi alligantis atque addu-  
centis, veſtigia apparebant: Membrano-  
ſa appendix a rotunda hac, aut ſubro-  
tunda membrana ſiniſtrorſum protendeba-  
tur, velut in inſculptam foveam, inter  
gracilia illius lateris inteſtina praefitam,  
inſinuata; ſuâque productione atque for-  
mâ totam adhuc foetus figuram ac di-  
menſionem repraeſentans : ut planè fuerit  
idcirco compertum, foetum ad hanc ſini-  
ſtram membraneam appendicem, ſtatio-  
nem ſuam habuiſſe; *Circulari* verò mem-  
branae *placentam* fuiſſe ſupercreram; &  
ſuccos alibiles, hujus membranae, tam-  
quam providiſſimi cribri atque coli, inter-  
ventu, vel a *meſeraicis* & *inteſtinalibus*  
ſanguineis vâſis, vel fortè etiam ab iſſis  
immediatè lacteis, in foetus nutritum  
trans-

Fig. V.

Lit. E.

F. G.



transmissos. Ita ex ea, quam a diligenti designatore ex materno corpore adumbrari curavimus, icone, foetum quoque in propria materni ventris sede, eademque, quae in eodem extracto visa fuerat, & quae a membranaceae appendicis figura indicata est, capitis, trunci artuumque positione, insculpi atque exhiberi satagemus. Centralis verò, seu subrotunda membrana in hac imagine, tametsi a *placenta*, suo pariter positu delineata, obtegatur; suam integram tamen sub *placenta* extensionem atque *circumferentiam* ostendit. *Uterina* verò tuba, non dextra (ut ab aliis est proditum) sed sinistra, ultra naturalem statum dilatata elongataque, & superius versùs subrotundam membranam inflexa, sinistro inferiori ejus limbo per ampliatum suum liberumque tentorium, & praecipuè per erectas extensasque fimbrias, adnata erat & coalita. Igitur inter tabidas & putrescentes *secundinas* foetumque, atque uterum, vaginam pudendaque, saniei fluentis, immò & capillorum foetus, cum urina demum exeuntium, per patulam affixamque hanc tubam, commercium inditum apertumque fuit. Sinistra verò tuba, ut ut solito contractior, naturalis erat. Demum subrotunda centralis tunica nullum cum  
uteri

uteri fundo habuisse nexum visa est: Cum nempe utrisque partibus tenue interpositum intestinum esset: neque insuper ad utrasque tubas, neque ad iliorum osium, aut ventriculi confinia eadem tunica porrigebatur: Quod si colo nonnihil adnexa perspecta est, intestinum hoc, inducto flexu anguloque, recedens a ventriculo, ad inferiora descenderat: Haec verò colli intestini flexura & descensio, in gravidis non infrequens est: ut nobis ex innumeris extispiciis constare potuit.

Cum verò Praeclariss. Mangeto, anno 1716. Theatri sui Anatomici editionem festinanti, istamque, sibi jam diu relatam historiam, a me flagitanti, ejusdem brevium, raptim utique, at verò ad naturae imaginem fideliter exscriptum, transmississem; privatis tamen litteris pollicitus, ampliorem postea, & in tubis, utero, membranis, foetu, caeterisque partibus, absolutam historiam fore me traditurum, quum iconem aere incidi, eamque ideo sub oculos praeclariùs describi licuisset; (quod quidem variis de causis nonnisi post longum tempus confectum est) hoc interea quodque fuerit, summarium absque alia cunctatione, laudati Theatri editioni eodem anno fuisse additum perspeximus. Me quidem diligentia & fortuna

*Ortae super  
hanc graviditatem contro-  
versiae.*

nâ superavit Calvus noster Peritissimus; qui eodem jam anno 1714. tres super insolito hoc eventu ad tres eximios Viros Epistolas dederat: Primam, ni fallor, ad Celeberrimum Fontenellium, qui ejus summarium Historiae Reg. Scient. Paris. Acad. adjecit (e). Alteram ad Celebrem quondam Anellium, qui eandem in suo ad eundem annum edito libro evulgavit (f). Diffusorem tertiam, ratiociniis scilicet ac flosculis ampliatam, ad Illustriss. Fantonium: quam Auctor ipse eodemque anno publici juris fecit (g): Atque hae omnes Epistolae non solum eodem propè tempore lucis usurâ perfrui meruerunt; sed multo majoris solertiae laudem, prae illa nostra, principes dumtaxat res memorante, narratiuncula adeptae sunt. Namque anno 1719. Liber in Celeberrimum Mangetum prodiit, hunc Virum suo loco de nostra illa Historiola multis verbis objurgans & increpans: quorum quidem haec summa est: „ Debuisse Mangetum hujus Fe-  
 „ minae historiam exhibere, potiùs quam  
 „ ex litteris nostris, ex multo *accuratiori*  
 „ Chirurgi peritissimi P. B. Calvi descrip-  
 „ tione; ex qua nempè, quomodo ute-  
 rus,

(e) *Ad ann. MDCCXIV. in Observ. Anat.*

(f) *Cit. sup. Lib. Taurin. 1714. fol. 294.*

(g) *Cit. superius Epist.*



rus, tubae, foetus, involucrum atque  
 illa membrana se habuerint, praecla-  
 rius intelligitur : tum ex eo præcipue,  
 quod ab eadem *accurata* descriptione,  
 per Cel. Fontenellium divulgata, foetum  
 potius in exteriori dextrae tubae mem-  
 brana, quam in ipsa ventris cavea, ut  
 a nostra *minus accurata* ostenditur, fuisse  
 conclusum appareat : ut haec ideo  
 Historia (prosequitur Mangeto expro-  
 bare) potius inter *tubarias*, quam *ven-  
 trales* historias referenda fuerit, (h).

Quae ipse quum viderim, subiit animus. *Et dilucuntur.*  
 Calvi nostri *accuratioris* Historias,  
 jam mihi dudum invisas, paululum revol-  
 vere. Porro ex prima Historia ita legi :  
 „ Le foetus étoit renfermé dans un sac ior-  
 „ mé par la membrane extérieure de la  
 „ Trompe droite (typorum errorem fuisse  
 arbitror, cum sinistra pro dextra tuba  
 intelligenda sit) cette membrane s'étoit  
 „ extrêmement dilatée, sans doute, parce  
 „ que l'oeuf, qu'un malheureux hazard  
 „ avoit placé entre elle, & la membrane  
 „ intérieure de la même Trompe, avoit tou-  
 „ jours en s'accroissant, & en se dévelop-  
 „ pant étendu celle, sur la quelle il pesoit (i).

Sed

(h) *Adversus Anat. IV. Animadv. XLVII.*

(i) *Loc. sup. cit., seu ad Hist. Reg. Paris.  
 Scient. Acad. ann. 1714.*

Sed cum foetus apud omnes Calvi nostri Historias putruerit, atque ita putridus extractus fuerit, & putredo foetus membranas, vel solidiores ac remotiores, partes ita infecerit, ut eundem legerim in altera, seu ad Anellium, Epistola, differentem Virum: Il peritoneo ne era tutto affatto putrido (1), arduum mihi certè fuit, ex hac lectione intelligere; quomodo saccus ille, ex membrana exteriori tubae confectus, ubi putridus foetus habitasse dicitur, illaesus adeo a putredine extitisset. Cuinam (mecum legendo meditabar) datum fuisset perspicere, foetum in hoc sacco, seu internam inter externamque tubae tunicam, habuisse sedem; cum foetus a vivente matre divulsus, suisque omnibus nexibus atque membranis omninò solutus per putredinem fuerit? Et sanè oppidò reminiscebar legendo, neminem certè, saccum istum in mortua matre perspexisse. Plus ergò appositè in altera Epistola legebam: „Nella tuba sinistra non „ scorgevasi mutazione alcuna, la destra „ era soltanto dilatata verso le fimbrie(m). „ Cum verò in prima Epistola foetum ad externam tubae tunicam a nostro Auctore collocari animadyerterem; in tertia  
tamen

(1) *Cit. loc.*(m) *In cit. ad Anellium Epist.*

tamen ad internam positum inveniebam:  
 „ Due sono le membrane costituenti la tu-  
 „ ba ; l' esterna , che è un' intima conti-  
 „ nuazione dell' utero ; l' interna , che, ef-  
 „ sendo spongosa, tutta è ripiena di glandu-  
 „ le , verso l' ovario è alquanto rugosa , e  
 „ perciò capace di dilatazione : Questa di-  
 „ latazione , come si ricava dalle osserva-  
 „ zioni accennate , era di una grandezza  
 „ proporzionata a contener il feto di tre ,  
 „ sei , o nove mesi , avendo questi trovata  
 „ la tuba ampiamente dilatata „ (n). Hinc  
 Scriptorem nostrum , de membrana illa  
 sermonem instituentem , legendo prosequer-  
 bar „ : Ritrovai una spuria membrana pro-  
 „ dotta , come i follicoli , *suam a tuba ori-*  
 „ *ginem trahens , & incrementum* , che essen-  
 „ do unita alla esterna parete dell' utero ,  
 „ distendevasi ad ambe le tube „ (o). At ve-  
 rò ita legendo divinare non poteram ex  
 hoc descripto cum ambabus tubis , illius  
 membranae connexu , utra eidem origi-  
 nem dederit . Cum verò in prima Episto-  
 la solum de sacco loquentem adverterem ;  
 in altera , misso sacco , planam solum ,  
 ac *sphaericae* figurae , seu , ut intelligit .  
 rotundam membranam memorantem per-  
 spiciebam : In tertia non quidem *saccifor-*  
 me

( n ) *Cit. Epist.*( o ) *Idem ibid.*



mem, sed rursus planam membranam describens, tradit tamen in plana hac membrana foetum fuisse contentum: & cum prius constituisset foetum in sacco, a tubae membrana composito, nunc adiicit:  
 „ Dunque il feto nel caso presente non era  
 „ contenuto nella tuba, ma nell' accenna-  
 „ ta membrana; che *vices gerebat uteri*, (p):  
 & ante paucas lineas, misâ tubâ, misso sacco, misâque prorsus membranâ, foetum huiusmodi apertè *ventralem*, & nunquam in tuba fuisse, statuerat, : Io son di  
 „ pensare, che l' ovulo fecondato, aperta  
 „ nel distaccarsi la membrana dell' ovario  
 „ non sia giunto ad imboccare nella tuba,  
 „ ma sia rimasto bensì tra quella, e l'ovario,  
 „ e perciò nella cavità dell' abdome: „  
 & superius: „ Qual meraviglia, che portan-  
 „ dosi il plastico liquore all' ovario a render  
 „ fecondo alcun ovo; ma non essendo la  
 „ tuba disposta a riceverlo lo lasciasse in vi-  
 „ cinanza di quello? „ Et inferius: „ Quest' ov-  
 „ ulo fecondato ebbe a rimaner fuori della  
 „ tuba, „ ( q ). Praeterii tunc loca alia, tubae amplitudinem confirmantia: „ per qual  
 „ strada poi rinvenissero l' uscita gli accen-  
 „ nati capelli? Non d' altrove se non che  
 „ dalla tuba ancor dilatata ne' primi giorni,

e

( p ) *Idem ibid.*( q ) *Idem ibid.*

„ e da questa nell' utero , indi dalla vagina  
 „ portati con l'orina stessa nelle materie fe-  
 „ cali „ : & alia omisi , ejusdem angustiam  
 „ probantia : „ Procurando di rinvenir alcu-  
 „ na dilatazione della tuba, non fu mai pos-  
 „ sibile di ritrovarla; anzi che aperto l' ute-  
 „ ro dal fondo verso la tuba destra assai pro-  
 „ longata, non scorgendosi nella sinistra al-  
 „ cuna mutazione , ammetteva un sottile  
 „ specillo a gran pena ; tanto che vicino  
 „ all' ovario sembrava affatto chiusa ; ma  
 „ erano le sue fimbrie assai dilatate, ed uni-  
 „ te alla sudetta membrana, „ (r). Haec, in-  
 „ quam , praeterii : satis enim mihi visum  
 „ fuit revisisse ea , quibus judicare omnes  
 „ possent : An ex peritissimi Chirurghi P. B. Cal-  
 „ vi accuratiori descriptione appareat , foetum  
 „ in tuba , non in ventris cavea fuisse conclu-  
 „ sum . Laudatus Anellius hanc a me abso-  
 „ lutam Historiam dudum expectaverat : „  
 „ Mr. Bianchi ( scribit ille (f) ) a for-  
 „ mé le dessein d' écrire á cette occasion:  
 „ Il a même déjà communiqué cette ob-  
 „ servation á Mr. Manget . Il m' a fait  
 „ voir la reponse obligeante , que ce sa-  
 „ vant Medecin lui a fait . . . Il m' avoit

G 2 chargé

( r ) *Idem ibidem .*

( f ) *In Epist. ad D. Calvum , quae postrema  
 est in ejus superius cit. opere Suite &c.  
 ad ann. MDCCXIV.*

„ chargé de donner avis de son dessein à  
 „ Mr. l'Abbé Bignon ; & ie n'y avrois  
 „ pas manqué , si Mr. Bianqui avoit eu le  
 „ loisir de me communiquer le fait bien  
 „ circonstancié , sans quoi , il seroit inu-  
 „ tile de le présenter à Messieurs de l'Aca-  
 „ demie . L'occupation , que l'impression  
 „ de mon livre m'a donné , m'a em-  
 „ peché de le solliciter là-dessus . J'es-  
 „ pere que le Public ne perdra rien pour  
 „ attendre &c. „ Ego verò curis aliis innu-  
 „ meris atque gravioribus districtus , ad hos  
 „ usque dies Historiae editionem distuli : Si  
 „ nunc temporis laudatus Anellius adhuc vi-  
 „ tam duceret, desideratam narrationem , fu-  
 „ tiori calamo conscriptam, lubenter legeret.

*Aliae, eadem-  
 que praeci-  
 puae ventra-  
 lium graviditatum  
 Historiae.*

Nunc , ut alias quoque *ventrales* gravi-  
 ditates , earumque differentias & historias  
 prosequamur : Jam ad minùs externae *ven-  
 tralis* graviditatis exemplum , occurrit prae  
 caeteris singularis illa graviditas , a Ma-  
 nualio descripta ( t ) , ex tribus foetibus  
 per totidem diversos conceptus in uno Gal-  
 licae Mulieris ventre collectis accretisque ,  
 triplex ideo praestita ; solutaque per ab-  
 scessum ad latera umbilici , exitumque om-  
 nium simul ossium , quae illos tres foetus  
 construxerant. Haec igitur Mulier ter par-  
 tuum labores , ter internos abortus , ter  
 foetuum

( t ) *Ex Rulaco de operat. caesar. Cap. II.*



foetuum necesse, terque eorum corruptiones sustulit: deinde sana rectèque foecunda vitam degit. Porro ad *ventrales* superiores graviditates, quae spectant Historiae, praeter eam, quam referunt de celebri Mussipontano foetu, velut lapidificato, Straussius, Bartholinus, Deusingius, Horstius Aliique (u) & aliam perfecti foetus, suis tunicis partim mesenterio, partim colo intestino alligati (x), & aliam Tolosani famosi quoque foetus, Epiploo annexi, & annos XXV. in superiori abdomine commorati (y) & aliam a Saviar-do (z) & fermè similem aliam a Courtial (a) & plures ab actis Anglicis (b) & foetus aliam in dextro Hypochondrio siti, *placenta*que vertebrae haerentis (c) innumerae adhuc sunt per Auctorum commentarios dispersae. Neque enim prima extitit diuturnissimae graviditatis *ventralis* Tolosana memorata Historia. Lautier, Eys-sonius Aliique plurimi, foetus extra uterum

*Ventralis graviditas minus externa.*

*Ventrales graviditates propriè superiores.*

G 3 in

(u) *Pecul. Tract. Francof.* 1669:

(x) *Ex Diario Ab. de la Roque* 1663.

(y) *Bayle in Hist. V. celebris hujus foetus: & Blegny* *Zod. med. ann.* 1.

(z) *Observat. Chirurg.*

(a) *Observat. Anat.*

(b) *Volum. VII.*

(c) *Histor. Reg. Paris. Acad. an. MDCCXVI.*

in abdomine accretos, viginti annos immò triginta gestatos, &, ut putabant, lapidatos describunt: & plures adhuc descripsissent, si illis aetatibus, ut hâc nostrâ, sedulae gravidarum morientium apertiones atque inspectiones invaluisse. In *ventralibus* istiusmodi graviditatibus, quum foetus maturus est, & in partum nititur, ejusque dolores excitat; nisi promptè per caesaream sectionem extrahatur, ruptis nutriticus commerciis illicò moritur: Mortuus vel putrescit, vel exsiccatur: Porro si putrescat; felices utique Matres, quoties a foetuum corruptionibus excitentur abscessus; iisque ultrò apertis, imò etiam a Chirurgo ad instar caesareae sectionis dilatatis, vel integer corruptus foetus, vel solutae disruptaeque jam ejus partes, tempestivè egrediantur. Referebat mihi ante hos decem, aut duodecim annos peritissimus quondam Chirurgus noster Schina, Mulieri cuidam, in Vercellensi Urbe a decem annis in abdomine gravidæ, inflammationem, totam illicò anteriorem ventris partem occupasse: plures indè natos abruptosque abscessus: ex his ita foetentem saniem eruptam, ut omnes feminam, imò feminae domum effugerent: At verò ex iis singulas sensim foetus putrefactas solutasque frustatim partes exiisse: hisque omnibus

*Vercellensis historia superioris ventralis graviditatis, cum foetus corruptione.*



bus ejectis, hiatus omnes suppuratorum tumorum consolidatos esse : Feminamque mediocri incolumitati redditam , superstitē tamen gravi *omphalocēle* , & quibusdam viscerum erroribus : undē post aliquot annos ejus obitus fuit . Hanc quoque historiam Cel. Fantonus noster in suo nuper edito elegantissimo Opere ( *d* ) memoravit . Promitā sanē ventris sectione post susceptos a foetu conatus ad partum ( namque hi conatus , non secus ac in *uterinis* naturalibus foetibus , adveniunt quoque in iis, qui ad maturam *ventralem* graviditatem pervenire : Foetus nempe in egressum ē carcere naturali instinctu nitentes, *placentam* solvere a nexibus , imō & membranas per-rumpere valent ) tantis naturae laboribus ac tentamentis, productisque morbis induc-taeque neci fuisset parcitum . Ita non solum apud Recentes ( *e* ) leguntur Historiae foetuum , aut earum partium , per umbilici , aut aliū abdominis regionis suppuratos tumores exeuntium , aut extractorum ; sed quoque apud Veteres

G 4

&amp;

( *d* ) *Opuscul. Med. & Physiol. fol. 204.*

( *e* ) *Rivaltier. apud Diar. Med. Ab. de la Roque : Th. Barthol. Theoph. Raynaud. Santorin. & apud eum Rubinus : Aliique .*



*Miseri Germanae Feminae, non sine caesarea sectione perierunt.*

(f) & vetustiores (g) Hoc tamen non semper promptum naturae auxilium, seu ventris abscessus, eorumque inde apertiones ad suos edendos foetus, non expectabat quaedam robusta Femina, Germani Militis uxor, *ventrales* semper graviditates habere solita: Haec ab ann. MDCXC. usque ad ann. MDCXCV., quo tempore belli causâ in iis nostris Regionibus commorata est, quatuor a suae legionis Chirurgi diversis in ventris sedibus caesareas sectiones sustulit; & quinque jam antea passa fuerat: Post paucos a sectione dies hilaris & sana e lectulo surgebat, ad novos conceptus parata. Mulier postea discessit cum suis, atque in Germaniam profecta est: Igitur an ulterius in ferendas sectiones processerit; an ipsi evenerit, quod Rossetus (h) Feminae, sexies quoque jam ita sectae, contigisse refert, ignotum. Hanc quidem non novimus: sed a Chirurgis, & Obstetricibus omninò fide dignis, qui eam ejusque cicatrices conspexerant, a longo tempore

(f) *Alex. Benedict. Marcellus Donatus: Sanguyerius: Cornax: Albofius: Gassarus: Rossetus in pluribus Historiis: Platerus: Bauhinus: Cordaens: Hollerius: Doringius: Alsarius &c.*

(g) *Albucasis Chirurg. lib. 11. Aliique.*

(h) *De partu Caesar. sect. 1. Cap. V. Hist. 1.*

tempore relatum habemus . Necessaria igitur caesarea sectio est , vel quum foetus in *ventrali* superiori graviditate vivus adhuc , idemque maturus est , & nifus in partum suscepit ; quibus nempe *secundinas* succutiens ac divellens , facile quoque *placentam* ab assumpta cum ventris partibus connexionem expediat , aut ad se expediendum disponat ( *Placentam* enim in maturo , jamque nitente foetu non difficilè , imò spontè etiam expediri & disjungi , in naturalibus partibus perpetua observatio est : estque omninò conspicuum , in irritis iis partibus , misellorum foetuum , ita exitum & in lucem aditum tentantium , conatus celeri externo auxilio indigere ) vel quum mortuus jam est , & ad corruptionem properat ; aut eam jam subiit . Quum verò in superioribus ventris graviditatibus mortuus aliquando foetus non corrumpitur , sed exsiccatur , Caesarea sectio non ita tutata est : neque idcirco , nisi multis perperis circumstantiis habitisque cautelis , imperanda . Namque exsiccatio foetus indicium est , tantam adhuc inter ipsum & ventris viscera connexionis , & velut continuitatis rationem intercedere ; ut licèt nutritiorum succorum commercium inter utraque corpora demtüm fuerit , quaedam adhuc velut communis vitae consensio superfit

perfit; quâ quidem eveniat, ut foetus *ventralibus* partibus firmè involutus, non ut omnino extraneum mortuumque, sit corpus: neque ideò corruptionis legibus pendeat. Accedit insuper, foetum in ventre exsiccatum, nisi *uterina*, seu naturalis superveniat graviditas, vix ullo esse incommodo; diuque incolumi matre gestari posse. Hinc aequum est, gravidas ita suae sorti relinquere: ut barbarum esset, in vitae discrimina, per ruptos foetuum cum ventris visceribus & tunicis profundiores fortasse connexus, coniicere; ut inferiùs videre erit, quum de altera *ventralis* graviditatis Taurinensi Femina dicemus. Caeterùm inter famosos *ventralium* graviditatum exsiccatos foetus, duo quidem primas tenent: Primus Tolosanus ille, annos XXV. gestatus: Alter verò Svevicus, ann. XXXXVI. in ventre matris sepultus; atque a Cl. Camerario descriptus (i): Hic verò non tantùm exsiccatus, sed globulo quoque osseo involutus deprehensus est. Sed iis aliisque hactenus omnibus, longè rarior & admirabilior est Taurinensis noster, inferiùs describendus; non solùm ob duplicem extra uterum habitam graviditatem, sed, (quod hactenus visum non fuerat) neque corruptus, neque exsiccatus.

Porro

(i) *Dissert Inaug. Tub. MDCCXX.*

*Historia ventralis superioris graviditatis cū foetuum exsiccatione.*



Porro autem si in exsiccatis *ventralium* Ventrales inferiores graviditates. superiorum graviditatum foetibus caesarea sectio non valde tuta est; in inferiori *ventrali* graviditate, seu quae ad pelvis abdominis caveam sub iliis contingit, minus quoque auxiliatur. Namque primum, ossa undequaque claustra istiusmodi operationem impediunt. Insuper ova, quae in pelvim delapsa sunt, accretique inde cum *secundinis* foetus, contentis partibus plerumque immersa sunt prorsus, ac velut earum centrum occupantia. Etenim communior horumce foetuum sedes illa est, inter rectum intestinum uterumque ampla, vix levibus fibris, aut membranulis implicata capacitas; quae intrusi atque accrescentis inde corporis ponderi facile cedere, & ad usque magis declivem pelvis regionem dilatari potest. Quod si tamen in iis pelvis graviditatibus caesareus partus tentandus esset; hunc certè ad perinaeum potiùs, seu ad vesicae calculorum sectionis, magnique, ut dicunt *lithotomiae* apparatus locum, fieri oporteret. Quid enim Chirurgicis sectionibus magis est accommodum, naturà monstrante viam? Namque Venetiis anno MDCCXXIX., in Historia recentis Veneti Partus, per subitam in perinacopraestitam scissuram. simili infimae ventris regionis graviditate, inter irritos pariendi diuturnos conatus, a quadam primipara femina, robusta & juvene

juvene, per abnormem profundamque exemplo spontèque praestitam in Perinaco scissuram, seu plagam, masculus puer vivus, & adhuc vivens, partus est, cum quadam sanè vaginae, intestino adnexae, laceratione; sed cum indè sequenti facillique matris incolumitate. Casum juratus refert Cl. Medicus & Comes, Livius Ignatius de Comitibus, Publicus in illa Urbe Anatomiae Professor (1) *Uterinum* foetum, per sectionem perinaei ex rupta inferiùs vagina, atque ad pudendum clausa, a nostrate Chirurgo vivum extractum, inferiùs describemus. Sed cum in pelvis graviditatibus neque semper similis, aut perinaeo ita proxima, foetus sit sedes; neque eadem a contentis visceribus solutionis libertas; idcirco saepè plagas optimè atque opportunè molitur natura: quas certè aliàs infautè atque intempestivè Chirurgus infligeret. Quamquam enim Rossetus attulerit, foetum per sinistram inguen solo artis opere fuisse extractum (m). Qui tamen foetum in pelvi accretorum exitus lunt; hos sanè natura potius, quàm artis opera, moderari valet. Illa verò vel per novas & violenter apertas, vel per naturales, seu intestini atque ani vias agit. Prima actio sanè

(1) *In fol. Volanti eod. ann. edit.*

(m) *De part. caesar. sect. I. Cap. VI. Hist. I.*



sanè rarior: Nam praeter Venetum memoratum casum, qui suo equidem in genere, quòd sciam, unicus est; vix unum, aut alterum accedit exemplum spontè aperti per abscessum ilei, aut inguinis; cum foetus indè, a declivibus pelvis regionibus per internas vires superius elati, ibidemque protrusi, aliquà indè artis operà, egressu: (n) Altera verò ita frequens est; ut undique jam privatae publicaeque integrorum foetuum, aut eorum partium, per anum excretorum, aut extractorum, historiae ad hominum memorias pervolitent. Foetus in pelvi accrescentes, cum in eo, a firmissimis ossibus circumscripto, sint loco, qui, secùs ideo ac superior abdominis cavitas, ad quamdam solùm, nec ulteriùs, mensuram dilatari potest; ad certum tempus crescere amplius non queunt; sed a vitae officiis vetiti, ac tanquam praefocati, multò ante maturitatem moriuntur: atque hoc tam firmo clausoque carcere coerciti, tandiù, cum quodam internarum matris virium otio, morantur; donec putrescant: Hic verò, ob totius corporis declivem sedem, & tamquam sentinam, faciliùs & citiùs putrescunt:

Porro

- (n) *Gassarus apud Dodon. Med. Observat. & Polius Hemerol ex Pistoris Dissert. inaur. fol. 9.*



Porro putredinis contagio intestini partem, eni accubant, afficientes, ejusque inde compaginem disrumpentes, saepe per solutam unitatem sibi viam in ejus cavum, & usque ad podicem aperiunt. Quare, ut perquam difficile est, foetus in iis sedibus exsiccati posse; ita rarissimae historiae sunt integrorum simulque incorruptorum foetuum, per anum extractorum: minus tamen raras, foetuum totâ adhuc partium compagine servatorum; quamquam ad aliquam jam partem corruptorum: valde è converso frequentiores dissolutorum jam foetuum, atque frustra exeatium, aut extractorum. Equidem ut integrorum & incorruptorum omnino foetuum nullus nunc mihi casus suppetit; ita inter integros, at partim jam corruptos, foetus ille occurrit, a Cl. Santorino traditus (o) & ab eximio atque industrio Chirurgo Patunà, corpore quidem integer, sed ad latus intestino obversum corruptus, unâ felicique operatione exemptus. De foetibus verò membratim ex ano eductis, eorumque praecipue singulatim ejectis ossibus, scribunt, Langius, Cagnatus, Ronseus, Rossetus, Aliique plurimi. Memorat laudatus Santorinus in

Pata-

(o) *Isoria di un Feto estraratto felicemente intiero dalle parti devertane MDCCXXVII.*

Patavini agri pago adhuc viventem , & incolumem feminam ; quae solido anno foetus ossa exclusit ( *p* ) . Insuper partes foetus omnes , frustatim a recto matris intestino per Cl. Littrium exentas esse , celebris Historia vulgavit ( *q* ) . In iis verò intestinalibus partibus , si foetus in pelvis cavea accreverint , fato functi paulatim solvuntur , partibusque disjunguntur : & paulatim quoque eorum partes disjunctim excernuntur : ut ideo valdè diutini istiusmodi partus sint : sensim enim accrescentibus his foetibus assueta pelvis viscera ; & sensim ad horum gradatas accretiones dimota ac diducta , non tam violenter in eorum propulsionem conspirant : Sed foetibus ad ventris superiora conceptis , indeque per internum partum ad infimam hanc ventris partem propulsis , inassuetae iis decumbentibus corporibus partes , ad validiores conatus extimulantur : hinc advenae isti foetus , adhuc integri ad anum peluntur . Ita contigit in foetu Peritissimi Patunà , qui altiori ventris loco conceptus , per internum partum in pelvim inde descenderat : Ita & alteri Veneto memorato foetui contigisse puto : Qui nempe  
ad

( *p* ) *Loc. cit.*( *q* ) *In Comment. Reg. Scient. Paris. Acad. MDCCII.*

ad superiora ventris conceptus, & usque ad maturitatem accretus, per internum deinde partum ad pelvis humiliora protrusus, indeque a maxima intentarum pelvis partium concitata vi, vivus adhuc per apertum perinaei hiatus foras ejectus fuisse, videtur. Ambo hi foetus novam in pelvi graviditatem fecere. Caeterum *Alvini* ejusmodi partus *ventralibus*, per abscessus aut caesareas sectiones habitis, feliciores esse, liquidò constat: Ab illis enim matres plerumque incolumes, imò rursus rectèque foecundae, evadunt: ab istis verò rariùs ac difficiliùs: quae nempe, nisi quàm citiùs, sectione aut etiam suppuratione, foetum vivum, aut mortuum excludant; praeter affectiones alias, saepissimè in hernias, citò interdum funestas, incidunt. Hanc inferioris ventris graviditatum disquisitionem nostrà quoque absolvere *Historià* liceret. Vercellenfi enim Feminae, quam in altiori ventre fuisse gravidam, & abscessibus liberatam, superiùs vidimus, eàdem in Urbe successit altera; quae non ita pridem inferiori ventre, gravida erat: Illa a corrupto foetu per apertos ad ventrem morbosos hiatus se expediit: Haec a corrupto quoque, solutoque jam foetu per communem naturalem hiatus, seu anum, diu se expedire laboravit: utinam felix ista

*Nostra ventralis inferioris graviditatis, cum foetus corruptione, ejusque per anum rejectis ossibus, Historia.*



ita fuisset , ut aliae similiter Parturientes  
fuere . Sed horrida intestini in *alvino* hoc  
partu inducta laceratio eam ad lethum  
perduxit . Porro autem cum haec gravi-  
ditas , externa *tubaria* fuerit ; hanc ideo  
interiùs suoque opportunè loco memora-  
bimus ; postquam vitiosas alias gravidita-  
tes , jamque internas , easdemque primùm  
*uterinas* , prosequuti simus .

Mittimus hìc vitiosas uteri graviditates ,  
quae ab hujus organi vitio ortae sunt :  
easque solùm assumimus , quae a concep-  
tuum erroribus nascuntur : ut hoc pacto  
generationum vitia propiùs complectamur .  
Namque si organicos uteri errores in me-  
dium adducere , in quot novas vitiorum  
species evagandum esset ! Porro inter ma-  
las uteri conformationes , hujus organi  
hernia primas tenere posse videretur : un-  
dè tot difficiles partus , & abortus praeci-  
puè , aut coërciti diutiùs , variisque indè  
modis depravati foetus aestimandi sunt .  
Haec verò omnia alio loco tractabimus :  
hìc solùm obiter memorantes , *uterinas*  
hernias distingui posse in internas & ex-  
ternas : atque inter externas singulare in  
nostra hac Urbe exemplum se prodere .  
Namque Rosae Cantùae , Taurinensi fe-

*Vitiosae in ute-  
ro generationes  
atque gravidita-  
tes .*

*Historia her-  
niosae gravidita-  
tis in Tauri-  
nensi Femina .*

H

caveam

caveam protensus , ita in abnormem fac-  
cum pendebat , ut hic ad usque dextri fe-  
moris medium , interdum & ad utique ge-  
nu accederet . In hoc sacco foetus tam  
vividi motus erant ; ut se non solum ta-  
ctui , sed & visui exhiberent . Interea foe-  
tus ad debitam maturitatem perveniebat .  
Mater suis semper officiis totâ graviditate  
vacans , nulla in motu quolibet , nulla-  
que in naturalibus aut domesticis func-  
tionibus incommoda patiebatur . Partus tem-  
pore ejusque instantibus nisibus , omnia  
benè erant , herniâ , Chirurghi aut Obstetri-  
cis manu ad interiora repulsâ : facilemque  
indè partum Mulier , atque laudabile puer-  
perium consequiebatur . A partu , totâ  
promptè retractâ hâc uteri mole , nulla am-  
plius exterior ejus productio , nisi ad no-  
vam graviditatem , apparebat . Femina ma-  
turae modò aetatis , seu annum circiter  
45. agens , tres hoc modo foetus , binos  
malesculos , & sexus sequioris tertium , fe-  
liciter sustulit & peperit : Alium verò prius,  
sed naturali modo , gestaverat enixaque fue-  
rat ; & in violentis diuturnisque hujuscepri-  
mi partus conatibus , primam *uterinae* her-  
niae originem , sub quadam internae subi-  
taeque uteri *luxationis* specie , persenserat :  
Quae tamen affectio , excluso tunc foetu ,  
deberi videbatur . Primus ille filius in vivis  
solus



solus est: Cum tres illi succedentes *herniosi*,  
 et si maturi, necnon in speciem valentes, mox  
 a partu obiissent. Neque Mater haec post ha-  
 bitam in quarta graviditate, etiam ante par-  
 tum, *uterinam* haemorrhagiam, ulterius con-  
 cepit: Graviditatis cursu nullā unquam arte  
 nullāque vi, ei saccus cum foetu in ven-  
 trem introduci poterat: Instante verò ma-  
 turo partu, faciliē introducebatur. Femina,  
 gravis aut non gravis, parturiens aut  
 puerpera, nullo unquam cingulo aut sus-  
 pendente vinculo usa est: Neque extra gra-  
 vidadum tempora, notam verae alicujus  
 herniae, seu cum singulari peritonaei pro-  
 ductione, alicubi ventris aliquam protu-  
 lit. Verumtamen, graviditate ad medium  
 tempus vergente, jamque ad multam fe-  
 moris partem devoluto sacco, foetusque  
 invalescentibus motibus, extrinsecus se  
 praebens umbilicus, valdè prominebat: Sed  
 hic citò, confecto partu, retractus, toto-  
 que hinc ventre aequaliter corrugato, nul-  
 la praesentis herniae indicia servabat. Si-  
 milem prope casum refert Cl. Ruyschius

Ruyschiana fe-  
 rē similis Hi-  
 storia.

( r ) in quo tamen praecesserat circa inferio-  
 ra abdominis, quamproximè inguini, suppuratus  
 tumor integumentorum communium atque  
 peritonaei, & ad locum apostematis, inductae-  
 que cicatricis debilior concreti rursus peritonaei

H 2

fabrica

( r ) *Advers. Anat. Decad. II. §. IX.*



*fabrica fuerat praestita: Atque ideo uterus foetu crescente tumens, dilatabat hunc peritonaei locum, seque in saccum hunc dilatatum insinuabat consque, ut foetus tandem cum utero ad genua usque penderet antrorsum. Sed in nostra, cum nihil in externis tegumentis antecesserit, quod ad illam sedem peritonaeum singulatim infirmare potuisset; ex sola uteri, se in herniam dilatantis vi, non ex majori ibidem peritonaei conniventia, extensio enormis illa producebatur. Quare nostram herniam, uteri propriam; Ruyschianam verò, peritonaei potius herniam; appellare mallet. Interea eadem, in utraque herniosa puerpera femina, Obstetricis administratione opus fuerat. Nam quoque instantibus parturientis laboribus ( addit Ruyschius (f) ) elevabatur ab Obstetrice uterus cum foetu, ut in abdomine haereret tandiu loco debito, sicque felix evasit puerpera, edito per vias naturales benè nato foetu. Jam ego uterinas hernias memorans, apud Fr. Mauriceau, si adhuc in vivis esset, multâ sanè gratiâ valerem. Hic enim plurimum suppressorum partuum, & diutiùs retentorum foetuum, uteri herniis tribuere contendit: & Vassalii tubarium foetum, a Graafio firmatum, inter herniosas uteri graviditates reponens*

( f ) *Ibidem.*

ponens, Vassalii iconem, aliâ effictâ, inversâque *uterinarum* partium positione, reformare studet. Caeterum haec insolita, imò admirabilis externa uteri in vitiosa graviditate productio, quae sanè inter huius organi genuinas hernias recensenda est, mihi modo in animum revocat varias illas, seu in diversas loci differentias, ejusdem uteri internas, quae in naturalibus quoque *gestationibus* contigunt, productiones: quas ideo quoque hernias, sed tamen naturales, appellare non dubitarem. Etenim praegnantem uterum non semper in eandem positionem ac directionem extendi produciue animadvertimus. In iis feminis, quibus uterus potius ad anteriora gradatim extenditur, primis statim graviditatis mensibus uteri tumorem manu percipimus: aut altero jam saltem mense hic omninò manifestus est: Tertio, quartove neque oculis occultari potest: sequentibus in anteriorem tantam, ac velut acuminatam molem, cum vix expansis ac dilatatis lumbis, erigitur & attollitur uterus; ut ab iis feminis, vel vivacissimum masculum, vel plures saltem foetus gestari, in vulgi ore sit: Sed si ad latera speciatim producit uterum; sanè nec tactui, nec visui tumore suo ita promptus facilisque est: & lumborum plusquam ven-



tris ampliatio , femineum partum , non masculum , futurum esse , etiam inter vulgi nenas portendit . Quum verò omninò posteriùs gravidus uterus expanditur ; ejus extuberatio , quae quidem sub sacro oscit atque iliis reconditur , saepiùs neque septimo *gestationis* mense ad anteriora perhibetur : Nos enim interdum ad septimum mensem gravidarum , prosperaeque valetudinis Mulierum , ( quae nono indè mense maturè perfectèque pepererunt ) ventres contrectantes ; & nihil sensibile persentientes , non esse gravidas affirmare potuissimus . Sed ut a devio in viam . Illas in utero vitiatas graviditates , quae ex propriis ovorum , *embryonum* , aut foetuum vitiis oriuntur , & superiùs in molas , falsa germina , & monstra distinximus ; insuper in breviores , aut longiores in uteri hospitio foetuum moras , eorumque diutius servatorum mortuorumque exsiccationem aut corruptionem ; vitiosos demum egressuum modos , hìc in ordinem expedire statuimus . A mola igitur incoeptà disquisitione ,

*De Mola.*

Mola an a mole , tamquam inani pondere , an a graeco *μῶλος* , tamquam a carne informi & inutili in utero confecta , dicatur , non inquirimus . Id scire juvat , molam inter humanos conceptus esse : ut ideo innuptae castaeque feminae nunquam peperisse



perisse molas vitiae sint ; licet saepius parva quaedam sanguineo-membranea uteri rejectanea , fermè molarum substantiam aemulantia , praecipuè in mensibus , rejcere soleant . Imo & interdum a feminis , viro vel assuetis vel inassuetis , majora durioraque excerni corpora , molarum plus ideo similia , cernimus : Quae tamen vel τὰ σαρνώματα sunt , priùs utero annexa , hinc soluta ; vel coacti induratique sanguinis grumi , velut membranacei imo & *lamellosi* praestiti ; vel tandem uteri polypi . Haec tamen apud veros , seu Anatomicos , Praedicos suas dispares notas deferunt ; quibus singula inter se , atque omnia a molis distinguantur . Sed mola , quam bonus semper & naturalis conceptus antecedit , a vitiosa indè facta mendosaque praegnatione constituitur . Namque , etsi mola , praecipuè si recens sit , falsum quoque germen ab aliquibus dicatur , verum tamen est , ovum , a quo mola fit , in ovario foecundum jam factum , sanum integrumque cum suis omnibus partibus in uterum delabi ; In hoc postmodum loco , inter *embryonem* , vel etiam foetum jam praestitum , ac *secundinas* ipsas , nutritionis atque incrementi debitas & naturales leges , ac proportionem laedi . Foetus enim decre-  
 scit ; neque succos amplius excipiens suos ,

absumitur : *Secundinae* , vel suos non solum , sed quoque qui foetui statim fuerant , nutritios succos sibi arrogat : vel morbosos a matre latices excipiendo , & in se cumulando , foetus succos depravant & inficiunt : ut ideo tenerrimum hocce corpusculum , ob harumce causarum alterutram aut utramque , deperire demum & absumi necesse sit ; dum *secundinae* in enorme incrementum evadunt . Ita ovi in molam mutatio non ab ipsis foetus aegritudinibus plerumque aestimanda est ; sed maximè ab ipsis *secundinarum* morbis , aut vitiis , eisdemque aut propriis , aut fortuitis : Morbi *secundinarum* proprii sunt , si ob propriam causam in interna earum substantia tumores , hinc succorum congestiones fiant : Fortuiti , si ab externis compressionibus impedimenta in iis , & collectiones succorum suboriantur : Vitia verò earum sunt , eademque propria , si simplicis carnis , seu  $\pi\epsilon\pi\epsilon\sigma\sigma\epsilon\sigma$  , accretio sit : Fortuita , si *umbilicalis* vena vel in trunco , vel in ramis impediatur ; aut in *umbilicali* funiculo implicationes illae superveniant , quae succorum trajectum impediunt : Aliaeve fortuitae res ; quibus quidem , ut & a superioribus causis , foetum laedi , comprimi , nutritu suo defraudari , atque ideo extenuari , tabescere , deperire , dissipari ,  
aut



aut aliis centenis modis sensim deleri & obliterari ; *secundinas* autem é converso densari & crassescere , & foetus locum aut aliquem , aut totum occupare , contingat . Nos longâ observatione edocti , solemus molas distinguere in primas , seu in recentes , nec valdè densas , sed satis adhuc cavas ; in quibus foetus jam quidem mortuus est , sed non adhuc omninò absumtus & deletus ; isque ab accrescente *secundinarum sarcose* jam valdè pressus , & circumquaque extenuatus , ut Alexander Benedictus ( t ) Kerckringius ( u ) Aliique describunt : vel adeo contusus & pinstitus , ut enormiter quoque elongatus fuerit ; qualis a R. P. p. m. Bernardino a Podivario *Capucino* Medico nostroque olim discipulo observatus & delineatus , nobisque communicatus , nostris in iconibus exhibetur : In alteras , seu *chaoticas* a nobis dictas , in quibus interiti destructique foetus partium vestigia adhuc quidem apparent , sed ita dispersa , & confusa , ut pedes cum capite , oculi cum articulis , & cum articulis viscera , hìc illìc dissipata sint : In tertias , quae quidem cavae adhuc occurrunt ; sed in earum sinu nullae ampliùs foetus antea contenti , vel collectae , vel dissipatae notae

Fig. IX.

Fig. X.

Fig. XI.

( t ) *De curatione Morbor. lib. XXV. Cap. IX.*( u ) *In observat. Anatom. observat. 95.*



Fig. XII.

tae vifuntur : & demum in quartas , seu omnino plenas & solidas , & , obftructâ quâlibet interiori cavitate , exquisitè carneas ; in quibus non folùm nullum ampliùs foetus veftigium deprehenditur ; fed priſlinae omnes *ſecundinarum* & foetus , confuſae invicem partes , in unam & indiftinctam maſſam excrevere : Hae quidem poſtremae molae , majoris prae caeteris magnitudinis plerumque ſunt ; cum ſanè aliorum generum aliae , ſi citò non excludantur , in has quarti generis faceſſant ; iſtaeque in dies crescendo , ſenſim abnormes moles acquirant : earum autem figura plerumque *piriformis* , ſeu velut *uterina* eſt ; ab uteri enim , qui eas inſtar nuclei circumquaque complectitur & obſtringit , ſimilis figurae cavitate , figuram & typum accipiunt . Atque hae molae , in hac figura aliquando conſtitutae , commodiùs ideoque diutius geſtantur : illaeque ſunt , quas plures annos in utero degere Hippocrates memorat ( x ) Cl. *Rideux* hujus generis *piriformem* molam , 23 . ſolidos annos a vetula quadam *Monſpeliensi* femina geſtatam , & non ita pridem cum propriis partus doloribus , & cum ſuccedente puerperio excretam , eleganter deſcribit , atque delineat

( x ) *De Morbis Mulier. lib. I.*

neat (y): Interea haec mola licet tam vetus fuerit, & quocumque foetus atque *secundinarum* vestigio carens, suam tamen adhuc cavitatem servaverat. Illa verò, quae in nostris iconibus porrigitur, hujusce quarti generis mola, quamquam recentior fuerit, & tres solos annos in cujusdam maturae Taurinensis Feminae utero immorata sit, exquisitè tamen plena atque solida deprehensa est: Haec caeterum nostra, non solum externâ figurâ, sed etiam mole, & insuper pedunculo, monspeliensem illam molam, quae viginti circiter uncias pendebat, similasse visa est: hic enim eam multo naturali minorem, ob tabulae angustiam, insculpi curavimus: ab ejus tamen ambitu quaedam elongabantur appendices, quae in monspeliensi figura non observantur: Pedunculus in uteri cervicem fuisse protensus videbatur: tum verò quae inferiores molae partes pedunculo laterales erant, super infimas laterales uteri partes, veluti basim & accubationis sedem toti ejus corpori praestabant. Hoc modo innixae sustentataeque molae, & valdè insuper auctae, atque ideo a tota uteri interna facie immediatè & aequaliter complexae, huic vasi minùs molestae sunt

Fig. XII.

(y) *In Comment. Reg. Scient. Paris. Acad.  
ad ann. MDCCXXXV.*



sunt : hinc in eodem diutius , fermè nullo gestantis Mulieris incommodo, stabulantur. Sed quae altiùs alligatae utero molae , totam ejus non occupant caveam, aut saltem imae ejus parti non accumbunt , & ab aliquo solum hujus excipuli latere sunt pendulae, hae quidem , cum ob inductam divulsionem & pondus , eidem constanter incommodae sint , citiùs ad expulsionem continens hoc organum extimulant : Expulsae verò non *piriformem* , sed aliam figuram quamlibet praeseferre videntur . Ita quae molae in uteri fundo sublimes sunt , superiorum plerumque viscerum affectiones , ut nauseas, vomitus, praecordiorum anxietates &c., quae verò ad uteri imam regionem assident , inferiorum potiùs vicinarumque partium , ut intestini , aut vesicae difficultates , interdum excitare solent . Veterascentes molae, cum semper deterior earum nutritus atque incrementi conditio sit ; non solum in carnes plus semper informes accrescunt ; sed *vesiculosae* aliquando , imo aquâ plenae , seu hydropicae aut *hydato-des* , ( de quibus inferiùs , quum de humani uteri monstris ) saepiùs *lamellosae* , laciniosae , *schirrosae* , callosae , cartilagineae , osseae , aliisve modis delinquentes fiunt . Volantes , aut aliter extra uterum se moventes molas , quales observatas es-

se



se memorant Salmuth (z), Zacutus Lusitanus (a), Aliique (b) nos certè hæcenus non vidimus. Earum igitur fides penes Auctores sit.

Molarum præcipua signa ista sunt: Durior ventris, & quàm in vera graviditate molestior, plerumque inaequalis, tumor est, isque citiùs percipitur: Tumidae, sed molles, ac simul collabentes mammae, modico & aquoso lacte donatae: & juxta hanc rationem Hippocratis, de molis loquentis, locus intelligendus est: *Venter plenus est velut praegnantis: Nihil in ventre movetur, neque lac in mammis generatur: Mammae autem turgidae sunt* (c): In femoribus & cruribus velut è contusione dolor: Lassitudo, & insolitus gravitatis sensus: urinae inaequalis difficultas: ad ima ventris loca ferè perpetuus ponderis sensus; quod quidem pondus in corporis flexionibus ad alterutrum declive latus, velut emortuum, persaepe decumbere atque concidere videtur: Elapsis primis mensibus genuinus ille solitusque, in legitimis graviditatibus motus non percipitur. Ita Divinus Senex: *Judicare verò oportet ex plenitudinis mole, & quod in ventre non move-*

*Molarum indicia.*

(z) Cent. 3. Observat. 98.

tur

(a) Prax. admirand. lib. 1. Observat. 144.

(b) Vid. Acta Hafn. vol. 1. Obs. 26.

(c) De Morb. Mulier. lib. 1.

tur : Nam mas trimestris ; femina verò quadrimestris motum habet . Postquam igitur tempore hoc praetergresso non movetur , hic morbus est ( d ) . Hic tamen obiter adnotare liceat : Hippocraticam in foetibus ejuscemodii sensibilibus motuum legem , neque quod ad temporis , neque quod ad sexus rationes , constantem esse : Quippe cum juxta dissimile foetuum robur & sanitatis gradum , nunc citius , nunc tardius in utroque sexu percipiantur hi motus . Nobilis Mulier mihi nota est , masculorum haecenus quatuor , triumque feminarum Mater ; quae eorum aequè omnium motus , vix sextâ expletâ conceptus hebdomadâ , non tantùm ipsa persensit ; sed quoque Mariti manui clarè dignoscendos praebuit . Quare Mulier , si jam gestaverit , de foetuum genuinis motibus se ipsam ; si haecenus infœcunda fuerit , feminas jam matres consulat : Namque alius plerumque , idemque dispar , seu molestus motus in molae graviditate sentitur : qui certè ab uteri contractionibus & concussionibus fit . Ita hos in molis , velut *convulsivos* , semper violentos & subitos , plerumque doloriteros , & tanquam laniantium , aut saltem nitentium animalium , non quidem contenti , sed continentis corporis motus , quae jam

gestarunt

( d ) *Lib. de sterilibus .*



gestarunt, feminae satis distinguere norunt a leni illo, naturali, per gradus invalente, nec valdè incommodo, foetuum motu. Adultâ demum molae *gestatione*, venter interdum nonnihil detumescit: Sed cujusdam constanter duri corporis sensus, neque placidus, superest. Demum in molis, praecipuè quae in utero altiores sunt, & minùs ad ejus ima quiescunt, gestantium valetudo mulierum mala est, & malus corporis habitus, atque, in inversa naturalium graviditatum ratione, in dies deterior; & cum difficili respiratione minùs coloratus, ad *cachecticum* & *oedematofum* vergens. Tum verò frequenter, naturalium mensium loco, album, aut aliter vitiatum uteri profluvium, vel continuum vel intervallatum, supervenit.

Medentes tamen, molas a retentis adhuc in utero post enixum foetum *secundinis* distinguere discant: Hae interdum in cavea matricis coërcitae, diuque ibidem commorantes, ita mutantur; ut indè excretae, sub molarum specie imponant. Saepiùs tamen ita retentae *secundinae*, ad uteri faciem extenuantur, & arescunt: atque, instar succretae, *coriaceae*, densioris membranae, ita aptè explanatae sunt & coalitae; ut sinè aliqua gestantis Mulieris noxa senescant; atque in defunctis indè serò Mu-

lieribus

*Molarum  
retentiarumque  
secundinarum  
discrimen:*



lieribus, neque quaesitae, reperiantur. Sed a retentis, uterique faciei ita constanter instratis, *secundinis* feminae steriles fiunt: Non ita fiunt tamen, si relictæ in utero *secundinae*, neque unquam excretæ, sensim (quod & rarum non est) penitus absumantur. Ita semel, iterumque nobis in feminis, alia de causa denatis, *secundinarum*, dudum sanè retentarum, substantiam, aut saltem reliquias, curiosè inquirentibus, nulla amplius earum vestigia se obtulerunt. Itaque colligere licet, *placentas*, a partu parum aut dudum in utero retentas atque indè excretas, nunquam revera molarum naturam aut genuinam formam induere. Coërcita quippe *placenta* vel in utero corrumpitur; hinc si vel integra, vel in partes soluta, excernatur aut extrahatur, constantem adhuc *placentæ*, aut ejus partium, rationem servat: vel incorrupta manet; atque ideo necessario exsiccata, contracta, extenuata, *coriacea*, neque illam carnis habitudinem, quæ propriè molarum est, neque densitatem illam, neque rotunditatem, plenitudinem, aut teretem formam habere potest. *Placentulae* foetuum, duorum, trium aut quatuor mensium, si in utero a partu supersint, plerumque exsiccatae, *coriaceam* naturam induunt; ideoque minoris incommodi sunt.

Quæ

Quae verò quinque aut sex menses attingere, interdum a pressione uteri in carnem, molis solidiorem durio remque, nunc totius uteri cavitatis figuram, nunc *lobosa*, aut aliter insolita corpora, imò non rarò bruta aliqua referentem, conglobantur: Quae demum maturae sunt, aut *septimestres*, vel *octimestres*, si diutiùs servantur, periculi plurimum afferre solent: tum verò laepissimè vel corrumpuntur; vel illae sunt, quae etiam in *hydatides* facessunt. Undè quemadmodum efficta a retentis *placentis* excretaque corpora, Ruyschius *pseudomolas* appellare consueverat (e); ita coërcitas in utero vitiosè *placentas*, interdum in singulares *hydatides* vergere, ex eodem Auctore videre est (f). In hoc igitur genitae molae, servataeque *placentae*, conveniunt; quòd utraeque in *hydatides* converti possunt.

Quamquam a plerisque sit proditum, neque sanè ego inficiar, falsum germen, si ultra binos, aut summum tres menses in utero maneat, in molam evadere; ut ideo eorum quoque mens sit, molam & falsum germen perinde esse; in comperto tamen cordatioribus est, falsum, sive men-

I

dosum

(e) *Observat. Anatomico-Chirurg. XXVIII.*

(f) *Observat. XXXIII., & Fig. XXXIV & XXXV.*

*De falso, communiter dicto, germine.*



dofum germen a mola, naturâ & origine  
distingui . Ut enim mola *secundinarum* qui-  
dem , non verò contenti *embryonis* , aut  
foetus in origine vitium est ; ex adverfo  
spurium germen non *secundinarum* , sed foe-  
tus error primûm esse videtur : Morbus  
enim quicumque sit , qui tenellum foetum  
in utero invadens ( plures autem propriae  
hujusce germinis affectiones esse posse vi-  
dentur ) eum occidat & absumat, *secundinis*  
illaesis , & statum adhuc incolumem ali-  
quandiu servantibus ; is quidem falsum  
germen inducet . Cum verò ad ipsa ple-  
rumque conceptuum initia causae , quae  
in falsum germen conspirant , foetum ,  
imo & fortè adhuc *embryonem* adorian-  
tur , cujus quidem corpus ita parvulum tenel-  
lumque est , ut vix extinctum & mortuum ,  
non solûm facillimè flaccescat aut corru-  
getur , sed citò destruaturs absumaturque  
& dispareat , solusque in ovo seu vesica  
liquor *amni* , quo illud inerat , superstes  
maneat ; ita jam supervacuum , atque in-  
dè onerosum hocce extincti homuncionis  
hospitium , sive ovatam etiam tum natu-  
ralem , suisque in involucris , de more di-  
stinctis , & propria adhuc loca occupan-  
tibus , bene constitutam vesicam , frequen-  
ter uterus citòque expellere solet : Atque  
haec falsa germina sunt : quae nempe sub  
minorum



minorum aut majorum ovorum specie egrediuntur: quorum hemisphaerium alterum villosa elegans *placenta* totum adhuc, aut fermè totum obducit; & quorum tunicae a *placenta*, atque invicem, disjunctae sunt: *Amnios* verò tunica adhuc liquore redundat suo: in quo tamen nihil solidum deprehenditur. Si verò post longius *gestationis* tempus, foetus quidem extinguatur: sed ita tamen in aetatem ac firmitudinem gradum fecerit, ut absumi ac deleri amplius non possit; ita vel integer, vel extenuatus, vel corruptus, vel in partes discerptus, integris aut etiam abruptis *secundinis*, excludatur; non quidem falsum seu spurium germen, sed abortus, atque juxta aliquos abortus, dicitur. Caeterum falsi germinis vesica, ut ut recens & parvula, si extincto aliquando destructoque & oblitterato foetu, diutius adhuc utero adhaereat; atque in eo immoretur; cum libera *secundinis* potestas maneat, nutritios uteri succos ad sese omnes distrahendi sorbendique, facile saginatur, crassescit, & ultra naturalem statum densior ac fermè carnea fit: seu sibi molae naturam aliquando comparat. Ita verum est, mendosa germina in molas ipsas converti posse, si diutius in utero ferventur: Sed ita sanè conversa non sunt; donec li-

Fig. ★

TAB. I.

Fig. XI.

TAB. II.

Fig. VII.

et VIII.

quor *amni* in eorum vesica adhuc scatet & fluitat; tunicaeque *placentae*que distinctae invicem, disjunctaeque servantur: Propria enim molarum natura est, non solum liquore *amnios* omnino deficere; sed *secundinas* omnes in unam, informem, atque extra omnem naturalem rationem, accretam carnem omnino confundere. Quare ad initium, mendosae istiusmodi generationes, seu falsum germen & mola, naturâ ipsoque aspectu dissimiles sunt: progressu tamen conveniunt: & falsum germen, nisi citò ab utero exeat, mola fit.

*Vitiosa uteri  
abortiva gravi-  
ditas, seu par-  
va foetus in  
utero mora,  
cum immaturo  
indò partu.*

Jamque, cum in *uterino* conceptu non solum ovata totius servatur figura, sed & tunicae ovum formantes distinguuntur, & in iis servatur naturalis cavitas, & in cavitate redundat liquor, & in liquore foetus innatat; nihil certè molae aut falsi germinis est; sed foetus naturali conditione fruitur: Hic tamen saepius ab una caussa, aut plurimis, ita turbatur & premitur & ad exitum urgetur; ut reuera citius, quàm par sit, seu immaturus, ab utero exeat; seu potius a vitiosa hujusce vasis propulsione deiiciatur. Intempestivus ac praecox hic partus, seu abrupta foetus in utero naturalis mora, abortus dicitur. In hunc sanè plurima conspirare queunt, cum ex parte solidarum matris partium, vel omnium, vel



vel uteri singularium ; tum ex liquidis diversi generis substantiis ; vel etiam ex vasis angustia , vel compressione , inflammatione , duritie , laxitate , imbecillitate , lubrica nimium habitudine , in alterutrum latus retractione ; vel ex casu , vel ictu , vel violentis concussionibus & divulsionibus ; vel imperfecta cervicis uteri occlusionē ; vel animi affectibus ; vel tandem a malis *secundinarum* aut foetuum conformationibus : Imò a liquoris *amni* defectibus plurimis : tum etiam ab ipsa *Rachitide* , aut alia ossium , præcipuè ad pelvim , vitiata fabrica . Multa sæpè contorsio *umbilicalis* funiculi, ( aſſert Ruyschius ( *g* ) ) a frequentiori *circumgyratione* foetus in utero præstita , cum succorum fluxus , uterum inter , *placentam* & foetum omnino impediat, foetui mortem inferens , abortus causa est ( *h* ) . Cum verò statuerimus nos , in hac brevi Historia solos vitiosae graviditatis effectus percurrere , causarum disquisitionibus aliò servatis : liceat ergo nunc solum asserere , abortuum causas sæpè vivum adhuc foetum foras expellere ; sæpè , dum expellant , aut antequam expellant , interimere ; interdum quoque non tantum interimere , sed , antequam expel-

I 3

latur

( *g* ) *Observat. Anatomico-Chirurg. XI.*( *h* ) *Eodem loc. Fig. XIII.*



latur, abrumpere & in partes discindere.

Cum verò primæ abortuum classis plura

**TAB. I.** superius in l. Tabula exempla haberi que-  
*Fig. XIV. XV.* ant; foetuum videlicet adhuc viventium,  
*Fig. XVI.* cum immaturè sunt parti; atque insuper

*Fig. XI.*

alterius abortuum generis exclusus foetus eodem loco exhibeatur; Quum nempè, & tenerrimæ ætatis, cuilibet leviori offensæ faciliè succumbentis, ratione, & imprimis ob malam, neque ipso solùm abortus momento natam, *chorii & placentæ* conformationem, jam ante partum fuisse extinctum, certiores sumus: Hic tertii ordinis abortum sub oculos ponimus: illum nempè, in quo non solùm ante partum perijsse foetum, sed quoque toto corpore solutum atque discerptum fuisse, constat.

*Historia singularis Taurinensis abortus.*

**TAB. II.**

*Fig. VII. & VIII.*

Honestæ Mulier, ætatis suæ XXXXV. annum agens, sanorumque aliquot filiorum Mater, ad finem Augusti mensis proximè superioris anni, se duorum mensium gravidam esse affirmabat: Gravis & obesa, se multùm defatigaverat; & corporis violentas flexiones ac concussiones passa fuerat: ab aliquibus hebdomadis expube dolebat & lumbis: improvisè aborta est: partumque ovum ad nostras aedes transmitti curavit. Nos pro duorum mensium foetu ovum exile esse judicavimus. *Chorion* verò *placentæ* supersterni, admirati fuimus:

*Fig. VII.  
a. a. b. b.*

Hoc

Hoc insuper a subiecto *amnio* facillimè expediebatur: Quo igitur sejuncto diducto-  
 etoque, ponè summè perlucidum ad liberam suam partem *amnium*, confusae foetus partes transpiciebantur. *Placenta* verò utrique intermedia, jam valdè coacta erat & densa; integra tamen adhuc & illaesa.

Aperto *amnio*, en *chaoticam* partium omnium foetus dissipationem. Putridae omnes erant; & dudum fracidæ disjunctaeque vix consistebant; in liquore *amnios* singulae velut fluctuantes. Caput

cum collo divulsum erat, & a trunco dissitum: corrupta lingua & soluta;

Semotae dorsales vertebrae & costae: lum-

bares cum cruribus confusae: Corculum

dispersum & dissitum: hepar collo proximum: corrupti ac fluitantes pulmones:

dispersa alia viscera atque intestina: Demum

*umbilicalis* funiculus plùs caeteris partibus servatus, intestinorum glomerem angustè subiens; sed versùs *amnium* dilata-

tatus, ac velut in plures inflexas zonas expansus. Caeterùm a dudum sublato per foetus necem ac corruptionem nutritu dignovimus, quamobrem ovum ad solitam duorum mensium amplitudinem non devenerit. Dignovimus insuper, quanta *secundinarum* sit firmitas: quae nempe tantas solutionis causis resistere. Haec sanè fir-



mitas vel in ipso ovario conspicua est: quae tamen singulari naturae providentia in maturo partu labascitur; levique abrupti vi facillè cedit.

*Vitiosa uteri  
gravitas, ab-  
ortivae gravi-  
ditatis op:osita:  
Seu quâ foetus  
diutius in ute-  
ro coerciti, ple-  
rumque exsic-  
cantur: aut pu-  
trescent: utrius-  
que eorum axi-  
tas.*

Nunc ex adverso, ad nimiam, seu quoque vitiosam, foetus in utero moram accedentes, undè, partibus ad debita tempora non celebratis, mori, atque insuper solidis suis partibus alterari coërcitos foetus, seu exsiccare vel putrescere, plerumque contingit; atque omnibus *utrinis* causis hîc loci pariter omissis; aliquod exemplum vitiosae hujusce graviditatis ex innumeris per Auctorum Codices dispersis, & nostrum quoque aliquod, seligemus. Atque ut illa uteri praecipuè habitudo, quâ ad exitum lubrica, directior facilisque via fit, foetum citiùs eicere solet; ita opposita, undè obstrictus aut inflexus, atque ita difficilis sit aditus; coërcet diutius & retinet. Idcirco foetuum debito tempore non partorum causa, praeterquam in insolitis cervicis uteri osculique resistentiis, in internis vitiosis ejusdem uteri inflexionibus ac velut productis *sacciformibus* latibulis, seu veris, idest non naturalibus, internisque herniis, potissimùm sita est. Ejusmodi *herniosas* uteri productiones, inductas frequentius vidimus ad loca introitus tubarum: ubi quidem haec cavea obtusum quemdam



quemdam utrinque angulum, & velut sacci fundum praestare solet; tum involucris atque parietibus subtilior est. Hi porro interni sacci arte manuque comprimi, atque reduci non possunt, atque ita contenti implicatique foetus foras ab eorum gremio urgeri; ut in Taurinenſi Femina, exteriori hernia in graviditate detenta, fieri superius diximus. Retenti in utero foetus, si ita arcto clausoque per tunicas sacco involuti sint & coaliti, ut cum externo maternove aere nullum apt minimum commercium admittant, vel mortui, non solum diu incorrupti manent, & saepe innoxii (i); sed lente saepius exsiccantur: Exsiccati, cum utero minus molesti sint, diutius servantur (\*): imo saepius nunquam excernuntur. Prae tot aliis exsiccatorum in utero foetuum exemplis, celebre illud est, ab Albosio ac Provancherio sub *Lithopedii* nomine traditum (k): in quo foetus naturale graviditatis tempus recte transegit: maturus, in partum frustra nisus est: hinc obrutus, simulque a nutritu solutus, moriebatur: Postea in eadem suae accretionis sede exsiccatus, ac velut in lapideam duritiem evasus, uteri angulo (seu sacco) suis induratis tunicis omnino

(i) *Schellam. Misc. cur. dec. II.* coër-  
(\*) *Vid. Bautzmann. Misc. cur. dec. III.*  
(k) *Portentosum Lithoped. &c. 1581., & in fine libri Rossæti de Cæsar. Part. &c.*

cruciamētis supervenit : Postmodum diuturnus partus incipiebat , Sanies etenim , carnes , putridaque liquamina , atque exinde ossa ipsa , per vaginam & pudenda deijciebantur . Ossa verò , quae exhibant , adhuc ex minoribus erant , & praesertim ex iis , quae oblonga sunt ; ut costae atque exilia ossa artuum . Adhaec inflammatio uteri , atque inde febris doloresque valde sedabantur : & foetus partium egressus faustè leniterque incedebant : ut multa spes esset , reliqua omnia & praecipuè majora ossa , per longum , sed tandem completum partum excernenda fore : quum malis omnibus repentè recrudescētibz , & quolibet ex utero suppressâ evacuatione , mater , ventre enormiter tumida , moriebatur . In aperto cadavere iufortunium , neque expectatum , neque imò cogitatum , se pandit . Costa major , suo extremo ad *uterini* osculi latera se infixerat : Infixae costae tanta illius tenacissimi , in hoc loco redundantis , & in graviditate claudētis atque obsignantis , succi concreverat copia , ut osseo huic extremo duriorē *trophaceam* , imò calculosam molem , instar coaliti globi , circumduxerit : Atque ita murum osculo insuperabilem struxerit : undè inchoati partus suppressio , atque irreparabile parturientis seminae lethum sequutum est . Majora caetera-

Fig. VI.



caeteraque ossa, jamque disjuncta & ad partum properantia, in uteri cavo reperia sunt: Quae omnia, & imprimis delinquentem costam, humanissimus Vir mihi tradi curavit. Caeterum mortuorum in utero foetuum, diuque retentorum; postea integrorum adhuc, vel si intaminati, vel corrupti marcidique fuerint, nunc incolumi, nunc etiam non incolumi matre depulso, ubique observantur historiae; & nobis aliisque in frequenti praxi sunt. Qui vero foetus in utero per corruptionem soluti, discinduntur partibus, plerumque Chirurgorum manibus atque instrumentis indigent.

Atque hic operae pretium esse sentio, Foetus vel mortui, vel vivi, diutina molestaque graviditate gestati; hinc per naturalem partum editi. tardiores aliquas, simulque valde incommodas *gestationes*, naturali tamen partu exceptas, velut in appendicis modum, per exempla referre: Quibus scilicet foetus, vel ante maturitatem mortuus, diuque incorruptus, sero tandem per succretorum aliorum conceptuum communem partum editus: vel longo post obtentam maturitatem tempore vivus in utero servatus, naturali quoque, sed tardo admodum partu, aliquando natus est. *Catharina Rubea*, Taurinensi bi-steria foetus in utero mortui, diuque incorrupti, tandem Taurinensi Agro habitans, jam plurimum natorum mater, Septembri mense anni 1738. a tribus mensibus gestare utero, in-

dicis



post novum ge-  
mellorum con-  
ceptionem, gesta-  
tionem & var-  
tum, sero, iis-  
demque com-  
muni, partu  
exclusi.

dictiis omnibus pro certo habuit: quum  
subitâ aliquorum dierum *uterinâ* haemor-  
rhagiâ, simulque ventris atque lumborum  
doloribus, eorum, qui in partu sunt,  
revera similibus, correpta est. Quibus se-  
datis, tumidus venter superest, & tensus  
ac durus uterus, molestus harum partium  
sensus, & frequens deijciendi stimulus.  
Mox menstrui, trimestri illo tempore sup-  
pressi, fluxus jam redeunt: & ad usque  
Martium mensem sequentis anni 1739. ada-  
missim prosequuntur: ut foetum in hae-  
morrhagia illa irritisque pariendi nisibus,  
morti occubuisse, omnino censere debea-  
mus. A Martio mense, suppressis denuo  
*catameniiis*, mulier iterum concepisse per-  
cepit: & ad usque proximum elapsam De-  
cembrem molestissimam graviditatem fe-  
rens, 22. ejusdem mensis die maturos vi-  
vosque geminos enixa est: Postea foetum  
mortuum peperit: cujus magnitudo tri-  
mestri respondere foetui revera visâ est:  
Hujus universum ferme corpus sanum &  
integrum, mollesque, velut in recenter  
mortuo, carnes erant: optimèque serva-  
ta integumenta singula. Solus venter ad  
recentem livedinem vergere videbatur.  
Caput nonnihil explanatum erat. Os in-  
star avium rostri valdè productum; in quo  
quatuor jam dentes, iidemque *incisores*,  
emer-

emerferant . Ex iis porro colligere est , mortuum olim , & ab uteri nexibus solutum jam foetum , a primis illis uteri ad partum frustraneis contractionibus , in alterutrum eorum angulorum , qui tubarum ingressui respondent , fuisse propulsum & coactum ; hinc a nova succedente graviditate , firmâque idcirco ad *uterinam* cervicem inducâ occlusionem , ab aeris commercio ideoque a corruptione illaefum servatum ; postmodum a grandescentibus gemellis , præcipuè ad ampliorem partem seu caput , compressum ; demum a novissimi partus conatibus é suo profundiori hospitio & latibulo , post illorum propulsionem unâ pariter quàmvalidè succussum & exclusum . Dentes , inprimis teneriores , qui sanè , aliâ , quàm reliquum corpus , vitâ frui videntur , vel post infantium mortem , excrescere in iis posse , atque ex alveolis prodere , non insolitum est . Nunc ad graviditatem alteram , ultra debitum tempus impensè protractam , gradum faciens ; in qua tamen vivus sanusque foetus superfuit , & tandem per naturalem partum est editus ; an istiusmodi graviditates , quarum indicandum exemplum unicum fortasse non est , in *er* vitiosas recensendae sint , hîc modò non discernam . Saltem hujus generis graviditates , transgresso naturali tempore , molestae



*Historia foetus,  
menses viginti  
duos cum dimi-  
dio vivi sani-  
que utero ge-  
stati: & a Ma-  
tre naturaliter  
editi.*

Itae admodum ac laboriosae sunt. Non ita pridem Historia a Lugdunensi Panthoto ad Celebrem *Daquin* Galliae Regis Archiatrum conscripta, atque jam dudum volanti folio evulgata, mihi in manus pervenerat. In hac describitur foetus sequioris sexus, post graviditatem viginti duorum mensium cum dimidio, validus vegetusque; fortiorique & graviori voce, quam in novem mensium conceptibus sit; non majori tamen super eisdem mole corporis, a robusta matre ann. 1693, in lucem editus: Qui tamen duas solum horas a partu supervixit. Interea longis jam capillis unguibusque erat; dentibus ad albidas jam gingivas eruptioni paratis; duro cranio; dura pelle; & corpore, ut in trium annorum infantibus, formato solidoque: Ejus *placenta* valde exsiccata, & tamquam *coriacea* visa est. Mater totâ graviditate, uteri sanguineum fluxum est passa: Nemo mense accerrimos ad partum conatus habuit: Ita & undecimo; & decimotertio, decimoquinto, decimoctavo, & vigesimo: Ante hanc *gestationem* sex filios, naturalem in utero moram emensos, rectè pepererat: Demum post hanc, si vitiosam non dicam, prodigiosam saltem graviditatem dicam, octavum filium naturaliter sustulit ediditque: Postmodum verò in insolitam rursus graviditatem



graviditatem incidit ; excluso aliquando alio foetu , post octodecim mensium graviditatem, longis quoque capillis ; & ( quod praeclariùs ) multis jam eruptis dentibus instructo .

Sed si foetus vel in immatura , vel ma-  
tura , vel vitiosè prorogata graviditate ,  
quodcunque sit oris uteri obstaculum , ab  
ejus cavea , per fundi , cervicis , aut etiam  
superioris vaginae ruptionem lacerationem-  
que , in aliquam ventris regionem adiga-  
tur ; isque vel jam corruptus , vel recens  
mortuus , vel quoque , si contingat , adhuc  
vividus sit ; matrem certè a tanto uteri , ejus-  
que partium vulnere , brevi frigidam , fri-  
gidèque sudantem , convulsam , instar ca-  
daverum pallentem , a ventre enormiter do-  
lentem & tensam , deliquiis obsessam in-  
dèque *lypotheriis* , praecedente insuper  
plerumque obitum pulsu omnem explora-  
tionem fugiente , atque ad *ἀσφύξια* re-  
ducto , seu cum solitis internae lethalis  
*haemorrhagiae* symptomatibus , mori ne-  
cessè est . Moritur verò , etiamsi contingat ,  
foetum in ventris cavitatem illapsum , aut  
mortuum , aut etiam vivum , per caesa-  
ream operationem protinùs educi posse .  
Memini , a Peritissimo in obstetricii  
opere , Expertissimoque olim Chirurgo no-  
stro De Roy audiisse : Pauperculam quam

*Vitiōsa uteri  
graviditas, quæ  
per discessum  
uteri fundum,  
aut cervicem,  
aut superiorem  
vaginam, in-  
terior sit par-  
tus, matri sem-  
per mortifera  
est.*

*Historia funesti  
in hac Urbe in-  
terioris partus.*

dam nono graviditatis mense irritis partus conatibus duos integros dies accerrimè conflictatam, tertio tandem intùs ad sinistrum ilium cum uteri ruptione peperisse: Eventum hunc ipsi, auspiciò tunc astanti, fuisse satis perspectum, ex illicò cessatis conatibus, crebris matris supervenientibus deliquiis, subitoque ad ilium surgente tumore, atque ad hunc locum sensili quodam ad tactum foetus motu: tunc sinè ulla haesitatione tumoris locum caesareà operatione ipsum aperuisse: foetumque, adhuc vitae signa edentem, fuisse extractum: Matrem sublevari visam: sed post aliquot horas mortuam: In cadavere ruptam uteri cervicem: Multumque sanguinis in ventre repertum: Irreparabiles necis causas. Quamobrem quaecunque istiusmodi disruptionum uteri & illapsus foetuum, vel toto corpore vel aliquibus eorum partibus, in inane abdominis pervoluntur historiae, quae quidem non paucae sunt; hae omnes non sinè subito, aut saltem non sero, matris obitu describuntur; vel si per simplicem subitamque inductam lacerationem; vel si per praeviam, atque in hujus valis solutiones lentè procedentem, traductamque a foetu in uterum, aut primùm in utero natam, corruptionem, uterus apertus fuerit. Ita

in



in Historiis Ephem. N. C. plurimis: Ita apud Salmuthum, Fabr. Hildanum, Mauriceau, Plazzonum, Knoblochium, Primerosium, Loescherum, Stalpartium, Witzelium, Faussium, Maur. Hoffmannum, Reiseliū, Roonhuysen, Courtial, Heisterum, Santorinum, Pistorem, totque alios: Ita & in casu, Historiae Mussipontani foetus adjecto; in quo gestans femina fragorem ipsum ruptionis uteri audivit: Quod certè *Phenomenon* aliis quoque infelicibus Matribus evenisse legimus. Imò vel si solū cum foetu contento suppuret uterus; praegnantēs etiā moriuntur. Ita Rossetus (o), Augenius (p) Aliique.

Quod ad uteri vaginam speciatim attinet: si haec in partu ad superiora loca abrumpatur, ubi cum recto intestino non adhuc continua, sed membranaceis solū fibratisque connexibus contigua est, sanguinem in ventris caveam effundit: Atque cum altiore vaginae sedem plures adhuc majorum *spermaticarum* atque *hypogastricarum* arteriarum fascēs componant, haec sanè neque minor erit effusio, quā quae ex fundi, aut cervicis uteri laceratione habeatur; nec minùs ideo Matri lethalis erit: Cui quoque eae omnes accedent aerumnae,

*In vitiosa uteri graviditate paritque, superiores vaginae ruptiones totae lethales sunt: aliquae vero inferiores non lethales.*

K 2

quae

(o) *De part. caes. sect. VI. Cap. II.*(p) *De homin. part. lib. II. Cap. XXVII.*



quae a foetu in inferiorem , aut etiam superiorem ventris caveam illicò illabente suboriantur . Imò vel si inferior vagina abrumpatur , quae nempe pudendis vicinior est ; quamquam haec non tam grandibus sanguineis vasis referta sit ( q ) . nisi illo fortè loco abrumpatur , ubi cum recto intestino continua est , si non subito , citò tamen , lethalem quoque haemorrhagiam inducit : Cum fusus hic sanguis nullibi corrivari queat . Ita ante aliquot annos juveni cuidam Mulieri , tunc commoranti , ubi nunc magnificum Regiumque Provinciarum Collegium erectum est , in matura graviditate difficilique partu , quandam ab Obstetrice violentiam passae , vaginae latus versùs pudendum infauslè abruptum est : hinc totà internae funestae haemorrhagiae superveniente pernicie , statim Andreas Verna , publicus *Incisor* noster diligentissimus , atque in obstetriciis peritissimus , advocabatur : qui advolans , expirantem invenit : postea in cadavere foetum in pelvi mortuum ; ruptam interiùs vaginam ; ventrem autem sanguine inundatum , invenit . Sed si quo latere vagina recto intestino coalita & adnata , unum cum eo corpus constituit , ita fauslè discinditur ; ut sanguis è vulnere erumpens , foras

*Taurinensis historia lethalis in partu vaginae disruptio-  
nis .*

( q ) *Vid. Ruysch. fig. 69. ad LXXXVIII. Observat. Anatomica-Chirurg.*

ras é corpore per anum eliminetur ; Ma-  
 ter , si robusta sit , é plaga evadere ; &  
 foetus non in ventris caveam , sed in anum  
 erumpere , atque per ipsum foras educi  
 poterit ., Accersebar ( scribit ad nos Peri-  
 tissimus Savilianensis Chirurgus Giache-  
 rius ) die XIV: superioris Maii mensis  
 Monasterolium , tribus milliariis ab hac  
 Urbe distitum , ut Joannam viserem Jo-  
 sephi Truchi Uxorem , aet. aet. XXXV.,  
 valde obesam feminam ; jam a quinque  
 diebus acerrimis partus doloribus pres-  
 sam : Cujus , a me commodiori loco  
 dispositae , genitales partes explorans ,  
 velut é limine oclusas inveni : Adhaec  
 foetus capitis sinciput ad valde dilata-  
 tum ani orificium tetigi inspexique .  
 Quum veró ipsum ( de naturali partu  
 adhuc cogitans ) summis digitis in ute-  
 ri caveam repellere contenderem ; in-  
 gens statim sanguinis copia per anum  
 effluxa est . Pudendas indè partes & in-  
 solitum earum claustrum manu mihi  
 curiosius inquirenti , fortis occurrit mem-  
 brana , transversim obtenta , totumque  
 externum uteri orificium , seu vaginae  
 introitum occupans : Hanc verò prom-  
 tè discindens , & manum in vaginam  
 inducens , digitos per statim repertam  
 scissuram , recti intestini & vaginae ca-

*Pedemontana  
 Historia ruptae  
 inferius vagi-  
 nae , simulque  
 inferioris recti  
 intestini , cum  
 foetu per anum  
 extracto , ma-  
 treque sanitati  
 restituta .*

„veas communicantem , ad usque anum  
„ita liberè detuli ; ut astantes ipsi eos ex  
„hoc foramine erumpentes viderint. Cum  
„verò lividam vaginam, aliasque adjacen-  
„tes partes inflammatas & rigidas , ac ve-  
„luti spasmò contractas , angustamque  
„adeo viam , ut naturali partui inepta es-  
„set , animadverterim ; curvum ferrum  
„accipio ; ipsoque in anum introducto ,  
„interpositum vulvae & podici perinaeum,  
„uno strenuè ictu divido : atque per ita  
„apertam semitam vivum adhuc foetum ,  
„lustralibus indè aquis feliciter exceptum,  
„extraho . Absoluto obstetricio , puerpe-  
„rae auxiliarem indè porrigens operam,  
„eam , post duos menses solâ Samaritani  
„Balsami introductione atque ablutione  
„optimae valetudini restitui admirabar .  
„De membranae ortu , facilitate partus ,  
„Matrisque incolumitate sagacissimum tu-  
„um, quo nos in arduis rebus dirigis , ju-  
„dicium esto &c. Saviliani X. Novembris  
„1737.,,Membranam hanc praeternatu-  
„ralem quaedam fortè vulvae decorticatione  
„produxerat: ut similis quoquenata est in gra-  
„vida Muliere apud Ruyschium ( 1 ) , quae  
„certè parere non potuit, donec haec quoque  
„membrana incisa fuerit: Sed haec nostrâ fe-  
„licior puerpèra , partum adhuc naturalem  
„obtinuit

( 1 ) *Observ. Anatomico-Chirurg.* XXII.



obtinuit. Porro si Giacherius noster tam cito, ut cum fociis Ruyschius, fuisset advocatus; promptâ fortè, non secus, incisione membranae, illam in anum vaginae disruptionem avertisset.

At verò non sola uteri plaga internos partus lethales efficit. Graviditates, quae in interna tubarum cavitate, internâque ovariorum substantiâ fiunt, cum per inductiones, vel prius ipsis conceptuum temporibus, harum partium lacerationes, Matri pariter mortiferae sint, idcirco internis quoque vitiosis graviditatibus hîc a nobis recensentur. Ut verò non insoliti sunt *testiculares* istiusmodi conceptus; ita creberrimi *tubarii* sunt: utrique verò suapte naturâ in internos lethales partus abeunt; nisi fortè fortunâ, foetibus, non tantum ante maturitatem, sed ante notabile quoque incrementum, sensim exsiccatis & tabescentibus, hae partes ad illam non perveniant extensionem, quae non sine ruptione, ut ruptio non sine Matris excidio, est: aut saltem ita lentè extendantur, ut tanta illa, neque exilia, vasa, quae has partes componunt, sensim quoque extendantur; tum verò extensioni suaviter assuescentia, in lethales scissuras non deveniant. Tanta enim eademque insignes *spermaticae* atque *hypogastricae* arteriae has partes perrepunt & in-

*Vitiosa in interna tubarum cavitate graviditas, semper lethalis, si tuba corrumpatur.*

fluunt; ut vel ex levi harum laceratione, lethalem *haemorrhagiam* evenire oporteat.

Ita in illa, prae aliis recentissima, *tubaria* graviditate a Cl. Santorino descripta, & icone exposita, ( *f* ) disruptioni tubae, quae tam exigua erat, ut vix panici grani diametro major esset, tanta paulatim sanguinis in ventris caveam successit effusio; ut Mater citissime, cum iis, quae internas funestasque *haemorrhagias* sectantur, malis, fato occumbere debuerit. Interea in hac femina, quamquam valde ampliata tuba esset, contentus tamen foetus, quem

Fig. IV.

quoque inter nostras icones hic designari curavimus, minimus sanè cum imperfectis, imò vix inchoatis, artubus fuerat. E converso in illo, quem Cel. *Du Verney* reperiit ( *t* ) atque delineavit, ( *u* ) *tubario* conceptu, foetus multis vicibus illo major, & major quoque tubae dilatatio fuerat: neque tamen lethalis istiusmodi laceratio sanguinisque eruptio subsequuta est: ( cum Mater, ipso testante Scriptore, longè alià causà, seu casu, indeque subortà lethali febre, perierit ) scilicet, quia foetus lentè consumptus fuerat, ut conditi exsiccati-  
que

( *f* ) *Observat. Anatom. Cap. XI, §. XVI. & Tab. II. Fig. III.*

( *t* ) *Anno MDCLXXXIX.*

( *u* ) *Hist. Acad. Paris. Rég. an. MDCCII.*



que cadaveris speciem referret : ipsaëque  
feminae gestantis tubae paulatim quoque  
induratae tunicae , non solum ruptioni re-  
sisterant ; sed insuperabili pressione crescèn-  
tem foetum ita forsan consumpserant .  
Caeterum hanc quoque *Dn Verney* figu-  
ram hic nostris adjecimus ( quamquam  
illâ ab Auctore expositâ multò minorem  
incidi , ob Tabulae angustiam , oportuit )  
ut , quod operae pretium putavi , quem-  
dam expungi temporis errorem continge-  
ret . Namque cum hic Santorini foetus  
ita exiguus & imperfectus , vel nostris tri-  
ginta dierum foetibus sit minor ; non in-  
telligimus , cur ipsi Auctor tantam , seu  
quinque mensium , aetatem tribuerit . Ra-  
tio verò ingentis adeo in quinque men-  
sium foetu exilitatis , quam *loci angustiae*  
*ad aequum suppeditandum alimentum longè*  
*impari* ( x ) referre nititur Vir. Cl. , nullo  
sanè pacto admittenda est : Quippe cum *Dn*  
*Verney* foetus in durioris sicciorisque , ma-  
gisque resistentis tubae claustro coërcitus ,  
flexus & amplius hoc quinque mensium  
foetu sit major ; quamquam septuaginta  
solum dierum esse judicatus fuerit : & ta-  
men , ut in *Dn Verney* figura videre est ,  
foetus ille a tunicis strictim involutis im-  
plicatisque , omnino constrictus extenuatus-  
que

Fig. III.

(x) *Iisdem observat. Anat. Cap. XI. §. XIX.*



que fuerat : Santorini verò foetus in liberrimo amplissimoque spatio , mollique & succosa tuba depromitur : & insuper rotundus & pinguis, & succis ita saginatus, ut nullam eum nutritus jacturam fuisse passum , appareat . Si igitur hic quinque mensium fuisset , quid ipsi naturalem nutritionem atque accrementum vetare potuisset ? Loci angustia alimento impar ? Sed cur haec , praeterquam foetus *Du Verney*, foetus quoque *Vassalii* incrementum non impediit ; qui nempe tribus aut quatuor vix mensibus ita in tuba auctus est , & artubus totoque corpore absolutus , ut Santorini quinque mensium foetum ter ad minus magnitudine superare , ex ipsa *Vassalii* icone , *Graafio* probata , videatur ( y ) ? Cur haec angustia membrorum & artuum completam jam fermé operam vetare non potuit , in illo sex solùm hebdomadarum a *Littrio* exposito *tubario* conceptu ( z ) ? Cur non in iis , quos refert *Riolanus* ( a ) , qui *benè optimèque conformati erant* ? Cur non in aliis creberrimis , qui in tubis plùs certè , quàm hic Santorini , aucti , & tamen aetate minores , a tot Auctoribus describuntur ? Nam praeter has , quas ex

Vernejo

( y ) *De Mulier. organ.*

( z ) *In Reg. Paris. Acad. ann. MDCCI.*

( a ) *Anthropogr. lib. II. Cap. XXXV.*

Vernejo & Vassalio diximus, alias insuper istiusmodi internarum tubae graviditatum vidit idem Vernejus: vidit quoque, pluresque Recentes & Veteres retulit Riolanus filius: viderunt, aut descripserunt, Harveyus, Deusingius, Tilingius, Graafius, Elsholz, Marquardus, Huxholtz, Dionis, Paitonus, Gallicae Eruditor. Ephemerides, Anglicae, Germanicae, tum & Lipsienses, aliaeque. Quod verò rei caput est: dignoverunt omnes, ejuscemodi ad intimam tubae caveam *gestationes*, semper gestantibus feminis fatales fuisse; si tuba vel minimùm dilaniata fuerit: dignoverunt autem, gravidas internè tubas citiùs quidem vel tardiùs, at verò certissimè dilaniari; nisi hae cum implexo foetu ita arelcerent, at velut callosae fierent; ut non tam foetus nutritui, quàm propriae lacerationi ineptae redderentur. Porro autem sciscitanti, cur hìc celebrem *Bussiere tubarii* foetus Historiam (b) non memoraverim? Reponerem: Hanc a praeclaro Viro traditam, & ab omnibus hactenus ad *tubarios* internos conceptus revocatam, meo quidem judicio neque *tubarii*, interni aut externi, neque *testicularis*; sed neutri; imò potiùs naturalis, seu non vitiosi conceptus esse. Cum enim in hoc casu tres

ovi

(b) *Act. Philos. Ang. MDCLXXXIV.*



ovi quadrantes partes jam extra *ovarium* in tubae tentorium fuissent illapsae; & quarta pars adhuc *ovario* insistent, ei per pediculum nexa esset; & Mater, ante completum ovi in uterum progressum, subitâ supplicii morte sublata fuisset: ipse reor, nisi illa subitò interempta fuerit, connexionem illam cum *ovario*, insolitam quidem, sed non gravem, brevi dissolui, ovumque in uterum per amplam, & firmiter *ovarium* amplexantem tubam, liberè traduci aliquando potuisse. Sed haec jam superiùs indicata sunt.

*Vitiosa alia interna graviditas, seu ovariorum interior: quae semper Matri lethalis est.*

Nunc animadvertere oportet, vitiosarum in internis *ovariis* graviditatum conditionem, deteriorem adhuc esse, quàm in ipsis internis tubis videatur. Quippe cum internae *tubariae* conceptionis foetus, Matris vitae interdum parcant; nimirum quum exsiccantur: sed in *ovariis* internis nunquam parcant: quoniam semper in iis ita molles humidique servantur; ut ad illum, qui Matres eximat, exsiccationis gradum pervenire non possint. Propria enim *ovariorum* substantia, substantiâ tubarum humidior est: quae prima, licet similia, ex *spermaticis* pariter & *hypogastricis* sumpta, obtineat vasa; re tamen vera magis implicatis atque reticulatis vasis donata, majoris succorum morae, indèque



indèque & eorum copiae, caussa est. Imò cum densius, ut patet, prae tubae fistula, teretis solidique ovarii sit corpus; hoc ideo valde minùs tubâ, quin abrumptur, extendi potest: Eò verò peior in hac disruptione haemorrhagia est; quò in ovarii centro seu interna substantia, vasa sanguinea majora sunt: quae indè ad circumferentiam in ramos minuuntur (c). Quapropter cum in propriis susceptis gestationibus citiùs multò, quàm tubae, abrumpi ac dilaniari ovaria contingat, ut ideo adhuc tenelli & valde parvuli contenti foetus, erumpere, matresque occidere adigantur: Hac de re testicularem foetum bimestri majorem hætenus nemo perspexit. Primus, quod sciam, testicularium conceptum Medicorum memoriae traditus, ille est, quem a Doctissimis proximè elapso saeculo Abbatis de la Roque Ephemeridibus (d) colligimus: Hic in dextro ovario coërcitus, atque in foetum explicatus, postea cum ingenti laceratione, & sanguinis effusione, in ventris caveam eruptus, vix pollicis magnitudinem aequans, genitricem subito interemit. Alias istiusmodi graviditates, matribus brevi funestas, cunctis aliis superioribus

(c) Vid. Tab. XX. Fig. VI. Tom. I. Bibl. Anat. ex Graafio.

(d) Ex Diario Gall. ad ann. MDCLXIII.

perioribus saeculis evenisse non dubito: Sed ob non satis adhuc perspectas illis temporibus genitalium muliebrium partium fabricas atque functiones , rarissimaque , imò fortè nunquam habita , ita defunctorum feminarum extispicia , quas ideo Medici ex impedito potius ipsius uteri partu , quàm ob alienam ab utero graviditatem , morte occumbere putabant, hoc mali genus ad usque has aetates in latebris relictum fuerat. Sed post primam illam historiam alias quoque similes graviditates , internolque indè lethales partus indicarunt Zodiacus Medico-Gallicus ( e ) D. de S. Maurice ( f ) Vi-eussenius & Montagnier ( g ) hinc Littrius ( h ) Aliique .

*Vitiosa inter-  
media graviditas, seu ovariorum externa ; quae matri ple-  
rumque letha-  
lis non est .*

Interea dum nobis ita perspectum atque compertum erat , habitos in muliebri ovario conceptus , valde progredi non posse ; sed interno celeriter excitato abortu , matri quàm promptè fatales esse : quis credidisset , nos recens inductam hanc scientiam aliquando refutare debuisse ; atque a novis observationibus ediscere , has easdem graviditates , in eodem ovarii corpore

( e ) Eodem anno .

( f ) Ann. MDCLXXXII.

( g ) Dissert. de struct. & usu uter.

( h ) Histor. Reg. Scient. Acad. Paris. ann. MDCCI.

re, nonnihil immutatâ vix sede, naturam quoque immutare; & ab iis foetus, adusque completum incrementum ferri; & in iis internos indè maturosque partus sinè matris excidio celebrari? Haec sanè prorsus contingunt in illa *ovarîi gestatione*, quam intermediam vocamus; seu quae inter solidam propriamque *ovarîi* substantiam, atque ejus tunicam succingentem fit: Ut hanc ideo vitiosam intermediam graviditatem dicamus; quoniam ab hujus partis memorata hactenus interiori, & insuper a vitiosa externa, seu *ventrali* graviditate, intermedio velut modo distinguitur. Sed quoniam ad hujusmodi singularem illustrandam graviditatem, uti exemplis consultiſſimum est: Accedit igitur celebris altera Taurinensis Feminae vitiosa extra uterum graviditas: Quam eò curiosè ac singulatim describam, quò sui generis primam puto. Namque super omnes, quae hactenus innotuerunt, in *ovarîis* graviditates, videtur haec sanè recensenda; quae nova, neque ante hunc diem alibi, quòd sciam, visa est: in qua foetus non solùm extra uterum XV. propè annos recens succisque redundans, simulque incorruptus superfuit; sed idem quoque duas in eadem femina distinctis sedibus *gestationes*, & primam (quod mirum est) in *ovario* omnino maturam, sustinuit.

Taurinensis



*Historia exter-  
nae in ovario  
graviditatis, in-  
deque ventra-  
lis externae, in  
Taurinensi Fe-  
mina.*

Taurinensis Mulier, postquam binos debi-  
tèque maturos conceptus duobus partibus  
marem feminamque, vivos edidisset, sep-  
tem deindè annis absque graviditate tran-  
sactis, anno MDCCXIII., Majo incipien-  
te mense, cum trigessimu aetatis annum  
ageret, tertio concepit. Omnia natura-  
lis graviditatis signa, quamplurimis incom-  
modis & morbis conjuncta tulit. Suppres-  
sis mensibus, venter pedetentim excrevit;  
sed magis ad dextram *hypogastricam* regio-  
nem: Sinus pariter tumidior apparuit. Ini-  
tio graviditatis acerbos & ferè continuos  
ossis sacri, lumborum ac totius infimi ven-  
tris dolores sustinuit: nauseae, animique  
non gravia deliquia, constantia fuere. Quin-  
to circiter mense, foetus motiones aliter,  
quàm in anteaetis graviditatibus, seu sem-  
per dextras molestasque sensit: Quo tem-  
pore, mammae lacte distendi coeperunt.  
Dolores autem quolibet mense expleto,  
usque ad nonum, semper cum foetus mo-  
tibus adaucti sunt; quibus praegnans ve-  
hementer excruciatà, in lentam febricu-  
lam incidit, multumque emaciata est. Ni-  
hilominus octavo & nono mense adeo re-  
pletæ sunt mammae, ut lac spontè flue-  
ret. Labente jam, nono a conceptu, Ja-  
nuario mense ann. MDCCXIV., parien-  
di dolores acerbissimi; & praecipuè lum-  
bares

bares , incesserunt . Quatriduo puerpera laboravit : nec paulum aquae fluxit . Quapropter Chirurgo accito , qui partus vias exploraret , prorsùs ineptas ad foetus exclusionem invenit . Tandem in gravioribus partus doloribus , mater , a dextra infimi ventris parte ingens corpus velut divelli , locoque moveri sensit , quod protinùs ad dexteram superiorem umbilici regionem ascendit . Adstantes foetum , quinque transversos digitos elatum , externo tactu noverunt . Tum omnes materni dolores , & pariendi conatus deleti sunt : Nec foetus ulteriùs motus est ; sed velut inutile pondus proximè sub integumentis communibus tangebatur ; ubi abditus , rotundo capitis vertice , & manus digitis , occupatum locum exploratoribus evidentissimè designabat . Mater exindè refecta est : cui reverà peperisse videbatur , simul atque foetum loco moveri percepit . *Lochiorum* postea fluxus nullus fuit . Majori lactis copia nutrices impletae sunt ; quod brevi recessit . Tribus internum partum sequentibus diebus nauseae vomitusque excitati sunt . Post haec , sedatis omnibus , Mater lecto surgens , omnique incommodo vacua , domestica pensa resumpsit : vix aliquo remanente mutati ponderis sensu . Mense jam praetergresso , corpus quoddam

L

velut



velut carnosum , sanguine tinctum , & juglandis magnitudine , ab utero sine dolore emisit . Paulo post menstrui fluxus ex ordine successerunt : quos tamen exigui dolores ad primam a foetu relictam sedem praecedebant . Tres menses postquam internè , seu in proprio ventre pepererat , idest ad Majum mensem ejusdem anni Celeber Anellius , tunc in Regia hac Aula Chirurgus , caesareum partum , sive ventris sectionem tentandam proposuit ; vel quòd naturâ audens erat ; vel quia id in alia Taurinensi Muliere , cui foetus extra uterum , maturus tandem putruerat , a nobis jam antea tentatum audiisset ( i ) . At verò nobis id non probatum est , tum ob prosperam Mulieris valetudinem , tum aliis de caussis : quamquam foetus conceptio & accretio extra uterum , immò praecisè in dextro ovario ; simulque ascensus ad superiorem dexteram abdominis cavitatem , satis superque innotuisset . Itaque laudatus Chirurgus , eodem anno librum edere contentus fuit ; in quo tam singularem miramque graviditatem , quantum observare potuerat , enarravit . „ Il faudra ( scribit „ annos XIV. antequam ab hac defuncta „ Muliere foetus extraheretur ( k ) que les  
Curieux

( i ) Haec Histor. superius habetur fol. 84.

( k ) Suite de la nouvelle Methode &c. fol. 303.



„ Curieux attendent, que le destin ait déci-  
 „ dé de son sort, & que Messieurs les Mede-  
 „ cins & Chirurgiens de Turin leur commu-  
 „ niquent l'Histoire entiere de cette grossè-  
 „ se... & on ne negligera pas sans doute de  
 „ leur faire part des circonstances les plus  
 „ remarquables, qui accompagneront jusqu'  
 „ á la fin la grossesse de cette Femme „. Id  
 „ verò perficiendi tempus , ut paulif-  
 „ per serum , accessit . Igitur huic mulieri  
 „ suppressis exindè mensibus , de nova  
 „ graviditate dubitatum est . Quapropter  
 „ caesarei tunc partus tentandi , si reverà  
 „ praegnans fuisset , neque abortum primis  
 „ mensibus fecisset , occasio praeberi vide-  
 „ batur . At menstruorum fluxus ab ad-  
 „ versa valetudine impeditus fuerat : & ve-  
 „ nereae luis suspicio extunc orta est : quae  
 „ utpote in eam à Marito collata , subindè  
 „ clariùs , ab octavo ad reliquos graviditatis  
 „ annos plures partes infestans , se manife-  
 „ stavit . Sic a X. usque ad XV. *gestationis*  
 „ annum hujus Mulieris res in deterius abie-  
 „ runt : donec assiduâ febriculâ , doloribus  
 „ & ulceribus in universum corpus affecta ;  
 „ & ad maciem ultimam redacta , tandem  
 „ errosâ facie, adhuc praegnans interiit Kal.  
 „ April. MDCCXXVIII.

Posteriâ die , nobis postulantibus , Ca- *Secundae gra-*  
 daver in Anatomicum Regii Archigymna- *viditatis inspe-*  
*ctis in hujus*

*Heminae Ca-*  
*dauers.*

ssi Theatrum, delatum; ibique coram Medicinae, & Chirurgiae Professoribus, aliisque sexcentis dissectum est. Antequam aperiretur, foetus caput & manus adhuc externo tactu discernebantur, ut superius dictum fuit; sed versùs *hipogastricam* cavitatem aliquantum descenderant. Cadavere aperto, membranosa & musculosa abdominis tegumenta, multum arefacta & gracilia apparuerunt. Post haec, Omentum subtile & exsuccum, sed circumquaque novis velut tenuibus membranis Peritoneo firmiter connexum; atque insuper usque ad pubis summitatem protensum eique valdè adhaerens: Duram densamque, & velut *coriaceam* membranam immediate obtegebat, cui validè etiam jungebatur: Erat autem membrana, *chorion* ipsum foetus, *amnio* conjunctum; quae mortui foetus partibus ita accomodabatur, ut jam foetus hujus imaginem exterius repraesentaret: Brachium verò praecipuè manumque sinistram, velut lata & aptissima chiroteca involuebat. Supra *Chorium*, neque *placentae* vestigium supererat, exceptâ funiculi *umbilicalis* portione integrâ adhuc, vasisque apertis; quae a foetu per dexterum latus ad *chorium* protensa, illud perforabat; & deindè ad externam faciem nonnihil erumpens, se jam a *placenta* divullam

Fig. I.



vulsam indicabat. Idem *chorion* ad posteriora cum Matris *mesenterio* arcuissimè jungebatur. Et unio a mesenterii limbo incipiens, duos transversos digitos latitudine, & tres longitudine versus centrum protensa excurrrens, ad ultimas lumborum vertebrae desinebat.

Caeterum foetus positio in ventris cavitate haec fuit: Anteriori parte ad dorsum Matris, obliquâ tamen & pronâ facie conversus, superioribus *frontalis* & *parietalis* ossis extremitatibus in cacumen elatis, atque eò magis, quò ejusdem nominis sinistra ossa depressiora erant. Truncus supra modum distortus: nates ad dexteram elatae; sinistrum latus valdè flexum. Dextera coxa adeo erecta, ut genu faciem obliquè pertingeret. Genitalia dexteri pedis appositione depressa; & ad foliorum similitudinem extenuata. Sinistra coxa extensa & non nihil ad laevam exteriùs erecta; cujus genu ad oppositum nonnihil distorto, crus cum pede in saccum, qui supra dexterum latum uteri ligamentum, seu potiùs ad dexteri *ovarii* locum excavatus erat, extendebatur. Brachium dexterum usque ad medietatem ossis *parietalis* capitis elatum; cui manus in pugnum complicata adhaerebat. Sinistrum verò brachium ad inferiorem faciei partem positum;

Inventi in Cadavere foetus descriptio.

d.

f.

★

b.

c.



ita ut carpo inferius labrum & mentum obtegerentur. At haec manus, ut etiam altera, firmis digitis & unguibus instructa erat, sed multum distorta. Quid plura? Foetus hinc undique distortus erat, & omni ex parte admirandus. Ejus extima superficies, albidâ, oleosâ & velut sebaceâ crustâ obtegebatur: quae tamen crusta non undique ejusdem erat consistentiae; sed mollior circa collum, & ubi femora aliaeque partes flectuntur: & quod observatu dignum est, unguen hujusmodi, patienti aeri expositum, non secus ac gypsum aquâ subactum, brevi concrevit. Praeter haec omnia (quis crederet?), hujus extincti homunculi externae internaeque partes, licet tandiù mortuus omnique nutrimento destitutus extiterit, molles adhuc & flexiles erant: totumque cadaver musculolum, pingue atque torosum, octo librarum pondus excedebat; atque maturus foetus debito tempore in lucem editus videbatur. Cutem habebat subtilem & gracilem, verum unctuosam, mollem & validam: Sub hac adipalem tunicam, densam, crassam, & firmam. Inter musculos verò, & in internis cavitatibus, ut etiam supra costas exterius & interiùs, pulcherrima pinguedinis strata & velut cumuli inventi sunt. Musculi praeterea firmi, optimèque enutriti, sed  
fibris

Fig. II.  
c.

Fig. I.  
k.

fibris quamvis torolis & validis, nonnihil nigricantibus instructi. Infimi ventris viscera, quamvis nonnihil pallida, humiditate tamen & flexibilitate naturalibus erant simillima. Stomachus, totusque intestinorum canalis vacui; at interius quodam nigro unguine, velut *meconio*, obliniti: Ventriculi facies interna in plicaturas *rhomboidales* corrugata: *Mesenterium* densum & validum: Renes quæ proprii, quæ *succenturiati*, omninò naturales: atque hoc modo reliquæ abdominis partes. In pectoris cavitate cor humidum & firmum, at sanguine omninò vacuum. Sanguineorum vasorum trunci magni & solidi, simulque exangues: Validum, & instar recentis, *pericardium*: *Thymus* plenus & tener: Ampli mollesque & flaccescentes pulmones, sed albi, atque omni pariter sanguine destituti; quodque notandum præcipuè est, aquae immersi, non aliter, quàm si jam spiritum duxissent, supernatabant. Caput erat satis firmis capillis ornatum: Dura mater valida, tensa, uda & albida; cuius mefforia falx multùm extensa. Cerebri verò utraque pars, corticosa videlicet & medullosa, eodem rubicundo colore, carnis in morem suffusæ. At spinæ medulla, omni ex parte naturali simillima: Pia mater & omnia nervorum

principia, debitâ crassitie distincta. Splendentes oculi, & quamvis aquoso humore destituti, aliorum tamen humorum supplemento pleni & convexi. Nares apertae, lingua flexibilis, mollis & rubra. Gingivae durae, ex quibus jam dentes prominebant. Demum aures aut parum, aut ferè nihil conspicuae.

Fig. I. & II.

★

*Genitalium  
Matris partium  
descriptio, &  
super hunc foetum  
ejusq; gravitatem  
animadvertiones.*

Itaque saccus, quo sinistrum crus foetus, ut annotavimus, continebatur, ruber erat, validis & musculosis membranis contextus, cujus diametros ovi gallinacei diametrum non excedebat. Nec tantum pedem & tibiam, sed insuper materiam quamdam, memoratae foetus crustae non multum absimilem, fibris vasculorum eleganter complicatam atque contortam, albam, friabilem simulque oleosam & lubricam capiebat: At verò interna hujus excipuli membranacei superficies, osseis tenuibus laminis obtegebatur; ejusque dexterum externum latus velut in zonam porrectum, tenuium matris intestinorum partem sibi adjungens, indè usque ad sinistram cadaveris coxendicem elatum, eisdem connectebatur: Matris verò dextera *fallopiana* tuba, quantumvis nonnihil crassitie aucta, naturale tamen ab utero principium situmque servabat: at progressu, & maximè latiori extremo clausa, & memorati

Fig. I.

h. & g.

Fig. II.

h.



rati sacci margine sinè ullo ampliùs tentorii & fimbriarum vestigio omnino coalita atque confusa. *Ovarium* dexterum nullum: sed ejus loco saccus iste repertus est; qui revera nihil aliud erat, quàm *ovarium* ipsum, in quo foecundatum ovum, dum cresceret, necessariam sibi stationem comparaverat. Nam probabile est, tertium feminae, tunc postremum conceptum, in hoc *ovario* fuisse praestitum; foecundatumq; ovum ab *ovario* erumpere nullo modo potuisse, ob tubae impedimentum, quae scilicet non tantùm ad majus extremum jam dudum, imo, ut ab ejus fabrica, & continuitate visum est, ab origine clausa erat; sed etiam priùs quàm Mulier conciperet, ita *ovarii* tunicae superducta, ut eam indurans & densans, omnem ovorum exitum impediret. Hinc patet, ovum illud *ovario* coërcitum, ibi *placentae* ope, ut ante foecundationem actum fuerat, nutritum fuisse; atque ad debitam nascendi magnitudinem excrevisse: foetus deinde maturus, rupto *ovario*, internèque partus, ab eodem exivit; & ventris cavitate receptus, sequentem alteram graviditatem produxit. Pedem verò, quo loco primùm excreverat, semper retinuit: qui locus utpotè priùs, continendi maturi foetus capax extiterat, postea a minori sanè corpore

pore occupatus, naturali suo contractionis momento paulatim circa pedem coarctatus est, & ad minorem capacitatem accessit. Igitur foetus, ventris cavitate exceptus, ob intermissam nutritionem, mortuus est; & ut supra diximus, aliquibus ventris partibus adnexus, tandiū integer & incorruptus permansit. Credibile igitur quoque est, hanc Mulierem, quae antea bis jam felici eventu pepererat, ita concepisse, ut ova ab altero seu sinistro ovario tubaque, exciderent, & in uterum portarentur: quae partes tunc temporis, non unā connexae erant & coalitae, sed in naturali statu dispositae. Sed cum inde viderimus, tubam hanc sinistram decurtatam & corrugatam, inferiori parte, ovario annexam fuisse, ac si alteram imitatura, successu temporis eidem prorsus coalescere voluisset: Idcirco concludendum est, susceptam hanc tubae connexionem in causa fuisse, ne Mulier a tertia graviditate amplius conceperit; ovis, si quae locundata fuerint, ab ovario in ventrem delapsis, ibidemque forte & fortuna dissipatis & perditis. Caeterum huius feminae uterus omnino naturalis erat; immò pro ratione Mulieris, quae jam pepererat, mole parvus videbatur: Quae uteri tubaeque corrugatio & diminutio, ad humorum

Fig. II.  
k.

l.

humorum fluxuumque defectum, ob ultimam graviditatem sequutum, referenda est. Cum verò hujus uteri fundo, foetus natus exteriùs incumberet, hinc fortasse a facta non levi pressione vasis, humorem ad has partes deferentibus, eadem *corrugatio* quoque ex parte repeti potest. Tria ergò adnotanda sunt in hoc casu, antea invisa & inaudita: I. Duplex, seu complicata unius foetus graviditas: prima enim graviditas novem mensium est; jussu nempe atque maturi viventis foetus in *ovario*: Altera verò duorum mensium supra XIV. annos in abdomine; quo spatio temporis idem foetus mortuus fuit. Legimus enim conceptos foetus in *ovario*; sed non ibi usque ad maturitatem vixisse. II. Ab artificiali utero maturus foetus per eruptionem in Matris ventrem prodiit, hâc salvâ & incolumi: Cum tamen alii omnes foetus, qui concepti in *ovario* hoc pacto erupisse leguntur, huc usque, quod sciam, ut & illi, qui in internis tubis adaucti eadem ratione sibi exitum paraverunt, extremum illicò fatum matribus attulerint. Ratio autem, cur alii foetus, qui pariter laceratis *ovariis* exierunt, mortui antea sint, hic autem vixerit, esse videtur; quòd illi in intimis *ovariis* concepti, illa non multùm dilatare potuerunt; sicque



ficque multo antè maturitatem, velut *testiculari* abortu exclusi sunt; & multà laceratione factà, vasa ideo, quae in interiori testis substantia sunt plura atque grandia, & praegnatione grandiora praestita, rupta sunt, ut fatalis Matribus *haemorrhagia* sit consequuta: velut supra posuimus. At noster laustè conceptus fuit, & crevit inter propriam testis substantiam & succingentem tunicam; ovo scilicet ad ambitum jam propulso & ab una tunica impedito. Quapropter, ut ut insolita harum partium distentio, majoribus ac saevioribus in dies Genitricem cruciatibus afficeret; tamen huic distentioni, tunica praecipuè obnoxia fuit; quae nempe naturâ suâ *extensilis*, multò magis, quàm *ovariorum* substantia, resistit, atque ut ut densior, se se inde tamen paulatim extendit, crescentis foetus moli cedens; neque antè maturum foetum rupta est. Quia verò *peritonaei* pars extat haec *ovariorum* tunica; dum extenderetur, renes, seu lumbi, quibus *peritonaeum* firmissima adhaesionis puncta obtinet, torquebantur. In ejus autem disruptione, non multum *haemorrhagiae* sequutum est; quia haec tunica, vel in saccum expansa, non multis, nec magnis, sed minimis tantum sanguineis vasis ad superficiem reptantibus refertur. Rupto autem  
*umbilicali*

*umbilicali* funiculo, *placentâque* in *ovarî* substantia relicta, imo ita adhuc haerente, ut majora ejusdem sacci, & testiculi vasa non rupta fuerint, Mater incolumis superfluit: pauca sanguinis effusa quantitas, per abdomen consumpta: & rupta tunicae vascula consolidata sunt. *Placenta* verò in *vascularia* frustula, fibrasque & liquamen, ex parte in osseam velut substantiam concretum, resoluta est; ut saepe in varia animalium partium collectione accidere observamus. III. Summè mirandum est, hoc foetus cadaver ultra quatuordecim annos in Matris ventre, incorruptum, humidum, flexile, molle & carne plenum extitisse, ac si foetus horâ, antequam extraheretur, extinctus esset. Cujus pulmones post 12. annos, ac si nunc evulsi essent, apud nos balsamico in liquore servatos & molles, quisque videre potest. Totum verò cadaver exsiccare, licet soli expositum, multisque salibus conspersum fuerit, multis hebdomadis, vix potuimus: adeo verum est, hunc foetum, qui nunc in nostro pariter musaeo positus est, succis, multâque pinguedine & carne abundasse. Causae, quibus cadaver hoc servari potuerit, duae videntur admittendae. I. Impeditus principii destruentis, nempe aëris, é Matre in foetum liberior aditus; quâ

quâ etiam ratione fructus, aliaque corruptio-  
ni obnoxia corpora conservantur. II. Ve-  
ritate peculiarium hujus corporis succorum  
exhalationes, ut hi intus quiescentes, immo-  
tique contenti fuerint. Cerea sic superficies  
quibusdam fructibus inducta, eos diu inta-  
ctos tuetur : ovaque obducti *glutinis* ope,  
stipatis poris, ut *Celeb. Raumur* expertus  
est, ad annum, tamquam si recentia essent,  
optimè conservantur. Et sanè cum nobis  
compertum sit, foetus materno ventre ab-  
ditos, saepiùs non adeo defendi aëre, quin  
corruptionem contrahant ; sollicitamur as-  
ferere, crustam illam, seu pingue gluten,  
quo foetus hic noster undequaque obdu-  
cebatur, communicationem foetus cum  
aëre, materno ventre contento, humo-  
rumque foetus expirationem impediendo, ea  
præstasse, quae ad cadavér tandiu incorrup-  
tum & integrum conservandum requireban-  
tur. At peculiare adeo *phaenomenon*, &  
praecipuè hujus sebacei tegumenti origo,  
fusiorem calamum, majoremque disquisitio-  
nem requireret. Quod tamen nos, brevitatis  
& historicae tantum, non verò supervacuae  
orationis amatores, hic non conficimus.

Graviditas in-  
termedia in tu-  
ba, seu ad ex-  
teriorem ejus  
cavitatem.

Sed postquam externam *ovariorum*  
graviditatem diffusè explanavimus ; con-  
sonum est, ut pariter externam tuba-  
rum consequamur. Utriusque tubae fim-  
briarum



briarum bases ab arcto quodam, velut tendineo, circulo obligatae sunt, & in unum corpus coalitae. Hae fimbriae quemadmodum progressu liberae, & in latum expansae, elegantem pelvim sive infundibulum praestant; ita ad circuli limbum constrictae, primam ibidem tubae angustiam constituunt. Porro, sicut internarum *tubariarum* graviditatum causae, ab altera plerumque tubarum angustia, seu earum in uterum introitu, repetendae in genere sunt; ita & externarum *gestationum* rationes, ab hac prima angustia aestimandae. Etenim externa tubarum *gestatio* fit, quum ovum in *ovario* foecundatum, atque ab eodem erumpens, in alterutris tubae principio, per quod ad usque uteri caveam devehì oporteret, impeditur; seu in tubae pelvi, aut tentorio, ut dicunt, excipitur quidem; ab hoc tamen per angustium, seu per primam illam *circularem* angustiam, in tubae progressum minimè traducitur. Hoc verò primi ovorum progressus impedimentum, vel ab insuperabili *circularis* limbi contractione, aut obstructione quâlibet evenire potest: vel a lento tentorii adeo implicante mucò, ut licet tubae annulus liber extet; irremptum tamen ovum trajici ulterius non queat: Secundò si *oviductus* per unam, aut plures suarum

suarum extremitatum , seu fimbriarum , cum ovario ipso , aut lato ligamento , aut attiguo peritonæo , aut ibidem delapso omento , aut alio quolibet viscere , ita nexus atque firmatus sit , ut quamquam suscepto jam ovo , & spermaticarum partium tensione , a foecundo coitu excitatâ , deservente desinenteque , relaxetur & concidat ; non tamen suam pelvim versûs abdominis latera atque imas partes inflectat & dimittat ; sed adhuc ita erectam stabilemque servet , ut ovum retineat ; neque ad ventralem præstandam graviditatem delabi sinat ; neque ob memoratos nexus promoveri ad uterum valeat . Hæc autem vitiosæ connexiones osculi & tubarii vestibuli cum adjacentibus partibus , non solum a præcessis inflammationibus ex violenta partium divulsione in laboriosis partibus aliisque casibus , aut tumoribus , aut succorum congestionibus , aliisque affectibus , sed etiam a mala interdum in origine conformatione contingunt . Quamobrem ita effecta tubaria graviditas , si ovi placenta , tensoriitacibus adnexa , succorum cum iisdem commercium ineat , suos non difficile progressus consequetur . Atque hæc externa tubarum conceptio illa est , quam nos , ut ab harum partium interna , atque insuper a ventrali externa distinguamus , intermediam , non secus ac superiorem , ovarii sub-



substantiae ejusque tunicae interpositam ,  
vocare consuecimus . Externarum *Tuba-*  
*riarum* humanarum graviditatum nulla  
hactenus apud Scriptores certior atque  
praeclarior est tradita , Vercellensi illâ al-  
terâ graviditate extra uterum , primùm  
nobis a peritissimo Chirurgo , hinc a doc-  
tissimo Medico communicatâ , quam jam  
superiùs pag. 112. libavimus . En accura-  
tam Epistolam , nobis super hac singulari  
graviditate partuque & extispicio , a Cl.  
Guala Med. Doct. , nostrique Archiatro-  
rum Magistratus in Vercellensi Urbe &  
Provincia Vicario , transmissam . „ Anna

„ Catharina Uxor Joannis Baptistae Boc-  
„ cardo bajulatoris Illustris. Comitis ab  
„ Auxiliano annorum 32. , elapso ste-  
„ rilis Conjugii decennio , etsi stato tem-  
„ pore debitaque quantitate fluxum sexui  
„ proprium singulis mensibus obtinuerit ,  
„ doloribus renalibus diu vexata , ac pri-  
„ stinae incolumitati etiam secundò resti-  
„ tuta , tandem mense Octobris anni à par-  
„ tu Virginis 1738. concepisse haud dubiè  
„ opinata fuit , ex insuetis uomitibus , nau-  
„ seis , cardialgiis bimestri spatio perseve-  
„ rantibus , quod ratum , firmumque indi-  
„ cavit lactis stillicidium ex mammarum  
„ papillis secundo gestationis mense erum-  
„ pens . Nondum , aut forte vix completus

*Vercellensis*  
*Historia altera*  
*externae Tu-*  
*bariae gravid-*  
*tatis , cum fo-*  
*etus corruptione,*  
*ejusque per a-*  
*num dejectis*  
*ossibus .*



„ numerabatur tertius gestationis mensis ,  
„ dum. versus internam ilei sinistri faciem  
„ distinctum foetus motum persenserat, ac  
„ firma fruebatur valetudine, qua usque ad  
„ finem Februarii 1739. seu quinto gesta-  
„ tionis mense gavisa fuit, quo tempore  
„ hebdomadae spatio febricitavit terque  
„ *phlebotomata* , ac semel epoto purgante  
„ cessit penitus motus foetus , pondusque  
„ gravativum per abdomen mobile persentiebat, ac biduo menstruas purgationes  
„ sustinuit mediocris quantitatis, & sanitati valedixit; elapsis tribus hebdomadis  
„ adhuc menstruata fuit, uomitibusque  
„ sollicitata per dies 15. brevibusque interpositis diebus gravissima passa fuit  
„ ventris tormina cum conatibus dejiciendi foetus, tenesmo affectorum more: perseverabat talis affectio torminosa irritis  
„ quibuscumque remediis octavo gestationis mense, Majo videlicet, dum me per  
„ laudatum Comitem enixe precata fuit ut illi opitularer, ac tam pertinaci morbo  
„ modum imponerem; & en vix enarratura diuturnitatem iliademque symptomatum quibus divexata fuit, fibulam  
„ quam ano pridie ejecit ac asservabat, pre manibus sumens dixit: hoc heri ano  
„ os ejeci & alia parva, nec ulla mihi à cruciatibus quies diù, aut noctù; precor  
ita-

itaque . . . Obstupui sane, ac fateor primo  
obutu fibulae, quae propriis donabatur  
capitibus, me suspicatum fuisse potius  
femur ranae extitisse quam fibulam hu-  
mani foetus, etsi arduum excogitare  
potuisse illud intactum deglutiri: cessit  
tamen protinus stupor, ac meis interroga-  
tionibus respondit ut supra, eoque magis  
dum infimum ventrem explorando, tu-  
morem in sinistra regione iliaca incurri  
haud mediocriter dolentem, caeteris qui-  
buscunque abdominis partibus naturali  
mole & consistentia fruentibus; utque  
propriae non tantum satisfacerem curio-  
sitati, sed ut de concepto iudicio quot-  
quot voluissent testes habere potuissem  
Xenodochium hocce ( Eminentissimi  
Guala Bicherii jussu à fundamentis con-  
structum opibusque tanto opere dignis  
dotatum, anno á partu Virginis 1220. )  
Mulierem adire hortatus fui, quod mihi  
etiam in otium cederet illud bis in die  
petenti egrotos curaturo. Cessit horta-  
tioni mulier, jussuque rigido extemplò  
edito singulis famulatum praebentibus  
in eodem nosocomio, ne stercoraceum  
vas emundarent nisi adestem, primo die  
binas ejecisse costas stercore involutas  
cum aliquibus vertebrae ac filamentis  
muscularibus ( putrefactis ) inspexi, le-



„ cundo die aliquas vertebrae cum hume-  
„ ro, tertio die quatuor costas cum clavicula  
„ aliquibusque vertebrae, quarto die unde-  
„ cim costas cum duodecim vertebrae,  
„ quinto die tibiam, radius, & fibulam,  
„ sexto die tibiam, septimo scapulam; ac  
„ praeter morem hanc ejiciendo doloribus  
„ divexata fuit, levisque duodecim circiter  
„ horarum spatio febricula excitata, ac  
„ duobus interpositis diebus ab ossium eva-  
„ cuatione vacuis, à primò ad duodeci-  
„ mum (qui pro hac vice fuit terminus  
„ evacuationis ossium, immorata in nolo-  
„ comio sexdecim tantum diebus) demptis  
„ duabus costis, unaque scapula, atque os-  
„ sibus capitis, omnia ad humanum sce-  
„ leton efformandum ossa ejecit: emun-  
„ data recepi, numeravi, asservo: quatuor  
„ mensium spatio immorata domi, sueta  
„ ventris tormina passa fuit; nunquam ta-  
„ men aliquid ex superstitionibus ossibus eje-  
„ cit: dum repente validis cruciatibus ven-  
„ tris affecta, opus habuit manu chirurgi-  
„ ca; quae die duodecima Octobris, digitis  
„ ex ano avulsit os occipitale: elapso mense  
„ vomitibus ac torminibus ut supra affectae  
„ eadem solerti manu os coronale duabus  
„ divisum in partibus extractum fuit, dex-  
„ trum videlicet mane, sinistrum vero ve-  
„ ri: reliqua interim ejecit disperditque ac  
tan-



„ tandem cachectica evasa, die nona De-  
„ cembris obiit . In denata muliere inven-  
„ tum est abdomen mole preter morem  
„ tensum ; sectis musculis visa sunt intelli-  
„ na flatuosa , & tensa ; omentum totum  
„ sinistrorsum protendebatur , & versus re-  
„ nem peritoneae adhaerebat , ubi mirum  
„ in modum conspiciebatur densum, gra-  
„ cili , laxaq: se exhibente reliqua ejusdem  
„ substantia , cujus inferior lamella intra  
„ colon & jejunum veluti conssepulta , nul-  
„ laque ejus pars obvelabat intestina ,  
„ adhaerebatq: etiam ovario , & vesicae  
„ urinae . Ileum pene totum inflamma-  
„ tum cum inferioris lamellae omenti par-  
„ te conspeximus . Uteri substantia incolu-  
„ mis penitus , & mole parvus virginum  
„ more , in cujus anteriori parte parva pu-  
„ ris quantitas , quae nullam continui so-  
„ lutionem habuit , aut labem , se se exhi-  
„ buit ; huic ( à quo tamen facile avulsa  
„ fuit ) in posteriori parte , necnon ejus-  
„ dem ligamento-lato, & fimbriis tubae fal-  
„ loppianae dextrae adhaerebat placenta  
„ densissima , extrinsecus colore albicans ,  
„ intrinsecus vacua , & naturam verae pla-  
„ centae redolens , vasisque quamplurimis  
„ intertexta sanguiferis , quae cum vasibus  
„ fimbriarum falloppianae dextrae haebant,  
„ atque communi fruebantur consortio ,

„ magnitudine ovi gallinacei, circa intestini  
„ colon finem implantata , cui intestino  
„ etiā sinistra tuba posterius inflexa adhae-  
„ rebat , quod in diversis etiam punctis  
„ unācum ileo osculabatur . Fundo uteri  
„ dextrorsum pendeat hydatis maxima, in  
„ cujus folliculo serosus scatebat humor ,  
„ ab ipsoque ovario dextro membranam  
„ & vala mutuare ostendebat ; ovariis in-  
„ terim substantia & figura vix à natura-  
„ libus recedentibus . Ubi implantatam di-  
„ ximus supra dictam placentam , hiabat  
„ ostium trium transversorum digitorū la-  
„ titudine, commune ipsi placentae & colo,  
„ obductum veluti sphinctere & quasi cal-  
„ losum versus sinistram partem : quaque  
„ parte mutuò osculantur ileon & colon,  
„ septo veluti intermedio valde consisten-  
„ ti & denso invicem & dividebantur &  
„ annectebantur , ut quae oculus distincta  
„ conspiciebat corpora , ob mutuam coa-  
„ lescentiā indistinctum viderentur corpus;  
„ ibique implantata orificia quamplura  
„ conspeximus mutuo hiantia , ac rectā  
„ ab ileo ad colon producta . Spero Te  
„ aequo animo suscepturum hoc pignus  
„ obsequii mei ; vehementerque cupio sen-  
„ sus tuos intelligere de singulis rebus in  
„ hac historia traditis . Vale interim Rei-  
„ publicae Medicae bono & gloriae , Vir

Sa-



„ Sapiientissime , mihiq̃ ultro jussuum  
„ tuborum favere ne dedigneris precor .  
„ Vercellis 23. Februarii 1740. , , Graviditatem hanc *tubariam* externam fuisse , luce clarius est : Neque enim haecenus ab Auctoribus , hujus generis clarior graviditas est prodita . *Ostium* illud *trium transversorum digitorum latitudine* , praebuisse aditum foetus partibus , quae ab ejus corpore , ad locum graviditatis , non valde clausum nec satis ab aëris commercio protectum , sensim corrupto dissolutoque , in adnexum colon intestinum migrabant , alterâ epistolâ luculenter nobis Doctissimus idem Guala confirmavit . Hujusmodi hiatum sensim à corruptione accumbentis foetus , tùm verò vetustate labrosum , seu velut sphinctere obductum , & insuper *callosum* seu tanquam  *fistulosum* , fuisse praestitum , facile quidem intelligimus . Sed tanta *coli* intestini laesio sinè digestionum ac naturalium succorum invalescente depravatione diu vigere non potuit , quin sensim , dirutis naturalis oeconomiae legibus , lethalia *chylosteos* vitia insurgerent . Ita Peritissimus Serafinus , Vercellis Chirurgiae Professor , ibidemque Xenodochii Chirurgus , qui feminâ quoque viserat & observaverat , tum verò occipitale os jam ab ineunte elapso Octobri ex ano extraxerat , cum ad finem ejusdem men-



sis Taurinum advenisset, referebat mihi, singulas, ad illud tempus, alvinas in femina dejectiones, veluti totidem dolores partus atque conatus esse, easdemque inditis clysteribus acerbiores fieri, tum verò rarò concoctas, saepius crudas, saepe ichorosas, semper frequentes, prodire: Ut ideo ex laesis perditisque primorum viscerum officiis, cachecticam primò praestitam feminam, postea ab erosio- nis caussis ad intestinum inflammata, fa- to cessasse, mirandum non sit. Caeterùm cum mihi Serafinus os illud capitis, alia- que minora jam excreta, quae secum de industria tulerat, ostenderit, meosque sen- sus efflagitaverit, non difficile aperui: trun- ci, artuum & capitis ossa, jam excreta aut extracta, à proxima recto intestino sede descendisse: Occipitale os, molis & inae- qualitatis causâ, inferiori recto se transitu infixisse: minora levioraque ossa liberum habuisse trajectum: foetum, qui extremâ jam corruptione solvebatur, versús crasso- rum intestinorum finem tenuisse sedem; sortè in tubae extremo, interiùs tamen in- flexo; tum verò membraneis sepimentis ac vinculis, fortasse & placentâ ipsa, obligatum fuisse, simulque crasso intestino ita accum- bentem; ut eidem attritum & labem, in- dèque dissolutionem latamque apertionem intulisse, sentiendum esset. Neque, ut li- quet,

quet , á vero discessimus . Porro , quòd quippiam durioris , ( ut idem Serafinus retulerat ) tumidiorisque , cum majori , prae aliis partibus , ad pressionem molestia , ad sinistrum ilium perciperetur , dum dextrae tubae tentorio insideret conceptus ; id certè referendum est vitiosae ejusdem tubae , appensique foetus , versús sinistrum latus inflexioni magnaeque productioni : neque enim aliter dextra tuba in contactum intestini *coli circa ejus finem* accedere potuisset : qui nempe *coli* intestini locus á sinistri ilei regione procedit . In Actis regiae Societatis in Anglia philosophicis , quorum eruditae in italicam linguam versioni , a celeb. Equite Th. *Dereham* susceptae editaeque , nobilissima ea plura debemus , quae plerisque nos Italos , peregrini idiomatis causâ , dudum fortasse latuissent , a cl. *Younge* relata pecudis tubaria externa , graviditas est ; undè agnus ad usque omenti medium irreptus , ibidemque coalitus fuerat . ( \* )

Atqui *tubaria* hujus generis graviditas non solum in libero spatio est , quod nempe admodum extendi potest absque rupturae vasorum discrimine ; sed nexus in origine atque stabilior suoque tentorio superiora respiciens oviductus , quò magis ab

*Externi tubarii conceptus cur diutius teneantur servetur .*

( \* ) *Saggio delle Transaz. Filos. &c.*  
Tom. III. fol. 32.



accreſcente ovo , foetuque ad hunc locum expanditur , & in abdominis liberrimam ſuperiorem caveam prorogatur , eò faciliùs obviis attiguiſpartibus connectitur; praecipué cum *peritonaco* , quod quidem inexhauſta membranarum , ligamentorum , atque involucrorum , in quaecunque ventris ſpatia ſcaturigo eſt : ut ideò *peritonaei* productionibus hic illíc implicatus , commodiſſimum accreſcenti conceptui , faciliſque ſimul extensionis multaeque firmitatis cubile , pluribus velut ſepimentorum ordinibus ſuffultum , apparare valeat. Ideo externi iſtiusmodi *tubarii* conceptus diutius prae caeteris internis totis , ſinè lethalium diſruptionum diſcrimine protrahuntur ; & ad uſque foetus maturitatem , & ulteriùs , ſervari queunt . Namque , ut *ovariorum* ſuccingentem tunicam quàm maximè ſinè lethali vaſorum ruptione , propriam verò ſubſtantiam quàm minimè dilatari poſſe , ſuperiùs oſtendimus ; ita & tubae , cum in interna cavitate multam extensionem ſinè hoc mortali ſanguineorum canalium excidio ferre non queant ; exteriùs tamen , ſeu ad infundibulum , imò & ad externam tunicam , non difficile ferunt : ubi nempe haec vaſa majora non ſunt , & ſi aliqua ſint , non ita ſunt tenſa , ut facile quoque extendi non queant : ſeu denſè plicata , atque admodum



tortuosa sunt; ideoque productioni aptissima. Ita in variis interdum hydropis speciebus *ovaria* atque tubae ad haec loca enormiter tument, & aquis implentur; neque tamen tam facile, lethaliter abrumpi solent. Hydropem muliebris *ovariorum* memorat laudatus Eques *Dereham* (\*) descriptum a summo Viro, Equite *Hans Sloane*, cujus digna sanè laus est, Magni *Isaaci Nevvtoni* in Regiae Societatis Anglicae principatu successorem esse. Vidimus nos ante hosce XXX. annos, hydropem *ovariorum* dextri in nobilissima Taurinensi Femina, in quo plus LXXX. librae limpidi feri congestae fuerant. Ita celebris est historia *Munickii*, spectatissimis Bibliothecae Anatomicae Auctoribus communicata, & ab iis Icone exposita (†) quâ tumor dextrae tubae CXII. aquae libras continebat: in sinistra verò plures quoque librae redundabant. Sed noster *ovariorum* tumor intra ejus substantiam & succingentem tunicam collectus fuerat: Hic vero *Tubarius*, non in tubae cavitate, sed inter intimam externamque tunicam, & in ejus parte juxta *Testiculum*, nec non in ligamento lato. (\*\*) Idem putandum est de celebri tumore *Tubario*, CL. libras aquae praeter pro-

Historia varæ  
ovariorum Hydro-  
pis in Tauri-  
nensi Maestra.

Et Tubarum  
ex Munickio

Et alius Tu-  
barum Hydro-  
pis ex Cypriano.

pter  
(\*) *Tav. delle mater. a tutto l' anno 1700.*

(†) *Tom. I. Part. I.*

(\*\*) *Ibidem.*

pter continente, quem Cyprianus descripsit. (m) Idem de aliis similibus Historiis. Nam si in propria tubae cavea collectae fuissent aquae, facile per uterum foras fluere potuissent. Sed ad externam *tubariam* graviditatem redeunt: cum tubae vestibulum, quò plus *gestatione* ampliatur, eò magis versùs exteriora abdominis plerumque producat; ut ideo non minùs istiusmodi graviditas, quàm externa *ventralis*, Caesareum plerumque partù admittat atque depostulet; Hunc ideo in genere non incuriosè tractabimus; postquam quaedam in specie de peculiari *tubaria* ( ut ratum fuit ) externa graviditate, & in hac a recenti Viro praestita Caesarea operatione, praecisè dixerimus.

Caesarea operatio, ut tubarum exteriori, seu intermediae, graviditatis, atque ventrali superiori, nequò apta est, ita quocumque tempore, in utraque promiscuè graviditate, habita fuisse videtur.

Equidem tota nunc Recentium Medicorum Schola primas Caesarei partus laudes memorato Abrahamo Cypriano tribuere solet: tamquam ei scilicet, qui unus Mulierem á *Tubario* partu, huiusmodi sectione liberaverit (n). Ego verò arbitror, non minùs laudabiles esse paganos eos omnes Chirurgos, imo Tonfores, quos Rossetus, Cordaeus, Albofius, Saguerius, Pelionus, Bauhinus Aliique memorant, & laudant: qui nempe diù ante Cyprianum, fortè

( m ) In *Epistol. ad Equitem Millington.*  
1700.

( n ) *Ex ead. Epist.*



fortè faciliùs citiùsque , similes operationes felici eventu , matre incolumi , plerumque foecunda superstitè , tam frequenter perfecere : Imò Cypriano laudabiliores essent , & Cypriano meliores fuissent artifices , si revera , ut rati fuerant , suâ hâc sectione & uterum ipsum secuissent : sed hoc licet non fecerint , ut inferiùs dicemus ; quidquid tamen , quod Cyprianus fecit , ipsi jam fecerant . Cum enim neque Cyprianus satis demonstrare valeat , Batavae suae Feminae foetum revera in exteriori tubae sinu extitisse , neque iis aliis tribui possit , suos illos omnes extractos foetus , in sola ventris cavea , non verò in ore Tubarum fuisse ; atque Caesarea , ab Illis Istoque aequè adhibita sectio , & *ventrali* , & externae *Tubariae* graviditati aequè propitia esse queat ; Cur evenire non potuisset , conceptus à primis secotos , nunc in tubâ , nunc in ventre fuisse ; Quemadmodum certiores non sumus , alterius , seu Cypriani , conceptum potius in tuba , quàm in ventre stationem habuisse ? Veteres illi , atque Recentior iste , super eas graviditatis circumstantias Caesaream operationem moliti sunt , sinè quibus haec mala esset & perniciofa : scilicet quum praegnationis tumor ad exteriorem ventrem , ac velut subcutaneus fuit : quum vivi foetus ad partum nisus , connexiones divellens , praecel-



cesserat: quum indè mortuo foetu, naturae ad expulsionem conatus successerat, foetus & Matris partium connexus ulteriùs ita solvens, ut, mutatis partium sedibus, acerrimi cruciatus, tumores, inflammationes, indèque suppurationes, ulcera atque apertiones plerumque contigerint. (quamquam postremi isti effectus casuales sint; satisque si ab internis spontaneis motibus arctae nimis partium adhaesiones expediantur) Hoc tantum inter hosce artifices discriminis est; quòd illi foetum, operatione exemptum, semper fuisse in utero arbitrati sunt: Hic verò in Anatomicis rebus sanè peritior, extra uterum degere pro certo habuit: sed quo ventris speciali loco, non benè designasse videtur. Etenim Cl. Cyprianus feminam visit, (o) post unum & viginti menses gravidam, cum *ventralis* tumoris loco ultra consuetum altiori; nono mense magnos dolores, foetusque vehementiores motus, postea ad illud momentum, ut probabile est, foetu demortuo, nullos amplius passam; Decimo octavo mense novis denuò cruciatibus, hinc acutis circa umbilicum doloribus prehensam; tandem fungoso ulcere ad umbilici loca percitam. Ipse operam aggrediens, ulcus dilatat: digiti minoris apicem immittit; eoque  
foe-

(o) Eod. loc.

foetus *parietale* os illicò attingit : Introducto per uices stylo abdomen á dextro latere aperit : indicem digitum immittit : In saccum foetus ( quem ipse *Fallopianam* tubam dicit) perventus , juxta rectitudinem albae lineae, forcipe supra digitum posito , deorsum versùs maximam scissuram facit . Foetus illicò justae magnitudinis in conspectum venit : qui , apertione utrinque ad usque pedalem longitudinem producta , praecipuè verò intestinis, in cavitate abscissi ventris manu diligenter coërcitis servatisque , integer extractus est . Infantis pedes versùs diaphragma extendebantur. Saccus, in quo foetus fuerat , magni instar marsupii latè patens , *peritonaeo* ita adnatus erat, ut una quasi videretur membrana . In hoc sacco adhuc residuum aquae *Amnii* , ipsomet Cypriano iudice , deprehensum est: ut ideo saccum hunc ex ipsis foetus *secundinis* fuisse conflatum , in comperto sit . Vulnus mundatum , indèque ex arte cum debitis spiraculis confutum fuit . Post haec convaluit Mulier ; tertioque ab operatione mense , sanitati reddita , domo exiit : Sequenti anno Filiam peperit: iterumque alio subsequente anno gemellos, Filium & Filiam , enixa est . Haec porrò non satis demonstrare videntur , foetum potiùs in tuba, quàm in libera ventris cavitate fuisse situm.

Et



Et quamquam viderit Vir Cl. , inferioremi sacci hujusce foetus partem , dextro lateri uteri circa fundum affixam fuisse ; neque haec inspectio *tubariam* conceptionem satis demonstrat : cum in nostra Taurinensi femina conceptionem fuisse revera *ventralem* superiùs viderimus ; etsi tuba sacco foetus & loco connexa esset affixaque ; eandemque per tubam latus uteri , ipseque uterus , cum foetu communicarent . Quòd autem ita liberum esset , in viva ad umbilicum aperta femina inspicere & contrectare uterum ; & apertè dignoscere , praeter illum saccum , nullam aliam inesse dextrorsus tubam , velut iste testatur Vir , id certè cordatis Anatomicis dubitationem aliquam inducit : praecipuè cum speculantem satis impedire valuisent intestina ipsa ; quae suis in sedibus propriâ manu tenuisse , Cyprianus affirmat . Porro cum primus hic Auctor fuerit , qui foetum Feminae , quam vivam exsecuit , extra ejus uterum fuisse dignoverit ; Tum verò illum , quo equidem solo uti licet , Caesareum partum meliori , prae caeteris Antecessoribus , anatomico lumine exsecutus fuerit ; ansam nobis Idem , & stimulum praebuilt , ut in hoc auxilii genus , & praecipuè in eas , quibus in ejus usum Veteres capti sunt , allucinationes , aliquantulum digrediamur .

Quam-



Quamquam Antiquis usui solum fuisse videtur, vivum foetum à defunctâ jam matre per Caesareum partum educere; Necessitas tamen saeculis omnibus locum praebuit, non dicam cautis Artis Magistris, sed Tonforibus ipsis, atque audacioribus Circumforaneis, vivas ipsas Matres ex alterutro ventris latere secandi; ut excludi vivi, vel mortui foetus possent; qui nempe per uteri vias non possent. Cum igitur tantum facinus extra probae artis leges videretur; nemo Veterum ante duo proximè superiora saecula de hoc Caesareo vivarum partu verba fecisse visus est: si vetustam excipiamus Aspasiam; cujus fragmenta apud Aëtium collecta, quamdam *post foetus excretionem*, curam proponunt (p): nisi forsitan in Hippocratis sensu haec sectio foetus intelligenda sit: qui nempe de secando solum foetu, non de secanda Matre, sermonem instituit. (q) Ita Plinius homines, ex secta, sed defuncta jam Matre in lucem editos memorat: *Auspiciatius enectâ parente gignuntur. Sicuti Scipio Africanus prior natus Primus Caesar à Caeso Matris utero dictus. Quâ de causâ & Caesones appellati. simili modo natus est Mantius, qui Carthaginem cum*

*De Partu, Caesareo dicto.*

*Caesareus viventium gravidarum partus Antiquis ignotus; aut saltem inusitatus.*

N

*exer-*

(p) *Tetrabibl. 4. serm. 4.*

(q) *Lib. de exerc. foetus; & lib. 1. de morbis mulier: & lib. de superfoetat.*

*exercitu intravit.* (r) Galenus, Medicarum rerum Vastissimus scriptor, nihil de Caesareo partu memoriae mandavit: hoc verò, aliò spectans, monitum obiter tradidit: *Uteri sectiones difficulter conglutinantur.* (f) Cellus lethales uteri sectiones statuerat; ut inferiùs videbimus. Porro cum sola extrema fata gravidarum Mulierum, in teterrimo difficilis, imò impossibilis partus agone luctantium, temerarios potiùs, quàm peritos homines ad audendum secandumque impulerint; qui primis imò & postremis saeculis Caesaream vivarum sectionem aggressi sunt, equiparari illis possunt, qui oculis omninò obductis clausisque, jaculum in scopum rectè jacere contenderent. Videlicet hi nostri *Incisores* impavidi, ignorasse hactenus videntur, cur secuerint; & quorsum, & quoad usque partium, suas sectiones instituerint. Ita in Histor. II. Appendicis Caspari Bauhini ad Rosseti Caesareum partum, de quodam in Caesareis partibus exercitatissimo & celebri Aesculapio haec afferuntur: *Rogabamus quamvis id arte praestaret industriaque: An cutim primum dividere solitus esset: deinde an hos, vel illos potius Epigastrii musculos, postremoque Peritonaeum, ipsumque tandem uterum: an quae-*  
que

(r) *Lib. VII. cap. IX.*

(f) *De loc. aff. lib. VI. cap. V.*

Eorum, qui  
Caesareum  
hunc partum  
aggressi sunt,  
caeca operatio,  
faustuque  
eventus.



que haec separatim scilicet ; an vero simul  
universa : quae nobis percunctantibus , nec sine  
studio , & admiratione , totus ipse obstupuit ,  
obmutuitque ; cumque urgeretur magis , fassus  
est is ingenue , nostras interrogatiunculas aenig-  
matum plenas sibi videri . Se securum tunc ab  
omni metu , ventrem , foetus granditate di-  
stentum quam maximè , non secus scalprio so-  
litum dividere , quam abscessuum aliud omne  
genus . Attamen , quod certè incredibile  
simulque admirandum est , in spissis iis te-  
nebris hi homines plerumque benè ope-  
ram peregerunt : Quippe cum hi , in fru-  
straneis parientis laboribus , desperatoque  
habendi naturalis partus casu , proximoque  
maternae necis periculo , tumidiorem ven-  
tris partem , seu ipsum auspicatò gravidita-  
tis locum inciderint ; quamquam o clusorū  
oculorum erant , eos tamen in scopum ivisse  
non dubitamus : Cum scopus tam amplus  
latusque fuerit , ut certe declinari non pos-  
set . Ita cum foetus sectioni praeberet se ;  
& pressus foras erumperet ; ipsique ope-  
rantes pro certo semper habuissent (& sanè  
jurassent ) graviditates omnes in utero  
semper esse ; recuperatâ indè à vulnere Ma-  
tris incolumitate perspectâ , facile rati  
sunt , non solùm in eorum omnibus Cae-  
sareis partibus uterum ipsum fuisse sectum ;  
sed tantam hujusce partis sectionem , non



*Recens Anatome, Caesaris viventium parturitiones aperuit.*

difficilè sanabilem esse . Nuperae tamen Anatomicorum observationes maximum eorum errorem revelarunt . His enim aliquando certiores sumus , crebras esse mulierum extra uterum praegnationes : suademur insuper , has suis non minùs, quàm nostris aetatibus frequentes videre potuisse Veteres , si eàdem , ut nos utimur , in iis disquirendis diligentia usi fuissent . Tum verò dignoscimus , vehementes partus labores , qui frustranei sunt, & cum nulla uteri, ejusque in primis cervicis, ad pariendum dispositione persistunt , nullaeque parturitionis aquae fluunt, graviditatem extra uterum praestitam omninò indicare ; susceptas ergo in iis circumstantiis Caesareas sectiones (ut pleraeque ita sunt praestitae) non quidem in utero , sed extra uterum graviditatibus prospexisse : Ideoque habitas omnes , sospite Matre , Caesareas operas , foetus non ex utero , sed à partibus utero externis extraxisse . Compertum ergo nobis quoque est ; Mulieres ipso utero sectas , periisse omnes : sectas interea Mulieres , penè omnes evalisse ; cum pleraeque sectioni expositae, cum extra uterum concepissent , externarum tantùm partium , non uteri sectionem sustulerint . Ita tres illas feminas , quas secare vidit Massaria , ( t )

om-

( t ) *Lib. IV. Pract. Med. cap. XII.*

omnesque periisse falsus est, utero fuisse  
 sectas dijudicandum incumbit: nisi quoque  
 velimus ambigere, an omnes Mulierum  
 non *uterinae* sectiones, faustae semper ac  
 salutares sint. Quamobrem, ut tres esse  
 humanas graviditates superiùs attulimus;  
 Primam nempe, quae interna vocata est;  
 caeteris quidem frequentior, si propriè in  
 utero esse intelligitur; rarior verò, si in in-  
 teriori tubarum, aut *ovariorum* substantia;  
 alteram *ventralem* nec certè infrequentem,  
 quam externam graviditatem diximus; ter-  
 tiam verò mediam, seu vel inter *ovariorum* sub-  
 stantiam ejusque succingentem tunicam,  
 vel ad extremum tubae, ejusque tento-  
 rium; ita triplicem caesareum partum di-  
 stinguere oporteret: Primum nempe, qui  
 internas, sive inprimis propriè *uterinas*  
 praegnationes prospiciens, uteri quoque  
 sectionem deferat; atque ideo internus cae-  
 sareus partus jure dicatur: Alterum verò,  
 qui externis seu *ventralibus* graviditatibus  
 sinè uteri sectione impendatur; quem ideo  
 externum vocemus: Tertium, qui mediis  
 illis *gestationibus* se accomodans, medius  
 ideo appellandus sit. Sed medium caesa-  
 reum partum mittentes, qui nempe ad ex-  
 ternum referri potest; ex interno externo-  
 que, primus, vel si *uterinam* ipsam, vel si  
 internam tubae aut *ovariorum* graviditatem

Caesareus v  
 vae Mulier  
 partus dupl  
 est, intern  
 & externu



respiciat ; ut rarissime fit , ita semper lethalis est , Alter & plerumque adhibetur , & plerumque salutaris est . Porro externum caesareum partum , non internum , plerumque adhiberi , ex eo patet ; quod caesarei partus praestentur , quum uterus nullam pariendi dispositionem exerit : Hoc verò nonnisi in graviditate extra uterum contingit : cum in uteri graviditate , ut ut difficilis valde sit partus , aliqua semper pariendi dispositio occurrat . Liquet vero ulterius , externum , non internum , caesareum partum plerumque in operam duci ; cum internus , lethalis omnino sit : qui verò caesareus partus ab Auctoribus describitur , plerumque faustus , imò sospite , suamque foecunditatem servante , matre depraedicetur : Tum insuper ab iisdem Scriptoribus nunquam ut internus & *uterinus* , sed potius ut externus & simplex , descriptus videatur .

*Internus caesareus partus , suapte naturā semper mortiferus est .*

Atque mortiferam esse uteri caesaream sectionem , seu illam , quae totum hujus fundi latus transversim ab uno ad aliud extremum dilaniat , luce clarius est . Namque exsectis uno immanissimo ictu , non solum innumeris venis , quarum plures in matura graviditate ad Scriptorii calami amplitudinem dilatatae sunt , sed praesertim innumeris pariter arteriis , quae ad  
propor-



proportionem venarum, sunt quoque enormiter ampliatae, quis misellam patientem feminam tueri poterit a subita, interna, effusissima, immedicabili *haemorrhagia*, comiteque *syncope*, *hippocraticâ* facie, sudore frigido, *asphyxiâ* atque nece? Ita Celsus ex vulvae, sive uteri sauciatione, non solum mori feminam cum horrendis symptomatibus praenunciat; sed mori instar eorum, qui ex insanabili principis visceris plaga moriuntur: *morientesque tandem eadem, quae corde vulnerato, patiuntur* (\*). Ita quibus feminis in graviditatis progressu, quaecumque interior aut etiam externa causa fuerit, laceratione ei analoga, quae in interno caesareo partu praestanda est, uteri fundus discissus fuit, hae omnes post momenta nonnulla, inter memorata symptomata, miserè periere. Innumerae super hoc casu consulantur historiae. Imò ad subitam gravidis inducendam necem, ipsius vaginae ruptionis fatis est. Retulimus superius casum feminae, in maturi partus laboribus subito fato functae: In qua aperta, vaginae inferius versùs pudendum abruptio, a violento Obstetricis nisu praestita, cum sanguinis in abdominis caveam effusione, pro tota subitae necis causa, reperta est. Ex omnibus insuper Historiis

N 4

eli-

(\*) *Lib. V. Cap. XXVI. §. XIII.*

elicismus , internos omnes *tubarios* partus lethales fuisse . In gravidis enim tubis , quae nempe *uterinam dilatationem* aemulatae fuerint , appellentes & distributae *uterinorum* vasorum propagines , ita quoque dilatantur , ut iis , cum exitu foetus in uteri caveam , abruptis , irreparabilis *haemorrhagia* cum subito , memoratilque in uteri laceratione symptomatibus stipato , genitricis obitu subsequatur : idemque ob eandem vasorum disruptionem , in internis testium graviditatibus omnino evenire perspeximus .

Eorum , qui internum caesareum parium timentur , nullae rationes sunt.

Quid , si Principes Caesareae internae sectionis Fautores , neque ullâ ratione , neque ullo experimento , probare hactenus valuerit , hanc , incolumi Matre , praestari posse ? En binas Herculeas eorum rationes : Primam „ secto utero , „ eumque extendentibus detractis corporibus , seu secundinis cum foetu , „ tota hujus vasis substantia ita spontè „ subitèque corrugatur , atque constringitur , ut vulneris labra in arcum „ necessario contactum adduci , facillimèque id circò occludi & coalescere , „ necesse sit ; , Alteram verò : „ Faciles „ sunt totius uteri amputationes , vende salvâque Feminâ , ut ex Paulo , „ Aëtio , Avicenna , Nic. Florentino , Ambrosio



„ Ambrosio ipso Pareo , Aliisque com-  
„ pertum est : Igitur & alicujus uteri  
„ partis sectiones , incolumi quoque Fe-  
„ mina , non difficiles erunt „ ( # ) Sed  
primum ab illis inquirimus : Cur ergo  
spontaneae uteri disrptiones , cum foeti-  
bus & *secundinis* in ventris caveam pro-  
jectis , semper lethales sint ; dum in iis  
non minori negotio uterus deberet con-  
trahi , discissaque idcirco ejus latera ac-  
cedere , ac revinciri ? Sed eadem certe  
in spontanea , atque artificiosa uteri scis-  
sura , infausli successus est res . Porro  
uterus in naturali partu , exclusis  
cum foetu *secundinis* , viribus suis reli-  
ctus , in contractionem non ita festinat ;  
quin post unum , saepe & alterum diem ,  
eadem fermè , atque in postremis gravi-  
ditatis temporibus , ejus extensio tactu  
percipiatur . Ita puerperis non paucis ,  
variā in partu sanguinis copiam eiicien-  
tibus , lochia aliquot dies , nulloque in-  
commodo , saepe deficiunt ; Postmodum  
paulatim effluunt : quum nempe corru-  
gari uterus atque restringi , contentum-  
que idcirco in amplis suis canalibus san-  
guinem , foras exprimere coeperit . Quid  
igitur , extracto per Caesaream operam  
cum propriis involucris foetu , sperandum  
fiden-

( # ) Ex Rossato, Rulaco, ac Sectatoribus .



fidendumque esset , in lenta tardaue uteri *corrugatione* ; ut tanta , & tam turgida tamque ampliata vasa, ab eadem occludi expedite contingeret ? An non in sauciato utero necessariè succedens inflammatio , majoremque ideo sanguinis copiam vasorumque plenitudinem inducens , *corrugationi* uteri , vulnerisque idcirco *occlusioni* , e diametro adversabitur ? Quod ad decantatam illam totius uteri extirpationem , aut amputationem attinet , tutò asserimus nos, hanc finè subitâ Matris nece impossibilem esse: Hinc toto Coelo fuisse eos allucinatos, qui aliquam uteri propendentem extuberationem amputantes , totum exsecuisse uterum , salvâ feminâ , rati sunt . Etenim extirpato sectoque toto utero, eiusque ideo divulsis quoque , & apertis quatuor ingentibus arteriis , quae ipsum inde totum ramis innumeris uberrimo irrigant imo inundant sanguine , seu binis *spermaticis* totidemque *hypogastricis* arteriis ( praeter quasdam alias diversae Classis minores ) an non ex iis una solum, subitae, irreparabili, lethali, internae inducendae *haemorrhagiae* sat esset ? Quid verò de quatuor amplissimis fontibus , salientem sanguinem pleno gurgite simul effudentibus , dicendum ? Quis porro haec

haec sanguinem ejaculantia vasa comprimant; quis liget, aut cauterizet? Quis verò Virorum praeceps non perit ex iis, quibus testes exsecti sunt; nisi apertis eorum arteriis promptè prospectum fuerit? & tamen binae solum virilibus testibus, seu *spermaticae* arteriae, datae sunt: atque hae *spermaticis* uteri arteriis, saltem *hypogastricis*, certe minores. Sed quae revera non sunt, fieri tamen concedamus. Igitur in viva femina totus uterus exsecetur; divellatur: An inde non gravidæ cum gravido utero comparatio facienda erit? An non, primi sanguinea vasa, alterius vasis ultra omnem mensuram minora atque inaniora esse, bonis omnibus Anatomicis liquet? Quomodo igitur ex *haemorrhagia* ab utero non gravido extirpato, quam quidem non lethalem esse ex animi lusu fingimus, *haemorrhagiam* in gravidæ uteri vulnere, ab uno ad aliud ferme ejus extremum inflicto, lethalem quoque non esse, tam leviter deduci poterit?

Rationes igitur eorum, qui Caesareum partum cum uteri caesione fieri arbitrantur, satis explosimus. Nunc eorum super his rebus productas observationes videamus. Itaque Rossetus, qui primus caesareum partum expressim tractavit, cui  
ideo

*Neque ulla eorumdem praestunt experimenta, aut observationes.*



ideo , tamquam Antesignano , sanè omnes se deferunt , qui postea de constanti sectione uteri in caesareo partu scripserunt ; cum hanc sectionem in suas species distinguere non cogitaverit ; internam ideó , seu foetus cum caesione uteri *extractionem* , sospite matre exemplis variis , praeterquam rationibus , probare contendens , nullo quidem pacto probare potuit : suam enim caesarei partus definitionem , videlicet „ scitam ac dextram „ Infantis ex utero materno & quidem „ per latus extractionem , citra ullum alterutrum aut amborum , Matris puta „ aut Foetus ( modo adventitio malo non „ premantur ) vitae discrimen , incolumi „ etiam servatâ impofterum matri pariendi facultate , imò & suas ejusdem ordinis mortuorum jam foetuum ab utero extractiones [x] suae illae allatae historiae satis firmare non valent (y) Harum enim prima , [quae etiam ex relatu est] potiùs probat repetitas extra uterum graviditates ; totidemque habitas caesareas sectiones , externas tantummodo , non verò internas & propriè *uterinas* fuisse. In femina enim , non secus ac nostra á nobis superiùs proposita , sexies per uterum parere omninó inepta ,  
ideo-

(x) Τσεροποζιχία sect. I. Cap. I.

(y) Eod. oper. in sequentibus



ideoque semper exsecta, & semper viventes foetus enixa, & septimum quoque foecunda praestita, quomodo uterus ( aliis omissis ineluctabilibus difficultatibus ) sex distinctis, & enormibus fusdeque cicatricibus deformatus, atque in totidem earum locis induratus occallatusque, necessariam illam se undique distrahendi, contrahendique habitudinem, gestationibus sanè necessariam, servare potuisset? Altera historia, & tertia, & quarta, similes quoque extra uterum graviditates, easdemque ex relatu praeseferunt: Ita quinta & sexta nihil *uterinae* graviditatis demonstrant: quamquam in iis Rossetus sectionum cicatrices viderit: & in sexta Juvenis, qui inciderat, imperitusque tonsor vidisse uterum ac secuisse dixerit; cum faccum potius aliquem, qui foetum hospitio recepisset, vidisse ipsum ac secuisse putandum sit. Septima Historia ejusdem farinae est; & a pagano Homine cum cicatricis testimonio Auctori tradita: Octava ex sola Tonforis; nona ex rustici Chirurginarratiuncula, sine ulla *uterinae* scissionis mentione habita: Decima tandem à duorum Chirurgorum assertione elicitur: neque caesaream propriè sectionem aperit. Quid igitur constantis & veri ab iis hujusce Viri Historiis compertum est

est nobis ; praeterquam super tres femi-  
 neos ventres, totidem Eum cicatrices vi-  
 disse ? Additae iis ab Antiquis vel Re-  
 centibus Historiae , quae ruptos aut pu-  
 trefactos uteros , hinc foetus ab ipsis  
 in ventris caveam elapsos , postea per  
 abscessus aut sectiones eductos, incolumi  
 atque etiam iterum foecundâ Matre , de-  
 scribere visae sunt , *ventrales* solum, su-  
 periores aut inferiores graviditates , sine  
 ulla uteri laesione aut conspiratione , re-  
 vera describunt : neque enim ex iis Hi-  
 storiis genuina gestantis uteri, internique  
 indè partus , signa elciuntur. In recenti  
 ea , quam retulit peritissimus Birbekius,  
 (\*) videre est „ mulieri partus dolori-  
 „ bus correptae , *secundinae* simile corpus  
 „ obstetricis manibus fuisse ab utero ex-  
 „ tractum : elapsâ circiter hebdomadâ fe-  
 „ tidum humorem aliquandiu e vagina  
 „ exiisse ; hinc ad *hypogastrium* , postea  
 „ ad *umbilicalem* regionem cum dolore  
 „ tumorem prodiisse; ipsumque indè suppu-  
 „ rasse cum magno fetidi luridique liquo-  
 „ ris exitu : appositas ulceri partes , imò  
 „ albae lineae , musculorum abdominis ,  
 „ *peritonaei* omentique portiones , in cor-  
 „ ruptionem ivisse : ex latissimo fetidissi-  
 moque

(\*) *Saggio delle Transaz. Filos. della Soc.  
 Reg. &c. Tom. III. facc. 30.*



„ moque ulcere , foetus minora ossa  
„ sponte fuisse prodita ; majora porro ,  
„ dilatato hiatu exeniptâque corruptâ car-  
„ ne , a laudato Viro , cum caeteris cor-  
„ rupti nigerrimique foetus partibus pu-  
„ tridoque liquamine , partitis vicibus lon-  
„ goque opere extracta : Hinc demum  
„ consolidato ulcere , simulque *uterino*  
„ deleto fluxu , feminam pristinae valetu-  
„ dini fuisse redditam „ Nihil tamen con-  
tigisse in casu videtur , quo quisque sua-  
deri valeat , foetum prius in utero exti-  
tisse , postea in ventris caveam fuisse par-  
tum . Ita cum obstetrix , primo illo ex  
utero extracto corpore , nihil indè in ute-  
ro superstes esse , tum feminam detumere ,  
eamque ab extracta illa substantia valde  
fuisse recreatam , uterumque ad naturalem  
statum retractum , dignovisset ; non quidem  
*secundinam* , sed molam potiùs aut falsum  
germen exiisse ab utero jure censuit .  
Non enim verae seu *uterinae* graviditatis  
internique indè partus , indicia aliqua se  
obtulerunt . Et quamquam vitiosi indè  
puerperii quidpiam effluxerit , neque ta-  
men gutta sanguinis effluxit ex illa parte ,  
quae si pro interno partu fuisset abrupta ,  
abnormem sanè , atque ad pudendas par-  
tes impensè exundantem , *haemorrhagiam* in-  
tulisset . An non igitur satius esset in-  
ferre :



ferre : falsum in utero conceptum cum alio extra uterum , leu *ventrali* , in illa femina simul adfuisse ; a *ventrali* verò aliquando corrupto , memoratoque morbos inducente , exedens tabum fortè ad ulque imum vaginae extrinsecus descendisse ; eamque , ut fluxus indè manaret tabificus , non-nihil rosisse ? Vetustiores Historiae , & maximè quae Rosseti libro a Bauhino superadditae sunt , tum quae in eodem ex Aliis plurimis enarrantur , hae sanè omnes , aut solùm *ventrales* graviditates , & externas sectiones apertè describunt ; ut prima Bauhini , in qua legitur : *Primo ictu ita feliciter abdomen aperuit , ut subito infans absque laesione extractus fuerit* ; aut internam solùm uteri corruptionem cum nece matris depromunt.

Neque Analogiae.

Allatae caeterum á Rosseto Sociisque , ad uteri firmandam sectionem , sanabilem in aliis humanis partibus vulnere analogiae , nullius quidem momenti esse videntur . Et sanè intestinorum atque vesicae vulnera , cum uteri vulneribus comparanda non sunt : cum omnino hae partes fabricâ vasorumque ratione , ab utero differant ; earumque plagas suapte naturâ sanabiles esse , quotidiana experientia doceat . Neque uteri apostemata , ulcera , procidentiae , imó aliquarum ejus corruptarum partium ad  
pu-

puđendi ora sectiones aut extirpationes ,  
facilem , atque sanabilem in caelareo par-  
tu uteri sectionem demonstrare possunt :  
cum eadem ratio sectionis vasorum non  
sit . Quae enim hęc, ab Antiquis vel Recen-  
tibus collectae , succrescunt Historiae , non  
quidem totum uterum ex pudendo abscis-  
sum , sed aliquam solùm internam , &  
in primis *vaginalem* ab eodem solutam  
partem , dissectam fuisse comprobant . Et  
sanè totum excidi aut absumi , incolumi  
femina , uterum , non in Mulieribus so-  
lùm , sed & in ipsis met brutis , fabellam  
esse putamus : neque enim totus abscindi  
potest , nisi totus foras e rima procidat ,  
atque propendeat : Quo autem modo in  
non gravidis , neque recens puerperis semi-  
nis , in quibus valde major laterum uteri  
densitas est , quàm ei insit cavitas , hoc  
vas a tot tantisque quaquaversum apposi-  
tis validissimis vinculis non tantùm solvi ,  
sed totum inverti , atque ita inversum fo-  
ras propendere posset ? Ita Hippocratis lo-  
ca : *Quum uteri ex loco moti fuerint . . Si ute-  
ri extra naturam progressi fuerint . . Si uteri  
extra prominuerint . . Si penitus ex pudendo  
exciderint uteri , dependent velut scrotum . . Si  
extra pudendum os uterorum exciderit ( z )*  
aliaque plura ; vel de solis uteri adversùs

O

alias

( z ) *De morb. Muliebr. lib. II.*



alias partes consensibus , vel de collo , non fundo uteri , extra pudendum procidente intelligenda sunt .

Perpenduntur  
Rulaei , Alio-  
rumque ab eo-  
dem adducto-  
rum , Histo-  
riae .

Demum Rulaeus , qui multo recentius de caesareo partu librum edidit , in eodem sanè Rosseti , Bauhini , Roderici a Castro , Fieni , Mizaldi , Cornacis , Gassari , Scipionis Mercurii , Laurentii , Cordaei , Albofii , Manialis , aliorumque , quos sibi addere comites studet , errore versatur . Hic etenim , dum caesareum partum semper cum uteri sectione esse , propugnare contendit ; solam illam , quae ipsi contingit , caesionem non quidem internam , sed potius externam , seu non ad *uterinam* , quin imò ad *ventralem* graviditatem fuisse institutam , aperte testatur : In hac enim , quam caeterum nimis sicco pede trajicit , non solum secuisse uterum non probat , sed potius non secuisse probat ; ( a ) cum parum ex hac sectione doluisse feminam , tum valdè modicum ex vulnere ( quam-  
quam in matura graviditate , uteroque sanguineis succis impensè redundante praestitum fuerit ) extitisse sanguinis fluxum ; praecipuè verò cum nihil sanguinis ex utero , totum verò ex inflata plaga defluxisse , fateatur . Caeterae , quas idem addit ,  
aliorum

( a ) *Traité de l' Operation Césarienne Chap. IX.*



aliorum Historiae , ejusdem omnino rationis sunt : Illae omnes scilicet , non secus ac aliae Rosseti & fociorum , quas memoravimus , non conveniunt quidem cum iis Massariae superius allatis ( *b* ) , in quibus sectae omnes feminae perierunt : nempe ut putandum est , quoniam nimis audaci Chirurgorum cultro sectae usque ad uterum fuerant ; sed conveniunt appositè cum nostra illa , superius pariter fol. 104. memorata Germani gregarii Militis femina , quae in matura graviditate solis ventris sectionibus parere solebat : atque harum sectionum plures non solum in Castris cum multa rerum inopia sustulit , neque majus incommodum passa , quam alia Mulier in partu nonnihil difficili habuisset ; sed ipso proficiscente exercitu recens secta , post quatuor aut quinque dies , revoluta suo humerisque gestato grabatulo , & vix simplici fascia obducto vulnere , ipsa etiam ponè Milites , & pedestris , progrediebatur . Cumque ante aliquam ejusmodi caesionum celebris olim nostra *Catharina* Paliusla , Angeli Obstetrix dicta , casu ad spectaculum accersita , cervicem uteri sedulo exploraverit ; mihi saepius testata est , nullum omnino *uterinae* graviditatis signum invenisse : Interea post ali-

O 2

quot

( *b* ) *Lib. IV. Pract. Med. Cap. XII*

*Germanae  
Mulieris ite-  
rum adducta  
Historia .*

quot momenta temporis , vivum maturumque foetum , sectione ventris ex hac femina citissimè a Castrensibus Chirurgis extractum , vidisse , mihi insuper eadem Obstetrix asseruit : Tum verò totum inferiorem hujus feminae ventrem sub umbilico , dextrorsum ac sinistrorsum , enormibus caesareorum partuum cicatricibus oblitum adspexisse : Ut ideo ipse putem , in utraque hujusce caesareorum partuum heroinae feminae tuba , ovorum trajectui extitisse obstacula . Interea Militares Chirurgi feminam hanc secare soliti , denegare non potuissent , ea , quae illi infligebant , vulnera , *primae* dumtaxat , ut dicere solent , *intentionis* fuisse , seu simplicem solutarum partium consolidationem exigentia : Nihilo tamen minùs constanter putabant , ferrum ipsos semper ad usque uterum impulisse ; & ab ejus cavea caesareos illos filios extraxisse . Neque aliter certè in hoc casu judicassent Rossetus , Rulaeus , Albosius , Bauhinus , Rodericus a Castro , Bauschius , Fienus , Mizaldus , Aliique principes omnes , caesarei interni partus Fautores .

*Et Aliorum  
quosque solem-  
niter super hac  
re perpendun-  
tur Historiae .*

Atqui , quae aliorum quoque , praeterquam Rosseti & Rulaei , leguntur de iis casibus Scriptorum Historiae , vel sanè graviditates extra uterum , & in



iis solum susceptum externum, ideoque salutarem, describunt Caesareum partum; vel funestum exhibent, quum internus fuerit, seu in *uterina gestatione* uterique vulnere revera celebratus; vel, cum ex spontanea uteri disruptione promtas puerperarum necesse enarrent, artificiosam ipsam hujus visceris per Caesareum partum disruptionem manifestè condemnant. Ita binae Historiae, quas affert Vorvaltnerus (c), memorans alterà magnum ad umbilici loca tumorem, quem Chirurgus ad suppurationem perductum aperiens, Foetum putridum frustulatim extrahebat, ulcere dein feliciter curato, & feminā posthac sanos alios partus edente; alterà verò tumorem consimilem, ex quo Foetus membratim pariter, at nimis violenter evulsus, ita intestina dilaniaverat, ut ibidem novus idemque deinceps perpetuus, inferiori naturalique suppresso, excrementorum anus superesset, feminā tamen, quod ad caetera, incolumitati redditā; Hae, inquam, Historiae, *ventrales* conceptus, nullo pacto *uterinos*, testantur. Nec diversi generis est alia a cel. Mangeto (d) memorata & quae

O 3

a

[c] *Ephem. Curios. Dec. III. Ann. IV. V. & VI.*[d] *Bibl. Chirurg. lib. XIV.*



a Platero, (\*\*) aut Th. Bartholino est edita:  
 (e) Et quae imò a celebri obstetrice Borghe-  
 sia, senonensis Foetus, xxvii ann. gestati  
 ac velut lapidei praestiti, memoriae reno-  
 vatur (\*) Ita Tulpii Historia (f) Foetus fru-  
 stulatum per alvum excreti, ostendit non dis-  
 similem memoratis superius, conceptum,  
 inter uterum rectumque intestinum in pelvi  
 habitum. Ita in annosa illa londinensi  
 muliere, quam refert Eques Skippon (g)  
 post xxviii. annorum graviditatem ab-  
 scessus ad inguen sponte proditus, leni-  
 terque apertus varia Foetus ossa eiiciens,  
 seu caesareum naturae operâ, sine gravi  
 incommodo salutarem partum aggredi-  
 ens, *uterine gestationi*, ruptionique re-  
 ferendus esset? Iam dudum Horatius  
 Augenius (h) cum *uterinum* duorum an-  
 norum conceptum posterorum memoriae  
 tradidisse putaret, tradidit inter uteri &  
 recti fistulam praestitum, cum corruptio-  
 ne indè Foetus, intestini atque uteri.  
 Porrò quae Historiae peculiari ad Hil-  
 danum Epistola a Doringio scriptae sunt,  
 (\*\*\*) *Pract. lib. I. cap. IX.* cum

[e] *Lib. de insolit. part. viis*

(\*) *Observ. div. liv. I.*

(f) *Observat. med. XXXX. lib. IV.*

(g) *Sagg. delle Transaz. filosof. &c. Tom. III.*  
*fol. 31.*

(h) *Lib. II. de Hom. part.*

cum scissione uteri funestos Caesareos partus exhibent. Earum prima est, quam Sennertus jam dederat (i) Mulieris gravidæ, ad inguen percussæ, hinc ad hunc locum, ab enormiter & sinè ulla ope, ad usque ima femoris procidente utero, gravissimè herniosæ præstitæ, hinc Caesareâ operatione ad usque uterum sectæ; quæ cum *lipotyhmia* brevi moriebatur. Sequens Historia, a Polio & Meigenio deßumpta, (l) præbet mulierem, quæ gravidæ quoque uteri herniam, ad usque genu propendentem, & ut prior, reponi ineptam, patiens, eandem sectionem tulerat; & citius primâ defuncta est. An non quæ gravis Mulier, a Ledelio (m) tradita, sibi ipsi internum Caesareum partum inflixerat, promptâ nece temerarii facinoris poenas persolvit? At verò in Hildani responsione ad Doringium superadditur Marchandeti narratio de caesarea sectione in mulieris, xxv. menses cum dimidio gravidæ, tumore ad umbilicum suborto: Atque altera Cornacis rescribitur, de eadem operatione in gravidæ feminae jam spontè prius perforato

O 4

forato

(i) *Instit. lib. II. part. 1. cap. IX.*(l) *Histor. Nucl. class. 1. cap. IV.*(m) *Misc. Cur. Dec. III. ann. 1.*



forato umbilico . Porro in iis ut *ventrales* revera graviditates , ita & externi solummodo Caesarei partus describuntur . Cum caeterum ruptis in partu uteris , matres illicò mori , non solum ex Knoblochio (n) Salmutho (o) Doldio (p) Dobrzenskio (q) Scholzio (r) Tudeccio (\*\*) Aliisque plurimis sit admonitum ; sed laudatus ipse experitissimus Hildanus in feminarum , *dyslociâ* laborantium , hinc subito mortuarum , Cadaveribus , laceratos uteros , & infantium corpora aut capita in ventris caveas propulsa , pro tota obitus caussa tam frequenter dignoverit (s) cur Idem indè tam facilè rerì potuisset , posse gravidas utero secari , atque vivere , planè non intelligo . Et si Hildano Caesareae , vel internae , sectiones ita videbantur insontes , cur in casu , quem affert (t) Hertogii , ejus incuriam non increpat , tanquam scilicet non imperantis Caesaream sectionem in illa femina , in qua a mul-

tis

(n) *In Observat.*

(o) *Cent. I. observ. XVI.*

(p) *Epist. med.*

(q) *Misc. Curios. 1670. obs. XVIII.*

(r) *Ibidem 1671. obs. LXXXVI.*

(\*\*) *Ephem. Cur. Ann. 11. num. 254.*

(s) *Cent. I. observ. 57. 64. & 67. & Epist. 12.*

(t) *In respons. ad Doringium .*



tis annis Foetus *sceleton* , a natura foras e viscerum gremio expulsum, subcutaneum erat ; cujusque partes singulae ab omnium tactu dilcernebantur ; feminâ caeterum continuo flagitante , summisque precibus contendente , ut abdomen ei manu medica aperiretur ; exempto nempe *Scelecto* se sanitati pristinae restitui posse contendente? (u) An non Hildanus Chirurgos admonet, ne ab hujusmodi operationibus manus penitus abstrahant : sed potius aliquid cum periculo tentent , quam aegrum in mortis periculo relinquant? (x) Traditâ a celebri *Kivalier* Historiâ (y) non *uterinam* , sed *ventralem* aperiri graviditatem , facile constat ex descripta omnimoda in ipsis materni partus doloribus constantique *interni uteri oris clausura* ; tum verò maximè ex menstruis ipsis , hujusce graviditatis tempore , restitutis fluxibus . Verumtamen minora quaedam foetus ossicula ex matris vagina prodire ; cuius quidem *uterini* tubi infimam partem ab acerrimis ichoribus , e superiori graviditatis suppurato loco elabentibus , fuisse erosam , jure statuimus . Ita ex vagina , prae caeteris partibus , acerbè constan-

[u] *Enchir. med. consult. Mat. Corn. fol. 214.*

[x] *In cit. Respons. ad Doringium .*

[y] *Manget. Bibl. med. pract. Tom. III. lib. XIV. & alibi.*

stanterque dolente, puris, ichorum, & sanguinis interdum copia profluebat: Atque ex partium continuitatis consensu diarrhoea, tenesmus atque stranguria succrescebant. Majora tamen ossa, capilli, aliaeque foetus praecipuae partes, per umbilicum, ubi revera graviditas erat, exiere. Denique *uterinus* Fluor, qui non nisi exhausto *umbilicali* tumore, & majoribus foetus corporis eductis partibus, desiit, satis ostendere videtur, omnes vaginae excretiones ex illo eodem gravidi tumoris loco effluxisse. Sanè a corrupta illa graviditatis sede plures foetus solutae partes huc illuc, & praecipuè ad infimas partes ventris irrepserant: *Quaedam officula deprehendimus (a) quae descriptum inter peritonaeum, musculosque abdominis erosos, prope dextrum inguen latitabant: Maximamque item capillorum copiam, palmari latitudine ab umbilico distantium desuper & a dextris, ubi foetus caput antea recumbebat. Quà de re, ad perfectam curationem dextrum ipsum inguen incidi oportuit; ut illapsa ad hunc usque locum tria officula evellerentur. An non haec omnia, revera ventralem, non uterinam, fuisse graviditatem convincunt? Gestationem illam a Lankischio descriptam*

(b)

(a) *Ex ead. Histor. cit. loc.*



(b) cui caefarea operatio est praeftita, non probatur *uterinam* fuiſſe; *qua inquam calloſus tumor in vaginam ſucceviſſet*, totumque fere canalem, relicto ſolum foraminulo, piſi magnitudinem & rotunditatem adaequante, repletet; ſed potiùs *ventralem* cum nullum grave ſymptoma, imò ne *lipothymia* quidem, ſucceſſerit ſectiõni: Quam ideo, externam quoque ſtatuiamus. Sed quorſumnam reliquas, neque hercle memoratis diſſimiles, huiusce generis ſexcentas *Historias* recenſerem?

Cum igitur neque genuinam caefarei Solus igitur ex ternus Caefareus partus, licitu partus rationem, neque ejus differentias plerique Auctores dignoverint; eundem malis definitionibus ulteriùs obſcurarunt. Nam praeter ſuperiùs expoſitam, quae a Roſſeto efficta eſt, malam quoque Varandeus litteris mandavit; ſeu: *caefareum partum eſſe Infantis in utero exiſtentis extractionem per ſectum abdomen & uterum* (c) cum hic partus ſinè uteri ſectiõne plerumque ſit: Perperam quoque definiit Rodericus a Caſtro: *extractionem foetus ex utero matris, quae foetum aliter excludere non poteſt: cum chirurgica manus, foetum extrahens in difficili partu, uterum non caedat. Sed ſimilibus omiſſis aliis, illa nobis caefarei partus praeſtantior de-*  
finitio

(b) *Miſcell. Curioſ. Dec. III. Ann. II.*

(c) *Lib. II. de Affect. Mulier. cap. VII.*



finitio est : *Extractio foetus vivi , vel mortui à praegnan- te Muliere viva , vel mortua , per ejusdem ventris sectionem .* Ad quam pariter Zacchias accedit (d). Quòd si naturam , & differentias caesarei partus , & cur ita sectae feminae moriantur plurimae ; plurimae verò supersint , adamussim novissent hi Omnes , quibus variis de rationibus hujusce rei pertractatio incubuit , seu *Canonistae* , Medici , Jurisconsulti , Philosophi , Historici , Chirurghi , Theophilus Raynaudus , Alphonsus Cartagena, Rodericus Toletanus , Franciscus Marcus , Hildanus , Polanus , Schenchi- us , Laurentius , Mercatus , Sennertus , Fienus , Bau- schius , Diemerbroëckius , Cortesius , Romelius , Donatus , Mercurius , *Marchant* , Caranza , Zacchias , Paraeus , *Mauriceau* , Mellius , Aliiq: superiùs memorati Medici Chirurgique ; aut etiam non commemorati ; Alii operationem hanc ad usque uterum salvâ Matre fieri posse negantes ; Alii è converso affirmantes ; Plerique solis Aliorum relatibus , non solidis experimentis insistentes ; profectò confusam rem , neque rectè hætenus perceptam , inanibus controversiis atque quaestiunculis non ulteriùs obscurassent . Quapropter cum illa nostro huic saeculo lux affulserit , quâ quidem pervicaciora praejudicia

(d) *Quest. Med. Leg. lib. IX. Tit. II.*

dicia singulis scientiis feliciter abstergantur: Hoc quoque de Caesareo interno opere praejudicium aliquando deleatur. Curent igitur in posterum Homines, internam caesionem in gravidis ab exteriori distinguere. Theologi, *Canonistae*, Jurisperiti in vivâ feminâ externam licitam, internam verò omninò illicitam, seu homicidam esse, pro certò habeant: nec Medicorum, praeterquam verè scientium, & revera Anatomicorum, sententiis fidant: nisi velint res sibi imponi, vel ineptiores illis, quae de ingressu Animae in masculum humanum corpus post triginta à conceptu dies, in femineum post quadraginta; & de intima atque ideo nobiliori, obtenta in utero sede ab illo ex gemellis Fratribus, qui postremus in lucem prodierit, sunt creditae. Medici non nisi in recens mortua praegnanter internam sectionem praescribant. Chirurghi, quibus Caesareus partus, quod ad finem, & quod ad modum, hætenus fuisse ignotus videtur, in posterum interiorum cum exteriori confundere amplius non audeant. Philosophi de eo sanius ratiocinentur. Historici demum non omnes super his rebus tonsorum, aut muliercularum inanias & gerras recolligant; facileque in vulgus insinuent. Tempus enim esset, nos non minùs iis, quàm tot aliis, a bona Anato-



me abhorrentibus erroribus, quibus ubicumque obsidemur, aliquando expediri. Nostrium verò hîc adhuc sit, pro Caesarei partus disquisitione ad umbilicum perducenda, inquirere in notas variarum extra uterum graviditatum; indèque in iis dignoscere, quando necessarius; quando verò perniciosus; imò & quando mortiferus; externus Caesareus sit partus. Itaque

*Variarum extra  
uterum gravi-  
tatum Notae.*

Quae feminae extra uterum gestant, omnes quidem causariae sunt; nec multiformium februm, nec dolorum, nec *anorexiae*, *cachexiae*, oedematum aliarumque affectionum plerumque immunes: tum earum graviditatis tumor ab uterinae graviditatis tumore non parum discriminatur. Namque in iis, quae naturaliter gestant, (nisi uterus potius ad latera, aut ad posteriora extendatur, ut revera persaepe contingit) primis ipsis mensibus indolens fundi uteri tumor subrotundo-planus, aequalis, ac veluti levigatus, ad *Hypogastrii* medium à peritis manibus apertè tangitur. At verò earum praeter naturam graviditatum neque ille locus est, neque illa tumoris figura, aequalitas, levitas. Si enim in alterutra tuba *gestationis* sit tumor; jam dexter, vel sinister est: magisque à ventris medio recedit, si alterutrum *ovarium* occupat: Inaequalis insuper, rudis, acuminata-



nator est, naturali durior, atque ad temporis rationem minor: Neque comprimī sinē dolore, aut aliquo molestiae sensu potest. Major verò à tactu pressioneque molestia est, si gravidum intimum *ovarium* sit; minor, si tuba. Atqui gravida interdum tuba ita versùs corporis centrum interùs inflectitur, ut neque lateralem molestiam, neque imò lateralem dolorem habeat: Non rarò ad alterutrum quidem latus defigitur; sed nimium quoque interiùs producta, atque in intestinorum anfractibus velut sepulta & immersa, obscuram tumoris atque molestiae speciem, non claram & perspicuam exhibet. Ita evenit in Vercellensi, superiùs à Cl. Guala descripta, *tubaria* graviditate: Quae solita idcirco externa signa vix detulit. *Ventralis* graviditatis tumor, vel superior est, seu in majori abdominis cavea; vel inferior, seu in minori, quae pelvis dicitur, situs. In majori cavea; foetus tumorem faciens plerumque exterior, seu subcutaneus est, seu viscerum externis faciebus superstratus: Hinc cum in lata sede, & ad ductiles, lubricas cedentesque partes connexus sit; pressus non tam molestum sensum inducit: induceret tamen, si cum intimis partibus profundius coalesceret. Sed hujusmodi intimarum *ventralium* superiorum graviditatum

tum genera fat rara sunt . Pelvis verò graviditates, cum visceribus offibusque , arctè invicem constrictis & nexis , immerse plerumque sint , hinc semper viscera violenter premunt . Premens ideo tactus , ad quamcumque gestantis pelvis regionem inductus sit , molestus est . Nec solum à premente manu , sed sinè pressione aliave qualibet externa causa , graviditates extra uterum factae , suapte naturâ *doloriferae* plùs minùs , aut aliter molestae sunt . Ita licèt ad initia , *testiculares* , aut *tubarii* , aut superioris ventris , aut pelvis conceptus , vix esse molesti videantur ; postea verò vel semper vel frequenter ita sunt : Progressos *Testiculares* , praecipuè intimos , intimosque *Tubarios* , maximi comitantur dolores , ac fermè perpetui : tum verò praesertim excitantur , quum foetus movetur : Non leves & in illis conceptibus percipiuntur , qui in pelvi inhabitant : Qui tamen dolores plerumque intervallati sunt ; tum principio , quoniam exilis est foetus , & viscera , quibus interponitur , interdum cedunt ; tum progressu , cum in foeru , ad has sedes citò moriente , vis quoque extendens depereat . Minores , in *tubariis* externis conceptibus cruciatus sunt : Leviores ob allatam causam in superiùs *ventralibus* . Quare *uterinae* graviditates in genere ab omnibus non



*uterinis* initio , maximèque progressu , luculenter distinguuntur : Illae enim principio plerumque incommodae sunt ; indè verò leviores & lenes ; ut quò magis tum escit venter , eò minora ab eodem sentiantur incommoda : sed istae ex adverso leniores principio sunt , cum hystericas , ut illae , res , aliasque uteri *Diathefes* non moveant : progressu tamen cum partes , quae ductiles reapse non sunt , per vim extendant & distrahant , non nisi cum acrioribus semper cruciatibus in propria incrementa progrediuntur . ( Semper de vivis & crescentibus foetibus loquimur : nam si ii mortui sint , caussa etiam majorum extensionum , ita & majorum cruciatuum , extincta est . ) Porro *ovariorum* extensiones , praecipuè si in interiori substantia efficiantur , tubae extensionibus molestiores sunt ; cum illud plenius atque solidius istâ sit corpus ; neque in *extensilis* canalis formam atque rationem , velut tuba est , suapte natura instructum atque dispositum . Idcirco intimae *ovariorum* graviditates diù gestari non possunt ; sed ante tertium mensem cum matris interitu abortiuntur : tubariae verò interiores diutius protractae occurrunt . Sed quæ inter propriam *ovariorum* substantiam , ejusque succingentem tunicam graviditates contingunt , ob *extensilem* tunicae *sacciformis*



*mis* rationem, maturitatem consequi, quamquam non sine summis cruciatibus, valent. In nostra illa, primum *testiculari*, postea *ventrali*, taurinensi graviditate, luculentum hujus rei exemplum proditur. Caeterum quae in majore abdominis cavea *gestationes* fiunt, progressu, prae vitiosis aliis, minus molestae sunt; quoniam, ut diximus, in amplo, vacuoque spatio ductilibus valde partibus circumdantur: sed quae in pelvi creatae sunt, ubi ossea claustra extensionibus circumquaque obsistunt, gravibus saepe stipari doloribus, praecipue ab osse pubis ad sacrum, instar infixi terebrantis clavi, porrectis, in comperto est. Maxime vero superiores *ventrales* graviditates, vomitus & nauseae ratione, ab *uterinis* discriminantur: Hae nempe affectiones si in *uterinis* principio adfuerint, progressu plerumque minuuntur: Ex opposito, in progressu superiorum *ventralium* plerumque invalent atque ingravescent. In graviditatibus, quae non solum *ventrales* superiores sunt, sed ex ipso initio sunt tales, lac nullum in mammis conficitur: Neque enim in mammis redundat hic liquor, nisi *uterina* vasa eo singulari modo premantur, quo liquorum undam per communes his partibus ductus confluere in mammas contingat. Cum nullum ergo in-  
ter

ter *gestationes* hujusmodi *ventrales*, atque *uterina* vasa, commercium sit, nulla ab iis uberum plenitudo conficitur. Sed ab illis, quae in *uterinis* appendicibus, seu *ovariis* & tubis, *gestationes* sunt, quatenus *uterina*, quae cum iis partibus coeunt, satis premuntur vasa; tum verò iidem fermè pressuræ modi super attiguas *uterinas* partes à delapsis auctisque in pelvi foetibus habeantur; idcirco non *testiculares* solum, ac *tubariae gestationes*, sed quae etiam in pelvi celebratae sunt, lactis copiam in mammas adiiciunt. Rursus in testium, atque tubarum graviditatibus, cum pleraque internè occupata *uterina* communicantia vasa sint, tum tuba, saltem alterutra, aut alterutrum *ovarium*, impediatur, addatque se comitem improba gestantis feminae valetudo; neque ideo in iis menstruae purgationes superveniunt; neque novi conceptus contingunt. At verò cum *ventralium* inferiorum *gestationum* consensus, cum externis tantum uteri vasis sit, non cum internis, neque cum ejus appendicibus; superiorum verò graviditatum nullum cum *uterinis* partibus commercium intercedat; eapropter in *ventralibus gestationibus*, cum superioribus tum inferioribus, menses ac *superfoetationes* advenire possunt. Demum inferiores, quae extra



uterum sunt , in genere graviditates , vel si *testiculares* , vel si *tubariae* sint , vel si cavo pelvis succretae ; nullam plerumque vim respirationi inferre consueſcunt , cum à respirandi organis diſſito loco arceantur ; Vesicae verò rectoque intestino proximae , eorum potiùs alterandis functionibus conspirare queunt. Sed superiores graviditates , omisso intestino ac vesicâ , quae sanè remota sunt , premendo impediendoque Diaphragmati , aliisque spiritalibus vicinis partibus , aptiores sunt : nisi ab eis per extrinsecus protrusum ventris saccum removeantur. Quare graviditates extra uterum singulae , à tumoris loco atque forma , ab incommodis , aliisque comitantibus rebus , praesertim ab ipso uteri statu , tum principio ac progressu , tum si partus superveniant conatus , ab *uterinis* graviditatibus sat superque distinguuntur. De tumoris conditionibus jam dictum. Incommoda eò majora sunt , quò partes , ut quoque dictum , ad extensionem ac divulsionem non conditae , violenter extendi atque divelli pergunt. Porro uterus in illis graviditatibus , quocunque tempore vacuus semper atque imus , peritâ manu deprehenditur ; idemque , si partus dolores superveniant

qui



( qui sanè omnino naturales imitantur )  
neque madet ; neque osculum aperit. At-  
que haec de vitiosarum extra uterum gra-  
viditatum signis nunc dicta sint satis.

Jamque ad usum caesarei partus pro-  
cedentes : Quamquam in *ventralibus* conceptibus nullum sanè hâc sectione  
praestantius auxilium est ; nisi ipsos ta-  
men internae vires , quas sub naturae  
nomine noscimus , per insolitos excitatos  
conatus , & partui similes nifus , hinc  
saepe etiam per inductos tumores, abrupt-  
tosque imò abscessus , foras é corpore  
compellere intendant , ut hoc pacto op-  
portunitatem , imò normam & locum  
sectionis indicare videantur ; saepe haec  
sectio necessaria non est , saepe etiam &  
noxia , ipsoque malo remedium pejus :  
interdum quoque & lethifera evadit .  
Nam quemadmodum interni conatus il-  
lam foetus à maternis visceribus solu-  
tionem sat aptè moliri possunt , quae  
sanè a Chirurgi cultro sinè multo dis-  
crimine obtineri non posset ; ita si nulli  
istiusmodi conatus sint , cogitandi locus  
est , conceptum , ad corruptionem non  
vergentem , ita cum illis partibus firma-  
tum nexumque esse , ut cum ipsis unum  
velut corpus constituens , neque ideo na-

*Externus ca-  
sareus parit  
interdum na-  
cessarius est :  
terdum perni-  
ciosus : quana-  
que mortifer*

turae molestus aut incommodus , expediri & educi , nisi cum multa eorumdem viscerum laesione non queat . Inducti verò , velut in internum par-  
tum , nifus , non solùm foetum visce-  
ribus non ita immersum , sed iisdem  
velut exteriorem esse ostendunt , suisque  
jam à latibulis expeditum : tum verò  
peculiares , ut plerumque assolet , exci-  
tati ab iis cruciamentis tumores ( undè  
ex gravibus pressionibus , aut ipso jam  
putrescente foetu , inflammationes , ab-  
scessus , disruptiones succedere , non  
difficile est ) foetum jam extrinsecus  
protrusum esse , ac velut subcutaneum  
evasisse , testantur . Tunc igitur secare  
necessarium erit : neque ullo quidem  
momento temporis prorogandum : vel  
si foetus ex aliquo , ubi accreverit , *ute-  
rinae* appendicis latibulo in ventrem eru-  
perit , ibidemque nutritionis defectu pe-  
rierit : vel si in ipsam abdominis ca-  
veam à primordiis delapsus , suos ibi-  
dem progressus sortitus sit ; postmodum  
maturus , liberi partus defectu , fato  
cesserit : Ita si quidem *ventralis* foetus  
non adhuc ad maturitatem perventus sit ;  
& vivens , quò major factus , eò fac-  
tiores cruciatus inferat , ut ferre am-  
plius Mater non queat ; aut etiam ad  
ipsam

Quando vesco-  
farius .



ipsam perventus maturitatem , & adhuc vivens , partum exitumque vehementer moliatur : perspectâ diligenter cognitâque ejus sede, ad sectionis operam deveniendum est : Quod si jam mortuus , tetrissimâ ac velut veneficâ indole internas ita partes laceffit , ut acutae febres, *lypotherimiae* , vigiliae , anxietates , teter oris atque totius corporis halitus , & immanes praecipuè dolores suboriantur : Tunc certè cunctandum non erit : multoque minús , si á putrescente jam foetu hæc omnia ingravescant . Neque in hac rerum positione externus tumor , ejusque suppuratio expectanda sunt ; ut per abruptum tumorem foetus jam penitus tabefactus , foras ab internis viribus eiiciatur : namque cunctationem hanc infestus maternae quoque corruptionis successus subsequetur . Ita Taurinensi Moranae dilatio ista lethalis extitit : Dum feminam hanc servari potuisse in aperto est , si interni partus exertis viribus , mortuoque inde foetu , incoeptâque ejus corruptione , partus caesareus , cui ipse oppidò instabam, intrepidè agebatur . In Vercellensi primae historiae muliere , ut ut ipsâ sectione non tempestivè sed tardiús adhibitâ, rem benè adhuc cessisse non diffitemur : At



verò quot vicibus mors fores pulsavit !  
 Quanta in tot illius infelicibus disruptorum foetus membrorum partibus , aerumnarum atq; discriminum diuturnitas !  
 Causarius languor totâ supersilite vitâ superfuit : Digestiones egestionisque alteratae sunt : Gravissima *umbilicalis* hernia succrevit ; quae in dies invalescens, brevi mulierem de medio sustulit . Haec quidem omnia uno momento unoque ictu praecavebantur , atque omnino declinabantur ; si benè perspectâ graviditatis conditione , naturaeque viribus atque opportunis conatibus animadversis , caesareus partus initio festinatus fuisset. In illa novem annorum ventrali superiore graviditate , quam tradit Reiselius (e) , si quo tempore putridum ulcus sub umbilicum cum foetore maximo disruptum fuit , foetus illico fuisset extractus , qui adeo negligenter non nisi post trimestrem spontaneae, seu a natura , caesarei partus locum indicante , praestitae plagae apertionem , omnino corruptus educebatur ; longa nimium illius & continentium partium putredo, attigua intestina non erosisset ; neque cibus & potus per mensem & ultra exiissent e vulnere ; neque transisset annus , antequam misella

me-

(e) *Miscell. Curios. Dec. III. Ann. III.*

mediocrem recuperasset valetudinem ; & in hac melius omnia alimentorum genera tolerare , ut prius , valuisset . Ita in aliis pluribus Auctorum casibus , quos , brevitatis amatores , omittimus . Porro in quacunque caesarea sectione feliciorum ominari eventum quisque poterit , quum perito diligentique tactu comperiat , foetum minus cum ventris partibus connexum , magisque subcutaneum esse . Manus insuper ad hanc operam , etiam cum audacia quadam , admovenda est ; quum foetui in abdomine accreto , ut ut nihil molestiae praestanti , vel nempe si incorruptus satisque involutus permanferit , vel quoque si exsiccatus fuerit , nova naturalisque , seu *uterina* graviditas superveniat : atque haec ita á praecedenti *gestatione* reddatur incommoda ; ut vel primis temporibus uterus à *ventrali* foetu , ejusdem fundo accumbente , compressus atque coercitus , extendi debite non queat : Hinc , ut in hoc casu evenit , cruciatus acerrimi , febres , spirandi angustiae , deliquia , virium prostrationes aliaeque calamitates superveniant . Tunc igitur tentanda res est : cum sine hoc auxilio certum vitae Matris discrimen immineat . Quòd si succreta graviditas perbellè cedat ; neque ulla , aut leviora solum , succedant



dant *symptomata*, neque in primis illi superveniant dolores, qui partuum nifus imitentur: profectò non est secandum: quamquam probabile esset, *uterinum* foetum ob externam domicilii sui pressionem, ad debitam maturitatem pervenire non posse: ut contigit in Veneto Santorini foetu; & in Gallico illo Manialii, cui praevia erant duo alia cadavera foetuum, in abdomine adultorum: Namque in primo caesareus partus impar omnino fuisset; In altero verò fortasse perniciosus: quem nempe naturae conatus ad expulsionem foetuum, debitaque ideo eorundem à ventris partibus solutiones, non praeceffissent.

quando perniciosus.

Sed certè perniciosus esset caesareus partus, quum foetum in abdomine accretum mortuumque exsiccatumque, aut saltem in nullam corruptionem evasum, neque ideo ullo pacto gestanti incommodum, neque ideo ab internis viribus commotum solutumque, tactu, insuper Matris motibus aliisque indiciis, fortiter maternis visceribus implicatum nexumque esse deprehenderemus: Ut idem igitur sine gravibus divulsionibus atque lacerationibus, extrahi e sinu Matris non posset. Ob hanc rationem ego unus firmiter olim obversabar Anellio Aliisque



que plurimis , sectionem *Margaritae* Galatae praestandam esse mordicus propugnantis : eisque non difficilè illas foetus cum *Peritonaeo* , omento , & nonnullis intestinorum ac *mesenterii* areis connexiones , tactus operâ indicabam ; quas indè in publico Anatomico Theatro post annos XV dissecta Mulier ostendit . Statuebam ergo tunc temporis , non esse , tranquillam feminam , foetus molem ita commodè gestantem , & , quod ad praecipua omnia , benè valentem , in multum vitae discrimen , iis immaturè dilaniatis connexibus , coniiciendam : Audendum verò solummodo , vel si foetus putruerit , hinc excitati in ejus solutionem interni conatus , tentando ejus egredi velut primas manus praeberissent ; vel si naturalis seu *uterina* graviditas aliquando succrevisset ; eandemque à *ventralis* foetus accubatione pressioneque valdè impediri atque interturbari , in propatulo fieret . Et sanè *Margarita* meo consilio à sectionis discrimine , forte etiam ab ipsa nece , diebus illis bonisque certè avibus evasit : suumque incorrupti foetus innocuum pondus seros ad usque annos incolumis sustulisset ; nisi aliâ , omnino dispari , calamitate fuisset extincta . In casu cl-

*Houftoun* Angli (f) quamquam *ventralis* graviditatis maturo foetui tandem fuccefferit tumor sub umbilico , & inflammatio , & fuppuratio , hinc ulcus , & ex ulceris loco officulorum aliarumque foetus partium , imò & maternorum excrementorum exitus ; cum tamen intestini caveae , finuofae praestitae , aliisque partibus corruptus foetus ejusque ossa nimium fuissent coalita , nullo ideo tempore caesarea *dilatatio* propitia esse potuisse videtur . Et in Vercellensi altera superius descripta , seu *tubaria* externa graviditate , caesarea operatio perniciofa reapse fuisset , ob tubae gremium intestinis mersum & nexum . Ita igitur lethalis quoque esse poterit caesareus partus , si *ventralis* conceptus principibus abdominis visceribus ita adnatus , immerfus atque coalitus sit ; ut divulso foetu , profundè ventriculus , aut *duodenum* , aut intima *mesenterii* substantia , aut majora sanguinea vasa rumpantur : Quae certè ruptiones mortiferae sunt . Atque ideo conjiciendum est , tres illas Mafsariae jam saepiùs memoratas caesareas sectiones , quas aequè lethum excepit , non forsan omnes cum secto ipso utero , sed solùm cum laceratis prin-

Et quando  
mortiferus.

( f ) *Vid. Sagg. delle transaz. filosof. della societ Reg. Tom. IV. fol. 21.*



principibus ventris partibus, fuisse praestitas: Ita quoque de aliis non minús funestis, quae in hac historia memoratae sunt. Atque iis cautionibus graviditatum non *uterinarum* curationes atque caesareos partus, ad justam methodum aliquando redacta iri confidimus. Nunc ad postremam vitiosae generationis, atque ab hucusque expositis omnino disfitam Classem, seu ad monstrosos conceptus eorumq; graviditates, gradum facimus: Quibus hanc partem absolvere instituimus.

Viventia, quae insolitâ alicujus partis, vel plurium, vel totius corporis ratione sunt, ut sub nulla designata specie reponi videantur, monstra dici solent. Porro monstra omnia, quae in hac rerum universitate occurrere, hominumq; admirationem facere solent, tribus classibus complectuntur. Vel enim ex Hominum, vel ex brutorum, vel denique ex plantarum genere sunt. Quod ad bruta animalia, plantasque pertinet, Alii dispiciant. Quae monstra ex hominum genere nascuntur, vel unicâ, vel multiplici forma sunt praedita. *Uniformia*, quaedam trunca sunt, velut unimani: Quaedam partes habent suprâ, quàm necesse

*De humani  
Monstris,  
& eorum  
speciebus.*



cesse est, ut bicipites : Alia partes habent non debito loco dispositas; quomodo ii, quibus brachia collo neantur : Nonnulla sexus ancipitis sunt ; quemadmodum illi, quos nulla genitalium vestigia distinguunt : Quaedam partes habent supra modum adauctas, vel imminutas : Alia denique partes habent toto genere praeter naturam ; ut ii, quorum membrum aliquod lapidescit . Quae verò multiformia sunt, vel partes gerunt ejusdem speciei, non sexus ; ut illi quibus virile seu barbatum caput est, caetera verò muliebria : Vel utroque sexu gaudent, Hermaphroditos appellant : Vel denique partes habent omnino specie diversas ; quemadmodum illi, qui membrum aliquod caninum, hircinum, aut alterius speciei prae se ferunt . Quae omnes monstrorum species apud Petrum Borellum, Th. Bartholinum, Tulpium, Bontium, Meeckren, Aliosque, & praecipuè apud Licetum videantur .

*Et eorum causas  
in genere .*

Causae autem, eheu nimiae ! Hominis formam prae caeteris mirabilem divinamque pervertere, & labefactare valent . Ipsam matrem, vividis imaginibus, conceptum monstriferum procreare posse vel Cordatiores consentiunt : cujus causae effectus esse videntur partus illi, qui

qui membrum aliquod diversae speciei animalium referunt . Uteri Angustiam pariter , malam foetus posituram , morbosque , quibus jam est obnoxius ; insuper alicujus partis decorticationem , duorum vel plurium eodem tempore conceptum , & his similia , continuò ad monstriferam hominis conformationem conferre , quis dubitet ? Enim verò uterus , qui a natura ad foetus continendos ita constructus fuit , ut quâ ratione ipsi augentur , facile cedat , & extendatur , si interdum rigidior , quàm par est , foetus explicationi non obsequatur , jam apertè concipimus , quomodo tenella adhuc ejusdem membra , dum crescunt , non liberè ad debitam magnitudinem , formamque perveniant ; coacta hinc indè , minùs magisve extendi juxta majorem minoremve pressionem , & resisten-  
tiam .

Quod fortasse in culpa fuit , cur foetus ille noster , oblongo adeo , & portentoso capite excreverit . Mater enim , quae vivit adhuc , bonâque valetudine fruitur , toto graviditatis tempore nullum ventris tumorem , aut prominentiam exhibuit : & nos ipsi ad judicium super hac re ferendum vocati , nullo signo deprehenso , nullam pariter sententiam protulimus .

*Et in specie**Fig. XIII.*



limus . Quapropter , cum uterus neq; ad anteriora, neq; ad latera promineret, pronum est deducere, ad posteriora se extendisse; quamquam id parum, quia statim obices ossis sacri offendere debuit. Foetus igitur in Caput jam devolutus, prae uteri angustia , & peculiari membrorum positu , longaue *uterinae* cervicis forma , eò extendi coactus , quò minús impediebatur ; principem corporis partem prolixam nimis , deformemque sortitus est . Si verò foetus dum volvitur , membrum ejus aliquod praeposterè flexum situmque remaneat , ob ceream adhuc flexibilitatem , cuilibet modulo & inflexioni suscipiendae aptissimam , quâ parte detortum plicatumque fuerit , instar crescentis arboris obrigescet . Hinc prodeunt in lucem non pauci , quibus brachia & tibiae distortae curvaeque sunt .

*Monstrorum  
causae aliae*

Quid , si inter partium quarumdam contactum , aut mutuâ perfricatione , vel quoquo modo , fiat decorticatio ? Nonne interdum propter communem exulcerationem , digiti , dum sanantur , nisi cautè aliquid interponatur , simul omnes cohaerent ? ( g ) Pari ergo ratione , mollia adhuc foetuum membra , postquam decorticata fuere , absumptis deletisque , quaecumque sit causa , dirimentibus involucris , in absoluto contactu posita ,

fi-

g) *Cels. lib. VII. cap. XXXII.*



simul agglutinari , succique nutrientis ope concrefcere poffunt . Atque haec illa caufa eft , quâ , prae caeteris , ad Monftrorum , quibus duplicata funt membra , explicationem , perbellè uti poffumus . Namque vel unum maneat caput cum caeteris duplicatis partibus , vel duplicetur caput aliis non duplicatis , vel duplicentur fmgula , aliaeve , ex mifturis ovorum atque *embryonum* , millenac monftruosae conformationes fint ; haec certè omnia a fimili origine deduci poterunt . Neminem enim latere arbitror , plura eodem conceptu ova interdum foecundari ; quae dum in utero nutriuntur & crefcunt , quò plura funt numero , majorem fibi invicem preffionem inferant , neceffum eft . Sed foetus , dum motu proprio , & inordinatis diftortionibus , praecipuè fi indole difficiles & impatientes fint , vel maternis luccuffionibus agitantur perfricanturque , extima quandoque cuticula , admodum tenera & gracilis , atteritur ; quâ demtâ , cum nihil inter foetuum cutem , carnemve intercedat , foetus ipfi vel intimè , vel leviter , & fuperficie tenus , unâ cohaerent , & coalefcunt . Hinc monftra a Cl. Palfinio diligenter , fufèque defcripta ( h ) Hinc tot Aliorum , quae fuis in iconibus colle-

Q

git

(h) *Description Anatomique* 1708.

git memoratus Fortunius Licetus (i) collegit Tulpus , ac colligere tot Alii : & quae ubique innotescunt . Quare cum nuper auditum sit, foetum , ex istis memoratis , duplicatorum artuum & capitis , in quadam Alexandrinae Ditionis *Pharmaceutica* Officina , ornamenti causâ , jam dudum servatum , nunc inter rarissima monstra , vel apud Exteros ipsos recenseretur ; admonere est , *rara* illa monstra dicenda non esse , quae sexcentis in locis , & in quibuscunque aetatibus , conspecta , descripta atque depicta sunt . Porro ex dictis , Taurinensis Bicipitis , quem nostra fert Tabula , explicationem intelligitis, opinor ; quam comprobat *ὁκέλειτον* , quod adhuc superest ; in quo duplex spina conspicitur . Nec abs re fuerit , partes illas , quae in monstris hujusmodi desiderantur , ideo destructas asserere , quia nimis pressae & obstrictae fuerunt .

Fig. XIV.

Et aliae .

Morbi verò , quibus hominum genus in dies magis vexatur , foetibus etiam infensi sunt ; eosque saepè numero in primis vitae exordiis interimunt , vel mortiferos reddunt . Quid enim prohibet , circumacti quominus humores , partem foetus aliquam impetant , laedant , & nimis adaugeant ; vel ob vasorum aliquam

con-

(i) *De Monstris : Cum additionibus &c.*



*constrictionem*, humorumque crassitiem, impedito cursu, non omnes irrigentur partes & nutriantur; undè gracilescant, exsiccentur, & lapidosa etiam evadant? Quod si noscere quis velit, undenam abnormes adeo, & monstruosi foetus nonnulli evadant, cum caudis, proboscide, belluinis unguibus, rostris, alis, asininis auribus, falculis aliisque ferinis partibus; insuper villosi, variè colorati, barbati, pileati &c., & undenam duo illi nostri, quorum unus equino capite, alter verò manibus pedibusque bufoni similibus representatur; in re tam obscura tamque difficili non deerunt, qui mirificos hujusmodi effectus Matris imaginibus adscribant.

Fig. XV.

Fig. XVI.

Portenta quaedam explicanda supersunt, quae caussarum omnium, quas mox tradidimus, nullam habere videntur. Quis enim bonus adeo putet, vel Matris ideam, vel uteri pressionem, vel decorticationem, vel duorum eodem tempore conceptum, aut morbum aliquem, sextum E. G. in utraque hominis manu digitum efficere posse? At structura digiti, non minùs artificiosa, nec minùs difficilis est, quàm caeterae humani corporis partes. Nullum igitur refugium superesse videtur; nisi quis haec, aliaque his similia ab ovo repeten-

*Multae monstrorum causae ab ovo efficiuntur.*



da existimet. Ex his ergò causis, quas cursim tetigimus, bicipites, *acephalos*, imperforatos, unimanos, centimanosque, si darentur, insuper gibbos, claudos, aut quoquomodo truncos, deformes & imperfectos deducite: Monstruosa quidem omnia, si summa.

*stra plur  
incerta*

Multa tamen, & major fortasse pars muliebrium monstroforum partuum, qui bruta, aliave naturalia corpora simillasse visi sunt, non solum vitiolis muco-sanguineo-membranaceis *uterinis* concretionibus, atque ejectamentis, seu veris matricis polypis, sed praecipue molarum imò & retentarum *placentarum* (1), insolitâ fortuitâque figurâ conformatarum, familiae referenda est. Ejusmodi igitur esse putanda ducimus pleraque, immò ea omnia, quae sub forma Ranarum, immò Bufonum, Murium, Serpentum, Aquilarum, aut aliarum avium, ovillorum, aut animantia alia imitantium capitum, immò Piscium, immò variorum ordinum *vegetabilium*, a feminis per uterum non raro eijciuntur. Videantur super hac re suis in observationibus *Salmuth*, Amatus Lusitanus, Skenckius, Horstius, Hoeferus, Forestus, Bartholinus, Platerus, Aliique.

At

(1) *Vid. Ruysch. Observ. Anatom. Chirurg. XXVIII.*

At si iis similia per molas polyposque ab utero ejectos explicantur, nemo verò, imperfectissimos quidem & membris praecipuis mutilatos, sed tamen foetus, aut molas aut polypos fuisse dixerit: Quorum unum nomenclum nos ipsi Bononiae vidimus anno MDCCXX sinè capite, sinè thorace, sinè corde, sinè pulmonibus & majoribus vasis sanguineis: Ita ut summa trunci pars diaphragmate finiretur: Et tamen (quis crederet?) vivens, ut patet, usque ad maturitatem pervenerat.

*Alia verò certissima.*

*Recens Bononiensis foetus Historia.*

Sed *vesiculosa* ingentia *uterina* corpora, quae naturalis velut graviditatis indicia tulerunt, ejusque tempora prosequuta sunt, hinc partu excreta cernimus, humana quoque monstra, monstrosaeque speciatim molae dicenda sunt: Nostrum horumce partuum exemplum suppetit; & Littrii fermè simile alterum: Praeter alia insuper, per Auctorum Codices dispersa non pauca. Ante aliquot annos confertissima plurium millium hydatidum diversae magnitudinis congeries, quam nobilis Femina ad finem noni graviditatis mensis post laboriosissimum partum enixa denique fuerat, ex Casalensi Montisferrati Urbe nobis perlata est; ut nostrum super insolita hac re haberetur judicium. Haec Mulier, plurium sanorum conceptuum foe-

*Molae revera monstrosae.*

*Nostrae singularis Historia.*



cunda Mater jam fuerat : Neque in hoc postremo conceptu dissimile , atque in illis , *gestationis* principium progressumque tulerat . Nos monstrosam esse molam statuimus : In qua scilicet deleto intus foetu , in innumeros diversae molis , at verò invicem communicantes sacculos , *secundinae* facesissent . Et sanè hi omnes ab inducto flatu simul tuebant . In iis porrò folliculis flavus atque subtilis liquor redundabat; qui igni expositus facillimè concretus fuit . Super haec aliquod , *prophylacen* respiciens , consilium addidimus .

Et alia similis Littrii. Littrius monstrosam , a nostra vix disparē graviditatem refert (m); magnum scilicet racemum vesicularum , instar uvae spinae , a valdè confertis diversae longitudinis membraneis ramis pendentium : In quibus vesiculis aqueus quidam liquor erat , nonnihil turbidus : Totaque moles IX libras pendebat . Adnotat Auctor Clarissimus , hoc monstrum , feminam aet. XXIX annorum , optimae constitutionis , & quinque filiorum jam Matrem , ad medium *gestationis* decimum mensem peperisse . Hic verò hydatidum quoque cumulus fuit , superadditis membraneis productionibus artius annexus . Similem quoque monstrosam molam in Genevensi Matrona , XXX annos

(m) *In Histor. Reg. Scient. Acad. Paris.*



annos praeter propter agente, memorant Celeberrimi Clericus & Mangetus (n).

An verò tot prodigiosi, saeculis penè omnibus celebrati, quarumdam feminarum numerosi conceptus, nostrae huic demonstrationis humanis narrationi adnecti debeant, non satis scio. At non dubito, quamplures ex iis, qui passim leguntur narranturque, multorum foetuum partus, nimiae aliquorum credulitati potius, quàm historiarum veritati esse adscribendos. Quapropter, neque centenos foetus a Celebris Hollandiae Comitissa uno partu editos; neque incredibilem primarum Gallicae *Parcelletiae* Familiae Parentum foecunditatem; neque alia hujusmodi, Tonforibus, Lippisque notissima recensebo. Lubenter hîc tamen memorare statui miram illam foecunditatem Wurtembergicae Feminae; quae circa finem saeculi XV Mater liberrorum LIII, per XXXIII partus, ex uno conjugio fuit; hoc quidem ordine, ut XVIII partibus unicum semper infantem ederet: dein V partibus semper duos: IV postea continuò tres: In sequentia, conceptuum numerum ingeminans, sex simul filios gestaret: Quorum tres quarto mense per eundem conatum protulit; Nonâ hu-

*In naturalibus humanis conceptibus monstruosa evulgata plurima, fabulosa esse videntur: Aliqua tamen certa sunt.*

*Mira, atque idèo velut monstruosa, cujusdam Mulieris fertilitas.*

Q 4

julce

(n) *Bibl. Anat. Tom. I. in notis ad Tract. Graafii de mulier. organ.*

jussu puerperii die , quartum ; posthinc hebdomadâ undecimâ , quintum ; atque iterum elapsis septem hebdomadis , sextum enixa est : Demum septem simul infantibus gravida , hebdomadâ *gestationis* vigesimâ , tres ; ab hinc hebdomadis tribus & dimidia, quatuor reliquos, in fuorum partuum coronidem , edidit . Admirabile est , in hac muliere aetatis & ovorum maturitatem , velut eandem accrementi rationem habuisse . Caeterum masculi XXXVIII fuere ; feminae XV Omnes Ecclesiae lavacro excepti ; praeter octo praematurè demortuos . Horum quilibet vix novendialis fuit . Porro haec historia, testimoniis certissimis publicisque monumentis firmata , atque ab Helvvigio , Welschio , Eysenmengero , Schroeckio , Aliisque , hominum memoriae mandata , valde id illustrat , quod de genitalibus muliebrium *ovariorum* vesiculis , seu genuinis ovis , eorumque stato numero , superiùs a nobis fol. 70. prolata sunt . Quamobrem cum parum ultra quinquagesimum numerum extendi muliebrium ovorum copia in utrisque simul sumptis *ovariis* perpetuò videatur ; tanti in una hac femina conceptus , ad supremum eorum calculum advenisse , aut plurimùm saltem accessisse , dicendi sunt . Quatuor porro



porrò, aut sex unicâ graviditate gestari foetus, quemadmodum ex hac historia, & alibi quoque, ab eodem Helvvigio, Schroeckio Aliisque elicimus, perrarum valde est; ut nullum certè mihi recens exemplum suppetat. Frequentiùs verò tres, quinque, aut etiam septem, eisdem *gestationi* se comites addere audivimus. Sic nostrâ hâc aetate, nostrâque in hac Urbe, tres eodem partu, semel iterumque, sunt editi: In quibusdam Pedemontanis Regionibus interdum quinque: & in Insubriae Pago non diu ab hinc, septem simul in lucem prodire. Namque non ita pridem testatus est mihi R. P. David, Clericus Regularis Theatinus piissimus, nostrique Academici Sacelli Praefectus; ante hos annos XIV progredientem se Mediolano Robeccum, ad navigabilem Canalem habuisse obviam Mulierem, sibi jam famâ notam, quae uno partu septem filios, masculos feminasque, vivos & vitales omnes, citò quidem, at non sinè magnis cruciatibus, pepererat; tum verò ex iis primum aut alterum, masculumque, obviae ipsius Matris vidisse comitem; cuius tùm aetas XI aut XII annorum esse potuisset. Notabile igitur est, si geminos excipias, impari saepiùs, quàm pari numero, infantes

*Recens Mediolanensis Feminae, septem simul filios gestantis atque parientis, Historia.*



fantes oriri. Qua de re si quis me roga-  
ret; haud aliter responderem, ac si quis  
peteret, undé crises, in acutis praeser-  
tim infirmitatibus, septimâ potius quàm  
sextâ, vel nonâ crebriùs quàm octavâ die,  
produci soleant.

torbosa Gene-  
tio, utriusque se-  
si communis.

Atqui hîc nobis, dum tot tantisque vi-  
tioforum muliebrium conceptuum classi-  
bus, atque calamitatibus finem imponi-  
mus; nimis certé infaustam, super viri-  
lem, sequioris sexus conditionem dolere  
incumberet: Hunc enim, non satis esse vi-  
deri posset, molestis iis ac perniciosus gra-  
viditatibus partibusque condemnari, quo-  
rum partem eleganter canit lectissimus an-  
te hac Auditor noster Abundius a Porta  
Novocomensis:

*Velut arbor praecoce fructu,  
Intempestivo solvunt se viscera foetu.*

*Nec sum animi dubius, foetus quin plurima circum  
Stent mala, quae pueris utero crescentib; obstant:  
Cura ingens animi, fractique laboribus artus,  
Iraeque, subitique metus, quaeque horrida visu  
Spectra, & praecipites alto de vertice lapsus  
Surgentem excutiunt sobolem &c.*

*Tunc dura impendent misero discrimina partu(o)  
ut turpes quoque partus seu monstrosos  
pati debuisset:*

*Et*

(o) *In erudito Antropogoniae Carmine, edit.  
ad ann. MDCCXXXVIII. pag. XX.*

*Et quoties utero rudis , & sinè imagine moles  
Funditur , & turpi dolet aegra puerpera monstro*(p)  
An primæ Mulieris culpæ adaucta hæc  
poena est , ut præter naturalis generatio-  
nis consueta , graviora adhuc vitiosæ  
qualiacunque discrimina sufferret ? An Vir,  
eâdem culpâ non vacuus , ab hoc poenæ  
genere omnino eximendus erat ? Sed neque  
hic tamen eximitur . Quippe cum in ge-  
nerationis re , utrique sexui ita commune  
aliquid præstitutum sit ; ut alter , quam-  
quam naturalis vitiosæq; generationis mo-  
lestiis solutus aerumnisque , cum altero  
tamen morbosam generationem partici-  
pans , saeviora ejus incommoda effugere  
non queat . Morbosa enim generatio , quô  
magis a natura distat , eò perniciosior esse  
potest .

(p) *Idem ibidem .*





## P A R S T E R T I A

## MORBOSA GENERATIO

Omnes humani  
Vermes, morbo-  
si non sunt : sed  
aliqui natura-  
les sunt.

**Q**Uamquam Morbosa humana Ge-  
neratio illa est, in qua ova, quae  
foecundantur & germina, nec  
naturali in loco sunt posita, nec  
naturali foecundante principio ad propriam  
vitam excitantur, nec naturali sede suos  
incubatus ineunt, ut morbi idcirco con-  
tingere soleant; hujusque genesis ef-  
fe vermes omnes, in humani corporis par-  
tibus geniti viventesque videri possint;  
neque hos sine hospitantis hominis incom-  
modis degere, plerique judicent: Non om-  
nium tamen vermium, qui in humano  
corpore inveniuntur, Generatio morbosa  
dicenda est: Siquidem nonnulli vermes, in  
humano corpore hominibus coaevi, ita  
semper *intestinalis* tubi latebras, tanquam  
naturalem sedem quietè incolunt, ut per se  
se, & naturâ suâ detrimentum nunquam sint  
allaturi. Hujusmodi sunt vermes illi, qui  
vulgò *Teretes* intestinorum nuncupantur.  
Haec animalia nobis potius utilia, quàm  
nocua esse, non Multi inficias iverint:  
Namque humores, quibus enutrientur, si  
nullis pravis qualitatibus infecti sint, pla-  
cidè illa in sedibus suis inhabitant, vivunt,  
mo-

Lumbrici Ho-  
minis, *Teretes*  
dicti.



moventur & propagantur . At inordinate tantum & perniciosè moveri incipiunt hi vermes, quotiescumque malis alibilibus succis, suaeque naturae contrariis infestantur . Tunc enim , hinc indè se se moventes , & convolventes, a suis mansionibus, solito brutorum omnium naturali instinctu, exire , & meliores quaerere conantur : Hisce in turbis intestina irritant, nonnihil flagellant; & interdum usque ad ventriculum repantes , ascendunt , & continuis motionibus ac contorsionibus velut stimulo, molestias iis partibus & saepè conatus excitant : Ut interdum vivi adhuc , per vomitum ejiciantur : Vel contrariam viam insistentes , ad inferius orificium cibarii canalis descendant , ibique aut progredientes , proprio & canalis nisu sibi exitum comparent : aut per sibi inditas acutas aut minus acutas aegrotationes, moriantur : & deindè mortui & faecibus convoluti, saepissimè prodeant . Quapropter plerique statim his , tanquam verae & propriae causae , morbosos effectus adscribunt , qui revera ab aliis & praeviis, morborum causis producti fuerant : Cum vermes , vel tunc aegrotare coeperint, ac nos morbo correpti fuimus : Vel potius ex nostro praevio morbo , morborum & ipsi facti sint . Et quia ab esu dulcium , ut experientis

rimentis constat (q) vermes necantur aut laeduntur; potius quàm generentur, aut foveantur. Hinc pueri, quibus plerumque dulcia in deliciis sunt, a vermibus dulci succo laesis excruciantur (r). Alii quoque sunt hominis vermes, *pincales* ab exilitate & figura dicti: Quos ipsi non rarò vidimus: & vermes fortasse naturales etiam dicèdi sunt; cum revera aut spontè proditi, aut simul cum faecibus dejecti, nullum unquà, quod sciam, incommodum attulerint. Hujusmodi vermes, an & ipsi ex Teretum familia sunt? Nobis, historico tantum more Provinciam hanc pertractantibus, pleraque ex his praecipuè quae obscura sunt, neque affirmare, neque refellere in animo est; tum maximè cum rerum origines & caussae inquiruntur. Attamen utcumque se res habeat, profectò inter teretes, seu communes vermes, patres, avos, atavos & filios etiam cum nepotibus reperiri quid vetat? Quemadmodum enim inter ejusdem determinatae speciei pisces, aliqui inveniuntur mirae magnitudinis; alii verò minimi: Ita etiam horumce vermium aliqui

(q) *Redi, degli anim. vivent. dentro gli anim. vivent. & Vallisn. in fin. Epist. ad Lancis. Aliique.*

(r) *Haec fusiùs illustrabuntur peculiari oper. de naturalibus hum. vermibus.*



qui, licet sint admirandae longitudi-  
nis, ut ille teres, ulnam cum quadran-  
te longus, ex Bartholino (f); & quem  
Daniel Ludovici (t) tres ulnas nostrates  
longum ac semivivum excretum vidit, &  
qui a Baglivo 30. pedes longus traditur (u);  
& quos Amicus noster, Ornatiss. Moreni,  
Medicus Aulicus, brachio productiones con-  
spexit: Vel admodum breves sint, ut illi  
quos supra *pineales* appellavimus, quique ab  
aliquibus tenelli Teretum filii censentur,  
ejusdem nihilominus speciei dici possunt. *Humanis Asca-*  
*rides.*  
Ascarides hominum, minimi *intestinales*  
sunt vermes. Hi, solâ ad anum inductâ inter-  
dum prurigine, molesti esse possunt: Neque  
ideo morbofi, sed potius naturales, & in  
infantibus utiles dicendi. Horum figura  
appositè a Redio data est (x) perperam au-  
tem a Contulo (y), qui eos anguillarum  
muraenarumque familiae esse putat. Af-  
carides vocati sunt; quoniam intestino-  
rum in fecibus semper inhabitant; sump-  
to hinc nomine ab iis vermibus, qui in  
putrida

(f) *In Cent. 2. Hist. 23.*

(t) *Ephem. Cur. Germ. ann. III. n. 254.*

(u) *In Epist. ad Andrium.*

(x) *Osservaz. int. a gli anim. viv. dentro gli*  
*anim. viv. ~~di Ascaridi~~ Tab.*  
*X.*

(y) *Degli Ascaridi. Roma 1701.*



putrida aqua degentes , ascarides propriè dicuntur . Ex humanis vermibus nulli caesarios vermes , figurâ , magnitudine , colore , motibusque magis assimilant . Non pueris tantùm , sed adultis , & interdum senibus familiares sunt : In quibus succo , alvinis sordibus superflite , nutriuntur ; idcirco ad infernas alimentarii canalis sedes , seu ad crassa postrema intestina , maximèque ad rectum ejusque finem , perpetuam moram trahunt : Ubi & eorum ortus est , & vita , & sensiles motus , praecipuè ad interiora podicis : Nec nisi cum fecibus , praeterquam aut nimia copiâ palantes aut summè famelici sint , foras e corpore egrediuntur . Singularis casus , quem olim in *Hepatica nostra Historia*, vel in prima editione, retulimus ( z ) horumce vermiculorum domicilium , nutritionem & indolem illustrare videtur ; firmatque in primis , hos vermes non solis in pueris reperiri , ut Plures arbitrati sunt . Referebam enim „ Amicum quemdam meum ( qui tunc triginta , & amplius , annos agebat , & vitam iis adhuc „ diebus agit ) jam diu Ascaridum hospitium , periodicam solùm ab iisdem molestiam pati . Horâ nempe a meridie „ vespertinâ nonâ , ad ejus internum podicem

Singularis humanorum Ascaridum Historia .

( z ) *Part. II. Cap. VII.*

„ cem velut tumultuosa horum animan-  
 „ tium collecta agmina , tantam ibidem  
 „ molestamque titillationem , solidâ ho-  
 „ râ , nempe ad usque decimam , exci-  
 „ tare , ut illo temporis spatio nullis ser-  
 „ mē negotiis vacare Vir posset : Horis  
 „ aliis omnibus , tanquam si omnino de-  
 „ essent , planē quiescere . Idque constan-  
 „ ter omnibus anni temporibus contin-  
 „ gere , Hoc a temporario versùs rectum  
 intestinum faecum descensu fuisse factum ,  
 planē constat . Nunc addo , Virum istum ,  
 immisso intus balano , acriorem interdū mo-  
 lestiam attemperare consuevisse : Quo nem-  
 pé innumeros implicatos vermiculos extra-  
 hebat . Sed iste jam senex , modò vix , item-  
 que rarissimè , hos hospites persentit . Nec  
 certè in hominibus naturalium vermium  
 species , quae suapte natura perpetuae  
 sunt , unquam deficerent ; nisi quae ad  
 incubatum eorundem vermium ac nutri-  
 tionem inserviunt , per mutatam aetatem ,  
 aliquando in illis cessarent . Species illa  
 vermium , quam plerumque in Felibus ,  
 tum domesticis tum silvestribus , insuper  
 in Canibus , in Lupis ipsisque Hominibus  
 reperiri , Reditus commemorat ( \* ) , qui  
 videlicet albi sunt ; non rotundi , sed  
 plani ; in sectiones discreti ; atque ita

*Tæniola bruto-  
 torum & hemi-  
 nis .*

R sibi

( \* ) *Cit. Oper. pag. 115. Tab. XVII.*



fibi ipsis contrahendis producendisque faciles & liberi, ut qui ad quatuor aut sex transversos digitos breves appareant, ad binos aliquando palmos extendantur; singulari Taeniarum classi referenda esse videtur. Andrii exiles, ericei *conicique* vermes (\*\*)  
nobis hæcenus invisi sunt.

*Taenia, sive  
latus vermis,  
inter naturales  
humane vermes,  
at monstruosos,  
recenseri posset.*

Quid verò, si Taeniam ipsam, neque morbosum vermem esse, forsan dici queat; utpotè quæ propriam & determinatam speciem huc usque nondum servasse inventa sit? An fortasse ex teretum genere descendit; eorumque monstruosa propago est? Nonnullis quidem probatur, diutissimè taeniarum semina in visceribus servari, & de generatione in generationem transmitti; donec ex iis animantia per quorundam succorum motus, vel aliis de causis excludantur, non aliter ac ova Mulierum, quæ licèt matura, multis adhuc annis, quoad Mulier nubat, servantur, & nonnisi accedente masculæ geniturae motu, foetus, & homines fiunt. At quæ fiat ut tam rarò taeniae, seu in paucis admodum hominibus inveniantur? Insuper si a proprio determinatoque semine oriuntur, ergò determinatam quoque speciem & formam servabunt: Quod tamen contra evenire, non infrequentes observationes nos  
edo-

(\*\*) *In Tab. XV. nov. edit. cit. Op.*



edocent. Nam taeniarum aliae, caput instar acus piscis habent (a) quaedam mucronatum (b) quaedam rostratum, avium more (c) nonnullae cornutum perhibent (d) aut instar lunae crescentis (e), aut sinuosum & instar forcipis (f), aut verrucosum (g), aut bifidum (h) Quibusdam oculi, iidemque sat lati apparent (i) (i) Fig. II. aliquibus nulli omninò (l), quibusdam apertum os videtur (m), aliquibus clausum, imò nullum (n), nonnullis caput non conspicitur: (o) Imò eidem observatori Viro taeniae, dissimilium capitum apparere, ut Tulpio (p) nobisque (q) (q) Fig. I. & II. Quaedam apud Auctores plurimos, ejusdem sunt ab uno ad aliud extremum latitudinis: Aliae in caput caudamque acutam, seu strictiorem desinunt: Aut è converso latioris sunt caudae (r) Quaedam, (r) Fig. IV.

## R 2

## genicula

- (a) Gabucinus Comment. de lumbr. Cap. XIII.  
 (b) Forestus de vermib.  
 (d) Vid. Tulpii observat. edition. prior.  
 (e) Gallic. Litter. Ephemerid. ann. 1680.  
 (f) Cleric. Op. cit. Cap. IX., & Tab. VIII.  
 (g) Febrius Analect. de Absinth. p. 125.  
 (h) Rhodius Obs. Med. Cent. 1.  
 (l) Rondeletius de dignos. morb. Cap. XVII.  
 (n) Tulpus ibidem.  
 (o) Vid. 1. Icon. Sennert. Pr. lib. 3. Par. 2.  
 (p) Vid. edit. 1652. 1672. & 1685. & postea.

genicula praebent simplicia, aequali inter  
 (f) Fig. I. le spatio disposita (f) quaedam irregula-  
 (t) Fig. III. ria (t) Aliae genicula quidem, sed ser-  
 (u) Fig. VI. rae adinstar, denticulata (u) aliae verò  
 (x) Fig. V. nulla omnino genicula, nullas maculas,  
 nodos nullos reterunt (x) Aliae demùm  
 a Scriptoribus villosae describuntur, aliae  
 glabrae. (\*) Idest in taeniis variis, tam va-  
 riae longitudines, tam varii partium ge-  
 niculorumque ordines, numeri, figurae,  
 magnitudines, asperitates, levitates, co-  
 lores, firmitates, motus ipsi sunt; Imò  
 diversae velut naturae atque indoles (cum  
 aliqua horumce animalium, hospitantì ho-  
 mini incommoda atque nocentia sint; pla-  
 cidiora alia ac velut infantia) Insuper tam  
 diversae in earum partium disjunctionibus  
 rationes; cum quibusdam longiora cauda-  
 rum frustra facile separentur; quibus indè  
 ex hominis corpore eliminatis, caudae  
 aliae adnascuntur: Quibusdam breviora  
 dirimantur: Aliis verò nulla, seu semper  
 viventia hujusmodi, indivisa in hominis  
 aut brutorum intestinis resisterint: Ut ideò  
 mirandum non sit, si tanta inter Recentes  
 taeniae vernis Descriptores, Bryllum, Danū,  
 Platerum, Valleriolam, Spigelium, Forestū,  
 Amatū, Rondeletium, Adrovandum,  
 Gesnerum

Super iis ani-  
 mantibus An-  
 thorum las.

(\*) Vid. quoque. dispares Icones Andrii cit. Op.



Gesnerum , Gulielmum Fabritium , Ben-  
venium , *Monardes* , Gabucinum , Sen-  
nertum , Oethaeum , Rhodium , Sarace-  
num , Mercurialem , Widemannum , Jun-  
gum , Quenzium , Lindenium , Tulpium ;  
Fehrium , Velschium , Borrichium , Mi-  
chaelem , Malpighium , Panthotum , Ty-  
sonem , Schmidium , Meisnerum , An-  
drium , Vallisnerium , Clericum , Alios-  
que , & quoque inter Veteres , Taddaeum  
& Nicolaum Florentinos , Petrum de Apo-  
no , Arnoldum a Villanova , Savonar-  
olam , magisque Veteres , Maesuem , Tral-  
lianum , Aëtium , Aeginetam , Lycium ,  
Marcellum , Aristotelem & Reliquos , ob  
tam diversas horumce brutorum formas ,  
discrepantia esse , imò confusio videatur .  
Cautius enim duco , honestis iis omnibus  
& aequaliter diligentibus Viris , qui ita ,  
ut describunt , vidisse asserunt , fidem  
adhibere ; quàm iis solùm , qui se unos  
rectè & perspicuè vidisse praesumunt ; cae-  
terosque pro rerum fictarum venditoribus  
habent . Si igitur in iis vermibus de-  
terminata nulla forma , nullaque species  
est , & tamen in hominibus inveniuntur ;  
cum ex omni animalium specie , monstra  
quaedam interdum prodire observemus ;  
Teretium hi fortasse , qui lati dicuntur  
vermes , monstra esse potuerunt . Siqui-



*Monstruosi ,  
Teretes huma-  
ni vermes .*

dem a teretibus seu communibus huma-  
nis vermibus, monstra quaedam produci  
certissimum est: Bicipites enim, cornuti,  
galeati, dentati, squammosi, villosi, rubicūdi,  
virides, atrī &c. ex eorum propagine certò  
certiùs descendunt. Quidni igitur, & Taenias  
horum monstra esse aliquis affirmet? Et re  
quidem verà nonnisi hāc ratione monstra  
quaedam explicari posse videntur; quae  
licet legentibus, fidem omnem excedere  
appareant, ab hominibus tamen fide di-  
gnis, & visa & descripta sunt. Eruca  
enim *Bombyci-formis*, quam ornatiss. p. r.  
Gallina, quondam noster Discipulus, &  
probitate jam notus, fideque dignus Vir,  
nobis per epistolam, quam huic Operi (y)  
annecti placet, fidissimè descripsit, nisi  
Bombycum monstruosa propago esse di-  
catur, quid aliud esse suspicabimus? Ejus  
namque indoles id manifestè ostendit; cum  
cibis diversis, ut idem Gallina tradit, ap-  
positis, solis tamen lactucae foliis, eidem  
fortuitò porrectis, avidè vesceretur: Ut  
sanè lubenter Bombyces hoc olere vescun-  
tur. Fidem etiam huic rei facilè habebit;  
qui animadvertat in citata epistola, ver-  
men hunc, seu potiùs vermium monstrum,  
per vomitum ejectum fuisse ab adolescen-  
te, qui sericae arti operam dabat. Ut ut  
se

(y) *Vide Epistolam in fine Operis .*

se res habeat, cum de morboſis tantum vermibus ſermonem inſtituere hic propoſuerimus; quaecumque tandem ſit taeniae origo, ob incommoda, quae ſaepe aut prae nimia longitudine, aut ſuis motionibus & diſtortionibus, aut propter ſubſtantiam *chyloſam*, quam, dum depaſcitur, hoſpiti demit, aut quacumque alia ratione producit, dum *intestinalem* tubum accolit, naſceas videlicet, languores, & interdum velut animi defectiones, vomitus, diarrhoeas aut crebros ſaltem deſidendi ſtimulos, dolorem *epigaſtrii*, quandoque capitis, cum quadam aurium bombilatione, in ventre ponderis ſenſum, non raro & tormina, praefertim velut per *paroxiſmos* iterata; & murmura ulterius, & flatuſ; & ſitim, famem, pallorem, triſtitiā, maciem; aliquando febriculas & conſumptiones; ob haec, inquam, non inſolita incommoda, unā cum cucurbitinis ( de quibus quoque ſigillatim ſermo inſtituendus ), inter morboſas generationes, ſeu inter vermes, qui proprie morboſi in hominibus ſunt, eam recensere ſtatuiſmus.

Morboſi hominum vermes alii *intestinalem* tubum incolunt: Alii vero extra *intestinalem* tubum inveniuntur. Ex illis, qui hunc tubum incolunt, quidam ingeni

*Taenia intestinalis vera, Veteribus quoque nota, in ſpecieſ varias manifeſtè di-*



*pinguitur: Cuius inferiores se-  
junctae aliquan-  
do in partes  
ad instar alio-  
rum quorundam  
animalium, re-  
nascuntur.*

naturalium seu teretium formae ac na-  
turae accedunt, eorumque sic dixerim,  
affines, aut, ut tradidimus, monstrosae  
saltem progenies, esse videntur: Aliqui  
verò adventitii, a teretibus omninò rece-  
dunt, & exterorum potius insectorum for-  
mam imitantur. *Intestinales* morbosos cu-  
juslibet conditionis vermes primò perse-  
quemur: Et deindè pauca etiam de iis,  
qui non *intestinales* sunt, exponemus. Igitur  
inter *intestinales* ingenitos morbosos vermes,  
enumerantur *Taeniae* primi secundique ge-  
neris; aut potius *taeniae* propriè dictae;  
& insuper *cucurbitini* vermes: Qui re-  
apsè interdum simul longo ordine nectun-  
tur; & uniti, zonam, *taeniae* simillimam,  
componunt. *Taenias* primi generis, seu  
*taenias* propriè dictas, licèt reverà diffi-  
cile sit discernere, an propriam & pecu-  
liarem speciem habeant; vel potius a com-  
munibus vermibus progignantur, ut supe-  
riùs annuimus; certum tamen indubita-  
tumque est, antiquis etiam temporibus co-  
gnitas fuisse. Hippocrates ipse, totius Me-  
dicinae parens & princeps, scribit (z):  
*Latum Lumbricum in Pueris, dum adhuc in*  
*utero est, ut alii quicumque Lumbrici, na-*  
*sci: & augeſcente Pueris, & ipsum augeſcere, do-*  
*nec intestini longitudini aequalis fiat; &*

*post-*

(z) Lib. IV. de Morbis .



postmodum etiam augeri pergere, quousque aut integer, aut frustatim expellatur; & tandem semel abruptum, nulla praesentiae suae signa per multum tempus dare: Sed transacto eo quantocumque tempore iterum augescere. Ex quibus manifestè nitidèque cognoscitur, Divino Seni adeò cognitam perspicuamque fuisse taeniarum naturam, ut qui post eum deindè, animal hoc descriperunt, novi ferè nihil dixisse videantur. Galenus enim haec solùm habuit (a): *Rarior autem est Lumbrici lati generatio, qui & longissimus est, & saepè per tota extenditur intestina*. At verò quod ad taeniarum varietatem attinet, licèt Clericus post Gabucinum, Tysonem, Andrium, Vallisnerium, totque Alios, hanc rem fusè tractaverit; non tamen huc usque penitus rem aperuisse videtur. Quid enim in tanta horumce insectorum varietate satis determinari potest? & primò si caput spectes, illud Varii varioque modo describunt, ut superiùs attigimus. Nos autem taenias aliquas habuimus, & adhuc vini spiritu servatas apud nos retinemus, quarum caput ab aliis omnibus jam descriptis toto Coelo differt. Et quidem inter alias, una praesertim, quae mirae longitudinis

(a) *In Aphor. Hipp. XXVI. sect. III.*

Fig. 1.

gitudinis est, Caput adeo clarum & conspicuum praesefert, ut superiorem & inferiorem veluti rostri partem exhibeat: Neque tamen ullâ ratione ad piscis aciformam accedere videtur: sed potius simile est rostro piscium, qui inferiorem mandibulam plerumque breviorē habent, Oculus nullus apparet; & rostri apices, paulò supra reliquam corporis substantiam duriusculi, nonnihil ad subfuscum colorē vergentes. Caeterum taenia alba est, geniculata; ejusque squamae per continuam totius corporis longitudinem ita se se excipiunt, ut lacerti vel anguis, quā parte ventrem obtegit, spoliū imitentur; vel annulos asperam arteriam componentēs. Singuli noduli parvis maculis distincti sunt, quae aliquantisper eminent. Longitudo hujus vermis tanta est, ut intestinorum longitudinem, si integer sit, facile aequare possit, Nihil omnino rotunditatis ostendit, neque ullo modo teres est, sed gracilis adeo & subtilis, ut zonam repraesentet. Latitudo, parvi unguis medietatem non excedit. Sed advertendum, a naturali statu nonnihil, ob liquoris quo servatur vim, recessisse. Per totam extensionem eadem semper latitudo est; donec ad caudam sit strictior, & in conum facessat. Insuper genicula, quae propè caudam



dam sunt, eamque *successivè* componunt & finiunt, si cum aliis comparentur, longiora. In hoc igitur ab ea, quam Clarissimus Tulpus eleganter describit, praecipuè differre videtur; quòd in nostra neque oculus appareat, neque rostrum, avis in morem sit: Insuper hujus genicula contrariâ omninò ratione disposita sunt, quàm a Tulpio exponuntur. Nam se se excipiunt a capite incipiendo, ut primum excipiat alterum, hoc verò tertium, & sic deinceps: quod Tulpus a cauda incipiens describit. Profectò si quid ex his observationibus concludere velimus, repetendum est, portentosa haec animalia, non omnia eâdem structurâ esse praedita: Quum praecipuè ex his aliqua certissimè perspiciuntur, quae neque squamata sunt, neque nodosa. Taeniae namque partem cum aliis servamus, quae aequalis undique latitudinis est, gracilis, albicans; nullisque omnino geniculis nec maculis interstinguitur; sed artificialem, aut lineam aut sericam taeniam assimilat: Aliam insuper, cujus noduli, distinctissimis, instar *muscularium*, per longitudinem directis fibris simul neantur. Borrichius autem (b) describit latum Lumbricum, *cujus frusta, 24. pedes longa, exclusis*

Fig. II.

Fig. V.

Fig. BV.

(b) In *Actis Med. Hafn.*



Fig. VI.

*clasa a juvenis , disjunctim vivebant , & quarum incisurae creberrimae non lineam rectam constituebant , sed crenis innumeris findebantur .* Quod taeniae genus nobis quoque

Fig. VII.

ostensum aliquando fuit . Gallina noster suâ Epistolâ (c) Taeniam describit , quam , nobis ab eodem transmissam , servamus . Haec verò taenia neque capite , neque geniculis , neq; horum ordine , neq; maculis , cum antea descriptis convenit . Actum agere videremur , si taeniarum proprietates communiores hîc rescribere in animo esset . Hippocrates enim ipse citato loco , longitudinem intestinali tubo aequalem commemorat , quam saepè tamen & valdè majorem obtinent . Et reverà , longâ adeò caudâ instruuntur haec animalia ; ut de Nonnullorum sententia , replicato gyro , bis intestinorum longitudinem adaequant . Et quamvis fortè excindatur cauda , & in frustra é corpore humano exeat ; nihilominus , ut Hippocrates etiam observavit , denuò *pullulat & crescit* , non secus ac in lacertis , quibus amputata cauda (d) rursus *producitur & fit* . Nam , ut alias multas taeniarum excretiones , quas vidi , silentio praeteream , hîc tres tantummodo

(c) *Vid. in fin. Operis .*

(d) *Plin. lib. IX Cap. XXIX. quod & quotidiana experientia docet .*

do & breviter quidem referam: Ex quibus tamen manifestè deduci videatur, hujusmodi vermes caudam non tantum, sed magnam corporis inferiorem partem amittere; quae tamen denuò producitur. Blasius Sonettus *De Villare Almefio*, annos natus 44 taeniarum affectione divexabatur: Quae adeò pertinax fuerat; ut ab anno 1721. usque ad 1726. nullâ *anthelmintico- rum* remedium vi curari potuerit; quamquam alicui ex iis, neque fortasse strenuiori, aliquandiu cedere videretur. Cum verò cunctae istiusmodi historiae partes, alicujus momenti fuerint, eam ergò referamus. Anno illo, quo me Blasius, Taurinum adveniens, consulebat, a sex propè annis verminosam hanc in intestinis colluviem gestabat. Hoc enim decursu temporis excreverat viginti circiter taenias, aut longa saltem earum fragmina: Quorum fortè decem, ulnae unius cum dimidia extensionem aequaverant; reliqua unâ ulnâ breviora non fuerant: Ex iis novem aut decem viva, caetera mortua rejecta sunt. Viva, gradato aequalique ab uno ad aliud extremum, ut teretes vermes, motu velut *peristaltico*, seu propriè, ut ajunt, *vermiculari* agebantur. Porro nunc una solum, nunc bina simul prodibant. Intervalla excretionum neque die-

*Nostrae Taeniarum primi generis, nunc nocentium, nunc insonantium, modo singularium, modo cum cucurbitinis & terribius vermicibus; & plurimum earum dejectionum partium, & dejectionis temporum, Historiae.*



rum quindecim minora erant neque quatuor mensibus majora. Post aliquod a nobis impetratum nunc ex Tralliani pillulis, nunc ex Aetiope minerali, Mirtha & Diagridi praesidium, ad finem an. 1727, a novem mensibus taenias non amplius excernebat, sed solum teretes vermes. Ii taeniarum ejectionibus saepius se comites addiderant: Neque soli: Nam cucurbitini quoque vermes, una cum taeniis, trium annorum decursu plus 200. excreti sunt, nunc simul quinque, nunc septem, decem, aut plures; Interdum etiam sine taeniis solitarii egrediebantur: Qui tamen nunquam in catenas adnexi visi sunt. Nulla unquam hi nec nostrae, nec Blasii curiositati cornicula praebuere; sed uno latere plani; duobus aliis velut in unum apicem extenuabantur; ut ideo acuminata pars planae parti esset opposita; & eorum corpus velut pyramidatum videretur. Unum nos ex aliquibus, ab homine secum allatis & exhibitis, huiusmodi vermiculis delineari, hinc aeri incidi curavimus: Qui cum diu mortuus, contractus, atque exsiccatus esset, in apicem strictiorem, quam, Blasio ipso teste, recens habuisset, revera facesserat: Basim vero non mutaverat: In qua solitam fissuram non inquisivimus; nec forte inquirendi locus erat; Cum ob indu-

etiam



Etiam ariditatem & contractionem, vel diligenter inquirentes, satis videre non potuissemus. Asserebat Villicus noster, egres-  
sos é corpore cucurbitinos, vividos mo-  
tus habuisse, non verae tamen progressio-  
nis; sed aliquod latus primúm excutien-  
tes, hinc adversùs ipsum, velut corpus  
trahentes, arcuantesque. Taeniarum quo-  
que frustra aliquot ad nos attulit: Quorum  
aliqua exquisité nodosa erant: Et nodi  
nonnisi violentâ disruptione disjungi po-  
terant; eoque magis quód, quamquam  
nonnihil exsiccata jam erant, validas adhuc  
parallelas fibras ostendebant, geniculis om-  
nibus obductas, eaque firmiter organico-  
que nexu transversim obligantes atque con-  
tinuantes; non secús ac in IV figurâ vide-  
re est: Ut ideó unum omnia atque conti-  
nuum corpus esse, seu veras primique ge-  
neris taenias, non fortuitos cucurbitino-  
rum nexus, manifestó constaret: Ad quam  
quidem magis firmandam rem, internam  
horumce fragmentorum fabricam luben-  
ter fuisset speculatus; nisi aridula, ut  
diximus, occurrissent. Aliqua veró ejus-  
cemodi fragmentorum, & praecipuè  
unum, ulnae semissim aequans, non no-  
dosa erant, seu in geniculis non discre-  
ta; sed polita ac levia, & ubique aequa-  
lia; seu uniformem artificialem taeniam  
prorsus

Fig. v.

prorsus imitantia : Quae quidem nodosis frustis albidiora erant . Exiguam hîc horum partem exhibemus . Cum taeniis vacuabatur Blasius ; nihil illi molestum erat : Cum veró teretes solúm vermes postremúm excerneret , praecedentem aliquem ventris dolorem patiebatur . Postea omnium vermium suspensis ejectionibus , licet Homo bonâ frui valetudine videretur , improvisi varii ac periodici sed breves , neque impenſi , ventris dolores , quaedam saltem non infrequens , nunc ad *epigastricam* , nunc ad *umbilicalem* sedem , nunc etiam per totam coli zonam molestia , indè in ventris murmura desinens ; ulterius ad stomachum primúm , indèque ad totum corpus non rarus caloris sensus , & tensio incommoda , subitaeque interdum anorexiae , vagantium adhuc per intestina lumbricorum , non omnino naturalium , praebere ipsi indicia videbantur : Caput non raró turbatum erat & grave , cum quodam ad aures sonitu : Quae tamen quám citiús desinebant . Haec omnia tribus mihi visitationibus Blasius diligenter aperuerat . Plures alias longo nostro praxeos XLIII ann. curriculo variarum specierum ac magnitudinum veras taenias , earumque partes vidimus , vel solas , vel cucurbitinis vermibus , vel teretibus , vel utrisque sociatas , cum febre



bre, vel sinè febre, vel sinè molestia de-  
degentes exeuntesve; ut de varia earum  
indole suavis sim. Quidam Eques, propè  
L annos nunc agens, in hac Urbe plura  
jam hujusmodi taeniarum frustra, multas  
ulnas semper aequantia, sed semper variae  
longitudinis, dejecit, & identidem deji-  
cit; quorum aliqua nos balsamico in li-  
quore servamus. Plures certè in hujus Vi-  
ri intestinis simul esse taeniae videntur.  
Nam quae a nobis in figura prima, cum  
suo capite exhibetur, harumce taeniarum  
est. Eques interea adhuc alias eliminat:  
Neque ulla unquam ab iis animantibus in-  
commoda sustulit; Cum optimè semper  
carnosus, vegetus, fortis ac coloratus fue-  
rit: & militaris Vir, sua semper omnia  
strenuè officia perfecit. Nullos autem,  
quod sciam, cucurbitinos excrevit. Anno  
MDCCXXVI Femina, XXX annos na-  
ta, dum acutâ putridâque febre torque-  
retur, quatuor sedibus, quatuor distincta  
taeniae fragmenta reddidit: Quae simul  
sumpta viginti ampliùs pedes metiebantur.  
Quâcumque excretionem pendulae hae ab  
ano lati vermis portiones, vi manuum  
extractae abruptaeque sunt: Citòque indè  
convaluit. Mulier aliis quoque excretio-  
nibus cucurbitinos plurimos dederat Variis  
quoque temporibus similes passa erat cum



solita divulsione ejectiones , semper cum febre , nausea , conatu ad vomitum , prostratione virium ac ventris cruciatu : sed repetitas expulsionones prompta sequebatur valetudo . Adeò dissimiles humanarum taeniarum indoles sunt . Haec tamen femina non ita pridem pleuritica ac suppurata praestita , fato cessit . Sed Blasius Sonettus noster , compositis aliquando post alias excretiones vermium rebus , ad hanc usque diem , ut puto , in vivis est . Ita si opus esset , quemlibet de iis , quae diximus , reddere certiore valeretur . In nostris iis casibus id satis non apparuit , quod ab Aliis observatum legimus : Seu veras primique generis taenias statis anni temporibus solvi , earumque fragmenta spontè excerni . Quandoquidem Fabricius Hildanus affert ( *e* ) feminam circa aestivum solstitium , latorum vermium longa frustula spontè excernere solitam , extra illud tempus , vel fortissimis vexatam purgantibus medicamentis , nunquam excrevisse : Porro reduce praescripto tempore , spontè illa rursus prodire , tanquam solo criticoque naturae imperante motu . Idem pluries observasse asserit Clericus ( *f* ) in hominibus , certo tempore , *sen semel aut bis tantum*

( *e* ) *Centur. II. Observ. 73.*( *f* ) *Hist. lat. lumbr. Cap. XV.*

*tantum singulis annis*, taenias aut taeniarum partes vel spontè, vel lenioris purgantis operâ, eijcientibus; qui alio tempore, vel validioribus cathartics adhibitis ac repetitis, eijcere omnino non valebant. An ergò, si ita est, in taeniis, caudarum jam impensè accretarum hinc jam supervacuarum habita, determinatis temporibus spoliatio, instar illius exuviarum Serpentum, certis quoque temporibus susceptæ, cogitanda esset? Sed cum aestivis præsertim diebus, observante Fabricio, istiusmodi taeniarum spolia contingant; an fortè in taeniis motuum tempora, temporibus motuum teretium lumbricorum respondent? Hi quidem, plusquam aliis tempestatibus, vernâ aestivâque, præcipuè ob generationis operam, moventur. Ita in infantibus puerisque, quibus major rotundorum vermium copia est, majores horumce motiones exitusque certis illis temporibus fiunt. Ita pariter herbarum vermiculationes (de quibus quidquam inferiùs) vere & aestate, vix temporibus caeteris, observantur, Plinius taeniarum quoque mentionem facit; sed triginta tantummodo pedum longitudinem affert, non verò 300., ut Quidam ex Plinio malé deduxerunt. En Plinii verba (g): Sic

*Mala Plin  
apud Aliqu  
taeniarum lo  
gitudinis inte  
pretatio.*

S 2

*intro*(g) *Lib. XI. Cap. XXIII. Hist. Nat.*



*intra hominem taeniae tricenum pedum, aliquando & plurium longitudine. His de taenia breviter expositis videat quis, admitenda ne sit determinata ejus species, quot sunt hucusque ab Auctoribus traditae earum differentiae: vel potius (quod tamen suis quoque difficultatibus non caret) concludendum sit, infecta haec, inter se tam dissimilia, totidem monstra esse, quae a teretium vermium generationibus proficiantur, & plures mentiantur species. Taenias primi generis, illae secundi generis sequuntur, quae non unicum animal sunt, ut Solii nomine intelligere voluit Clarissimus Andry (h), sed ut optimè probat Illustrissimus Vallisnerius (i) nihil aliud sunt, nisi series quaedam animalium, quae ob similitudinem, quam habent, cum cucurbitarum semine, cucurbitini vermes nuncupantur: & totidem sunt, quot sunt noduli, qui in iis taeniis enumerantur. Itaque etsi multa quoque de his animalibus a Multis jam dicta fuerint; cum tamen hucusque rem hanc non satis attigisse videantur; quae mirabilis omnino, & multis adhuc difficultatibus obvoluta est;*

non

(h) *De la Generation des Vers dans le Corps de l'Homme.*

(i) *Consid., ed. esper. int. alla Gen. de' Verm. ora. del Cor. um.*

*Taenia non vera, seu secundi generis, ex Cucurbitinis Vermibus confecta.*



non abs re erit, postquam de morboſis generationibus ſermonem inſtituimus, & inter morboſos vermes, cucurbitinos etiam annumeravimus, de his pauca quaedam referre.

Quidquid itaque & quoquo modo ab aliis Scriptoribus jam traditum ſit de horumce *Entomatum* proprietatibus; ea tantum nos deſcribemus, quae non aliundè accepimus, ſed ipſi ſummâ adhibita diligentiâ obſervavimus. Diu multumque a nobis dubitatum eſt, an reapse cucurbitini, catenae ad inſtar, inter ſe corniculorum ope annecterentur, & taeniam aliquando formarent. Cumque nobis hanc rem viſendi cupidis, nunquam obtigiffet oculis ipſis inſpicere, quae ut vera ab Aliis jam tradita legebamus; dubitationem, immò incredulitatem augebat quorundam cucurbitinorum forma, qui nobis delati fuerant. Nam, ut ſupra, cucurbitinos quosdam acceperam (non tamen recens ab inteſtinis excluſos) qui in uno extremo, ſeu ſ. non-

Noſtra Cucurbitinorū vermicum Hiſtoria.

Fig. VII.

S 3. nudò  
(1) Mr. Henri, aetate nunc circiter annor.  
45., in hac Urbe habitans, ad initium  
Vici Sancti Spiritus.

nudò cucurbitinos per sedem emitteret ; in spem illicò adductus , me novum aliquid observare posse , eum adii . Qui postquam de affectione sua interrogatus , eandem exponere aggreditur ; repenté manum in femoralia conjicit , eâque retractâ : Haud meliori tempore , inquit , ad curiositatem tuam explendam , huc accedere potuisses : accipe & vide . Sic dicens , cucurbitinum unum porrexit . Deindé verò enarravit , quomodo post sex annos continuos animalia haec faecibus commixta dejiciat ; & quomodo interdum , ut tunc coram evenit , spontè exeant ; eosque , a quodam frigore , per contactum ad coxas excitato , statim exiisse percipiat . Et denique nullo modo his animalibus se vel nunc , vel antea molestiâ affectum fuisse affirmavit , si quandam sensationem pruriginis ad anum excipias : Tum verò semper haec discreta , nunquam copulata emisisse . Traditum mihi insectum istud , illicò aquae immersum , & post horas duodecim diligentissimè , sed nudis oculis inspectum , hanc formam exhibuit . Quatuor lateribus circumscriptum , ad rectanguli parallelogrammi figuram nonnihil accedebat , ejusdem omnino formae , ac magnitudinis , quae schemate repraesentatur . Ab extremitate *e*. non aequalia cornicula , sed  
tamen



tamen exstantiae, cucurbitarum seminibus  
similes, prodibant. Atque haec extremitas  
subtilis extenuataque, velut in aciem de-  
finit. Extremitas verò opposita *f.* ita du-  
plicata; ut in duo labia admodum sub-  
tilia aperiatur; & rimam *a. f. b.*, ab uno  
ad alterum hujus lateris punctum produ-  
ctam, apertissimè ostendat. Quo posito,  
etsi nunquam unitos simul, in zonae for-  
mam, cucurbitinos vidisse nobis contige-  
rit; multo tamen facillimè quisque intel-  
ligat, quomodo *animalcula* haec, horum-  
ce labrorum ope, simul jungi queant.  
Lateris enim *e.* acuminata utrinque stru-  
ctura, ad penetrandum in rimam lateris  
*f.* alterius cucurbitini; Rima verò restri-  
cta arctataque, ad penetrans retinendum  
latus, aequè aptissima fit. In altero ex  
majoribus lateribus, *i.* foramen positum  
est: quod ab utraque extremitate aequali-  
ter distat (minora latera extremitates ap-  
pello) rotundum & patens; atque in cu-  
curbitini corpus, ac si illud transversim  
secaret, & in duas aequales partes divi-  
deret, insinuatur. Gracilem labrosam lim-  
bum, foramini circumductum vidimus:  
impensum uber, quod a pluribus depin-  
gitur, non vidimus. Hujus *animalculi* co-  
lor subalbus; & simul nonnihil translu-  
cidus: Undè fit, ut foraminis illius pro-



gressus in cucurbitinum, sub nigricantis lineae vestigio ab *i.* versus *e.* directè transpiciatur. Pars una vermis nonnihil convexa, altera verò paulisper concava. Fibrarum directio ab uno *e.* ad aliud extremum *f.*. Substantia non multum ab ea limacum dissimilis. Immò insectum istud, non secus atque limax, quà reptat, dum adhuc vivens est, substantiam quandam viscidam & lubricam instar tenuissimi glutinis expuit. Nam haec *animalcula* interdum usque ad quartam horae partem, postquam a memorati hominis intestinis prodierunt, moventur & vivunt; & priusquam omnino vitam amittant, corrugantur, albamque liquoris lactei guttam per dictum foramen exprimunt. Sed postquam mortua sunt, & corrugantur magis, magisque contrahuntur ad illud praesertim extremum, quod apicibus tanquam cornibus instructum est. Immò ibi conicam figuram acquirunt. Quapropter figura VII cucurbitinum repraesentat, qui jam probabiliter corrugatus erat, quando nobis ab alio Homine transmissus, & hinc delineatus fuit. Haec sunt, quae in hisce insectis nuperimè nobis observare contigit; aliisque, si placeat, nunc ostendere parati sumus. Quare cucurbitinorum junctura similis est, in naturalibus, nexui & articulo vomeris  
oslis

osilis in humano corpore : Quod nempe ad posteriorem septi narium partem , firmiorem efficiendam , superius & antèrius per inculptam rimam cum indito *ethmoidae* majoris laminae margine , & cartilagineo narium clauſtro copulatur ; inferius verò & poſteriùs proprio extremo in comuni maxillarium & *palatinorum* offium fiſſura committitur : Et in artefactis illa lignorum aliorumve ſolidorum corporum contignatio , quae Ital. *incastro* Gall. *assemblage* appellatur , hanc quidem cucurbitinorum copulationem perbellè imitatur . Ita cum in iis mechanicis instrumentis corpus per fiſſuram excipiens , ab Artiſtibus *femina* , excepta verò alterius corporis , in latam aciem promiſſa extremitas , *mas* dicta ſit ; an non eadem apprimè nomina naturali huiusmodi cucurbitinorum contignationi tribuenda eſſent , ( etiamſi hi vermes Hermaphroditi ſint , ut inferius videbimus ) adeout ingrediens cucurbitinus , *mas* ipſum abſolutè aeſſimeatur ; excipiens verò , feminae munera exequi dici poſſit ; eò praecipuè , quòd hanc *intestinalium* viventium conjunctionem , ad ſolum generationis negotium inſtitui , nobis in aperto ſit ?

Quippè iis omnibus animadverſis , cum nullum nobis ampliùs dubium ſuperſit de

*Copulatio & ca-  
rena cucurbiti-  
norum, ad gene-*

cueur-



rationis nego-  
tium instituta  
est.

cucurbitinorum mutuae connexionis modo, nunc obiter quaerere operae pretium est, cur haec *animalcula*, quâ parte acuminata sunt, eâdem se in aliorum rimam intrudendo, mutuis nexibus, longam seriem, velut catenam constituent; ita ut illud, quod jam alterius rimâ detinetur, suâ deindè rimâ alium excipiat; hoc verò tertium, & *successivè*. Animalia omnia quibusdam anni tempestatibus, aestu quodam venereo corripuntur, seu vero potius *orgasmo*. Id sanè piscibus, insectisque aliis, & avibus imò contingit. Nam vere novo, quotannis amore exaestuant aves. En Passeres praecipuè, qui hinc inde volitantes, demissis & tremulis alis pipilant: Ranae plus solito coaxant & conjunguntur: Pisces discursant, extra undas evehuntur, & ad ripas etiam, vernali tempore amoris aestu saltantes, exeunt. Ergo vermes hi breves & lati, *orgasmo* quoque suo correpti, simul exposito modo necedunt: Ut scilicet eorum species deindè propagetur. Quid verò, si multi, uno tempore, eodem oestro, eadem coeundi libidine corripiantur? Multi pariter simul, alter alteri, haerentes jungentur. Sed quomodo ille idem, qui alterius rimâ excipitur, suâ deindè rimâ alterum vermem, seu socium cucurbitinum excipiat? Non-



ne mares a feminis sunt distinguendi ? Nonne in animalium generationibus munera diversa sunt ; itaut quod mas , dum jungitur , efficit , ab ejusdem speciei femina praestari haudquaquam possit ? Ita sane . Sed non de omnibus animalium speciebus idem sentiendum est . Nam etsi animalia illa , quae insecta non sunt , in suis speciebus ita marem & feminam habeant , ut quod munus a mare praestatur , idem haudquaquam femina efficere possit ; tamen insectorum non eandem esse legem constat . Clariss. enim Reditus & Vallisnerius in *zootomicis* , ut ajunt , dissectionibus , quas de limacibus & teretibus vermibus praecipue instituerunt , utrumque sexum in iis reperisse testantur ; ita ut teretes vermes *ovariis* omnes instructi sint : Limaces autem quoddam in venereo opere generationi dicatum organum ex ore propendens emittant ; quod in omnibus eandem formam referre videtur . An igitur dicendum erit , in animalium illis speciebus , quibus omnibus *ovarium* inspicitur , omnes feminas esse ? Profecto si res ita se haberet , horum animalium coitus nunquam sequerentur . Atqui tamen animalia haec cocunt . Ergo , ut iidem Clarissimi Auctores concludunt , in omnibus utrumque sexum esse ,  
affir-

affirmandum est: Ut meritò hermaphroditi sint appellanda . Hoc igitur posito, quid nō cucurbitinos etiam , ductà ab aliis vermibus insectisque analogià , utroque sexu praeditos esse dicamus; Cum praesertim ad eorum connexiones explicandas , & alia quae in hisce *animalculis* observanda occurrunt , id unicè dicendum esse videatur . Igitur cucurbitinus quidam *orgasmo* correptus , alium cui adjungatur quaerat , inveniatur , simulque copuletur . Hoc duorum nexu posito , si tertius accedat , qui jungi velit , ( sunt Hermaphroditi omnes , ut diximus ) illius , qui jam conjunctus est , rimam offendens , corniculis pariter suis cum illo jam nexu committitur ; sicque alii post alios . Ita catena illa cucurbitinorum exurget, quam plerique modò Auctores, secundi generis taeniam, aliterq; , ut supra , Clariss. Andrius , nominare solent . Porro , inter Alios , Clariss. Vallisnerius cucurbitinorum collectiones aestivo tempore observavit (m) . Hoc verò tempore humanos & non humanos omnes , catulire vermes in comperto est .

Quod quidem  
confirmatur ab  
exposita fabri-  
ca ; atque insu-  
per ab analogia

Quod de cucurbitinorum coitu breviter a nobis hīc scriptum est , ita quidem exposuimus , non ut novi aliquid in medium proferre

(m) Dell' origin. de' ver. ord. nel Cor. univ.  
edit. Patav. fol. 69.



proferre videremur ; sed tantummodo, ut ex uniformibus super eadem re observationibus, veritas magis magisque apparet. Nam praeterquamquod a Medicis Arabibus, eorumque aliquot Interpretibus aut Sectatoribus, ut adnotavit Daniel Clericus, (n) vermes cucurbitinos jam indicatos fuisse, mutuamque vermium istorum connexionem observatam esse constat; quin tamen eorum ullus, quâ ratione id fieret, exposuerit; solers insuper Vallisnerii industria, cucurbitinorum corporis partes, tum exteriores, tum interiores (verba sunt Clerici) graphicè anatomicèque describens, easque speciatim designans, quibus mutua ista eorum adhaesio perficitur; quod ad insecti hujusce perfectam notitiam spectat, ita investigavit; ut ferè nihil Aliis porro addendum reliquerit. Ast quoniam in rerum naturalium inquisitione nullus omninò terminus inveniri potest; & interdum quae omni ex parte aperta & cognita fuisse existimantur, aliquid adhuc in se recondunt; propterea nullam me Scriptorum Cuique injuriam fecisse arbitror, si quae de cucurbitinis sentiam liberè scripserim. Quamvis enim egregius historiae naturalis Cultor, atque immortalis memoriae Vir, Vallisnerius, quod

(n) *In Histor. lator. lambris.*



quod ad mutuos cucurbitinorum nexus pertinet, id ita evenire arbitratus est, ut eorum sententiam, qui id fieri generationis causâ putant, minimè probans, eam amplexus fuerit, quae statuit, ob aliquorum succorum pravitatem cucurbitinos, ut a communi nocumento evadant, simul connecti, atque *ignotae mortis timore* (o) *aëtos*, aliorum animalium more, unâ multos effugere; tamen ea nobis longè magis aridet opinio, quam superius cucurbitinorum nexus explicaturi, etiam *divinando* exposuimus: Non enim scrobiculos, non geminas foveas, sed unâ rimam ad totum latus *a. f. b.* apertam luculenter intuemur; in qua efficienda, probabiliter majus aliquid a natura cautum est, quàm ut ejus adjumento haec animalia aliquando simul necerentur, atque *ignotae mortis* periculum vitare possent. Si enim ad insectorum hujusmodi conservationem tam notabile machinamentum a natura institutum est; cur non hujus auxilio interitum effugiunt? Quae enim de aliorum animalium connexione in superandis periculis exempla adduntur, nihil ad eandem rem in cucurbitinis probandam conferunt. In illis nulla partium dispositio, aut structura, quae ob hanc solam effugiendi

(o) *Clericus ex Vallism. cit. Histor. Cap. VI.*

giendi necessitatem a natura destinata sit : In his notabilis scissura , quae huic tantum usui inserviret : In illis talis naturae instinctus , ut , si eo utantur , simul unita a graviore vitae discrimine liberentur : In his , naturâ pariter docente , ita fierent nexus , ut etiamsi a malis succis effugiant , ad pejora tamen loca ( idest extra humanum corpus , ubi statim intereunt ) simul juncta dum transeunt , certam perniciem inveniant : Illa , servato simili quodam , ac constanti naturalis instinctus ordine , si quando eadem offeratur occasio , uniuntur : Isti verò plerumque , immò ferè semper , extra humanum corpus , spontè etiam , non catenatim , sed separati prodeunt. Nam Noster hic , de quo scripsimus , Taurinî cucurbitinos saepissimè dejicit ; qui tamen hucusque catenas , instar aliorum animalium , quae *caudas inter se mordicus tenent* ( p ) , nunquam constituerunt . Ad haec etiam accedit , cucurbitinos inter utriusque sexus insecta probabiliter numerandos esse : Quae omnia , si quis ritè perpendat , nullus dubito , quin a nobis superiùs expositam de cucurbitinorum catenis opinionem , saltem aequè ac reliquae , probabilem inveniat . Quod verò ad difficultatem eosdem ab invicem  
sepa-

(p) *Idem ibidem .*



separandi , quae tanta aliquando est , ut potius in media corporis parte scindantur , quàm nexus deserant ; id profectò aequè difficile est in quacumque sententia : Immo nostrae potius favere videtur . Nam in iis , quae a Scriptoribus afferuntur exemplis , de quibusdam animalium connexionibus eo tempore , quo vel sedem mutare , vel ab aliquo vitae discrimine evadere student , nunquam fit tam firma cohaerentia , ut non facillimè diversa agantur , & separentur : Contra verò longè firmiores observamus animalium , & praesertim insectorum quorundam connexiones , dum coeunt generantque . Exemplo sint insecta illa domestica , ut ita dicam , quae ex bombycibus , mirà metamorphosi in papiliones mutantur : Ex his mas & femina , nonne , dum junguntur & coeunt , integris etiam diebus cohaerent ? Immo si eorum aliquis trahatur , aut suspendatur , nonne interdum alter etiam trahitur atque suspenditur ? Alia non desunt insecta , quae coitus tempore ita difficulter avelluntur , ut etiamsi alterutrum in frustra secetur , non tamen amplexus venereos deserant . Quinimmo in nonnullis quadrupedibus conjunctionis hujusmodi tenacitas ostendi potest . Non semel enim in canibus observavimus tam firmam

in



in coitu adhaesionem , ut vel alterutro suspenso , utrique steterint suspensi ; vel virgis aut fustibus caesi , nonnisi difficilime , & post multos hinc inde conatus , dissociari potuerint . Et fortè ut in canibus , ita in cucurbitinis , ingressi in rimam apices tument ; ut ideo initi connexus admodum tenaces evadant . Sed , ut cucurbitinorum taeniae seu catenae , rarissimae sunt ; ita non tam difficile dissolvuntur : Has caeterum Petrus de Apono primus post Arabas memorasse videtur ( \* ) .

De cucurbitinorum Anatome , nulla modo dicenda supersunt . At si quid est , quod illis in *animalculis* diligenter adhuc investigandum sit ; id profectò mihi caput esse videtur . Dubitari enim admodum potest , an quâ parte apices apparent , ibi sit caput : Atque dubitandi occasionem praebet Clariss. Vallisnerius , qui se observasse tradit , canalem illum , quem velut *thoracici* officio fungi putat ( q ) , ad utraque extrema non desinere , sed paulò ab extremis distare . Enim verò cum ibi os adesse putent , ubi situm est caput ; cumque caput corniculis designari autument ; reliquum esset ut canalus ille , quem

*Quae supersunt  
in cucurbitino-  
rum Anatome  
illustranda .*

T thora-

(\*) *Saec. XIII. vid. Concil. Diff. 101.*

(q) *Dell' orig. de' verm. ord. nel Corp. um.*  
edit. Patav. fol. 64.

Fig. VIII.

*thoracicum* vocant, & cibarii munere fungi debet, ad extremitatem saltem unam pertingeret, puta ad os, undè incipere deberet. At quorsum canalis ille, qui a laterali foramine *i.* versus *c.* rectà in cucurbitini corpus insinuatur? An fortè laudati canalis *thoracici* pars? Illius saltem extremum dicendum esset, quia ab eodem canaliculo per foramen *i.* extillare solet gutta quaedam albicantis, & ferè lactei liquoris, qui illius *chyli* pars esse dicitur, quo infecta haec in intestinorum tubo nutriuntur. Quod si res ita se habet, non video, quomodo canalis, qui *thoracici* munere fungi dicitur, ille sit, qui per medium cucurbitinorum dorsum directus, paulo infra extrema desinit (*r*). Longè enim probabilius est, extremum unum cibarii (sic dixerim) canalis in cucurbitinis esse foramen *i.* aliud verò simul cum ore & capite adhuc investigandum esse. Neque enim cucurbitinorum incessus nobis apertè capitis situm designare valet. Nam animalia, quae extra proprium clima, sic dixerim, inveniuntur, non incedunt, ut eis natura dedit; sed quo tantum modo possunt, feruntur. Idque observamus in piscibus aliisque hujus generis

(*r*) Vid. Fig. IX. Tab. II. in cit. Vallism. Opere.



ris animantibus ; quae extra undas , non naturali ordine & capite antrorsum , sed quâ possunt salientia , hinc indè turbatè flectuntur & repunt . Quod idem de cucurbitinorum incessu sentiendum est : qui extra humanum corpus licet incedant atque recedant , id non ut debent , sed quo modo possunt , peragere nituntur . Insuper etsi verum est , insecta alia , quae faciliè per oppositas partes, instar Icolopendrae, feruntur ad alterutrum extremum , distincto capite instrui ; tamen laterale illud foramen *i.* , quod pro cibarii canalis extremo orificio habendum est , in cucurbitinis caput alibi situm esse demonstrat . Omnia enim quaecumque in hac rerum universitate vivunt insecta , orificium illud , per quod sui generis faeces excernunt , vel ad extremitatem capiti oppositam habent ; vel saltem si sub imo ventre , nunquam tamen ad latera illa , quae capiti non sunt opposita . Utcunque sit : Foramen *i.* Aliis os , Alteris spirandi meatus , Tertiis anus , Quartisque etiam vulva audit . Dignum sanè meliori indagine arcanum .

De vermibus *intestinalibus* morbofis atque ingenitis, fatis multa dixisse videremur ; nisi quae & verbis , & scriptis ab amico Medico accepimus , Nos ad aliquid etiam hîc superaddendum inducerent . Namque

*Intestinalis humanus vermis viviparus.*



Vir iste (f) diligens & amicus, qui in hac Metropoli Medicinam exercet, anno 1734. tradidit mihi scriptum, quem ipse observaverat, casum, meâ quidem sententiâ rarissimum, de aegrotante quadam Muliere, cui post tertianam duplicem accidentibus vagis doloribus in abdomine, cum oleum amygdalinum post alia quaedam remedia usurpasset, illicò vermis unus ad superiora ascendit, & non siné magno aegrotantis levamine per os exivit. En itaque quàm mirae magnitudinis & formae ab eodem descriptus ac designatus fuerit. Colore rubicundus erat, longitudine unius mediocris viperae, cujus extrema, pilis circumsepta, caudam uno, altero oris hiatus referente, in apicem desinebant. Crassities erat ad pollicis magnitudinem. Per longitudinem a capite ad caudam, recto fibrarum ordine; transversim verò *spiralibus* velut fibris ejus cutis contexebatur: Quae tamen ad ventrem subtilior, & nonnihil pellucida erat; in aliis verò locis, crassa magis & densa. Vivebat autem; & pluribus id motionibus, flexuris & distortionibus facile quisqueprehendisset. Nec parum prodigiale est, in hoc verme viventem jam sobolem extitisse. Namque cum ipsius citati Doctoris

pedibus

(f) D. Molinerius.

pedibus disrumpus humi fuerit, statim ex tumido aperto ventre vermiculi decem, & ultrá, distinctissimé prodierunt, crassitie dentis pectinis mediocris, & longitudine acus sutoriae: Qui & ipsi vitá jam praediti se se movebant. De hujus rei veritate nihil omnino dubito: Quia Mulierem illam, ex qua vermis exivit, his adhuc diebus incolumen, Ego ipse sum allocutus: Quae rem iisdem omnino circumstantiis, quibus jam descripta fuerat, mihi enarravit. Num verò dicendum ne sit, hunc vermen ex Teretium familia & ut sic dixerim, gigantem in humano corpore excrevisse; an potius exterorum sobolem, aut in ovo adhuc inclusum, aut quoquo alio modo, in illius Mulieris stomachum descendisse; animi pendeo: Nec pudet rei difficultatam & obscuritatem ingenué fateri. Sed quia extra humanum corpus in his nostris Regionibus insectum nullum reperitur, quod aliquá ratione cum descripto verme conveniat; si quid mihi asserendum esset, eum potius ad monstriferos teretes, quám ad quoscumque extraneos vermes referrem. Interea certum est, vermen hunc fuisse *viviparum*: Quia si vermiculos, quos jam vivos fuisse diximus, adhuc in se retinebat, eos certé dato tempore vivos edidisset.



*Humani intestinales vermes in oviparos & viviparos distinguendi esse videntur.*

Quapropter hinc deducendum arbitror, non omnes *intestinales* vermes ova parere, sed potius in *oviparos* & *viviparos* esse distinguendos. Clariss. Redi (t) contra P. Honoratum Fabri & Scaligerum, quorum primus muscas semper *oviparas*, alter semper *viviparas* esse tradidit, jam aperte ostendit, muscas non omnes *oviparas* neque *viviparas* omnes dici posse: Quia testatur, se muscas aliquas vidisse, quae ova super cibaria, alias verò, quae jam viventes vermes deponebant. Quod adeo verum est, ut tabularum nostrarum Sculptor, & accuratissimus magnae spei Discipulus noster Nicolaus Brovardi, cum cadaveris partem curiositatis ergo incidens, eandem omnino rem observaverit, meisq; oculis subjecerit, & de hac commentariolū sibi servandum scripserit; hoc, ut simplex & breve est, hīc referre placet, Cum puellae cujusdam caput in Magno Taurinensi Nosocomio disseicaretur, ut *lacrymalium* ductuum praeparatio fieret, ejusdem capitis dimidium mihi, genuinam *lacrymalis* sacci formam visendi cupido, ab amico quodam Chirurgo allatum fuit. Cumque diligenti aliquot horarum labore, quae inquirebam detexissem, partem illam supra fenestram ad aliquod tempus

(t) *Esperienze intorno agli insetti Tom. I.*



„ tempus reliqui : Quò statim muscae ali-  
„ quot grandiores , ut ibi partus suos de-  
„ ponerent , advolarunt . Brevi subindé ,  
„ cadaveris partem illam manibus prae-  
„ hendens , muscas aliquot evolasse vidi ;  
„ unicâ exceptâ , quae immota , & velut  
„ emortua reperta est . Quî autem id fie-  
„ ret statim revolvens , muscam omni mo-  
„ tu destitutam seposui ; diligenterque scru-  
„ tari coepi , an quaedam muscarum ova  
„ in memorata capitis parte invenirem .  
„ Sed praeter ova , vivos & per carnem  
„ reptantes vermes animadvertens , eosq;  
„ non ab ovis tam citò exclusos meditans ,  
„ protinus dubium succurrit , an musca-  
„ rum aliqua vivos vermes , nullisq; ovis  
„ inclusos peperisset . Neque ea opinio  
„ falsum me habuit . Nam sepositam jam  
„ antea exanguem muscam , summis di-  
„ gitis versùs imum ventrem comprimens ,  
„ vermes qui adhuc in eadem contineban-  
„ tur , post alium alius , & interdum ge-  
„ mini, se se hinc indé flectentes & con-  
„ volventes , miro oculorum spectaculo  
„ in lucem prodibant . Id Illustriss. Prae-  
„ ceptori meo Joanni Baptistae Bianchi ob  
„ oculos posui , qui utpoté naturâ suâ de  
„ rebus a se visis potiusquam aliundé ac-  
„ ceptis , agere cupidus , ut muscam il-  
„ lam viderem lentis ope adauctam , ver-

Fig. XI.

Fig. XII.

„ mesque in aenea vermium tabula inci-  
 „ derem , mihi statim commisit . Mus-  
 „ cam illam postriduo velut exsiccatam  
 „ subtili cultro dividens , exenteratam &  
 „ omnino vacuum inveni : Si tantum ex-  
 „ cipias supremam thoracis partem , ubi  
 „ tres adhuc se se motantes vermes exta-  
 „ bant . Dicat nunc aliquis , cur musca  
 „ haec , nemine exterius laedente , mor-  
 „ tua sit ? An fortasse partus doloribus  
 „ sublata ? An a filiis intus exesa , inte-  
 „ rempta est ? Alterutrum dicendum . At  
 „ quidquid sit , nihil de hac re statuere  
 „ ausim ; proindeque aliis iudicium fe-  
 „ rendum relinquo , Haecenus Brovardus .  
 Quod si res ita est , ut revera nos ipsi vi-  
 disse testamur ; cum argumenta illa , quae  
 a naturae analogia ducuntur , in rebus na-  
 turalibus plurimum valeant , & immo  
 pro validioribus habenda sint ; tum ex al-  
 lata *vivipari* vermis historia , tum ex mus-  
 carum analogia , *intestinales* vermes , in  
*oviparos* & *viviparos* distinguendos esse ar-  
 bitramur . Quod quidem observatione ul-  
 terius , luculentissime demonstratur ; nam  
 quemadmodum Reditus , Malpighius , Val-  
 lisnerius Aliique oviparos humanos lum-  
 bricos describere ; ita *viviparos* alios Ama-  
 tus Lusitanus ( u ) , Panarolus ( x ) , Fo-  
 restus  
 (u) Cent. 3. Curat. 46.  
 (x) Pentec. 5. Obs. 15.



restus (y), Schenckius (z), Petrus Borellus (a), Verattus (b) & Andrius (c), observarunt. Porro non solum pisces per aquam serpentes, sed angues, seu terrestria serpentina animalia, ovipara alia esse, alia verò vivipara, nemo certè it inficias. An non humani lumbrici de genere serpentium animalium dicendi sunt? Quidpiam adhuc, antequam praeteream, de muscarum partibus addendum puto. Nempe nos non solum cum Redio esse, quod muscarum aliae revera sola ova, aliae vivos vermes parturiant; sed quod eadem earum species, vermes interdum edat; quae ova semper ederet, nisi praecox tempestatis calor vermes in ventre praematurè ex ovis excluderet. Equidem muscae nostrae genus, valde aestuantibus Julii mensis diebus, vermes peperit; quod, minus fervidis temporibus, ova solum peperisse, comperimus.

Nunc verò de vermibus iis pauca dicamus, qui *intestinales* etiam, & omnino morbofi sunt; sed nullâ ratione teretibus similes, adventitii a nobis existimantur. Quamquam apud aliquos ea stet opinio.

*Humanis intestinales vermes, extradinarii & extranei, atque omnino morbofi.*

(y) *Lib. 21. Obs. 26.*

nio

(z) *Lib. 3. Obs. de lumbr.*

(a) *Lib. 1. Obs. 89.*

(b) *Galleria di Minerva Tom. VII. fol. 66.*

(c) *De la Generat. des ver. Cap. IV.*



nio , ut nimirum extranea animalia in  
humani corporis intestinis , aut propter  
calorem diuturnum , aut propter conti-  
nuam solventium humorum affluentiam ,  
nullâ ratione vitam ducere posse autu-  
ment ; proindèque tanquam inter aniles  
fabellas referre soleant portentosos ac mi-  
rabiles quosdam eventus , qui a Celeberri-  
mis Medicinæ Scriptoribus , Petro Borel-  
lo , Thoma Bartholino , Oligero Jacobeo ,  
Tillingio , Salmutho , Schenckio , Senner-  
to , Montuo , Rulando , Segero , Gemma ,  
Roeslero , Volgrado , Brukmanno , Ruyf-  
chio Aliisque , de Araneorum , Serpentum ,  
Ranarum , Bufonum , Talparum , Piscium ,  
Cancrorum , Scorpionum , Lacertarum ,  
Salamandrarum , Quadrupedum aliorum-  
que id genus exterorum animalium ex-  
cretionibus traduntur : Tamen nullo mo-  
do probabile est , tot Clarissimos Gravif-  
simosque Viros simul omnes deceptos fuisse .  
Neque naturalia quaedam phaenome-  
na ideo deneganda sunt , quia humanam  
omnem intelligentiam & captum exce-  
dant . Nam quidam naturæ effectus con-  
tinuò observantur , qui licèt nullâ inge-  
nii acie attingi possint , ab Omnibus ta-  
men necessariò admittuntur . Quis enim  
explicit admirandas magnetis , aliorum-  
que corporum *electricas* , ut dicunt , pro-  
prietates

prietates? Nemo hercule: An propterea denegandae sunt? Quod si quis inveniat, qui rerum novitate atque admiratione perculsus, nullam Scriptoribus fidem velit adhibere, quia scilicet id tantum in rerum natura evenire posse praesumat, quod ipse concipere & explicare potis est; cohibeat saltem, si placet, assensum, & dubitet ( siquidem de rebus dubitare omnibus licet ): At illud absolute non inficietur, quod etsi minus intelligat, falsum tamen esse, non noverit. At quorsum haec? Ad *intestinales* morbosos & adventitios vermes revertamur. Jam superius aliqua breviter attigimus de verme quodam, a Doct. Gallina nostro per Epistolam ( *d* ) nobis adscripto, qui vivus ab Adolescente per vomitum ejectus, cum nullam omnino similitudinem habeat ad *intestinales* ingenitos vermes, a nobis inter adventitios reponitur. Ego cum hujus iconem perspicerem, *intestinalem* inusitatae speciei erucam nominare malui: Reminiscens, quam olim legeram, a Cl. Albrecto habitam, vomitarum erucarum ferè similem Historiam: ( *e* ) Nimirum „ Rusticum diuturnos & atroces

Fig. XIII.

Humanae  
erucarum Hi-  
storiae.

( *d* ) Legatur Epistola ad hujusce Partis finem edita.

( *e* ) Misc. nat. cur. dec. III. ann. II.



„ atroces ventriculi dolores , non raro  
 „ sudores frigidos , animique deliquia pas-  
 „ sum , *emetici tartari* opere viginti cir-  
 „ citer erucas vomuisse : Quas idem Al-  
 „ brechtus partim vivas & celerrimè repen-  
 „ tes , partim emortuas viderit ; coloris  
 „ nigerrimi , magnitudine & figurâ pro-  
 „ ximè ad illud erucarum genus acceden-  
 „ tes, quod Goedartius *Metamorph. & Hist.*  
 „ *nat. insect. par. 2. experim.* 39. depingit ;  
 „ nisi quod glabrae , pluribusque instru-  
 „ ctæ essent pedibus , Antiquitus quoque  
 „ similes ab hominibus vivasque excretas  
 „ erucas, Benivenius, Dodonaeus Petrusq, Bo-  
 „ rellus descripserant . Quoniam verò ca-  
 „ sus erucæ hujus nostræ , ut a citato Vi-  
 „ ro descriptus fuit , commodè in ejusdem  
 „ Epistola , huic operi adnexa , perlegi po-  
 „ test ; Hinc ad alium monstruosum ver-  
 „ mem , transitum facimus ; cujus Histo-  
 „ riam hîc breviter enarrare aggredimur .

*Historia huma-  
 ni intestinalis  
 lacerti-formis  
 vermis .*

Miles quidam Legionis *Rehbbinder* aetate  
 annorum XLII. temperamenti melancho-  
 lici , & continuo pallidus , edax ; immò  
 immani inexplibili *Bulimo* jam dudum  
 captus , necnon stomachicus , *cardialgiis*,  
 praecordiorum angoribus , & colicis do-  
 loribus obnoxius , assiduâ feбри correptus  
 anno MDCCXXIX autumnali tempore ,  
 ad Nosocomium se transtulit . Varia de-  
 indé



indè accesserunt symptomata, *cardialgia* faevior, colici constantes dolores, sitis, vigiliae, ventris morsus, totiusque abdominis tensio usque ad *epigastricam* regionem. Plura adhibita fuerunt remedia ad ventrem emolliendum, fomentationes in primis & clysteria. Vinum *emeticum* insuper, & oleum amygdalarum dulcium propinatum est. Principio Vinum *emeticum* nihil, nisi vomitus excitavit: At deindè suppositorii adjuvantis ope, prodigiosum vermem paucis fecibus commixtum per anum deiecit: Quo excreto, post triduum, ab omni morbosa affectione liberatus est. Nunc autem vermem hunc, quemadmodum delineatum accepimus, describamus. Ejus longitudo erat spithamae unius cum minori palmo: Quà latior erat nempe circa medium, duos circiter transversos digitos aequabat: Quadripes: Capite, cruribus & reliquo corpore ad majoris lacerti formam vergens: Colore a capite usque ad caudae principium rarus; a caudae initio usque ad extremum obscurior, & nonnihil viridis. Duabus pinnis hinc indè ad latera, quà nempe cauda exoritur, instar piscium instructus, quae, non secus atque crura, cedrinum colorem referebant: Oculi ovati, & ad limbum vividè rubri: Labia  
itidem

Fig. IX.

itidem rubra; narium meatus distincti:  
Per totum ventrem, & inferiorem capitis  
caudaeque partem, albicans: Aquae tep-  
penti immersus, postquam ab humano  
corpore exierat, quatuor adhuc horas vi-  
xit: Tandem vini spiritu, ut scilicet diu  
fervaretur, exceptus est. Haec omnia no-  
bis retulit amicissimus Vir, indubitatae  
fidei raraeque peritiae, Perronus Pater,  
Legionis olim *Rehbbinder*, nunc *Pragela-  
tensis* Ditionis Medicus atque Chirurgus;  
qui non aliundé accepit, sed omnia, quae  
diximus, ipse met vidit & praestitit. Non-  
nulli autem, qui quoque viderant, idem  
mihi testati sunt. Juvat hîc primûm oc-  
currere ad id, quod statim Aliquis obii-  
cere posset; nempe animal hoc ab ali-  
quibus clam in lasanum conjectum fuis-  
se, ut Medicum aut Adstantes deciperet;  
aut iisdem admirationem excitaret: Eâ  
fermé ratione, quâ olim Patavii Medicus  
quidam, Clarissimum Rhodium decepturus,  
anguem per anum in intestina cadaveris  
cujusdam, coram eodem Rhodio incidendi,  
intrudere tentavit. Atque in hanc quoq; du-  
bitationem nos ipsi statim adducti fuimus:  
Quam tamen animo expulit diligens ho-  
rumce animalium per Regionem illam  
disquisitio. Nullum etenim huic simile,  
seu ejusdem speciei animal in illa Regio-  
ne



ne , ubi Miles aegrotavit , reperiri potest. Quamobrem ab exteris Regionibus illuc a Milite intus delatum fuisse , dicendum est. At nihilo minùs magna narras , hîc dicet aliquis , & quae vix credi possint. Verumtamen ab Aliis multae fidei Viris , captu non minùs difficilia quaedam literis tradita sunt . Quis crederet ( *f* ) ab humana Meninge , jam dudum spiritu vini immersa , tandem tres fungos distinctissimos productos esse ? Quis sibi suaderet in Hominum intestinis latum interdum vermem latitare , qui eorum longitudinem aequet , aut etiam excedat ? ( *g* ) Haec omnia nos ipsi vidimus , inquiunt , ergo nullus dubitationi superest locus . Ergone ea tantùm , quae suis oculis vident , Aliqui admittant ; ea verò , quae per ipsos numquam conspecta sunt , denegent , immò naturaliter impossibilia existiment ? At liberè Quisquis , ut Philosophum decet , sententiam suam aperiat . Nos per multa conceptu difficillima , vera tamen esse arbitramur : Totque Clarissimis rerum naturalium Scriptoribus fidem nullam adhibere , puderet : Eò vel maximè , quòd talia ferè hîc describimus , qualia & ipsi retulerunt . Nonne Petrus Borellus

ex

( *f* ) *Vallism.*

( *g* ) *Hipp. loco superius citato .*



(h) ex Homine ejectam *salamandram aquatilem* vidit? Nonne ejuldem speciei animal vomitu ejectum, se conspexisse Clariss. Horstius (i) testatur? Et ut minor admiratio, minorque idcirco in Perroni nostri fidem contentio sit, ex recentioribus exemplis pluribus, selectum admirabilius alterum, alterumque nostri simillimum adiciamus; Josephus de Rogerio (scribit amicissimus olim Lanzonus, *Protomedicus Ferrariensis* (l)) post malignam febrem & subsequenter dysenteriam, tantâ fame correptus est, ut unâ die varii generis esculenta ingurgitaverit ferè ad libras 64.: Nec tamen exindè famelice re desierit: Inopinatò vermem vomuit, ita grandem & horribilem, ut serpentis formam ac magnitudinem referret: Qui statim ab egestionē vitâ privatus, longitudinem suae molis exhibuit palmorum 27 & ultra; atque ex supera parte pillosus apparuit. Aeger autem sensim restauratus, liber a tam molesto vorandi desiderio factus, adhuc in vivis est. Sequentia verò a prolixiori narratione contracta, Fackhii Caesarei

Consi-

(h) *Hist. & Observ. Medico-Phys*

(i) *Libr. II. Miscell.*

(l) *Ephem. Cur. Cent. V ann. MDCCXVII. Obs. XCV*

Consiliarii & Archiatri sunt „ Rusticus  
„ quidam (m) fossis & agris vernali tem-  
„ pore reparandis dicatus , laboribus ni-  
„ miùm calens ac sitiens , ex fonte pro-  
„ ximo , seminiis & spermatibus inse-  
„ ctorum referto, avidus haustum sumens,  
„ semen alicujus animalculi , lacertae  
„ scilicet , deglutivit . Excluso in homi-  
„ nis cibaria fistula accretoque animali ,  
„ praecordiorum anxietates , cardialgiae,  
„ lipothymiae , vigiliae , & in primis in-  
„ ternae decorticationis sensus , violen-  
„ tissimaeque contractiones subortae sunt .  
„ Patiens summè famelicus, quaecumque  
„ obvia alimenta devorat : Ascensus ani-  
„ malis atque descensus , in ventre ma-  
„ nifestè sentiuntur . Vomitu tandè erum-  
„ pit animalculum , lacerta dictum , vi-  
„ vum , magnum , robustum , capite sat  
„ grandi , quatuor pedibus , longâ cau-  
„ dâ , ac maculis subflavis , caeruleis &  
„ rubris stipatum , per cubiculum hinc  
„ indè circumvagans : Donec tandem fu-  
„ stibus caesum & extinctum fuerit , at-  
„ que in fluvium projectum . Paupercu-  
„ lus quamquam exquisitè resectus , alte-  
„ ro ab exclusione die vitâ cessit . In aper-  
„ to cadavere , ventriculi tunicae ab un-  
„ V guibus

(m) *Citat. Ephem. ann. MDCCXVII Obs.*  
*LXXIII.*



„ guibus & rostro animalis erosae visae  
 „ dilaceratae atque ita laesae, ut undi-  
 „ que ulcuscula, erosiones, & gangre-  
 „ nosae apparent inflammationes ac cor-  
 „ ruptiones „ Nimius ergo fuerim, si si-  
 miles Veterum casus hic addere conten-  
 derem: Lacertum vivum alvo expulsum,  
 apud Rulandum filium (n) Viride animal,  
 hirsutum, quadrupes, *lacerti-forme*, sed  
 crassius, apud Montuum (o) Cornutum,  
 rostroque anati non dissimile, apud Wie-  
 rum (p) Nigrum, pilosum, *quinquepeda-*  
*le*, crassitie arundinis ex Gabucino (q)  
*Serpenti-forme*, apud Schenckium filium  
 (r) *Scarabei-forme*, apud Gesnerum (s)  
*Anguilli-forme*, ex Gemma (t) *Furcatum*  
 caudâ, pedibusque innixum, apud Benive-  
 nium (u) Ita ex Rhodio, Panarolo, Sal-  
 mutho, Marcello Donato, Monardio,  
 Claudio à S. Mauritio Aliisque plurimis.  
 Quamobrem, ut ad nostrum descriptum  
 animal redeamus: Et hoc, animalis, in  
 aquis

(n) *In demonstr. adversus Ingolstetterum.*

(o) *Lib. 4. Cap. 19. Anasc. Morb.*

(p) *Lib. 4. Cap. 16. de Praestig. Dacm.*

(q) *Comm. de lumbr. Cap. 13.*

(r) *De Acroamat.*

(s) *Lib. 3. Epist. pag. 94.*

(t) *Lib. 2. Cap. 2. Cosmocrit.*

(u) *De Abditis Cap. 2.*

aquis stagnantibus obyii, formam multam praeferunt: Adeo ut magnitudinis tantum & pinnarum, hoc inter, atque nostrates illas, quas vulgus *salamandras aquatiles* vocat, discrimen intercedat. Quamobrem, si ab eo Milite, qui non semel aliorum Principum signa deseruerat, in difficillimis itineribus alicubi epotae sint aquae, in quibus ejus generis, quod descriptum est, animalium ova continerentur, & ovum aliquod stomacho exceptum, & per pylorum, ad intestina delatum, valvularum aliquam plicamve offenderit; atque inter illam, & intestini parietes velut in capsula, seu in congrui incubatus loco, naturalis caloris ope, tandem ab eodem animal exclusum sit, & affluentibus succis enutritum paulatim excreverit, pedum ope ad eandem circiter regionem adhaerens, ne aut motu *peristaltico*, aut fecibus deorsum protruderetur; jam nihil obstat quominus aperte concipiamus, id absque ulla naturalium legum repugnantia, evenire potuisse.

At Cl. Vallisnerius, etiamsi quotidie a nobis plura cum cibis vorari insectorum ova concedat; tamen ex iis animalia nasci non posse, vel saltem si excludantur, non posse ad debitam magnitudinem excrecere, sed nimio saltem calore necari debere,

*Probabile fit, etiam ex ipsis Opponentium rationibus, animalium ova forissecus in hominem intrare posse, ejusque*



*in viscerib: ni-  
dulari, foveri:  
& ex iis nova  
animalia ex-  
cludi.*

contendit . Nam ubi de his vermibus lo-  
quitur , qui simul cum cibis, adhuc ovo in-  
clusi deglutiuntur ; Quî fieri potest, inquit  
,, ( x ) , ut vermes istos , in Mundo  
,, non suo , visceribus nempe nostris ver-  
,, satos , alio cibo pastos , conditione om-  
,, nino diversa , nasci , vivere & augeri  
,, posse credamus ? , En argumentum ab  
admiratione , rei que concipiendae difficul-  
tate productum . Interea phaenomena haec,  
licet difficilia, nos , quo saltem modo con-  
cipi possunt , explicare conabimur . Nemo  
itaque in dubium revocat, ab homine cum  
aqua , vel cibis , interdum etiam extero-  
rum animalium ova quaedam deglutiri .  
At difficultas est, quamobrem simul cum  
ingestis cibis sumpta ova , quae profecto  
tenella admodum esse debent , caloris &  
liquorum solventium viribus , non dige-  
rantur , solvanturque : At verò quicum-  
que animadvertat , alia minora etiam , &  
teneriora ova , quàm illud , ex quo de-  
scriptum animal prodiisse putamus , ven-  
triculi intestinorumque calorem , motum,  
& fermenta non tantum subire , sed in-  
super integra omnino & illaesa , lacteo-  
rum vasorum & sanguinis vias angustio-  
res percurrere , ut interdum postquam cu-  
jusdam animalis corporis difficiliore me-  
tus

(x) *Cit. Oper. dell' orig. de' ver. &c.*

tus & tramites subierint , ad alios de-  
indè homines per vices , & *successivè* foe-  
cunda semper semina , & intacta pertran-  
seant , quin multorum ventriculorum &  
intestinorum succussiones , laticumque flu-  
entium qualitates effecerint , quominùs de-  
indè ab iis *animalcula* adhuc excludantur ;  
ille profectò , expositi vermis ovum , uno  
tantùm ventriculo exceptum , integrum-  
que ad intestinorum plicas & cellulas per-  
venisse , ibique exclusum fuisse , multo fa-  
ciliùs concedet . Vallisnerius etenim Cl. ,  
ut dudum Hippocrates cognoverat , ipse  
quoque infantes ab utero Matris ita pro-  
dire asserit , ut verminosam progeniem vel  
jam in se habeant , vel cum nutricis la-  
cte , postquam in lucem venerunt , susci-  
piant ; Nam , inquit ipse ( y ) , cum inte-  
„ stina vermium sedes ordinaria sint , &  
„ Mater pluribus mensibus chylo foetum  
„ in proprio utero alat , hinc fit , ut ma-  
„ ternorum vermium ova , aut minu-  
„ tissimi vermes , in Matris intestinis oc-  
„ currentes , chyli flori permixti , viis fo-  
„ litis ad membranas ferantur , foetum  
„ in utero involventes : Eà utique ratio-  
„ ne foetum cum succo isto verminosam  
„ simul , volubilemque coloniam in pro-  
„ pria viscera recipere facile quisque in-

V 3

telliget

(y) *Citat. Oper. pag. 56.*



„ intelliget „ . Et paulo post addit „ Si ve-  
 „ rò Mater , vermibus immunis fuerit , ut  
 „ casu contingere potest , vel si vermes  
 „ quo tempore ea praegnans est , ova  
 „ non emiserint ; tum quidem vermes eâ  
 „ viâ , foetui non communicabuntur , sed  
 „ accedens alia mulier , quae vermibus  
 „ scatens infanti nato ubera praebeat ,  
 „ cum lacte ova eadem fugenda ipsi pa-  
 „ riter dabit ; quoniam lac a chylo di-  
 „ versum non est , chylusque ab intesti-  
 „ nis ad mammas perindè fertur „ . At-  
 qui neque major in viventis hominis ven-  
 triculo , quàm in alio quolibet ejus vase,  
 gradus caloris est ; ut Thermometri ex-  
 perimenta edocent ; neque major attri-  
 tum ac solutionum est vis ; cum ubi-  
 que animalium vasorum , sinè attrituum  
 perseverantia , sanguis & alibiles succi  
 concreverent , quemadmodum extra va-  
 sa ab iis tritibus sublatis , facile citòque  
 concreverunt : *Sinus omnes* , scribebat ap-  
 positè Cel. Hecquetus ( 2 ) *animalis par-*  
*tium , velut novi ventriculi & tritus offici-*  
*nae , quos a stomacho recepere succos , subi-*  
*gendo elaborare pergunt .* Si igitur ova ver-  
 mium , unâ cum matris chylo aut nutri-  
 cis lacte , ad foetus membranas & visce-  
 ra,

( 2 ) *De la Digestion &c. & de purganda Me-*  
*dicina à curarum sordibus .*

ra, aut nati fugentisque ora, seu a Matris aut nutricis intestinis adusque uterum aut mammas traducantur; per singulares illos sinus seu fistulas, per quas ea devehì oportet, non minores, quàm in ventriculo atque intestinis, caloris, trituum ac solutionum gradus patientur: Tum si lactea illa aut *chylosa* ova, aut etiam jam nati ex iis vermiculi, per hos sinus immutabilia servantur; servari ea quoque debent, quae casu in hominum viscera, cibo potuve introeant. Quibus positis, jam luce meridiana clarius evadit, quâ ratione, ovum illud, ex quo descriptum quadrupedum genus exclusum fuisse arbitramur, & longè majus, ut verisimile est, ac validioribus etiam membranis munitum, stomachi succorumque vires sustinuerit. Quia verò ejus generis animalia ita a natura sunt comparata, ut paludosis & stagnantibus aquis, quae aestivo tempore longè magis, quàm rivi & flumina incalescunt, inhabitent; adeo ut in undis calidioribus semper, vel majori numero, vel ibi tantummodo inveniantur; non adeo mirum est, si hujusmodi animal loco calido, propriaeque naturae, ut ita dicam, amico, enutritum usque ad expositam magnitudinem excreverit. Quod ad cibos, quibus vesci potuerit,



nullam difficultatem superesse existimo : Cum nemo sit , adeo parum in Historiae naturalis scientia versatus , ut hujusmodi animalia , ranas pariter & pisces ferè omnes , non quodam peculiari cibo , sed quibuslibet , quas invenire queant , nutrientibus rebus vesci ignoret . Ergo non adeo improbable est , quaedam aliquoties ab Hominibus , cibis aut potibus commixta ova ingurgitari ; Quae deindè in visceribus , non obstante aut calore naturali , aut concussione , aut solventibus vel fermentantibus liquoribus , foveantur ; eaque animalia producant , quae deindè ad naturalem etiam magnitudinem adaucta , viva tandem Adstantium omnium admiratione excernantur . Addendum hìc esset , horumce animalium , externas saltem interdum partes , *accidentaliter* , ut ajunt , immutari posse : Siquidem ipsum Hominum genus non eundem habitum in omnibus Regionibus praesefert : Cum alicubi Homines cuticulâ nigerrimâ obtegantur , ut sunt *Ætiopes* ; quibusdam in terrae plagis subfuscâ , ut in *Insulis* ; & alibi , ut nostris in Regionibus , albâ ; & juxta loca varia , variâ quoque faciei partium *syntaxi* sint praediti . Sed quia haec facillè intelliguntur ; & de his vermibus fortasse jam supra , quàm instituti ratio postu-

postularet, verba fecimus; nunc vermes ad illos, qui extra cibarium canalem aliquando in homine sunt, descendamus.

Morbosi vermes, qui in humano corpore, extra intestina sunt, & propriè *zoo-phagi* ab Aliquibus dicuntur, vel degunt in partibus, è quibus patet exitus; Vel in partibus, ex quibus exire non possunt. Inter primos numerantur vermes illi, qui ab externorum sensuum organis; aut é naturalibus, aut ab aëreis seu respirationis viis prodierunt: Quarum itaque classium primae, aurium & narium vermes, oculorum insuper, & oris seu dentium, & cutis recensentur: Alterius sunt, renum atque urinalis vesicae vermes; muliebrium insuper genitalium partium; & qui morbosi viriles *spermatici* dicti sunt: Tertiam demum adimplent pneumonici. De iis gradatim nunc pauca: Postea cum aliis, qui in humano corpore nullam habere videntur viam, quâ exeant, Opusculo finem faciemus. Et primùm ab iis, qui in partibus, undè patet exitus, aut facilior saltem esse videtur, commorantur, atque inter externorum sensuum incolas, ab aurium vermibus sermonem incipientes; non primi sumus, qui de vermibus ab aure proditis sermonem instituamus; cum id ipsum Valescus de Tarenta

*Humanæ extra cibarium canalem; morbosi vermes; eorumque classis.*

*Aurium vermes*



ranta ( *a* ) Schenckius ( *b* ) Kerkringius ( *c* ) Volckamerus ( *d* ) Lanzonus ( *e* ) Therantanus , Panarolus ( *f* ) Andrius ( *g* ) Aliique Veteres atque Recentes , praestiterint ; & plures prodire ut plurimum , & disparis formae esse , scriptis ac figuris tradiderint . Alii nempe exhibentur adinstar granorum pini : Alii , vermiculos caesi referentes : Nonnulli , ab asellis non multum absimiles : Aliqui speciali modo rotundi . Ex iis quidam , interni dicendi esse videntur ; seu ex suppurata aut ulcerosa aurium affectione nati ; aut ex aliis corporis partibus traducti : Quidam verò potius externi ; nempe in aures extrinsecus illapsi ; sive ipsi , sive eorum ova , a volatilibus aut aliis insectis deposita , intrarint : Ut qui primum a Volckamero memorantur ( *h* ) Aliique insuper , qui caeteris majores plerumque observantur . Nos non plures , ab aure hominis simul excretos , sed unum solummodo , multo-

( *a* ) *Lib. 4. Cap. 30.* rum

( *b* ) *Obs. Med. IV. de Aur. ex Galen. Aet. Aegin. Avic. Solen. Montan. Sylvat. Ruland. &c.*

( *c* ) *Obs. Anat. 19.*

( *d* ) *Ephem. Germ. dec. 1. ann. 3. Obs. 266.*

( *e* ) *Cent. V. ann. 1717. Obs. LXXII.*

( *f* ) *Pentecost. 4. Obs. 27.*

( *g* ) *Oper. cit. Cap. III.*

( *h* ) *Cit. loc.*

rum malorum, ut videtur, auctorem, auricularem vermem, vel internum vel externum, ob oculos ponere statuimus. Quamobrem si qui sint, apud quos plures illi aliorum Scriptorum vermes fidem inveniant, nulli dubitamus, quin pari jure, quem trademus, ab Aliquibus etiam pro vero, unicus noster habeatur. Principio anni 1733. Joseph Massarius ab Altare, gravissimo capitis dolore correptus fuit; qui, etsi intermittens, eum tamen, velut lancea, quae ab aure dextra per caput trajecta, ad sinistram exiret, acerbissimè cruciabat. Jam dextrae auris surditas accesserat: Parum somni per noctes capiebat; atque idemtidem, aut febre, aut magno calore laborabat. Per multa jam remedia, irrita omnia & vana, postquam sinè ullo doloris levamine adhibita fuerunt; Tandem, Junio mense, repetitis vicibus aqua Reginae Ungariae in dextram aurem stillata est: Cum paulo post, cerumen auris, in massam veluti coactam, repentè erupit. Hoc vermis, bombycis formâ praeditus, minoris transversi digiti longitudine, atque majoris frumenti grani magnitudine, involvebatur. Verme prodito, statim omnes auris & capitis dolores cessaverunt: Atque aeger convaleuit. Nunc verò, morbi quo hic vexabatur,

*Nostra auricularis vermis Historia.*

*Fig. XX.*



tur, vermẽ hunc fuisse causam, extra dubitationis aleam positum esse credimus . Quod verò hĩc notandum esset , illud praesertim videtur ; aurium ceruminis amarore , qui maximus est , vermem illum nullatenus fuisse necatum . Porro , si id Superi sint concessuri , quemadmodum Clariss. Redi jam observavit ; & nos ostendere conabimur , ex practicis a nobis factis animadversionibus nullatenus inferendum esse , quod vulgo putatur , iis videlicet , quae amara sunt, vermes interim aut laedi.

*Vermes ab Homi-  
nium naribus  
prodeuntes .*

Vermes in Ovibus, Bobus, Cervis aliisq; majoribus brutis , narium sinus non raro incolere, vel Indis & Arabibus Medicis priscã aetate compertum fuit : Hos verò ex ovis , quae muscae quaedam in illarum antris deponant oriri , ut in nymphas aliquando vertantur , & volatilem patris naturam ineant , Recentiores docuere . Quilibet qui *rhinarios* seu *nasales* lumbricos in hominibus factos referat , diversã quidem formã ac magnitudine exhibet . Ita duos illos narium vermes , quos *instar digiti* , *villosos* insuper , seu *cruci-formes* , perfunctoriè dixerat Fernelius ( i ) , cornutos inde , tum verò solùm instar *semidigiti* Paraeus delineavit ( l ) . Gulielmus Fabricius

minores

( i ) *Pathol. lib. 5. Cap. 7.*

( l ) *Edit. Gall. lib. 20. Cap. 3.*

minores , neque cornutos , memorat (m) Platerus salamandrae instar, multisque pedibus constantes depromit (n) Alibi narium vermis , dimidium digitum longus , bombycem repraesentat (o) Alibi cum pedibus; quatuor digitos aequat (\*) Kerkringius centipedem vermem depingit (p) . Littrius verò plusquam centipedem exponit (q) , videlicet 112. pedibus instructum animal, sex pollices longum , duas lineas latum, unius & semis crassum , colore dilutè rufum , annularibus squammis , excepto capite , opertum : In cuius capite duo oculi erant , totidemque cornua , ut & forficulus , duobus ramis constans : Os quoque inter istos ramos situm : Cauda duobus aculeis , formâ paribus , longitudine & crassitie pedes superantibus , armata . Vermis ejectus & vitreo vase inclusus post horas 18. adhuc vivebat ; nec nisi affuso vini spiritu post duas aut tres horas mortuus est . Majorem alium , seu palmo longiorem , nasalem vermem Benivenius attulerat (r) . Et aliàs dimidiam ferè ul-

(m) *Cent. 1. Obser. 8.* nam

(n) *Observat.*

(o) *Misc. Cur. ann. 1671. Obs. 147.*

(\*) *Trincavell. lib. 9. Cap. 11. de rat. cur. &c.*

(p) *Obs. 43.*

(q) *Comment. Reg. Paris. Acad. ann. 1708.*

(r) *De abditis Morbor. caus. Cap. 100.*



nam aequans *Rhinarius* vermis exponitur  
 (f) Vidit quoque Amatus (t) Vidit Bo-  
 rellus (u) Alii demum ab Aliis, aliarum-  
 que formarum & magnitudinum, narium  
 incolae vermes, & ex iis diversa, patien-  
 tes malè habentia, symptomata descri-  
 buntur. In hac ergo *Rhinariorum* huma-  
 norum vermium dilquisitione, vel si sinè  
 fraude descripti omnes sint, quid hætenus  
 bonae solidaeque historiae conspiciamus?  
 Si enim externorum patrum, ova in *na-*  
*sariis* sinibus deponentium, filii censendi  
 hi vermes sint, ubi nam terrarum orbis,  
 tot varias & invisas hætenus progenies in-  
 venturi, & quibus modis in has caveas  
 allaturi erimus? Si verò internorum sunt  
 patrum; patres isti ubinam humani cor-  
 poris degunt? Rursus quibus viis ad na-  
 res pervenient? Et cum vermes filii, pa-  
 trum magnitudinem naturaliter assequan-  
 tur, & quae ista sit, aliquando ostendant;  
 quo in vase partium, quo in viscere vermes  
 ita conspiciui, conspecti unquam sunt?  
 Tum verò vel si hae solvi difficultates pos-  
 sent, quae, amabo, sedes in narium ca-  
 veis, grandioribus illis hospitandis ver-  
 mibus, aptae essent; etsi capitis osium  
 sinus

(f) *Misc. Cur. dec. 3. ann. 3. Obs. 146.*

(t) *Centur. 7. Curat. 63.*

(u) *Obs. Med. Cent. 3. Obs. 45.*

finus, *frontales*, maxillares, *sphenoidaei* atque *ethmoidaei*, in communem aditum advocentur? Sed multi fortè, praesertim qui de teretum genere judicandi sunt, é naribus lumbrici prodeunt, qui ab intestinalis & stomacho per oesophagum & fauces, in *nasales* caveas ascendere & ingredi, magis minúsve commorari, inductâque morâ alterare atque alterari, hinc egredi per externas nares potuerint. Nostra interea, quam hîc breviter conscribere lubet, Historia, cum narium proprios, ut puto, neque ab alimentorum canali ascensos vermes exhibeat (nisi forsitan *ascarides* prodigiosè adauctos dicere velimus) neque tam vastos, ut in iis locis contineri non potuerint, neque formâ a frequentioribus humanis aliis tam diffitos; salebrosa minùs esse videtur. Joseph Bertò Albonensis, permultis jam annis cephalalgîâ periodicâ, orisque foetore detinebatur. Tandem ann. 1717. cum annis jam natus quinquaginta esset, idem dolor adeo auctus erat, ut non tantùm febrem acutam, verum etiam phrenitidem produceret. Cumque sanguinis missio, jam jam instituenda esset; corrupta, foetens & sanguine immista materies, é naribus extemplo fluens, factam esse suppurationem aperuit. Ut nares fortiter expurgarentur

*Singularis nostra pluriù vermium, ex hominis naribus faustè exentium, Historia.*



purgarentur, *Nicotianus* pulvis iisdem est inditus: Quo quidem excitatis sternutationibus, res ex voto successit. Nam repetitâ earum vi, non tantum purulenta substantia, sed simul etiam quatuor vermes ejecti sunt; qui magnitudine dimidium pinei nuclei, longitudine verò hunc integrum aequabant; pedibus totoque corpore, bombycibus similes. Vermis a Tulpio memoratus (x), qui ex ancillae naribus prorumpens, acerbum capitis atque diuturnum dolorem, ad remedia quacumque reluctantem, illico sustulit; cum ab eodem Scriptore assimilatus sit suo illi vermiculo (y), per urinam excreto, ad nostros quoque non solum *urinales* (z); sed ad eisdem insuper, quos nunc attulimus, non parum accedit. Porro cum *admirandi illius vermis per nares egressi discursum* ab Angelino & Alfario a Cruce editum (a) non viderim, non est in praesens, quod cum nostris hoc etiam animal comparari liceat. Sed haec nostra narium infecta, viventia adhuc ab exitu, bombycum ad instar, hinc inde se conferebant. Huiusmodi

(x) *Obs. Med. lib. IV. Cap. XII.*

(y) *Ibid. lib. II. Cap. XLII. Tab. VII. Fig. III.*

(z) *Fig. nostrae XVII.*

(a) *Ravennae 1610.*

modi eventus plurimum admirationis attulit : Sed ex iis , quae secuta sunt , magis magisque aucta est admiratio . Nam *errhinis* medicamentis aliis praescriptis , quibus continuo stimulatio fieret ; XXXX dierum spatio tanta horumce vivorum vermium multitudo ab aegrotantis naribus erupit ; ut centum septuaginta & quatuor enumerati sint . Quà verò proportionē hospites discedebant , febris declinare , dolor capitis dissolvi , & phrenitis mitescere observabatur : Donec post istos completos dies , aeger ab omni morbo , atque ab ipso oris foetore liberatus est . At infesta pullities quasdam speciei reliquias , fortassis adhuc in hujus Viri naribus reliquerat . Quamobrem tribus post annis iisdem ferè , sed mitioribus *symptomatibus* correptus , *errhinorum* ope quindécim denuò vermes ejusdem omninò naturae , atque primi fuerant , naribus emisit : Iterumque sanitati restitutus , septem adhuc annis vitam degit , ab omni adversa valetudine solutus : Quousque acutâ feбри sublatus fuit . Probabile est , non omnes illos vermes eodem tempore ex ovis suis fuisse exclusos ; sed longo illo spatio , quo eorum excretiones partitè sunt praestitae , recens natos , ut gradatim crescebant , gradatim quoque prodiisse : Satis enim loci



non fuisset ad tantam familiam , aequè adultam , hospitandam . Haec de vermicibus , qui per nares exeunt . Nunc verò inquirendum esset , undè nam tum istinarium , tum ille superiùs descriptus , auricularis vermis , originem suam traxerint ; & quomodo in his *sensoris* oriri & crescere potuerint . Sed cum difficile sit discernere , an ab externis animalibus ibi irreptis , ova deposita fuerint ; an haec ab aëre introducta ; ex quibus deindè vermiculi exclusi , suorumque hospitum damno enutriti , & tandem eliminati fuerint ; an potiùs ova , ex quibus ortum duxisse putamus , cum alimentis & potulentis deglutita , tamdiù per canales ab humoribus in circulum acta sint , donec ad determinata haec loca pervenerint , ibiq; congruis succis ac calore fota , atque animalia exclusa , ad usque ejectionis tempus permanferint ; nihil omninò nos de hac re statuentes , ad eos , qui in caeteris externorum sensuum organis , aut eorum cavéis , tanquam corporis ostiis , hospitantur vermes , brevi disquisitione progrediamur .

Oculorum vermes .

Vermium oculorum Historia haëtenus quidem non parum obscura est ; Ex angulo majori oculi puellae trimae rectè valentis , momento vivum exiisse vermem

„ mem femi palmaris longitudinis , co-  
 „ loris albi , crassitudinis lineae , nullâ  
 „ noxâ a puella perceptâ , & foramine  
 „ nullo evidente relicto „ Amatus testatur  
 Lusitanus (b) Sed an oculi habitator pro-  
 prius , an potius peregrinus fuerit , incer-  
 tum . „ Vermis iste ( appositè addit Cleri-  
 „ cus (c) ) ex intestinis ascendens , per  
 „ ventriculum , os & nares , nasalemque  
 „ ductum , fortè obrepserat , atque per  
 „ lacrymalia puncta , ad eum oculi an-  
 „ gulum sita , tandem eruperat „ . Pechli-  
 nus (d) optaret , oculorum inflammatio-  
 nes , praesertim longas & valdè prurigi-  
 nosas , deberi minutulis insensibilibusque  
 vermiculis : Narratque , ex quodam in  
 simili morbo imposito remedio , *evocata*  
*animalcula fuisse , minutarum lendium instar ,*  
*prurigine statim deficiente : At cum tenella*  
*essent ista corpuscula , nudisque oculis vix di-*  
*stinguenda , ad nitidiorem lucem umbras eo-*  
*rum , ad microscopium verò figuras ipsas &*  
*lineamenta , quamvis confusius , apparuisse .*  
 Postea de horum corporum vita dubitat .  
 Historia illa vermiculi , ex aegri , ophtal-  
 miâ laborantis , palpebra extracti , ( e ) ne-

X 2

que

(b) Cent. 7. Curat. 63.

(c) Hist. lat. lumbr. Cap. XIII.

(d) Lib. 2. Observat. 35.

(e) Miscel. Cur. ann. 1671. Obs. 78.



que proprium oculi fuisse vermem adamussum ostendit . Recentior Historia Lanzoni (f) „ Puelli post variolas , contu-  
 „ maci dextri oculi ophtalmia ita labo-  
 „ rantis , ut de visu illius partis dubi-  
 „ taretur ; subindè tumoris in oculi labo-  
 „ rantis angulo apparentis , exitusque ex  
 „ hoc suppurato apertoque , rubri vermis  
 „ cū paucopurè „ fortè abscissus vermem,  
 qui ideo ubique corporis inveniri po-  
 test , non proprium oculi describit .  
 Qui minimi vermes, seu syrones, ad mem-  
 branam oculi adnatam infixi , & ab ami-  
 co Chirurgo visi , a Mouffeto referuntur,  
 (g) prae caeteris memoratis proprii qui-  
 dem oculorum dicendi essent, si plena huic  
 Chirurgo haberi fides posset .

Oris, seu den-  
 tium vermes .

Sed oris vermes praeclariùs visi sunt :  
 Hique duplicis generis ; seu qui in pro-  
 priis dentium caveis , eorumve cariosa  
 substantia ; & qui extra dentes , in qua-  
 dam mollioris limi , aut etiam solidioris  
*tartari*, aut calcis specie iisdem circumpo-  
 sita haerenteque , nidulantur . Primi enim,  
 praeterquam ex aliis Historiis & praecipuè  
 Curiosorum Germ., ab Oligero Jacobaeo (h)  
 Pechlino

(f) *Ibidem Cent. V. ann. 1717. fol. 126.*

(g) *In Insect. Theatr.*

(h) *Act. Hafn. vol. 5. Obs. 108.*

Pechlino ( *i* ) Schultzio ( *l* ) Aliisque traduntur ; tum verò suis singularibus formis designantur . Et quo pacto haec viventia , suffitu hyoscyami aliorumve simplicium eorumve seminum aliisve praesidiis , é dentium latebris eruantur , Nonnulli edocent : Quod Alii fucum esse ostendunt . Internos dentium vermes , quamquam sub diversis nominibus , memorant quoque Jonstonus ( *m* ) & Mouffetus ( *n* ) . Sed qui vermes dentibus externi sunt , seu in externis eorum sordibus geniti ; & sensim eosdem , sinè sensili plerumque molestia , exedunt & absument ; orique insuper foetorem , quibuscunque aetatibus ita frequentem , qui ventriculorum halitibus referri ut plurimum solet , inducere consuescunt , a Leeuvyenhoekio ( *o* ) & Andrio ( *p* ) diligenter describuntur ; suisque insuper formis delineantur . Intereà hae formae ab iis Auctoribus traditae , non omnino conveniunt . Revera horumce vermium species quamplurimae variaeque sunt . Nunc organorum , quae ad externos capitis sen-

X 3

sus

( *i* ) *Decad. Cur.* 1. *Ann.* 9. & 10. *Obs.* 24.

( *l* ) *Ibidem ann.* 10. *Obs.* 187.

( *m* ) *Hist. nat. de insect.* lib. 3. *Cap.* 2.

( *n* ) *Insect. Theatr.* lib. 2. *Cap.* 24.

( *o* ) *Arcan. Nat. detect.* pag. 42. & seq.

( *p* ) *De la Gen. des vers* *Cap.* 3.



fus pertinent, eorumve cavitatum, delibatis vermibus; diffusioris sensus organi, seu cutis vermes superessent recensendi. Sed quoniam ii, vel nonnisi per *opticam* lentem sunt sensiles, ut scabiosi; vel si sensiles, ut phthiriasis pediculi, hi neque nudis oculis videri possunt, donec cuti immersi jacent, sed solum quum ab eadem sunt egressi; idcirco hos ad peculiarem classem, inferius adiiciendam, servamus. Quare ad aliorum liminum corporis, seu ad *renales* atque *urinales* vermes, hic transitum facimus.

*Urinales vermes*

Quamquam qui minguntur vermes, atque ideo *urinarii* appellantur, a vesica descendant; plerumque tamen ab altioribus urinalibus visceribus sunt repetendi. *Renales* vermes in Canibus inveniri, vulgatum est. Siquidem saepè in alterutro Canis rene vermis quidam longissimus, totam *renalem* substantiam occupans, absque ullo plerumque viventis incommodo latitare solet. In hominibus autem, an vermes eadem interdum viscera, idest renes propriè incolant, quaeri potest. Inter Scriptores Clarissimus Alghisius vermes quosdam describit, quos *renales* appellat. Nephriticum enim hominem refert, post habitum vellicatum in lumbis, cum urina reddidisse quatuor vermiculos, figurâ & magnitudine

dine frumentacea grana aemulantes ( *q* ) : Nos quoque ejusdem magnitudinis & formae vermes cum urina excretos vidimus . An propterea *renales* sunt nuncupandi ? Eorum magnitudo talis profecto est , ut dubitandum admodum sit , an per *renalium* vasa liberè cum liquoribus meare , & discernentia organa subire potuerint : An fortè in pelvi renum enutrita auctaque , atq; hinc per *uretheres* ad vesicam usque delapsa . Quidquid sit , nihil de hac pronunciamus ; contenti solùm , hos vermes inter *urinarios* recensere . Nec tantùm vermes hos , sed alios etiam diversae figurae & magnitudinis aliquandò a sene , unà cū *urinario* lotio excretos , inspicere datum fuit . Nempe vermes erant oblongi , instar majorum ascaridum , nigro capite , muniti duobus cornibus , sex petiõis ad superiorem partem ; atque minutissimis geniculis instructi : Qui deindè in acutissimam caudam desinebant . Immo & aliàs , minores vidimus , non iis absimiles , quos describit Tulpus ( *r* ) his verbis „ Mulier annorum „ quinquaginta , infestata crebriùs partim „ a pituita , ex capite destillante ; partim „ verò ab infatigabili lumborum cruciatu ; excrevit sub finè morbi singulis diebus

Fig. XVI.

Fig. XVII.

Fig. XVIII.

X 4

bus

( *q* ) *Vid. Vallisn. nov. Observ. &c. Trat. VI.*( *r* ) *Obser. Med. lib. II, Cap. LI.*



„ bus , vel quinos , vel senos vermiculos ,  
„ colore ut albos , sic neque formâ diffi-  
„ miles illis , quos profert caseus putris .  
„ fuere tamen duo inter illos ita magni ,  
„ ut aequarint longitudine *digiti articu-*  
„ *lum* „ Nos verò minores illos , non  
verò maximos istos , aspeximus . Idem  
Auctor alios mictos vermes in suo Medi-  
carum Observationum Opere refert , qui a  
descriptis differunt : Nam eximium Patriae  
suae Medicum , post febrem tertianam ,  
intra *octiduum* eminxisse narrat (f) unde-  
viginti vermiculos sinè dolore , & sinè  
urinae difficultate : Quorum figuram , ut  
Fig. XIX. singularem , in nostris tabulis pariter re-  
tulimus , valdè analogam ( ut inquit idem  
Tulpius ) „ illi vermiculo , quem Vir di-  
„ ligens Ambrosius Paraeus (t) asserit  
„ olim excretum a solertissimo Hippocra-  
„ tis Interprete Ludovico Dureto , ex dif-  
„ ficili morbo convalescente „ Quamplu-  
rimi hîc micti vermes addendi essent ,  
instar bruchorum , locustarum , hirudi-  
num aut aliorum insectorum , quorum  
aliqui diu adhuc vixerunt ; Qui a Ce-  
leberrimis Medicinae Scriptoribus tra-  
diti sunt : Inter quos admiratione digna  
videntur , quae ab immortali Viro Friderico

(f) *Idem ibidem Cap. L.*(t) *Lib. XIX. Cap. III.*

rico Ruyfchio (u) de nympharum, in muscas deindè conversarum *miſtu* observata fuerunt: Item quae ab Albrecto (x) Edmondo de Meara (y) Ronſæo (z), & superiùs laudato Nicolao Tulpio de verme tereti (a) & a Johanne Rhodio (b) de taenia viva emicſa narrantur; & ab Hannemano, Langelotto, Pechlino &c. Vermiculos alatos, post variolas cum urina excretos refert Hagendornius (c) In lotiis eorum, qui venereo morbo infecti sunt, multoties innatare animalcula formicis affinia, aut iis praesertim, quae aestivis mensibus in aqua coelesti volutari conspiciuntur, ajunt Lemnius (d) & Wierus (e) Plura quoque animantium genera per urinam ejecta vid. apud Schenckium (f). Quae igitur omnia cum quilibet, si Auctores adeat, commodè perlegere possit, hîc omninò rescribere superfluum

(u) *Thesaur. Anat. I. pag. LIV.*

(x) *Miscel. Curios. German. dec. II. ann. I.*

(y) *Ibidem.*

(z) *Epist. Med.*

(a) *Cit. loc. Cap. XLIX.*

(b) *Cent. III. Observat. XXXVI.*

(c) *Ephem. Cur. ann. 2. n. 28.*

(d) *Lib. 2. Cap. 40. de occult. nat. mirac.*

(e) *Lib. 3. Cap. 15. de praest. Daem.*

(f) *Obs. lib. 3. §. Monstrosa & varia &c.*



perfluum ducimus . Ita cornifer renalis vernis a Dalechampro , Vidioque juniore visus , apud hunc legi poterit ( *g* ) . Ita etiam vermes per urinam dejecti in Anglicis transactionibus ( *h* ) ab Entio , Millordio Aliisque describuntur : ( Quemadmodum in iisdem quoque Commentariis a Jessopio & Listero animalia varia ab infantibus aut adultis vomitu excreta ; & a Dentio , *Levvio* Aliisque , in variis corporis partibus immorata . ) Ita quoque a Clerico ( *i* ) vermes cum urina excreti , ascaridibus , erucis , millepedis , aut capillis , immò dracunculis similes , ex Rondeletii , Cardani , Argenterii Aliorumque relictibus memorantur . Atque urinalibus infectis refertissima sunt Curios. Commentaria ( *l* ) . Juvet hîc , nobilissimi naturae rerum Indagatoris , *renalibus* vermibus accomodare locum , qui aliis omnibus extraordinariis humanis vermibus non secus referri debet . Cl. enim Vallisnerius in prodromo humanae *entomalogiae* , seu insectorum in homine ordinariorum  
atque

( *g* ) *Lib. 10. Cap. 14. de curat. membr.*

( *h* ) *In Collect. transact. Reg. Soc. Angl. ex Lovvithorpio Tom. III. Cap. IV.*

( *i* ) *Hist. lat. lumbr. Cap. XIII.*

( *l* ) *Vid. Cent. II ann. 1712. Obs. CLXX. & in Append. fol. 202.*

atque extraneorum Historiae, (m) loquens de animalibus homini extraneis, scribit „ Potere anco ingojarsi le loro uova nel „ mangiar carni di questi animali, o in „ altra maniera, come latti, e simili, nel „ qual modo anche possono nascere, le „ quali cose però tutte succedono di raro, e si leggono solamente appresso gli „ Autori, che contano maraviglie „ Sed quod raro contingit, solet tamen contingere: Non ideò inter admirabiles res reponendum esse videtur. Quod verò dolendum est: Haec tam diu elaborata, & toties ab eodem Auctore Aliisque pollicita humana *entomologia*, quod sciam, in publico adhuc non est.

Non abs re fuerit, hîc de vermiculis quibusdam mentionem facere, qui Mulierum pudenda, gravi interdum prurigine afficere, ibique adhaerere solent. Isti vermiculi, aequè ac illi, qui ano adhaerent, Hippocrati jam innotuerant, & *ascarides* pudendorum muliebrium nuncupati sunt; & idem Divinus Senex (n) remedium jam tum praescripsit, quo, ut ait, *exeunt & moriuntur*. Horum quoque vermiculorum Beckerus singularem observationem

*Vaginae atque  
uteri muliebres  
vermes.*

(m) *Galleria di Minerva* 1708, Tom. 6. feb.

I 14.

(n) *Lib. II. de Morb. muliebr.*



semper revera sint ; seu in foecundo ipso atque, ut ajunt, *prolifico* marium semine, lanisque & vegetae aetatis hominibus, non raro desiderentur ; ita nec propriè naturales dicendi essent . Nec benè intelligi videtur, quid suis viribus humanae naturae contribuere istiusmodi hospites, nisi ad coitus stimulum, valeant . Si quis enim obiter de *spermaticorum* horumce vermiculorū usu peras, haec habeto . Insecta haec, cum adiunt, ut semper in semine irrequieta exiliunt, & summè agilia ac perniciosissima sunt, incitamento esse, coeundique seu semen eijciendi aperentiam, seu naturalem *orgasum*, ciere videntur . Et sanè hic *orgasmus*, singularis quaedam pruriginis species esse percipitur : Et in femellis, quae catulunt, la c visque castratis atque spadonibus, prostratarum ucci iis quoque vermiculis scattere deprehensi sunt . In hominibus, quorum semini deficere hos vermes visum est, vix ulla in desiderium veneris proclivitas erat . Ita antè pubertatis annos *spermatica* haec insecta plerumque desiderari observantur ; & in iis ita vacuis juvenculis, nulla hætenus libidinis prurigo est . Senili aetate haec animantia plerumque absumta sunt : Absumptis, senes, vel prius impensè salacēs, mulierum amores promptè obliviscuntur ;isque virilitatis instrumentorum,

vivis sublatis stimulis , haec vix ac ne vix quidem moventur . In iis ergo , qui venere naturaliter aestuantes , aliquandiù postea frigidi , indè rursus accensi atque libidinosi fieri videntur , putandum est , *spermaticos* vermiculòs , ob specialem in ipsis grassatam *epidemicam* cladem , ( quae & caeteris insectorum generibus non infrequens est ) aliquando defecisse : Alios deinceps ex primorum germinibus fuisse renatos . Nonnulli caeterùm , qui advertere putant , hos vermes aequè adesse aut abesse in iis hominibus , qui aequè vegeti muliebribusque negotiis apti accomodique esse viderentur , illos aceti vermibus comparant : Qui nempe nec semper in aceto sunt , nec si adsint aut deficiant , acerum idè praestantius aut infirmius esse solet . Sed ut è diverticulo in viam redeamus : Dū in iis naturalibus , ut dicunt , insectis sollicitè fusèque versantur Hartsoekerus , Leeuwenhoëkius , [ qui putat *spermaticos* vermes esse duorum generum „ reminiscor me in „ semine masculino hominis , & etiam „ canis , vidisse duorum generum animal- „ cula : Hoc videns , mihi imaginabar , „ alterum genus esse masculinum , alte- „ rum femininum [ y ] „ Th. insuper Bartholinus junior , Geoffroy , Dalempazius , Hom-

(y) *Arcan. nat. fol. nobis* 30.



Hombergius, Gardenius, Listerus, Elias-Camerarius, Leibnitius, Keilius, Billingerus, Gimma, Nigrifolius, Abbas de Comitibus, Lancisus, Vallisnerius, Andrius totque Alii: Nobis in praesens *spermatici* illi Virorum vermes memorandi incumberent, qui superius laudatis mulierum *spermaticis*, maximèque earum *ascaridibus* analogi, morbosi sint; saltem mordacitate hominibus incommodi. Et sanè hominem unum aut alterum novimus, qui sani caeterum, emisso semine, gravissimum aliquandiù pruritum per totum *urethrae* tractum sentiebant. Locum ipse nec habui, nec quaesivi, speculandi, an fortè eorum semen scateret vermiculis, qui indè a coitu commoti excitati-que, partimque ad *urethram*, ejaculato semine, superflites & haerentes, eam mordicarent & foderent. Optandum esset interea, Cl. Paullini Historiam exactiorem fuisse, „Honestia femina [ait iste (z)] toties quoties, ex debito conjugali Maritum admittebat, sentiebat insignem colli *uterini* pruritum, subsequente mox crebriori mictione. U-inam in vitro aliquando collectam ipsam examinans, varios vidit vermiculos candidissimos,

ru-

(z) *Miscell. Cur. Dec. 2. Ann. 5. Append. & Cleric. Hist. lat. lumbr. Cap. XIII.*

„ rubris tamen rostellis , partim natantes  
„ in ea , partim lateribus vitri adhaeren-  
„ tes . Exceptit alio die ipsum Conjugis  
„ sui semen , & ecce? eisdem in eo lon-  
„ gè copiosiores , quos etiam Cortnum-  
„ mio ostendit . Adhibitis autem , quae  
„ methodus dictabat & ratio , aptis re-  
„ mediis , expulsisque innumeris vermicu-  
„ lis , cum urina Viri , omnis sublatus  
„ est quaestus , Paullinus etenim , an ea-  
„ dem quoque prurigo Virum , in ipso tra-  
„ jectu seminis afficeret , explorare debuif-  
„ set : Nisi hîc fortè ob totos vermiculos ,  
„ cum semine in feminam traductos , exem-  
„ tus hâc molestiâ fuisset . Sed si Paullini  
„ observatio imperfecta , nostrae quoque non  
„ minùs deficere , videri possent : Cum no-  
„ bis satis inquirere non licuerit , an in co-  
„ euntibus , mordacemque genituram exci-  
„ pientibus feminis nostris, eadem aut simi-  
„ lis , quae in Viris , prurigo fieret . Quoquo-  
„ modo sit ; neque virilibus *spermaticis* cana-  
„ libus atque liquoribus , sua deesse extra-  
„ nea infecta , verisimile est . Equidem ex-  
„ traneum erat , *spermaticum* illud animal ,  
„ quod a Plutarco memoratur (a) , Hospi-  
„ tem nostrum novimus , Athenis , Ephe-  
„ bum , cum multo semine ejecisse be-  
„ stiolam asperam , multis pedibus cele-

Y

riter

(a) *Symposiakon* lib. 8. quaest. 9.



riter ambulantiem , ( quamquam fucum suspicetur Clericus ( *b* ) ). Ita Myssenbrucchium in semine humano multorum generum *animalcula* vidisse , ex Med. Hafnienfibus Commentariis elicimus ( *c* ) Sed neque Plutarcus , neque Myssenbrucchius addiderunt , bestiolam illam , aut ista multorum generum *animalcula* , quidquam hospitibus suis molesta extitisse .

*Pulmonum vermes.*

Sed nocua humanorum Pulmonum infecta , patentiora sunt , ac diligentius observata . Celebris enim Viri Historia vermium , acutum in pulmone morbum foventium , salutarique demum sputo rejectorum , litteris mandata est . Cl. Vallisnerius in rustico verâ pleuritide laborante , vermiculos innumeros , septimâ morbi die sanguini immistos , simulque per sputum rejectos , solerter inspexit : Instar alben- tium filorum erant , se moventes , longi- tudinis ad unguis dimidium : Ab hac die ad usque vigesimam totum sputis expul- sum sanguinem , vivi adhuc , replere ver- mes prossequebantur : Quâ tandem die mortuos aliquando esse observabat Vir Cl. Paulo post infirmus convaluit . Quomodo geniti hi vermes fuerint , suo vermium humani corporis edendo tractatu explicare pollicetur .

( *b* ) *Cit. loc.*

( *c* ) *Vol. 5. Obs. 7.*

tempe si in bilio-  
no communican-  
possunt inter ver-  
quibus exitus,  
ecus verò, si in  
non apertè cum  
nunicante, com-  
plerique hepatis  
res sint; hos ideo  
corporis mor-  
partes incolunt,  
corpore via esse  
ipsis alteram  
tra cibarium ca-  
quam polliciti

istiusmodi classis  
tantum in hepa-  
ne, pericardio,  
per aliquas pro-  
communicantibus,  
quàm breviori-  
collequentes; pri-  
in ovium, boum,  
rumque brutorum,  
alis, sanguineis aut  
minoribus, aut in  
substantia, vermes  
tos esse. Albucasin,  
um, Campolon-  
gum

*Humani ver-  
mes in iis par-  
tibus, e quibus  
exitus esse non  
videtur.*

*Hepatici ver-  
mes.*



henditur, non tanta sit. Pulmonis substantia impensè solum arida atque exsiccata fuerat: Neque aliter laesa: Probabiliter a lubricis atque irrorantibus harumce glandularum solitis succis, per incolarum vermium incubitum & nutritum absumptis atque impeditis. De nova istiusmodi observatione gratulabar mihi. Namque frequenter *bronchiales* has glandulas, obstructas, contractas, duras, aridas, immò scirrhasas, callosas, calculosas, suppuratas, corruptas, atque ita variorum pneumonicorum morborum altrices; nunquam verò ad illum usque diem verminosas perspexeram. Porro, cum ab iis glandulis, quae pulmoneis seu *trachealibus bronchiis*, ad omnes eorum divisiones, exterius accumbunt, nulla hæcenus detecta fuerint producta excernentia vasa, in harum fistularum caveas, secretos a sanguine roriferos latices effundentia (quamquam effundi, & fortè per insensiles poros exsudare in illas hos latices necessarium sit) Hi igitur glandulosi pulmonum vermes potius cum aliis illis humani corporis morbidis vermibus recensendi essent, qui loco, quem servant, nullam habere videntur viam, quâ exeant, ex quo ab ovis exclusi sunt: Aut potius mediae conditionis vermibus adscribendi; velut esse hepatici

„ la , postquam lanienae ovium saepè sae-  
„ pius ex professo institutae interfuissem, &  
„ quidem ultimo, insigni multitudine,  
„ hoc anno (1698) 13. Martii, quemad-  
„ modum, eodem quoque tempore in fe-  
„ lino hepate aliud breviusculorum den-  
„ sorumque vermium genus. Ubi frige-  
„ scere incipiunt, atque ita motu desti-  
„ tuuntur visibili, recuperant eundem  
„ manu calefcente inclusa leniter, aut,  
„ hepate tepidae immisso &c., Superius  
eorum figuram cum ea piscis soleae con-  
venire dixerat. Nec tantum haec videre  
insecta contentus fuit; sed minutissimam  
ac diligentem eorum Anatomen figuris  
aeneis exaravit. Celeberrimus Vir Fran-  
ciscus Redi, lumbricorum in ovillo je-  
core repertorum, & a Laniis Italicis *Bisfei-*  
*nole* vocatorum, historiam pariter descri-  
bit; eosque cucurbitae semini, vel po-  
tius parvi myrthi folio similes esse tradit.  
(f) Et Cl. Vallisnerius (t) „ In ovium,  
„ inquit, vervecum, quandoque & Vac-  
„ carum, Vitulorum, Cervorum, Da-  
„ marum, Felium & aliorum brutorum,  
„ Hominumque ipsorum jecore vermes  
„ inveniuntur, qui in solis canalibus bili

Y 4

sepa-

(f) *Esperienz. int. agl' insetti.*(t) *Lib. dell' origin. de' ver. &c. a Cl. Cleri-*  
*co lat. vers. pag. 94.*



„ separandae , seu expurgandae destinatis  
 „ degunt &c. „ Igitur animalia haec , quae  
 a laudat. Vallisn. cucurbitinorum genus  
 quodpiam ( u ) & a Clerico pariter cucur-  
 bitini in ovium jecinoribus habitantes ,  
 alias , nuncupantur , non tantum in bru-  
 torum , sed etiam in hominum he-  
 pate vitam ducere , tum ex citato Vallisn.  
 loco , tum etiam ex laudato Bidloo com-  
 probatur . Nam Vir iste Clarissimus „ de-  
 „ texi , ait ( x ) , in , & circa humana je-  
 „ cinora , diversae ab hisce animalculis  
 „ ( idest quae in ovillo hepate inveniun-  
 „ tur ) fabricae , & , ut tum temporis mi-  
 „ hi videbatur , alterius figurae anima-  
 „ lia , sive vermes &c. „ Quibus positis ,  
 facillime apud eos , qui nostra quandoque  
 legent , satis fidei invenire posse arbitra-  
 mur ; si animalia , quae forte in humano  
 hepate a nobis inspecta sunt , hic etiam  
 referamus . Haec igitur *animalcula* non  
 in biliosis solum jecoris poris , sed in ip-  
 sa intima atque *parenchymatosa* , ut di-  
 cunt , substantia invenimus ; in qua sepo-  
 sitas cellulas , tanquam distinctas cryptas  
 & lustra , sibi excavasse videbantur . Non  
 ita exigua haec animantia fuere , ut nu-  
 dis etiam oculis facile intueri non possent.

Eorum

(u) In versione Clerici p. 108. cit. Op. Cap. 6.

(x) Pag. 119. cit. Op. Clerici .

Fig. XXIV.

*Vermes, in in-  
 tima jecoris  
 substantia a  
 nobis reperti.*

Eorum color subviridis : Dorsum nonnihil concavum : Caput parvum & nigricans : Pedes minutissimi , & numero sex : Totius animalis ambitus ad rotundum accedens : Uno verbo , si colorem demas , non multum cimicibus absimiles . In Homine hi vermes visi sunt melancholico ; qui prius gravi obstructione hepatis , longoque ictero prehensus , cachexiâ postmodum , lentâque febre ac diarrhoeâ absumebatur . Ita exemplo Bidloi , quâ ratione hepatici in ovibus vermes morborum , immò mortis causae esse queant , explicare satagentis, (y) Quilibet nostri quoque hujus hominis aerumnas ex memoratis vermibus aperire faciliè poterit .

Quod ad cerebri vermes attinet : Jam multa extant Scriptorum exempla . Singulare affert Joannes Fridericus Khern (a) Namque in Hospitali majori Patavii anno 1687. , multis aliis Adstantibus , iisdemque Clarissimis Viris, vidisse quemdam testatur , qui ab infirmitate jam convalebat , improvisâ morte correptum : In cujus cerebri medulla innumeri vermiculi inventi sunt , non absimiles illis , qui in caseo veteri reperiuntur . Haec historia

*Cerebrosi vermes, seu propria Cephalici.*

(y) *In cit. Op. Bidl. de anim. in ovill. hep. detectis.*

(a) *Miscel. Curios. Decur. 3. ann. 2. Obs. 53.*



*Nostra Cerebri  
vermium Hi-  
storia.*

ria eó majorem apud nos fidem invenit,  
quò magis accedit observationibus illis,  
quae in majori nostro Taurinensi S. Joannis  
Nosocomio habitae sunt. Nam ejusdem  
Nosocomii Adstans non ita pridem Medicus  
(b) hanc mihi Historiam saepius enarra-  
vit. „ Adolescens quidam annos natus 21  
„ ineunte vere anni 1739., a quadam  
„ febricula convaluerat; cum noctu som-  
„ niis agitato a lecto decidit, laevoque  
„ supercilio paululum fracto, fit contusio.  
„ Et statim animo desipit & deliramenta  
„ loquitur. Res in deterius ruunt: Diar-  
„ rhoeâ corripitur. Multa ei remedia  
„ propinantur, revocantia, attenuantia,  
„ roborantia. At irritis omnibus medi-  
„ camentis, ad tantam maciem reductus  
„ est, ut nihil ampliùs, praeter cutem;  
„ ossibus superductam, superesse videretur.  
„ Amisissis etiam paulatim externis inter-  
„ nisque sensibus, post dies 23. ab ictu,  
„ fato cedit. Ejus subindè cadaver coram  
„ pluribus Medicis, Studiosis ac Chirur-  
„ gis sectum fuit. Deductâ Calvariâ, ce-  
„ rebri moles minor visa est, quàm ut  
„ sufficeret, ad universam ossium cavi-  
„ tatem occupandam. Sinistrum cerebri  
„ emisphaerium a naturali statu aliquan-  
„ tulum recedebat. Atque versùs *choroi-*  
„ *dum*

(b) *Ornatiss. Rovaschius noster.*

„ *deum* implexum a sinisteriori latere ma-  
„ teries quaedam reperta est, fluida qui-  
„ dem, sed spissa & subfusca; intra quam  
„ vermes reperti sunt, illis persimiles, Fig. XXV.  
„ qui in veteri caseo quotidie se conspi-  
„ ciendos praebeant. Horum tamen ver-  
„ mium, pars movebatur; & per faniem  
„ illam vario motu deserebantur: Alii  
„ verò mortuorum instar jacebant. Quam-  
„ plurimae deinde ejusdem cadaveris par-  
„ tes diligenter incisae fuerunt. At nul-  
„ libi vermes illis similes, aut cujuscumque  
„ speciei, inventi sunt. Nolim igitur,  
„ ii, qui, cerebri aliarumve humanarum  
aut brutorum, exterius non communi-  
cantium partium vermes, vel non adef-  
se, vel si a nimium conspicuis observa-  
tionibus, adesse fateri compellantur, post  
hominum aut brutorum necem solam  
exoriri asserunt, nolim, inquam, ii tam  
facile propriis meditationibus fiderent.  
Namque in capra, quae antè hos sex an-  
nos, ad *galaxiam* motusque cordis ac dia-  
phragmatis ostendenda, in nostro Anato-  
mico Theatro viva, juvenis, vegeta, re-  
cens pasta, ut assolet, aperiebatur; ex-  
pletis explendis, dum eadem horâ curio-  
siores Studiosi in alias partes inquirere sa-  
tagebant; inventus est in altera inguina-  
lium glandularum vermis unus, rubellus,  
vividus



vivus, agilis, crassitie mediocris aciculae, longitudine tertiae partis mediocris digiti, qui sinuosam sibi sedem in illius partis substantia velut terebrasse videbatur. Certè hic vermis in loco erat, ut cerebrum est, extrinsecus planè impervio. An illico post mortè caprae, ita natus adultusque praeslitus? Quid igitur? Negandus erit? Polypis aliisque concretionibus recensendus? Atqui nimii adhuc sunt, qui rem praeclare viderunt. Ita aliqui quoque Discipulorum nostrorum non ita pridem rusticantes, in vervece, qui diebus aliquot immobili penduloque humi capite, tanquam veterno correptus languebat, mactato apertoque, binos vermes conspiciabant & perlustrabant, ejusdem formae, sed diversae magnitudinis, in medullosa cerebri superiori laterali substantia, versus dextram aurem, eandem sedem occupantes. Ambo vivi erant, rugati, villis, crocei velut coloris, tenuissimis obducti; bruchis illis arboreis omnino similes, quas *Gatte* vernaculo sermone dicimus. Majoris vermis longitudo transversum aequabat pollicem, crassities mediocrem scriptorium calamus: Minoris vermis dimensiones dimidio minores erant. Porro & istos vermes, post pecudis necem solummodo natos esse, quis dixerit? Tum  
verò

verò quis unquam cogitasset, de cerebro-  
sis iis vermibus Medicos plurimos admi-  
rari; Pastores autem ipsos haudquaquam  
admirari? Quippè quo momento Pastores  
ovem suam vident, recusare pabulum &  
tetram ac rigidam, pronoque capite im-  
mobilem, velut *catalepticam* fieri, cum  
id aliàs noverint, tutè affirmant, verve-  
cem cerebrosis vermibus laborare: Nec  
certè postremam expectant tabem: Sed  
citò occidunt: Occisique caput, si quis  
exterus curiosusque morbi sedem rimari  
fortè cupiat, subitò aperiunt: In quo sem-  
per, plus minúsve, verminosam vivamque  
pullitiem ostendunt. Ad haec quadrans,  
cujusdam Pastoris narratio, a Christ. Paul-  
linò tradita, in Boneti Anatomia practi-  
ca legi poterit (c). Qui in vivis apertis  
brutis, maximèque canibus, frequentis-  
simè reperiuntur, nemini ampliùs ignoti  
vermes, saepè longissimi, atque instar  
serpentum intorti, intimaeque alterutrius  
renis substantiae locum occupantes, pro-  
fectò in mortuis canibus aut brutis aliis  
non nascuntur. Nonne *Thyroidaea* glan-  
dula, vermiculis plena, tum in canibus  
aliisque brutis, quae viva aperiuntur; tum  
in ipso homine, frequenter deprehenditur?  
At, aequè ac cerebrum, haec pars adi-  
tum



tum ad exteriora nullum habet: Cum excernentia hujus glandulae vasa, vel cum alpera arteria, vel cum oesophago, vel cum alia quacumque parte communicantia, lynceus nemo hactenus observaverit. Sed de iis nonnulla adhuc inferius habebimus.

*Morboſi Pericardii, cordis, lienis atq. pancreatis vermes.*

In Hominis pericardio vermis unus, palmum longus, niger, pilosus, repertus; Baglivii obſervatio eſt, Cl. Andrio tradita.

„ (d) Æger poſt acerbos ventriculi ac præcordiorum cruciatus, toto corpore convulſivos motus, facie pallidus viribusque deſiciens, octies in hora diu paſſus eſt „ Pericardiacos quoque vermes, eorumque ſymptomata memorat Schenckius (e) Foreſtus (f) Gabelſchoverus (g) Paræus (h) Petrus a Caſtro (i) Hartmannus (l) Lovverus (m). Immo in ipſo corde ejusque caveis aut baſi viſorum vermium Hiſtoriae a Vidio Juniore (n) Th. Cornelio

(d) *De la Generation des vers*, Chap. 14.

(e) *Lib. 2. Obſ.* 194.

(f) *Lib. 21. Obſ.* 26.

(g) *Cent. 3. Curat.* 1.

(h) *Lib. 1. Cent.* 3.

(i) *Tract. de Peſt. Neap. Rom. pag.* 137.

(l) *Prax. Chymiatr.*

(m) *Tract. de cord. pag.* 107.

(n) *De curat. Morb. lib. VII. Cap. I.*

lio (o) Andrio (p) Aliisque aperiantur : Quas inter , celebres illae sunt , a Schenckio descriptae , *cardiaci lumbrici , albi , praeacuto rostelllo , eoque corneo praediti , Principis cujusdam cordi adhaerescantis ;* & qui adhuc vivus educebatur : & alterius , vivi in subitanèa morte sublato reperti : & vermiculorum in alio corde (q) . Celebriores quoque essent , quae , viscae aut lectae , de vermibus brutorum & hominum cardiacis a Paullino (r) cumulatum allatae sunt ; Nisi humanam fidem , quod ad figuras & genera , nonnihil excedere viderentur . In liene viderunt vermes Gentilis , Albertus & Andrius : Qui ultimus adiicit , Tres vermes sat longos , eisque formâ similes , qui in intestinis nascuntur , in liene hominis , quem melancholicus affectus e medio fustulerat a se inventos , quatuor propemodum dies in aqua vixisse(\*) Atqui aliquis fortasse cogitaret , descriptos hos teretes vermes , potius ab intestino colo , lieni naturaliter adnato , & in hoc viscus per aliquem , aut citò inductum abscessum & corruptionem , aut fistulosum sensim ex-

(o) *Progymn. de nutrit. prog. 6.* ca-

(p) *Op. cit. Cap. IV.*

(q) *Obs. lib. II. vermes cordis .*

(r) *Ephem. Germ. Dec. 2. ann. 6. Obs. 13.*

(\*) *Cit. Oper. Cap. III. Art. I.*



cavatum finum, perrupto, quàm aliundè, in hunc locum cecidisse; tum verò ex iis viscerum calamitatibus Hominem illum fuisse potiùs extinctum, quàm a solo melancholico affectu: Qui nempe nonnisi per inductas viscerum labeles de medio tollit. Has ab intestino ad proximas partes lumbricorum migrationes modò illustrabimus. Pancreati si adsint vermes, neque ab intestinis illapsi sint, ad hepaticorum conditionem referendos ducimus: Nam si in liberis hujus partis excernentibus canalibus stationes obtineant, sanè per *pancreaticum* ductum, aditum sibi ad intestina, ex iis quoque extra corpus, aperire valerent, instar vermium, biliosis majoribus hepaticis vasis insidentium, & praecipuè primae classis extra intestini fistulam memoratorum: Non item qui in propria pancreatis substantia stabulentur: Veluti vermes alterius classis; aut qui intimis hepatis partibus infixi sunt.

*Mesenterii vermes.*

In *mesenterio* saepè vermes inspecti sunt: Ii verò, vel minores, & casei vermibus analogi; qui nonnisi ex praeviis hujusce partis abscessibus, aut sordidis ulceribus, instar aliorum ulcerum & abscessuum vermium, primùm producuntur: Vel majores, seu revera intestinorum teretes; qui pariter nonnisi per natos abscessus, aut fistulosa

fistulosa ulcera, aut aliter excavatos antea cuniculos, quâ datâ portâ, ex intestinorum cavea in hanc partem profiliunt. Namque, rodere *intestinales* ordinarios, & teretes praecipuè vermes, atque ita exire ex ciborum fistula, & per ita erosa canalis latera, alioversum irrepere, ac sibi aditum facere, omnino commentitium videtur. Quibus enim, amabo, instrumentis animalia, omni ex parte cedentia, obtusa & mollia, sinè ullis dentibus, sinè ullis aculeis, sinè unguibus, sinè rostro, & sinè acutis aliis quibuscumque partibus, unde quaque flaccida, imbellia & inertia, vix cum aliquo obscuro ore, ad unum extremum conivente, mordere, lacerare aut saltem contundere valebunt; seu rumpere, secare solidas partes, densis, multis & firmis tunicis instructas munitasque; aut strenuè exedère aut aliter confodere molientur? Volo, haec bruta interdum aegrotent: Volo aegrotantia agitentur, inquietantur: (namque in naturali sanoque eorum statu, qui certè non nisi cum otis perpetuis, in intestinorum lustris latebrisque profunda quiete est, Quis haec ita furere atque praevaricari somniaret?) sed quo nam impetu, quânam contorsionum aut arcuationum vi, quae semper infirmissima

*Humani intestinorum ordinarii vermes, & praecipuè teretes, non rodunt.*



est , torpida atque in perpetuum imbecilla animantia , ruinam tantam tantumque facinus aggredi apta essent ? Quòd si teretes ordinarii vermes rodendo sufficerent ; cur , cum in omnibus penè , sanis & non sanis hominibus inexhaustae eorumdem colluvies sint , tam rari tamen harumce erosionum , & per erosas partes profluentium vermium eventus habentur ? Cur id rofionis genus in iis omnino conspicuum non est , in quibus numerosiores vermes , iidemque adultiores insunt ? Namque , qui sani intereunt , seu strangulati homines , tota quidem eorum intestina , pacificâ & innocuâ majorum vermium pullitiae & familiâ saepiùs foetissima esse , publico in Theatro fere quotannis patefaciunt . Rectius igitur concludamus , *intestinales* , praecipuè ordinarios , vermes propriis nunquam conatibus , sibi in vicinas partes a propriis sedibus aperire vias ; Sed jam apertis uti : Seu per inductas , quaecunque antecedens sit causa , intestino nexisque aut proximis partibus solutiones , atque indè communicantes sinus , hos ab intestinorum fistula in *mesenterium* , in urinalem vesicam , in uterum aut ejus vaginam , in renes ipsos , in lienem aut alia viscera , in ventris caveam , imò abruptis per praevias quoque affectiones

com-

communibus corporis tegumentis , per umbilicum , per inguina , per hypochondria , aut aliam ventris regionem , foras e toto corpore delabi . Porro , qui primas horum casuum origines in vivis & mortuis hominibus diligentius speculatus est , rem sanè acu tetigit . Ita Alghisius ( s ) in septenni puero , sexdecim ingentes lumbricos teretes , cum ascaridum examine , per urethram excernente , rectum intestinum , admoto speculo , curiosè inspiciens , sinum tandem fistulosum invenit , ab intestino ad vesicam tendentem ; undè etiam in intestinum urina scaturiebat „ Scitum a parentibus fuit , ( adiicit „ Vir dextrissimus ) puerum ante quatuordecim aut quindecim menses , variolis pessimae indolis gravissimè laborasse ; „ atque ab eo morbo memoratos vermes „ reicere coepisse : Unde intellexi , abscessum quempiam variolarum tempore „ in recto intestino fuisse praestitum : Quo „ neglecto , neque , ut par erat , curato , sentiendum est , continuà affluentis puris corrosione sensim excavatum „ fuisse sinum ; demum ad usque vesicam „ penetrantem , & in fistulosum ulcus degenerantem „ . Habet quoque Wagne-

Z z

rus

( s ) *Valliss. nuov. osservaz. int. all' Ovaja de vermi.*



rus ( t ) casum *intestinalium* vermium per penem exeuntium , quo vivos egredientes propriâ manu aeger ex urethra sibi extraxerat; ab intestino in vesicam , ( ut inde in Cadavere visum est ) per suppurationem, ulcerationem atque putrefactionem , aperto. Lanzonus ( u ) in Adolescente 14. ann. qui post continuam febrem, hinc dolorem ventris, postea tumorem, ad latera umbilici in abscessum vergentem, cum uberi putridae saniei atque ichoris effluxu, indeque ex hac parte teretium plurium vermium egressu, summè tandem emaciatus emoriebatur, aperto,, statim ( ait ) sublatus fuit dubium de loco, ubi lumbrici fuerunt producti. Fuit enim notatus, & diligenter observatus canaliculus quidam membranofus, calami scriptorii magnitudinem, & latitudinem adaequans, ducens originem a tunica interna intestini ilei, usque ad peritonaeum protensus: Per quem vermes ab intestino transibant, & per abscessum apertum, exitum sibi met ipsis parabant,,. Ita apud Salmuthum ( x ) ,, lumbrici intestina revera incolentes, seu teretes, non nisi praevio ad hunc locum per quatuor annos dolore

( t ) *Ephem. cur. ann. 1712. Obs. CLXX.*

( u ) *Ibidem Obs. XXXIX.*

( x ) *Cent. 2. Observ. 61.*

„lore & cruciatu, postmodum verò ef-  
„fluente sanie ex pueri umbilico prodie-  
„runt: indè saepius quoque egressi sunt,  
„postquam tumore ad umbilicum spontè  
„prius apparente, & pure aut sanie ex-  
„tillante, novus illis ad hanc partem  
„aditus apertus fuerit,,. Idem aut simi-  
„le in Aliis observabant Zacutus (y) Do-  
„laeus (z) Reifselius (a) Aliique non  
pauci. Idem in iis vermibus, qui ex in-  
guinis fistuloso ulcere aliquando excidere  
deprehenduntur: Vid. Tulpium (b) Idem-  
que demum semper observassent Practici,  
si anatomicarum observationum accura-  
tius fategissent: Clarè videlicet diluci-  
dèque internovissent, nunquam terètes  
praecipuè vermes per disrupta intestina  
erumpere, nisi prius inductà, per suppu-  
rantem aut aliter rodentem causam, quae  
alia a vermibus sit, ejusdem tubi disrup-  
tione. Agnovissent insuper, dolores, qui  
rodentibus vermibus facilè imputantur, ab  
aliis causis excitari. Ita Mackius, casum  
enarrat puellae ex Bylero, a doloribus  
circa umbilicum consumptae, atque a lum-  
bricis ibidem rodi creditae; in qua aper-

Z 3

ta,

(y) *Prax admir. lib. 2. obs. 40.*(z) *Epist. ad Walschmid.*(a) *Misc. cur. Dec. 2. Ann. 7.*(b) *Observ. med. lib. III. Obs. XII.*



ta, sectâque cute, peritoneum, quo loco dolens fuerat, & a vermibus dilaniatum putabatur, sinè ullis vermibus a sero acri & bilioso fuisse erosum, conspectum est (c). Cur igitur rosiones viscerum, quae non a suppurationibus eveniunt, potius vermibus naturâ suâ innocuis, quàm iis succis acerrimis, qui quotidie in aliis quoque, praeterquàm in ventris partibus, exedunt, tribuendae erunt? Nec certè ex inguinibus teretes vermes exeunt aut expelluntur, nisi vel ibidem perperè prius nexis ac suppuratis intestinis: Vel ibidem in herniae rationem erumpentibus, simulque vitiosè coalitis, tum verò sub tumoris suppurati larva Chirurgo impo-  
nentibus, atque ab eodem infaushtë disse-  
ctis. Casum primum affert prae Aliis, Jaegerschmidt (d) Alterum verò nuperri-  
mè diligenterque laudatissimus Tacconus, Bononiensis Professor (e) Nec difficilè equi-  
dem per inguinis abscessus intestinorum ver-  
mes exhibunt; cum per eosdem, diutissimè ex-  
tra uterum gestati foetus, aut eorum ossa, fo-  
ras expulsa fuisse, tum pluries a nobis alla-  
tum sit; tum Anglicis (f) aliisque Commen-  
tariis afferatur. Nolint igitur in posterum  
(c) *Misc. Cur. Dec. 2. Ann. 10. Obs. 105.*  
(d) *Misc. Cur. Dec. 3. Ann. 2. n. 156.*  
(e) *De raris quibusdam Visc. affect. Obs. 1740.*  
(f) *Ex relat. Equit. Skippon 1662.*

cordati Viri, inlontes, amicos, imo auxiliares humani generis hospites, de tot tantisque hostilitatibus ac proditiombus injuste injurięque criminari.

Atqui inter observationes, de *animalculis* in humano corpore inventis, atque in partibus, e quibus exitus non est, coercitis, a nobis huc usque habitas, nullâ ratione praeterire possumus, quin illud, quod a R. P. (\*) Ordinis Capucinorum, quondam nostro discipulo, ac deinde Medicinae in eodem Ordine Professore, nobis est traditum, huic opusculo adnectamus. Nempe Vir iste, qui hoc anno ad meliorem vitam migravit, cum Genuae medicinam Fratribus sui Ordinis faceret, atque cadaveris masculini cujusdam sectioni, in majori Nosophocomio, *Pammatonae* dicto, interfuisset; mihi enarravit: Post viscerum quorundam abdominis inspectionem, cum deinde ad renes *Incisor* pervenisset, ab omnibus Adstantibus inspectum fuisse, ad sinistram sinistrae venae *spermaticae* latus, folliculum quemdam, minoris avellanae magnitudinem referentem, atque ab ejusdem venae exordio ( quae in illo cadavere ab emulgente procedebat ) quatuor transversos digitos plus minus distantem. Hujus folliculi substantia eadem, ac (\*) P. Bernardinus a Podivirino. mem-

*Spermaticae humanae Venae aditus Vermis: jam quae in vas lucrum evasit.*



Fig. XIV.

membranarum venam componentium videbatur. Cumque Unusquisque illicò intus inspiciendi, quid contineretur, curiosus, enixè rogasset *Incisorem*, ut diligenter folliculi latebras tentaret; eo aperto, prodiit animal quoddam, seu potius insectum ex genere volatilium. Quod ut omnium admirationem excitavit; ita etiam Unusquisque, velut pretiosum & eximium aliquid, accipere & servare studebat. Omnium tandem consensu memorato Patri concessum fuit: Qui vase vitreo illud excepit, atque dulciarii panis appositione, multis diebus vivum servavit. Diligentissimè autem delineatam, & naturalibus coloribus adumbratam ejus rei, idest *animalculi*, & venae *spermatice* cum emulgenti vena & arteria sinistrâ, liene, rene, aliisque partibus, imaginem mihi amicissimè tradidit: Quam in proportionè diminutam, nostrae tabulae apposuimus. Animal hoc, ut dictum est, ex quadam volatilium insectorum specie productum fuit. Caput subrotundum; oculi satis conspicui; duo cornicula; sex crura; geminae alae propriae, sub impropriis aliis collectae; dorsum convexum, cinereum nigrisque maculis interstinctum: Caeterà nigricans. Inter Alios verò, qui huic spectaculo interfuerunt, haud silendus

us clariss. Doctor & Professor Lavagna, inter Genuenses Medicos eximius: Qui ante hos sex annos Taurinum adveniens, coram, hoc prodigium confirmavit.

En, quot morbosae generationes, cum aditu aut siné aditu e corpore, in hominis partibus, quae intestina non sunt, non infrequentes contingunt. At longè plures a Medicinae Scriptoribus recensentur; e quibus qui vermes prodeunt, novam, seu his allatis intermediam classem adimplere videntur: Qui nempe e locis ubi sunt, exire modò possunt; modò verò non possunt: Plerique enim horum vermium ad exteriora corporis propriâ naturâ sedent; aut illuc a vasis pelluntur: Tum verò firmè priùs coerciti, postea vel sponte & per se, seu erosio intus aut deductis carceribus; vel auxiliis, seu ab extra sublatis ad egressum repagulis, aliquem sibi foras exitum comparant. Hi porrò quadruplicis generis sunt: Helcophagi: Subcutanei: Glandulosi aliqui: & demùm *Vasculares*. In iis praecipuè humanorum vermium generibus, adeò exspatiantur Scriptorum commenta; ut in iisdem legendis, saniori iudicio opus sit: Quo nempe quid verum, quid probabile, quid falsum aut ridiculum aestimandum, accuratissimè per-

*Humani extra  
nei vermes alii  
qui ab haecenu  
memoratis di  
stinguuntur.*



*Helcophagi, seu  
ulcerosi vermes.*

perpendatur. Hos interea percurremus; ne in hoc penso quicquam reliqui fiat. Helcophagi, seu ulcerosi, qui nempe ulcerum, tumorum, variolarum, abscessuum, anthracum, pestilentium aliorumque bubonum, carcinomatum, cariei & gangrenarum sunt incolae, à Borellio, Paraeo, Hauptmanno, Kirchero, Langio, Andrio Aliisque in medium adducuntur. Longus Villosus vermis, a femoris apostemate in homine exclusus, depingitur ab Andrio (g) Atque a Gulielmaeo & Ambr. Paraeo desumptus est. Vermiculi, quos in mammis natos esse, scribit Ronssaeus (h) cum ex apertis harumce partium vomitibus profilierint, abscessuum vermicibus referendi sunt. Subcutanei rursus plurifariam sunt. Ex iis enim primum accedunt crinones, seu propriè comedones vocati, longi, infantum dorsum, humeros & crura praecipuè occupantes: Quos apud Montuani, Kufnerum, Schenckium, Paraeum, Reufnerum, Borellium, Meysonnerium, & imprimis Velschium, (\*) ac Ermullerum (\*\*) expositos, à Leeuvvenhoekio verò repudiatos, videre est. Secundò nervei ab albedine dicti; aliique majores, ac velut *funiculati*; minores alii, & tanquam *ferrici*, Dracunculi quoque, aut Venae (g) *Cit. op. Tab. 1. fig. VI.* (h) *Misc. Ep. X.* (\*) *Exercit. de Verm. Capill. Infant.* (\*\*) *Tom. 1. In Valet. Infant. aliisque locis.*

*Subcutanei, eorumque plures species; seu*

*Crinones.*

*Dracunculi.*

Medinenses appellati: Longi omnes; Aethiopum, Indorum & Arabum vermes: Pedes, lumbos & scrotum infestantes: Qui a Galeno ipso, postea ab Aegine-  
ta, Aëtio, Actuário, Avicenna, Albu-  
calim, Amato Lusitano, Velschio, Th.  
a Vega, Schenckio, Hemmerlamio, Blom-  
mertio Lachmundo, Quenotio, Wepfero,  
Wagnero, & Strolterfohto descripti sunt.  
Tertiò Cirones seu Syrones, breves, pedicu- *Syrones.*  
lares, pervarias corporis regiones, sub cute,  
quam sèsim exedūt, obvii: Humanorum ver-  
mium in nimi, humani idcirco Acari di-  
cti, Aristoteli jam noti; atque à Mar-  
cello Donato, Schenckio, Velschio, Goe-  
dardio, Paullino, Andrio Aliisque de-  
prompti. In specie verò pessimae naturae  
syrones, seu mortem inferentes, a Mouf-  
feto exponuntur: Singulares alii Syrones  
sunt, Bovilli dicti, primùm ab Arabi- *Bovilli Vermes*  
bus, ni fallor, in hominibus; recens- *dicti.*  
verò à Vallisnerio in Bobus descripti.  
Cutem inter & carnem, in hominibus  
irrepunt; donec cutim disrumpant, &  
egrediantur: Aut saltem appareant; eis-  
que ideo caustico, igne, ferro exitus  
aperiatur. In bobus musca saevior eorum  
tergus terebrat; ovum indit: Ex quo  
postea vermis excluditur, non serpens  
sed manens: Donec elato, tumore cres-  
cat;



Tomi,

cat: Hinc sponté erumpat ; & chrysalis fiat ;  
 & in volentem patris naturam evadat . In  
 homine res secús contingit. Insuper Tomi ,  
 seu qui cirones, pedum Americanorum sunt  
 proprii: atque ab Hispanis *chiques* aut *nigas*, ab  
 Americanis *Tunga dicti*, apud Gul. Pilonem,  
*Rochefort* , Lerium , Mouffetum , Herre-  
 rium , Oviedum , Thevetum & P. La-  
 bat satis conspicuos se praebent . Syro-  
 nes igitur , seu acari , animalium , quae  
 in homine maneant , minimi omnium  
 esse videntur ; nec nisi *optica* lente con-  
 spicui . Id enim grece significant , quod  
 prae exiguitate dividi non potest . Inte-  
 rea in iis acaris alios minores inesse aca-  
 ros , neminem latet : Quorum nempe  
 cum iis , magnitudinis differentia erit  
 tanta , quanta quidem inter primos acaros  
 totumque hominem est . Porro in secundis  
 iis acaris, cum eadem differentiae ratione ,  
 adhuc tertios, in tertiis rursus quartos, & in  
 iis , sin minus ad infinitum , saltem ad  
 indefinitum numerum , semper alios at-  
 que alios , ultiores esse , ex nota om-  
 nibus , animalium in animalibus lege ,  
 clarè tutòque deducimus . Quoscumque  
 enim minimos cogitemus acaros , cum  
 postremos esse cogitabimus, qui non igno-  
 ramus , in qualibet materiae parte, quae  
 minima nobis , imò postrema videri que-  
 at

Ex acarorum  
 ratione, homi-  
 num possibilium  
 omnium, & ali-  
 quot Vermium,  
 germina, in pri-  
 mae Parentis  
 ovario exiisse,  
 non difficile in-  
 telligitur.

at, singularem non tantum vermium,  
 sed quarumcumque naturalium rerum Mun-  
 dum, à Supremo Artifice condi posse?  
 Neque aliter de possibilium humanorum  
 omnium, imò & aliquot verminosorum  
 germinum ordine, in primae Parentis  
 ovario cogitabimus. Sed ad Historiam  
 redeunt: Subcutaneis quoque vermibus,  
 de quibus haecenus diximus, referuntur  
 qui in musculis substratis, aliisve carno-  
 sis partibus commorantes, a Redio Aliis-  
 que sunt traditi. Glandulosi vermes, alii  
 majores sunt, longi, sed ad instar se-  
 tarum tenuissimi, in glandulosis partibus,  
 ut brutorum, sic hominum, inventi: *Quales*  
*ego (ait Clericus) (i) vidisse memini in ca-*  
*num glandulis ad oesophagum sitis, iisque limi-*  
*les, qui a clarissimo Redio in quorundam anima-*  
*lium renibus, musculisque cuti substratis pal-*  
*pum majorem unum aut alterum longi, re-*  
*perti sunt. Neque hi intestina incolere solent:*  
 Alii verò (de quibus hic sermo) minores  
 sunt, instar minorum ascaridum, seu ca-  
 sei vermiculorum: Quales nos e strumosis  
 colli conglobatis glandulis extractos aliquā-  
 do perspeximus. In salivariis superioribus  
 glandulis, aut excernentibus earum ducti-  
 bus, vermes, haecenus non inspeximus: An  
 ab aliis inspecti fuerint, nos latet. Id sci-  
 mus

*Vermes ex  
 norum musc  
 lorum.*

*Glandulif  
 mes in exter  
 glandulis ha  
 tantes; &  
 iis extracti.*

(i) *Hist. lat. lumbr. cap. XIII. fol. 251.*



Vermes Vasculares.

Umbilicales

Sanguineorum Vasorum, seu proprii sanguinis Vermes.

mus, Leeuvvenhoekium Aliosque in salivis in genere, vermes, quâcumque vitrorum operâ, videre nunquam potuisse. *Vascularium* demum vermium, alii *umbilicales* sunt, seu vasorum, quae aliquando fuerunt sanguinea (forte & urachi) habitatores: Alii, qui vasa constantè sanguinea incolere dicuntur; seu venarum atque arteriarum sunt vermes. *Umbilicales* vermes, eorumque signa describunt Plateus, Bringerus, Michaelis, Sultzbergerus, Paullinus, & imprimis Sennertus atque Etmullerus. Sed in hoc vermium genere multa adhuc obscura sunt: Obscuriora verò, quae sanguineorum vasorum vermes respiciunt. Namque si verum est, majores, variarum formarum, vermes e seclis vivorum hominum venis exiisse, ut tradunt Zacutus (l) Riolanus (m) Renodaeus (n) Germanae Ephemerides (o) Andrius (p) atque ex Andrii auditione, Sammartinus, & Davalius Pater & Filius (q) ipseque Clericus (r): & rursus si verum est

(l) *Lib. 3. Obs. 95.*

(m) *Encheir. anat.*

(n) *De mater. med. lib. 3. cap. 33.*

(o) *Dec. 1. ann. 2. Obs. 154.*

(p) *Lib. cit. cap. III.*

(q) *Ibidem.*

(r) *Hist. cit. cap. XIII.*

est, vel majores quoque vermes in mortuorum majoribus venis inventos esse, ut scribit se bis observavisse Spigelius; (s) an Quisquam sibi suaserit, grandes hos vermes fuisse in sanguine genitos, servatos adultosque, viasque ejus circuitus emensos: An potius, peregrinos, & in sanguinis alveo viatores solum dicendos; idest ab aliqua eorum altrice corporis parte perperam, recensque in eum traductos? Minores porro sanguinis vermes, seu *vermiculos* illos, quos sanè memorat Etmullerus: *Observatus est sanguis venâ sectâ emissus, plenus copiosissimis vermiculis* (t) an sanè morbosos & advenas; an naturales & inquilinos intelligat, Idem profectò non aperit. Caeterùm cum morbosorum in sanguine vermium res, patere latius videatur; De naturalibus *iis insectis ad usum corporis animalium perfectiorum creatis*, ut ait Petrus Borellus (u), seu perpetuis & naturalibus sanguinis habitatoribus vermibus, nec nisi armato oculo conspicuis, Physicorum modò solemnior disceptatio est. Atque Nos quamquam solummodo in morbosos humanos vermes, eos-

deanque

(s) *De hum. corp. fabr. lib. 5. cap. 13. & lib. de lumbr. lat. cap. 5.*

(t) *Colleg. pharm. phytol. class. II.*

(u) *Cent. 3. Obs. 4.*



demque etiam in sanguine, ex instituto inquirentes; de iis quoque naturalibus verbum, velut in mantissam habebimus.

*Neque natura-  
les, neque mor-  
bosi humani  
sanguinis Ver-  
mes, satis ha-  
cenus diluci-  
datis sunt.*

Si post satis perspectos stationarios hominis vermes, seu variarum ejus partium velut inquilinos & proprios, clarè quoque intueri datum esset communes illos & vagos, qui in omnium humorum fonte communique gremio seu sanguine, tum naturales & a vitae principiis impositi, tum morborum atque in universalibus, iisdemque febrilibus praesertim morbis conspicui, ubique devehiri, & cum humoribus fluere praedicantur; profectò in hac una disquisitione nobiliores alias, imò ferè omnes humanorum vermium, recolligi quoque contingeret. Sed quò solertiùs post unum saeculum haec insecta indagantur, eò fortè minùs in lucem collocata esse apparet. Porro enim ad statuendos in sanguine non tantùm fortuitos seu morbosos, sed imprimis naturales, perpetuos insitosque vermes, naturalium ipsa corporum analogia atque ratio, Philotophos quidem plurimos allexit; oculus verò non adhuc satis operam praebuit. Observarunt, durissima marmora & corallia ab innatis suis, semper pascentibus, vermiculis, non secùs ac vetus Caseum, sensim exedi & absumi: In metallis ipsis suos inesse.

inesse vermiculos (x) : Ita innumeras semper in aëre , quo semper imbuimur , insectorum eorumque acarorum progenies esse : Aquam , ut nostrorum alimentorum omnium , ita nostri sanguinis balim , primumque velut principium atque elementum , propriis constanter vermiculis , pisciculis apud Aliquos , apud Alios verò anguillulis dictis , ita refertam esse ; ut ob eorum copiam tantâ nutriendi facultate sit praedita , quâ bruta , ipsique homines , solâ aquâ passi , diutine vivere valeant : Idque vel si pluvialis , vel fontanalis , seu simplicior aqua sit . Ita Caponē unum , solâ aquâ nutritum , viginti dies , alterum verò , triginta vixisse , Redii observatio est (y) : Aliaque apud Vallisnerium legitur , puellae , triginta diebus solâ aquâ altae , simulque a mortali aegritudine sanatae (z) . Praeterea herbae omnes in genere ( quae animalium nutritus altera quoque elementa sunt ) vermibus innumeris , diversisque generis scatent ; non solum si putrescant ; sed si tantum fermententur ; immò si solum , quibusdam tem-

Aa poribus

- (x) *Ex Nebelio, quod ad plumbum, Misc. Cur.*  
Dec. III. ann. V. & VI.
- (y) *Offerv. int. a gl<sup>a</sup> anim. viv. dent. i viv.*  
C. 93.
- (z) *Galleria di Minerva Tom. VII. fol. 153.*

- (γ) *Off:rv. int. a gl' anim. viv. dent. i viv.*  
C. 93.

- (2) *Galleria di Minerva* Tom. VII. fol. 153.



poribus, aliquandiu in aqua ferventur :  
 Quod & in specie de seminibus, fructi-  
 bus aliisque earum partibus dicendum.  
 Quin etiam, absque ullo adhibito ope-  
 re, in cujuslibet plantae trunco, radici-  
 bus, ramis, frondibus, foliis, floribus,  
 fructibus, seminibus, diversos incolas  
 vermes occurrere, apud naturalium rerum  
 Scriptores in comperto est. An non cae-  
 tera hominum alimenta innumeris scatere  
 ac luxuriare vermiculis deprehenduntur ?  
 In alba triticea cerevisia vermiculi, quo-  
 cumque tempore per *microscopium* conspi-  
 ciuntur : ( a ) In vino omnibusque vinosis  
 succis, vermiculi : In melle, vermiculi :  
 In alimentis omnibus oleosis, rancidis  
 praecipuè ac vetustis, copiosi vermiculi :  
 ( b ) In omni lacte ( qui liquor a sanguine  
 est ), si diutiùs steterit, uberrimus vermi-  
 culorum proventus : In omnibus, quibus  
 vescimur, & non vescimur, animalibus,  
 vermiculi : Et in iis vermiculis, rursus  
 alii vermiculi : Et in iis iterum, ut supra,  
 ad indefinitum numerum vermiculi : Ut  
 ubique demum animata natura esse videat-  
 ur. Cum iis ergò constemus, quibus nu-  
 trimur, & in quae resolvimur ; nostra  
 verò

(a) *Etmuller Tom. III. Coll. in Schroed. §.  
 de aceto.*

(b) *Ibidem.*

verò alimenta vermiculosa sint; vermiculosi & liquores, in quos facessimus; vermiculosae immò carnes, quae é nobis defunctis supersunt; statuendum quoque videri posset, viventi ipsi sanguini proprios ac naturales inesse vermes. Interea rationibus rationes adversantur. Aquarum enim vermes, in ipso statim ventriculo omnino solvuntur ac destruuntur: Nec certè siné tota istiusmodi solutione, nutrire, ut supra, aquae possent. Ergò & caeterorum ciborum vermes, prorsus deleri in ventriculo necesse est. Lactis vermes ab insensilibus per aëra delatis insectis produci, aut ab ovis, prius contentis, excludi, verisimile arbitror. Ita & de aliorum alimentorū vermibus res erit: Quamquam vermium ova, in cibariis contenta, ob exilitatem, hanc primarum viscerum, hinc & sanguinis, & caeterarum corporis partium, solutionem effugere, non difficilè queant. Humana porrò cadavera, nisi muscarum ovis imbuantur, vermiculari nunquam, inferius liquebit. In animali verò sanguine, motibus tantis tritibusque innumeris continuè quassato abruptoque, vermes neque quiescere, neque idè depasci, neque ideo vivere, aut excludi possent. Quamquam vermium ova, quae sanè nec morâ, nec



pabulo indigent , aliquandiù possunt per sanguinem volutata lervari , deindè in certam aliquam partem , ubi foveantur quietèq; foetus excludât , ab eodem deponi . Sed haec tamen , si diutiùs ab hoc torrente rapiantur , jactentur , atterantur & calefiant ; infringi etiam & destrui , necesse est . Sed quod magis hypothesei ad-versatur , ipsa quidem oculorum fides est : Quandoquidem alba aut alterius coloris insecta , in sanguine pro naturali usu seu ad prævum hauriendum sanguinem , habitantia , cucurbitae seminum , vel myrti foliorum similia , venis eorum ita dispositis , ut nervos foliorum referant ; scatentia insuper syphonibus , in capitis posteriore , vel superiore parte hiantibus , ad sanguinem prius imbibitum , more Balaenarum eructandum instructa , seu Balaeniformes vermes , in rubro microcosmi Oceano innatantes , quos describit Borellus ( c ) Andriusque confirmat ( d ) nos certè videre hæcenus non valuimus . Qui verò ex Recentioribus sanguineos describere naturales vermes susceperè , hos sanè variis formis , inter se se & ab allata valdè disparibus , attulerunt : Ut ideò admodum probabile videatur , Neminem hæcenus proprios sanguinis vermes revera inspe-

xissè

(c) *Cent. III. Obs. IV.*(d) *Cit. Oper. Cap. III.*

xisse. Equidem acutissimi, super alios quoslibet, minimorum in liquoribus insectorum Inquisitoris Viri, seu Leeuvvenhoekii, altum de sanguinis vermibus undequaque silentium; ejusdem verò confessio, nullos unquam, quâcumque industriâ usus esset, in humana saliva deprehendere potuisse (e), praeter alia, argumento esse videntur; hos in naturali sanoque statu reipsâ non existere. Memini Amici cujusdam, Physices Professoris, qui me, optimis *microscopiis* anglicis dives, aliquando laetanter conveniens, vermiculos in sanguinis guttula, acu a digito extracta, ostendere mihi sollicitè conabatur. Ego hercle opaca quaedam plana corpuscula, a globulis distincta, eisque interspersa, non albarum, sed obscurarum ad instar macularum, videbam. At neque in iis organicam animalis figuram; neque (quod caput est) vitalem aliquem motum, quâcumque adhibitâ illorum vitrorum industriâ, videre unquam potuimus. Saepiùs verò eodem successu experimentum idem tentabamus. Interea, ut in sanorum bile, saliva, urina, sero, lymphâ aliisque, qui a sanguine exeunt, humoribus, vermiculi non deprehenduntur; ita in variis morbis *animalcula*, in

A a 3

iis

(e) *Arcan. nat. pag. 42. & seq.*



iis liquoribus natantia perspecta esse , extra omnem dubitationem est . Namque in vitata bile vermiculos a Bidloo , Redio , Vallisnerio Aliisque visos fuisse , jam diximus . Ruyschius in biliosis pariter vervecum vasis perspexit ( *f* ) quae quidem bruta sana non fuisse , putandum est . Scriptores , qui rabidorum animalium faeculae vermiculos attulerunt , seu Avicennam , Alzabaravium , Nic. Florentinum , Valleriolam , Mathiolum , Salmuthum , Th. a Vega Aliosque , Cl. *Desault* eleganter collegit ( *g* ) . In urina hominum , malignâ febris correptorum , *vermiculos rubri coloris* , licet exiguos , non semel vidisse , Cl. Lanzonus testatur ( *h* ) Nos ipsi in febre illa acuta *epidemica* , quae verno tempore ann. MDCCXXXIV , Taurini primùm prodita , & vere sequentis anni noviter recrudescens , hanc Urbem , atque universam ditionem , dudum devastavit ; simulque alias Italiae & Europae Regiones adorta est , nec suo contagii gradu caruit ; Nos ipsi , inquam , in aegrotantium urinis , in sputis ipsisque lacrymis *animalculæ* , vitris optimis , observavimus . Quo-  
rum

( *f* ) *Observat. Anatomico-Chirurg. LXIV. , Cent. I.*

( *g* ) *Dissert. sur la Rage pag. 266.*

( *h* ) *Ephem. Cur. Cent. V. Obs. LXXII.*

rum fermè rotunda corporis forma cum bifidis ad dorsum testulis, velut alas obducentibus, similis esse videbatur iis insectis, quae, non ita minima, contrayeram, acorum, rhabarbarum, aliasque radices in officinis exedunt. Haec tamen volatilia esse observantur, seu jam ab aureliis exclusa: Cum sanè eorum vermes, ob exilitatem, visum effugiant. An quoque similia illa nostrorum aegrotantium, sed multo minora insecta, volantium generis essent, deprehendere non potui. Insecta hujusmodi an has febres produxerint, an ab iis producta, an solum adjuncta fuerint, Posterì Cordatiores viderint; qui in aliorum quoque morborum vermiculos curiosius, nobisque forsan felicius animadvertent. Porro toties laudatus Andrius, in serosa substantia extracti sanguinis puellae, *sypbilide* detentae, plures vermes manifestè perspexisse tradit. (i) Aliique alios, in morbois humanis laticibus visos, memorarunt. Porro in iis succis, qui suas stationes, suaeque promtuaria consequuntur, morbosos vermes nidulari posse servarique, non difficile intelligimus: Sed hoc in ipso sanguine, semper, ut vidimus, irrequieto, fugaci intimèque divulso penitusque attrito, satis



intelligere non possumus. Quamobrem, etsi laudatus Lanzonus vermes in ipso sanguine, febris maligna correpti hominis, *clarissimè observasse* dixerit; (l) Bidlous in humanis cunctis, liquidis solidisque partibus morbiferos vermes insidere posse velit (m) Ita Kerkringius, ita Listerus, ita Alii plures: Et Ruyschius in arteriis viventis equi singularia animantia conspexerit (n) & Hartloekerus plerosque humanos morbos a vermibus effici, & in veneris morbis *innumera invisibilia insecta*, scenam omnem ludere attulerit; (o) & Faber, Kircherus, (p) & Alii (ut inferius) pestem ex *sanguineis* singularis generis *vermiculis* deduxerint; & Plinius ipse de phthiriasi loquens, asseruerit; *Nasci in sanguine hominis animalia, exesura corpus*; (q) Et Plures cum Lipsiensi Langio (r), ad morbos penè omnes procreandos, in humano sanguine *Pathologiam animatam* effinxerint; & demum recentissimi Aliqui, pro malignarum

(l) *Cit. loc. & Observat.*

(m) *Cit. Oper. de animalculis in ovibus &c. detectis.*

(n) *Cent. I. Observ. LXIV.*

(o) *In sua altera Epist. ad Andrium.*

(p) *De Mundo subterr. & in tract. de peste.*

(q) *Lib. XXVI. Cap. XIII.*

(r) *Commentar. in Fabrum.*

gnarum febrium causa, verminosam in sanguine luem, tanquam si reapse compertissima foret, tutè stabilientes, hydrargyrum, earum proprium antidotum esse, decantent: Nihilo tamen minùs satis hætenus demonstratum non fuit, morbosos vermes cum particulis sanguineis, aut *sanguineo-serosis* fuisse diu proprièque commoratos: Et quamquam in sanguine visi illi fuerint; nihil quod certum sit, de propriarum figura motibusque hætenus reportavimus. Quinimmò inexplicabiles sanguineorum vermium metamorphoses animo continuè fingendæ sunt: Etenim hi non amplius instar quadrupedum, reptilium, salientium aut volucrorum animalium; sed ad morem piscium, in humorum torrentibus & fluviis exquisitè natantes aestimandi sunt. Quantum igitur eorum naturæ, respirandi modi, formæ, vires, origines, alimenta, generationes & domicilia, si fortè hi vermes adessent, ad hanc usque diem laterent! Quippe cum, ob dictas rationes, constet nobis, vermes in viventis sanguinis alveo generare non posse, immò in eodem aliquandiu subsistentes, necessariò mori atque destrui; semper de partibus, undè exclusi traductique in sanguinem, aut ejus serum fuissent, inquirendum superesset. Ut ideo præjudiciis



ciis depositis, neque morbosos vermes, sanguinis inquilinos esse, aperte dignoscamus. Non inficiamur igitur, Kircherum Aliosque, non in pestilentibus solum, sed & in aliis abscessibus, in cancris, ulceribus, variolis aliisque tumoribus, quin immò in *scorbuticis* ipsis, ut volunt, maculis, vermes videre potuisse: Hos tamen in haec loca a sanguine, tanquam proprios suos constantesque hospites, fuisse depositos, rursus non assentimur. Qui nempe, vel in illis sedibus, ab ovis, extrinsecus per aërem, aut imposita lintea & splenia aut herbas, aut alia topica adjuvamenta delatis, nati sunt; vel sola eorum ova, ibidem a sanguineis liquoribus tracta, hinc in vermes evasa; vel tandem, si quidem nati jam ipsi vermes, a sanguine convecti fuerint, non in sanguine, sed in aliqua corporis parte exclusi, sanguine solum, tanquam plaustro & trajectu, usi fuerant. Placet igitur, animo effingere, *Epidemicarum* vagantium acutarum febrium aliarumque aegritudinum principia, sita esse in quibusdam insolitorum insectorum invisibilibus turbinibus, per certos ventorum afflatus nostram in atmosphaeram translatis, & in hac se volutantibus: Quae indè famelicæ hostiles familiae & turbae, huc illuc casu excurrant: Eodem pacto

Epidemici  
vermiculi quo-  
modo effingi  
possunt.

Et ac verno interdum aestivove tempore, densissimos per aëra dispersos minimarum muscarum, seu culicum aut papiliunculorum vortices circumversari conspiciamus; Qui aliquandiu gyris suis & orbibus sedem unam occupantes, ibidem pascuntur; absumptoque hoc pascuo, fortuito, in aliam vicinam sedem evolant; ibidemque etiam, hinc alioversum, ad aliquod temporis perniciosissimè rotantur. Atque hos rotantes *epidemicos* vermiculos ingredi cum aëre aliquando in homines, per ipsos effundi & depasci, pluresque, juxta varias in eis succorum indoles, eversiones agere, non difficilè percipimus. Sed eorum in hominibus generationis atque propagationis loca, undè contagii aliorumque effectuum ratio est, prorsus ignoramus. Placet insuper concipere, *epidemicas* has lues, vel in ipso incremento, illicò interdum deleri: Cum nempe nova aëris aut ventorum constitutio, suam quoque pestem & stragem, aut fugam iis vermiculis intulerit: Non dissimiliter ac bruchi, agros, arbores, tecta, parietes, domos nostras confertissimè saepe obumbrantes, ob eandem rationem extemplo, aut citissimè evanescent. Quod etiam de muscis, pulicibus, aliisque insectis dicendum. Placet denique, contagiosos morbos, ut strumae sunt



sunt, maligna febris, pestis, lepra, scabies, tinea, herpes cenchriades, hydrophobia, dysenteria, gangrena, phthisis, furunculi, lichen seu impetigo, variolae, syphilis, scorbutus alique, hos, inquam, omnes aut plurimos, diversi generis infecta hinc inde repentina, saltantia, aut volitantia, aut etiam natantia confectari. Sed cujus naturae cujusque formae haec animantia sint; quo pacto sobolescentia; quid agant in sanguine; & quibus in partibus quibusque viribus res suas exequantur, adhuc ignotum.

*Pestilentes vermes, eorumque  
Pavorum Chronica Series.*

Non est interea, quod gravium Scriptorum cohors truculentiores contagiosos vermiculos, seu pestilentes, omni aevo tuita ac prosequuta non fuerit: Quorum si hic loci chronicum brevissimumque sermonem egerim, placere putem. Insectorum enim malignorum atque pestiferorum, reptilium, salientium, aut potius volantium hypothesis ad hanc aetatem invaluit, quae jam apud Vetustiores incoeperat. Varro (f), posthinc Columella (t) malignas atque epidemicas febres ab examinibus insectorum, & paludibus prodeuntium, oriri scripserunt. Porro inter Recentiores primus omnium, ut puto, Georgius

(f) *Lib. de Re Rustic. ante C. 25.*

(t) *Etiam lib. de Re Rustic. A. C. 57.*

gius Agricola, vermiculos in pestem, saltem tanquam effectus, induxisse videtur (u) Ad superioris saeculi initia Fabritius Hildanus vermiculos, pestis comites esse arbitratus est (x) Ita Riverius (y) Sed ante Montspeliensem Doct. Riveriū, Petr. Joh. Faber, pariter Montspeliensis Doct., pestis infecta expressim descripserat (z) Postea Hauptmannus, (a) hinc P. Kircherus (b) pestem a vermiculis, per singularem putredinem ortis, explicarunt: Cujus quoque P. Lana sententiae est (c). Fabrum atque Kircherum, Christ. Langius sequebatur (d) Langium verò Macalvus (e) Paullinus (f)

&c

(u) *Lib. de Peste* 1554.

(x) *Cent. 4. Observ. 23.* 1619.

(y) *In X. Observat. infrequent.* 1646.

(z) *In Pathologia Spagirica seu insign. curat.* &c. 1627.

(a) *Epist. Praeliminar. ad Tract. de viv. mort. imag.* 1650.

(b) *In scrutinio Physico-med. Pestis* 1658.

(c) *Prodromo all' Arte Maestra Cap. 8.*

(d) *In Animadvers. ad Pathol. spagiric. Joh. Fabri: Et in Praefat. Operis Athanas. Kircheri* 1659.

(e) *In edition. Prodrom. Pathol. animat. Langii* 1666.

(f) *Disquis. Cur. An mors naturalis pler. sis subst. vermin.* 1671. & 1703.



& G. Francus (g). Bocconus quoque pestem ab insectis, per aëra vagantibus deduxerat (h), Demum nostro hoc saeculo diligentissimus Vallisnerius in bovilla peste, horumce brutorum sanguinem minimis pestilentibus vermiculis refertum, una cum Doct. Bono aperte vidisse affirmat (i) Tum verò Cl. Cogrossius pestifera infecta ratiociniis & analogia firmabat (l). Firmarunt quoque rationibus multis Bartholomaeus Curtius (m) P. Saguens (n) Aliique; quos mitto, cum animatae pestis Historiam non sumpserim. Celtica lues pestis unum genus adimplet: Et sanè huiusmodi, primo suo in Europam ingressu, omnino est habita: Quum nempe in magnis Urbibus hoc morbo laborantes, instar genuinà pestilentiam affectorum, in sequestrum, secretaque a commerciis hospitia, publicis sanctionibus cogebantur. Ita quoque contagiosorum huius morbi

Celtici vermes,  
eorumque Pa-  
troni.

ver-

(g) *In Praefat. Operum Langii* 1688.

(h) *Osservazioni naturali* 1684.

(i) *Idea del mal contagioso de' Buoi* 1713.  
& in nova edit. 1733. Tom. II. *Operum Vallisn.*

(l) *Lettera del mal contagioso de' Buoi* 1714.

(m) *Lettera intorno all' aria, e vermiccinoli, se cagioni della Peste* 1720.

(n) *In Systemate Pestis Physico* 1722.

vermiculorum sui non minùs Fautores jam dudum extitere . Nam in urinis venerea lue infectorum hominum „ multoties in- „ natate animalcula formicis affinia „ ( ut superiùs pag. 329. dictum est ) Lev. Lemnius atque Wierus , ferè ante duo saecula affirmaverant , ( o ) . Superiori igitur saeculo Abercrombyus „ de venereis vermiculis „ jam dictum fuisse „ monuit ( p ) . Hartloëkerus , ut diximus , venerea haec infecta amplexus ac prosequutus est in Epistola ad Andrium ( q ) Andrius verò ad hoc saeculum , quamquam celticos vermes postremis sui operis editionibus deseruerit , peregrinos tamen vermiculos in sero puel- lae , *syphilide* affectae , ut supra , vidisse fatetur ( r ) . P. Calmet Lepram & *syphili- dem* perindè esse , utramque a specialibus vermiculis exoriri contendit ( s ) . Cl. Deidier Calmeti sententiam ambis ulnis am- plectitur

- (o) *De occultis nat. mirac. lib. 2. & De prae- stig. Daemon. lib. 3. ann. 1564.*
- (p) *Tuta ac efficax luis ven. cur. meth. 1684.*
- (q) *In laudat. Epist. 1699.*
- (r) *In Oper. tot. cit. 1700. & post alias edit. 1718. Cap. III. Art. I.*
- (s) *Dissert. de Lepra 1708.*



plectitur (t) Demum *Desault* verminorum hunc morbum esse probat, confirmatque (u) Sed neque hi vermes bene hactenus dignoti sunt .

Supercutanei  
hominum mor-  
bosi vermes: Et  
primum sca-  
biofi .

Verumtamen quorundam hominis contagiosorum vermium, seu scabiosorum, nonnulla sunt, quae luculenter innotuisse videntur . Atque haec, tantisper adhuc in argumento immorantes, breviter hîc dicere statuimus . Immo cum scabiosi vermes aliam a caeteris omnibus humanis constituent speciem; utpotè quorum scena *supercutanea* est; neque idèò hi vermes inter allatos subcutaneos vermes, aut alios quoslibet, reponendi esse videantur; eis quoque pediculares humanos vermes morbosos adjiciemus; qui certè non percipiuntur, nisi cum *supercutanei* sunt facti . Ita ex utrisque nova & postrema classis efficitur; quâ morbosorum vermium, in vivente homine non infrequentium, recensendae multitudinis finis sit: Et primum quod ad scabiem attinet: Puto, veteri non minùs aetate, quàm nostrâ, accuratiores Viros scabiei pustulas diligenter indagasse: Scabiosae enim pruriginis a vermibus ortus, fortasse *Plinium* non latuit

(t) *Dissert. sur les malad. venerien. 1723.*

(u) *Dissert. sur les maladies venerien. 1733.*

& *Dissert. sur la pierre 1736.*

latuit ; qui hanc *verminosam* vocavit . Scabiei rodentem vermiculum Joseph Laurentius ( y ) *acarum* & *teredinem* vocat : Haec nomina graeca sunt . *Acaros* verò ( de quo superius ) juxta Aristotelem , minimum *animalculum* est , quod in cera praecipuè gignitur : *Teredon* propriè significat vermem ligna erodentem , ex Aldrovando ( z ) vel etiam ossis erosionem , quae caries latinè dicitur . Alii , ut diximus , nomen acari tribuunt pediculis iis , sub cuticula latentibus , quos plurimi *Cirrones* aut *Syrones* vocant . Vid. Aldrovand. ( a ) *Syrones* interea scabiosi vermes non sunt . Porro scabiei vermiculus ab Italis proprio nomine *Pellicello* vocatur . Observationes in scabiosis vermiculis acceptiores , eorumque accuratae atque elegantes icones , *oprico* vitro adauctae , sub nomine Joh. Cosmi Bonomi Italicâ Epistolâ olim editae ( b ) atque Francisco Redi nuncupatae sunt : Quae indè a Doctissimo , nobisque olim Amicissimo Lanzono latinè reditae , novam apud Germanicas Ephemerides ( c ) lucem habuere : Hinc quoque

Bb

in

(y) In *Amalthea* .

(z) De *Insect. lib. VI. Cap. V.*

(a) *Ibidem lib. V. Cap. IV.*

(b) *Firenze 1687.*

(c) *Misc. Cur. ann. X. Dec. II. in Append.*



in Anglicis Philosoph. Transact. sub nomine laudati Bonomi relatae sunt (d). At tamen Celeber Hyacinthus Cestonus peculiaribus litteris ad Cel. Vallisnerium datis (e) aperuit, primae illius epistolae, ab eodem insuper Redio expolitae & inventis adauctae, se fuisse Auctorem: Atque in altera epistola, pleraque ea resumens, quae in prima erant tradita, singularia quoque adjiciebat: Ut, scabiem morbum semper extrinsecus advenientem esse: Veteribus quoque scabiosos innotuisse vermiculos; sed scabiosarum pustularum & internae putredinis filios fuisse creditos: *Animalcula* hujusmodi acuto capite erectisque ad rictus apicem corniculis, cutem fodere; unde exsudato sero aquosae bullulae prodeant: Hinc scabiem, hunc ipsum morsum esse, & pruriginosam rosionem: Ab unguibus inde scalpentibus discindi cutis partes & inflammari, ruptisque sanguineis tubulis, decorticationes inde crustatas, & plagas, & purulentas pustulas fieri: In quibusdam, quae magis rugosae ac sinuosae sunt, communium tegumentorum partibus, abundare, & ob commodiorem germinum depositionem, stabulari

(d) *Vid. Sagg. delle Transaz. filos. &c. Tom. III. fol. 53.*

(e) *Ad fin. Tom. I. Oper. Franc. Redi.*

stabulari hos vermiculos : Cur ad manus earumque digitos plerumque cumulationes sint : Quàm citò eorum foeturae multiplicentur : Quàm facilè & quot modis communicari valeant : Hanc ideò profapiam, productumque morbum, unis externis necantibusque remediis curanda esse : Curationem verò subitò ; & ad omnia pruriginum loca præstandam , nihil perspectis anni tempestatibus , nihil Lunae phasibus ; omnique aetate sexuque ; tum verò , ad ovorū quoque superstitum destructionem , vel post apparentem morbi finem aliquandiu prorogandam : Aliaque praeclara adjicit , aut potiùs repetit . Namque in prima jam epistola Honoratus Scriptor aquatilis , & valdè imprimis pruriginosas , neque adhuc crustâ obductas pustulas , in plurimis scabie detentis , variae aetatis , constitutionis sexusque hominibus , variisque anni tempestatibus , subtilissimâ acupertundens , in tenui expresso latice minimum album globulum percepisse tradiderat ; qui vitreâ lente perspectus , pusillum animal erat , testudinem formâ referens , coloris albidus , dorso obscurius , longis subtilibus pilis , atque sex pedibus instructum ; acuto insuper capite ; cornubus ad extrema proboscidis binis ; motusque imprimis perniciosissimi . Ad digitorum artus ,

Fig. XXIX.



intra exiles Epidermidis sulcos haec interdum *entomata* speculatus fuerat: Ubi primum eorum caput insinuant; indèque rodentia, molestissimum pruritum inferunt; donec omnino sub cuticula irrepserint: Hinc exedere cum prosequantur, unum sanè horumce animalium plures interdum pustulas, junctas aut attiguas, procreare advertebat; tum verò ex assidua eorum rosione, feri copias a ruptis cutis partibus effundi; quae, superstructâ sublata cuticulâ, vesiculas, sive pustulas elevent: Viderat demum ab iis viventibus ova edi, alba, perlucida, & instar pineorum seminum oblonga: Hinc faciles eorundem germinatus dignoverat, & celeres propagationes, promptaque per res externas contagia: Et cur praecipuè ab extrinsecus admotis, plusquam ab internis remediis, idest ab usurpatis stillidiis, balneis, unctionibus, ubi salia sint, ubi sulphura, vitriola, hydrargyra, simplicia vel *saliformia*, sublimata nempe aut *praecipitata*, *cutaneus* hic morbus, hospitibus enectis vermibus, profligetur: Tum verò cur ista lues, quae remediorum ope sublata jam prorsus videatur, brevi tamen interdum repullulet: Quò nempe ab iis praesidiis, nati jam solum vermiculi delentur; non ea tamen, quae superfue-

perfuerint , ova , profundioribus cutis *cryptulis* nidulantia ; novosque indè in vermes excludenda . Haëtenus Cestoni inventa . Atqui multae scabies ab interiori causa & sinè contagio sunt ; multaeque aliarum diversi generis aegritudinum crises evadunt ; quas scilicet suâ eruptione solvunt & judicant . Porro si quidem has scabies citiùs , quàm par sit , praecipuè externis remediis incauti medicentur ; aut hae spontè , vel causâ quâlibet retroactae sint ; teterrimi interni morbi fiunt ; nec plerumque superabiles , nisi quàm promptis validisque stimulis scabies ad cutem denuò revocetur . An scabiosi vermiculi , qui suaptè natura externi sunt , interni quandoque evadunt ? An duo scabiei distincta genera , verminosae , & non verminosae ? An scabies ab interna causa , scabies revera non est ? Sed cutis vermiculos , quoniam spectabiliores sunt , fusiùs , quàm videretur , retulimus . Alios minoris notae variarumque stirpium , qui quoque ad hominis exteriora concepti , nati , pascetes , generantes nidulantesque , suos progressus consequuntur , Alii referant . Ego brevi hac in Historia praetereo . Verbum pollicitus sum , de iis singularibus morbo-  
sisque pediculis , qui in cutis substantia sobolescentes , ab aliis discriminantur pe-



diculis, qui in *epidermidem* non penetrant, sed ad pilos seu crines, aut indumenta ipsa nidificant; & naturales sunt.

*De humanis morboſis pediculis: eorumq; & aliorum hominis morboſorum inſectorum ſingulorum com- meſſio.*

Porro humanum corpus fovendis alienisque infectis, ita a natura comparatum est, ut ejus non tantum interna; sed & externa membra atque organa magnam quandoque partem transmutari in vermiculos videantur. Id patet in morbo, pediculari dicto, seu a graeco pediculi nomine *Phtheir*, *Phtheiriassi*: In quo pediculorum est cutis meatibus eruptio tanta est; ut saepius infantes, interdum & adultos mirè torqueat; tamque abnormis ab externis ca nibus pullulantium colluvies, & rapida velut exundatio; ut brevi homines de medio tollere valeat, vivosque depascere videatur. Quam foeditate non solum Herodes, Sylla Dictator, Alcmeon Aliique apud Plinium & plures Veteres; sed recentibus quoque saeculis Principes, privati que Homines non infrequenter sublati sunt. Putant Aliqui, istiusmodi pediculos, scabiosorum vermium familiae adscribendos esse: Utpotè qui humidæ scabiei comites esse videantur. Nos tamen sine ulla scabie, Phthiriasin semel iterumque observavimus: Et Plinius de hoc morbo loquens, hujus vermes ex ipso sanguine deduxerat.

duxerat, (f) Ut superius est dictum. Atque hos pediculos Caelius Aurelianus *ferales* denominat. Ad trucem hunc morbum nulla olim remedia inventa fuerant: Singulare tamen novissimè inventum est. Namque non ita pridem in editis ab Anonymo quibusdam pagellis (g), propriis quidem notis descripti, atque iconismis signati sunt distincti omnes vermiculi, praecipuos, imò omnes, humani corporis morbos, singuli singulos, conficientes: Qui nempe in gutta extracti sanguinis aut urinae aegrotantium, aut in aegritudines propè tendentium, optimo vitro *optico* perspicuè numerosissimèque appareant. His verò morbofis internis vermiculis objicit Auctor LXXXXI familias externorum vermium; qui in aquea infusione, ex pluribus plantis & aliquot fossilibus corporibus praestita, citò excluduntur; & in qualibet minori gutta horumce infusuum, confertissimi perniciosissimeque, ejusdem vitri operâ occurrunt. Hos autem herbarios aut fossiles vermiculos hic Scriptor morbosorum illorum vermiculorum hostes sive *antagonistas* esse statuit: Utpote qui in aegri

B b 4

Ho-

(f) *Lib. XXVI. Cap. XIII.*

(g) *Système sur la cause de toutes les especes de Maladies &c. à Paris MDCCXXVI. & suite du système &c. MDCCXXVII.*



Homini corpus immissi, iis ita mordicus adversentur, ut lupi adversantur pecudibus, vulpes volucris, feles muribus, perdici accipiter, lucius carpaë & muscis hirundines: Bellentur itaque in humani corporis partibus & pugnent: Neque desinant, donec occiderint. Porro in iis recensitis ab Anonymo isto bellatoribus ac *vermicidis*, ideoque Homini saluteris externis insectis, scabiosorum insectorum *antagonistas* non video: Nisi illi fortè sint, quos ait Inventor noster *Cirones* interimere. Pediculorum tamè speciales inimicos vermes reperio. Sed velim, provida illa Commentatoris herba, undè ii educuntur, ab eodem *Nicota* dicta, confertissimos super aliam quamlibet, & super ipsam suam herbam *Xir* ( quae nempe, ipso docente, vermes generat, quorum unus sexagesimâ horae parte, plus centum *variolosos* vermiculos laniare valet atque comedere ) strenuissimos praeliantium ac devorantium, & fanè *comedonum* vermium exercitus proderet.

*Singularis  
Phthiriasis  
Historia.*

Mermini enim antè hos XXXX annos Matronam acutâ febre decumbentem vidisse; cui velut critica repentè Phthiriasis ita abnormis supervenit, ut familiares linthea & pulvinaria, novis semper pediculis referta & onusta, totâ & continuâ nocte è fenestris luceuterent atque abstergerent.

Mane

Manè verminosa germinatio desit. Mulier diu languit: At verò convaluit. Sed quamquam ipse de novo hoc vermium systemate jocosè dicere, videri possem (& sanè ex variarum plantarum partibus, & maximè foliaceis, aquae infusis, verno praecipuè aestivoque tempore, varia minimorum perniciosissimorumque insectorum prodire genera, ut aliàs diximus, id certum est: Sed varia in urinis variis varioque humano sanguine, semper videri insecta, id porrò incertum: His verò hostilia illa esse, omninò ignotum) convenit id tamen mihi cum Caeteris, nullum in editis libris paradoxum legi, in quo benè intelligentes Viri, boni aliquid piscari non queant. Porrò prima illa hujus Hominis commentatio, quae nempe proprios singulis morbis, atque diversos diversis, internos vermiculos respicit, sequela est celebrium Systematum Fabri, Kircheri, Langii, quae diximus; atque earum Historiarum & Historicorum de specialibus humanarum aegritudinum insectis, qui apud Marcellum Donatum (*h*) Christ. Paullinum (*i*) & G. Francum (*l*) amplè recensentur. Quae verò exterorum ver-

mium

(h) *Lib. IV. Med. Histor. mirab.*

(i) *Oper. superius cit.*

(l) *Loco superius cit.*



mium, internis humanis antagonistarum & cum his decertantium, altera ejusdem narratio est, minùs spernenda videri posset, si meminerimus, accuratissimos quoque celeberrimosque Viros, de vermium in humano corpore, multâ hostilitate adversantium, conflictibus cogitasse & scripsisse(m). Addendum puto: Typis editas hujusce Inventoris pagellas, ad nos anonymas, ut supra, pervenisse: Nuper verò Illustrissimum Astrucium, eruditissimo suo Opere *de Morbis veneris* (n), Hominis nomen obiter aperuisse (o), simulque *opticorum* ejus vitrorum fucum curiosè revelasse. Quamquam verò ultrò concedamus, lepidum istum Commentatorem naturalibus sibi cognitis rebus, artificii nimium superstruere voluisse; ita tamen illaudabilem non duximus, ut in hac Historia memorari non deceret. An non sagacissimi Hominis pars est, ea, quae lentè nobis gradientibus inaccessa sunt, uno mentis volatu superare conatum esse? Quid enim nobis de memoratorum pediculorum, ut & aliorum plurium humanorum *Entomatum*, patribus ac patriis est agnitum? An  
natura

(m) *Vallisnerius: De' vermi pestilenziali de' Buoi. Num. XVII.*

(n) *Lib. II. Cap. II.*

(o) *Vocat Boile.*

natura, ut diximus, undequaque animata est? An novus aut uberior quorundam animalium egressus & confluxus, solum aptioribus redditis congruentis nidi, pabulique conditionibus referendus est; si quidem nos ab exordiis, possibilibus omnium emerfurorum vermium vermiculorumque germina, juxta Neotericorum sententiam, nobiscum gestemus? Sed, donec germinum principia, progressus, complexiones, vitae genus, & maximè primigeniarum componentium partium naturam, vires, & numerum ignoramus, quid rectè & appositè de insectorum humanorum genesi moribusque disputabimus?

Neque solum, aptum natum est corpus nostrum nutriendis insectis, dum brevi hac vitâ fruitur; sed simul atque spiritu destitutum est, plurima diversae etiam speciei insecta ad ipsum concurrunt; ibique ova sua, tanquam iisdem excludendis atque fovendis aptissimum locum nata, deponunt. Inter insecta verò, quibus ova in humanis carnibus deponuntur, plerumque muscae esse solent. Id primum annotasse videtur nunquam satis laudatus Ruyschius (p) de vetustissimis a se visis cadaveribus loquens., Quaedam vidi, inquit, habitu suo referentia limum nigrum; alia dura

*De vermibus  
humanorū Cadaverum.*

(p) *In fine Deead. II. Advers. Anat.*



„ dura , sicca , contracta ; nonnulla in  
 „ cinerei coloris pulverem mutata , sed  
 „ haec rariora : Quin & alia vidi , a ver-  
 „ mibus rosa ; verum illa solummodò,  
 „ quae aestivo tempore defuncta , a mus-  
 „ cis , ova sua in iis ponentibus , erant  
 „ infestata : Haec enim inveniebam ple-  
 „ na vermium aureliis , ex mortuis ver-  
 „ mibus enatis. Vidi cadavera humi con-  
 „ dita non consumi a vermibus , nisi enar-  
 „ ratis modò in casibus . Utcumque ali-  
 „ ter sentire intellexerim ab infantia us-  
 „ que , omnes ferè Homines „ Muscae  
 „ igitur , quibus ova in humanis carnibus  
 „ deponuntur , aliae , ut supra adnotatum  
 „ fuit , vivos jam foetus , aliae verò sobo-  
 „ lem ovis adhuc inclusam parturiunt . Ver-  
 „ mes isti a muscis viuentes editi , vel ab  
 „ ovis subindè exclusi , minimi primùm , &  
 „ vix nudis oculis conspiciui , brevi deindè,  
 „ & maximè vigente calore , grandiores eva-  
 „ dunt , carnesque erodunt ; & nutriuntur ;  
 „ donec faseoli magnitudinem mediocis  
 „ acquirant : Longi sunt magis , quàm lati ,  
 „ ab una extremitate obtusi , ab altera verò  
 „ acuti , interim rotundi , albicantes , luci-  
 „ di , geniculati ; qui datà occasione flectun-  
 „ tur ac sinuantur in arcum : Et capite in-  
 „ terdum caudae admoto , impetu subindè  
 „ resiliunt : Nec solùm hinc indè feruntur ;

Sed

Fig. XL

Fig. XXVI

Sed quod iis vermibus, super alios fortè magis famelicis robustisque, singulare est; Se a cadaveribus ad IV usque pedum distantiam jaculantes, astantium Hominum vestibis, non certè pedibus, quibus carent, sed geniculorum limbis, fortiter adrepunt. Denique aliorum volatilium more abbreviantur; corticem duriusculum acquirunt; in *nymphas* seu *chrysalides* abeunt: Ex quibus singulis postea volatile insectum, parenti simillimum, seu musca prodit. Sicque continuatis transmutationibus, certo ordine constantique naturae lege statutis, horum animalium soboles atque determinata species propagatur. Haec quidem vulgaria; hîc tamen non ineptè facientia.

Fig. XXVII

Fig. XXVIII

Antequam ultimam nostro huic Opusculo manum imponamus, opere pretium erit, ea omnia, quae nostra legentibus negotium facessere possent, currentis instar leviterque discutere: Ne fortè quis putet, nobis haec scribentibus in mentem nullatenus cecidisse ea etiam, quae deindè a rerum naturalium Cultoribus quoquomodo objici potuissent. Surget fortasse labentibus annis, qui rem conceptu difficilem dicat, quânam ratione aut quibus viis insectum illud, quod paulò antè retulimus, ad sinistrae spermaticae venae latus, in-

*Naturalium rerum superiores altioresque causas, plerumque indagari non possunt.*

Fig. XIV.

ter



ter ejusdem membranas folliculo excreto  
pervenire ; ibique appulsum, ad illam ma-  
gnitudinem ( ut ita dicam ) adolescere &  
vivere potuerit . Dicent plerique , non om-  
nibus Auctoribus fidem esse adhibendam ;  
immó iis tantummodo , qui res naturali-  
ter possibiles atque conceptu faciles, scrip-  
tis tradiderint ; Non veró illis , qui puti-  
dis quampluribus fabellis volumina im-  
plevere ; atque passim Serpentes etiam ,  
Anguillas, Bufones, Talpas per feminarum  
uterum excretos fuisse scripserunt ; quo ta-  
men nihil absurdius . Nos veró , qui ne-  
que ita boni sumus , ut statim prodigia  
quaelibet , vel audita vel in Scriptorum  
operibus perlecta, sinè ullo mentis ratioci-  
nio tanquam vera amplectamur ; atque  
etiam illud altae menti defixum est , om-  
nibus de rebus serió priùs dubitandum ef-  
se , quàm judicium ullum feratur , atque  
hâc tantum viâ aditum ad veritatem pa-  
tere ; ultró libenterque concedimus , non  
quibuscumque fidendum Scriptoribus ; ni-  
si priùs phisicarum rerum ordinem perpen-  
dentes , claré distinctéque , quae narran-  
tur fieri naturaliter posse , percipiamus .  
Intereà veró quia Hominum nulli fortasse  
datum est , ad intimam rerum notionem,  
quâcumque studiorum & meditationum vi  
adhibitâ , pervenire ; quod superiùs pro-  
posui

posui, intelligendum ita arbitror; ut ea etiam quandoque admittenda sint, quorum veritatem sensus ipsi, & longus rerum usus nos edocent; ratio verò certa, aut saltem probabilis, solertiores etiam Philosophos latet.

Quamobrem nunc praecipué disquiramus, an melioris etiam notae Scriptores ea afferant, ex quibus ratio deducatur, quâ inter venarum aliorumque vasorum membranas viventia quaedam insecta, aliquando inveniri possint. Sic eorum saltem ingeniis aliquo modo satisfaciemus, qui haec non modò vera, sed neque possibilia esse contendunt. Humani corporis, ut animalium omnium, ea est constitutio, ut nulla in eo etiam exigua pars inveniat, quae innumeris poris seu cavitatibus, cum corde ope arteriarum, succisque omnibus ope sanguinis communicantibus, non sit undequaque referta: Partes enim singulae nutritionem accipiunt & conservantur, ac diu in eodem statu permanent; vel crescunt, & majori tunc partium additamento indigent; non tantum ut earum particularum, quae avolant, reparetur jactura; sed etiam ut particulae addantur; quae deinde nutriendae parti inhaerentes, ac simul collectae, eandem grandiore efficiant. Quae omnia,

cum

*Proximaè verò  
atque inferiores  
indagantur.*



cum intelligi non possint, nisi corpus animale omni ex parte pervium & permeabile sit; liberrimus idcirco particularum aditus ad quaslibet, & ad minimos etiam & penè invisibiles pilorum apices, est concedendus: Immò non tantùm insensibilium, sed sensibilium humorum fluxus reflexusque, in minimis omnibus animalium partibus per quaslibet directiones fiunt; & tantà interdum celeritate, ut dicto citius evanescant, qui humores paulò antè in aliquam partem liberrimè delati, inflationes aut plenitudines velut momento temporis produxerant. His animadversis, si quis nunc insuper consideret, animalium & praesertim insectorum quorundam adeo minuta ac subtilia esse ova, vel semina, ut omnes oculorum aciem effugiant; intelliget etiam, quomodo haec a liquoribus ad quaslibet corporis partes deferri, neque solum in vasa, sed inter vasorum tunicas insinuari, possint. In hanc eandem sententiam Celeberrimi rerum naturalium Scriptores inciderunt. Clarissimus Vallisnerius, in rebus naturalibus perscrutandis nemini secundus, nec non Scriptor accuratissimus, haec habet, „ (q) Neque „ etiam ita difficile fuerit causam invenire

(q) *Epist. ad Lancis. : Nuova scoperta dell' Ovaia &c.*

„ re , quâ fiat , ut extra intestina vermes  
 „ interdum reperiantur . Ova siquidem  
 „ ipforum ita minuta , ita levia & ro-  
 „ tunda sunt ; ut vel angustissima vasa  
 „ subire , & humorum undâ , quoquo-  
 „ versûs devecta , *ad omnes* Corporis  
 „ *partes penetrare* queant „ . Ex quibus  
 verbis apertè patet , quàm facilè minu-  
 tissimum ovum , fortuitò cum alimentis  
 vel potulentis deglutitum , ad eas om-  
 nes partes dèvehì queat , ad quas nu-  
 tricantes latices perveniunt ; ibique etiam  
 ab eo animal excludi possit .

Quod autem superiùs , de vermibus ce-  
 rebri aliarumque reconditarum Hominis  
 aut brutorum partium dictum est , id ita  
 quidem certum esse putamus ; ut a ne-  
 mine in dubitationem possit revocari .  
 Omnia enim ea , quae possibilia sunt ,  
 nullamque repugnantiam , imò difficul-  
 tatem nullam involvunt , quicumque in-  
 ficias iverit ; illum profectò nonnisi per  
 injuriam id efficere posse arbitramur :  
 Quid verò , si revera esse , evidentissimè  
 demonstretur ? Fac enim , nostras Alio-  
 rumque superiùs fol. 345 . expositas Observa-  
 tiones , fide dignas non esse : Fac , pub-  
 licorum Commentariorum totque cele-  
 brium Scriptorum , & imptimis Godefridi  
 Bidloi , Redii , & Vallisnerii ( qui Viri ! )

*Reperti ver-  
 mes in Cerebro]  
 aliisque homi-  
 nis & bruto-  
 rum reconditis  
 partibus , tan-  
 tà firmanur  
 evidentiâ , ut  
 de iis ulterius  
 suspicere , in-  
 juriam esse vi-  
 deatur .*



ea , quae quoque superius attulimus, ver-  
mum in hepate , vel ovillo vel huma-  
no , inventa , etiam veritati consentanea  
minùs esse : Aberrasse insuper solertissimos  
Viros superius memoratos , quibus peri-  
cardii imò cordis vermes , fuerunt com-  
perti ( qui nam autem humani alii , plus-  
quàm horum viscerum vermes , clausi  
intimique esse possent ? ) Ponamus demum,  
tot tantosque celeberrimos Viros , atque  
solertes Anatomicos , qui perspicuè , nec  
semel , cerebroso vermes , rubros , ni-  
gros , pilosos , longiores , breviores , cras-  
siores , tenuiores , cum ore interdum , aut  
oculis conspicuis se moventes , quandoque  
fugientes , atque ad aliquod adhuc tem-  
pus aperto in aëre viventes , cum me-  
ningum erosione , aut cerebri corruptio-  
ne , aut solâ terebratione , aut etiam in-  
columitate ; in phrenesi , mania , dolore  
capitis , vertigine , perpetuis vigiliis , epi-  
demicis febribus , dissecto coram plurimis  
hominum mortuorum capite , speculati  
sunt , Corn. Gemmam (r) Paracellsum (s)  
Ballonium (t) Duretum (u) Forestum (x)

Schen-

(r) *De nat. divin. characterism.*

(s) *Paramyr. lib. 2. paragr. 2.*

(t) *Parad. 19.*

(u) *In Holler. lib. I.*

(x) *Schol. ad obs. 2. lib. 9.*

Schenckium (y) Rolinkium (z) Mouffetum  
(a) Garnerum (b) Sammichellium (c) Th.  
Bartholinum (d) Dom. DeMarchettis (e)  
Casalium, Spinellium (f) Andrium (g)  
Conradinum (\*) Coiterum (\*\*) Peucerum  
(\*\*\*) Imò in pineali glandula Hartsoecker-  
um (h) totque Alios; hos inquam omnes  
fac, viventia a non viventibus, insecta a  
non insectis, seu a polyposis, gelatinosis,  
pulposis aut alijsinodi corporibus, distin-  
guere nesciisse. Atqui sinè inexcusabili  
judicii errore id quoque sentire nullo mo-  
do liceret de illo recentium Anatomico-  
rum sanè Principe, Friderico Ruyschio;  
qui, vel omnino Senex, in naturalibus  
rebus omnibus inimitabilis Lynceus esse  
nunquam destitit: Non vulgaris Auctor;

Cc 2

non

- (y) *Traët. de dolor. cap.*
- (z) *Dissert. anat. lib. I. cap. 13.*
- (a) *In insect. Theat. cap. 30.*
- (b) *Epitom. seu brachylogia Loimodos.*
- (c) *Ibidem.*
- (d) *Cent. 1. Hist. 64. & cent. III. Obs. 48.*
- (e) *Misc. Cur. dec. 3. ann. 2. Obs. 53.*
- (f) *Ibidem.*
- (g) *De la generation des vers Chap. III.*
- (\*) *Cap. 10. Febr. Ungar. thetiad.*
- (\*\*) *In append. Obs. Anat.*
- (\*\*\*) *De Praest. Medicor.*
- (h) *In Epist. 1. Ad Andrium.*



Non nimiùm credulus ; Sed rerum, quas scriptis mandavit , semper oculatus, summaeque ideò fidei testis : Qui praeter caeteras naturales omnes res, exordia insectorum , sedes , exuvias , metamorphoses, progressus , naturas , species, quantum possibile , calluit : Quemque in iis ideò , quae vidit , descripsit , delineavit , aberrasse , nemo unquam sanae mentis proferre auferit . Hic sanè Vir , cum vermes non tantùm in cerebro , celebrium Auctorum testimoniis concesserit , sed in fellis folliculo , ductuque hepatico & cystico vervecum , & in arteriis equorum inspexerit (i) ; tum verò praecipue , vermes ipsemet aperte ostenderit, non solùm in animalium cerebro delitescentes, sed in partibus, cerebro ipso magis reconditis , minùsque exteriùs apertis, seu in majorum duriorumque ossium medullis & penetralibus ; dubium certè omne pertinaciori Cuilibet aliquando sustulit . Quare gravissimas ejus Observationes , ad nostrum absolvendum opus , adamussim transcribere libet.

*Ruysschii, De ab-  
eitiis hominum  
brutorumve pe-  
regreinis vermi-  
bus , aliisque  
animalibus aut  
eorum partibus,  
Observationes.*

„ Nescio (l) an Medici , atque natu-  
„ ralis historiae studiosi, invenerint un-  
„ quam aliquid , quod magis apparet  
ad-

(i) *Observ. Med. Chirurg. LXIV.*

(l) *Frid. Ruyssch. Adver. Anat. Dec. III. n. VI.*

„ admirandum , quam id , quod jam de-  
„ scribam . . . . Ego certe ubi rarum  
„ hoc , neque creditum mihi unquam  
„ spectavi phaenomenum , obstupui at-  
„ tonitus , vix mihi met , propriisque  
„ oculis credens , dum insolitam , &  
„ inauditam rem contemplor . Suaserat  
„ mihi saepe imò & urserat clarissimus  
„ Boerhaavius , ut acriter inquirerem in  
„ fabricam interioris partis ossium , quae  
„ membranas , vascula , medullam horum  
„ continet , semperque dixerat ; esse ibi  
„ multa , quae diligentissimi Malpighii  
„ industriam , atque Haversii sagacita-  
„ tem , subterfugerant ad hoc usque tem-  
„ pus . Ego qui maxime occupabar in  
„ molliorum partium fabricâ rimandâ ,  
„ tandem toties instigatus ab Amico meo ,  
„ parui ; atque perscrutandis imis ossium  
„ meditullis me dedi per longum satis  
„ tempus , noctes diesque impendens his  
„ ad intima usque perspiciendis . . . .  
„ Vidi enim residuas , vel depositas ex-  
„ vias veras chysalidum dictarum vel  
„ Nympharum apud Zoographos . Testu-  
„ las , ut ita loquar , ajo me reperiisse ,  
„ quae integumenta fuerant viventium  
„ olim animalium . Erant primò tam  
„ exiguae hae pelles , quas mihi ibi la-  
„ tentes ostendebat Artifex egregius , cu-



„ jus utebar dexteritate ad ossa haec ser-  
 „ ra juxta longitudinem secanda, ut fa-  
 „ cilé effugissent meos oculos, nisi fuif-  
 „ sem utcumque peritus historiae inse-  
 „ clorum. Incitatus primo hoc calu, sur-  
 „ rexi animosior ad inspicienda ossa,  
 „ statimque inveni in cavitate ossis fe-  
 „ moris, & in osse humeri eadem ani-  
 „ malcula, ut in asservatis hic domi  
 „ meae cuilibet curioso ostendere prom-  
 „ tus sum. Ultra pergens, spectavi haec  
 „ non modo in ossibus adultorum, sed,  
 „ & in osse tenelli Infantis. Ita quidem  
 „ ut in octo distinctis ossibus jam ea  
 „ ostendere queam. Id veró memorari  
 „ quoque meretur, chrysalidas has non  
 „ unius modo sed triplicis, & diversae  
 „ fuisse speciei, ut in figurâ depingendas  
 „ curavi. Non quidem recentia erant  
 „ haec ossa, attamen undequaque inte-  
 „ gra ita, ut nihil penitus inesset, quod  
 „ corruptionem ullam, aut putredinem  
 „ referret, ut domi meae in Thesauro  
 „ novo videri potest. Siquis rogitet,  
 „ quânam in cavitates has talia ingredi  
 „ possint, ego vicissim rogabo per quam  
 „ viam in arteriam magnam sub corde  
 „ integer fasciculus oblongorum imple-  
 „ xorumque inter se vermium factus sit  
 „ ingressus? Hunc tamen vidi, atque  
 de-

Vid. Russek.  
 Dec. III. Tab.  
 I. Fig. I.

„ descripsi : Unde in ovario muliebri  
 „ series dentium ? unde lumbrici lati ,  
 „ & triginta ulnas longi in corpore hu-  
 „ mano ? unde crus Infantis in Athero-  
 „ mate placentae uteri ? unde sex pingues  
 „ crassae eruae in cerebro ovillo ? unde  
 „ animalculum quadrupes crumenula  
 „ coercitum rejectum vomitu ? Haec ta-  
 „ men omnia vidi sic ibi nata , partim-  
 „ que in novâ collectione asservo partim  
 „ in Thesauro Imperatoris Russiae servan-  
 „ tur . Haec vix videntur fide digna .  
 „ Sed legisti aliud olim quod scripsi .  
 „ Vir egregius implorans meum consili-  
 „ um accedenti ostendit multas chrysa-  
 „ lidas parvas , quas cum urinâ suâ re-  
 „ jecerat quotidie , quarum mihi nonnullas  
 „ dabat in Pyxide ligneâ , ut in rem  
 „ inquirerem . Dum die sequenti pyxi-  
 „ dem aperio , multa per eam volita-  
 „ bant exigua animalcula depicta in  
 „ Thesaur. Anat. I. Omnia haec qui pon-  
 „ derat , mecum , opinor , fatebitur ,  
 „ scientiam omnem , quam huc usque  
 „ de rebus naturalibus habemus , nullo  
 „ modo attingere posse modum , quo tam  
 „ mira efficiuntur quae fieri tamen vi-  
 „ demus &c. . . . . Saepe numero con-  
 „ querentes audiivi optimâ fide homines  
 „ de intolerabilibus in ossibus femoris ,  
 „ tibi-

*Eruae , simi-  
 les nostris , sup-  
 rius descriptis ,  
 a Ruyschio in  
 ovillo cerebro  
 reperiit .*



,, tibiae , humer , brachii doloribus , ne-  
,, que tamen eorum atrocitatem augeri,  
,, licet affectas partes premant , tundant ,  
,, tractent ; Interim sunt violentissimi in-  
,, terni dolores . Dixi saepè his imis hae-  
,, rere malum medullis , quin & ipsi hi  
,, aegri verbis exprimere conantur ve-  
,, rum rei sensum , dum ajunt in ipsa  
,, ossis mole sedere , quod sentiunt. Quia  
,, tales verò reliquiae hujusmodi animal-  
,, culorum in mediis ossium cavitatibus  
,,prehendimus ; fortè liceret credere,  
,, produci illa tormenta ab insectis exi-  
,, guis , ibi stabulantibus , quae morden-  
,, do , rodendo , terebrando exedant te-  
,, nuissimam membranulam , quae me-  
,, dullam ibi contentam ambit. Certè de-  
,, functis hisce nulla est occasio intima  
,, horum ossium perscrutandi ; attamen  
,, certo constat , dolores hujusmodi usu  
,, Mercurii , ut veri contra omne ver-  
,, mium genus antidoti , perfectè sanari.  
,, Affirmo bonâ fide sanavisse me multos  
,, homines , qui multos per annos dolores  
,, enormes ossium passi , nullam tamen , vel  
,, minimae labis á lue venereâ ortae suspi-  
,, cionem dabant , vel signum , idque ope ar-  
,, genti vivi . Forfan tum haec animal-  
,, cula occisa . Sed nec illud ultra mo-  
,, dum problematicum dictum est ; Ma-  
net

„ net tamen interea certissimum, chry-  
 „ salides hasce ibi in cavernulis ossium  
 „ latitare, sed & verissimum quoque est  
 „ ossa illa undique integra, non rosa,  
 „ terebrata, cariosa, rupta fuisse: Quin  
 „ & nulla vel minima in iis spectatur  
 „ apertura, aut rima vel minima prae-  
 „ ternaturalis. Denique in osse humeri  
 „ Infantis unum modo annum nati re-  
 „ perii easdem. Si autem dubitet quis  
 „ de rei veritate, caeterisque memoratis  
 „ circumstantiis, hunc ego domum meam  
 „ invito, huic ajo, veni, & vide &c. „

Plurima addit Ruyschius, quae omnia  
 hic transcripta referre non est necesse:  
 Cum huc usque allata satis superque ad-  
 rem faciant. Quamquam verò non om-  
 nia, quae ad morbosam generationem  
 comprobendam attulimus, a nobis ipsis  
 inspecta fuerint, imò plura ab Aliis tan-  
 tum accepta retulerimus; non tamen ex  
 iis sunt, quae nullam apud cordatos Vi-  
 ros fidem invenire debeant. Nam & nos  
 illum risu exciperemus, qui ab olfactu  
 Basilicae herbae, in cerebro humano (m)  
 exortum fuisse scorpionem, & his similia,  
 pro veris vendicaret. Siquidem haec ra-  
 tionem non tantum non sunt consentanea;  
 sed etiam repugnant. At quae a nobis  
 visa

*Quod non re-  
 pugnat ratio-  
 ni. Et fidem ob-  
 servatione con-  
 stat, id in natu-  
 rali Historia  
 verum dicen-  
 dum.*



visa non sunt, sed tamen á Viris fide dignis, eademque non solum non repugnantia, sed possibilia, imó claris. Scriptorum rationibus & experimentis comprobata accepimus; illa sunt, quae nos pro veris habemus; & quae nostro huic opusculo inseruimus.

*Opusculum, si  
causae exci-  
tur, augubunt.*

Jamque opusculum exegimus. In quo brevis tantum notitia continetur triplicis generationis, naturalis nempe, vitiosae, atque morbosae. Has omnes generationes in Humano corpore contingere nemo est qui ignoret. Quod ad primam & secundam spectat, ea diximus, quae experimentis, & *anatomicis practicisque* observationibus comprobata, meridianâ luce clariora Multis videbuntur. Quod autem ad tertiam generationem, quam morbosam nuncupavimus; aliqua sunt, quae non facilem apud historiae naturalis ignaros fidem obtinebunt. Ast quid mea? Vel enim quis credat, vel dubitet, vel neget; quod mihi proposueram perfeci. Nam hâc in ultima parte, cum ea dicenda forent, quae ad generationem morbosam spectant, illam scilicet, quae in humano corpore a principio, hominibus non naturali fit; quaecumque nobis ex iis, quae attulimus, concedantur, Scopum attigimus. Plurimum,  
opus

opus hujusmodi crescere potuisset ; Si pensum , quod hîc non nisi breviter tractandum suscepimus , fusiori calamo exposuissemus . At , si occasio tulerit , opus hoc , multis observationibus adauctum , in novam lucem emitti non valde operosum esset .

ILLUSTRISSIMO VIRO, HONORATISSIMOQUE PRAECEPTORI,

JOH. BAPT. BIANCHI.

Dominicus Gallina .

*Regiae Domus in venaticis Aedibus  
Medicus S. P.*

CUM ad te , Vir Clarissime , quidquid praxeos in me est , referre debeam ; & te semper cognoverim earum praecipuè rerum , quae magis admirandae sunt , amatorem ; tres idcirco , quos ipse in Medicina facienda curiosè diligenterque observavi , neque ingenio tuo tuâq. animadversione indignos casus , breviter descriptos , ad te mittere statui . Puer Septennis , inops , pituitosae Constitutionis & melancholicae , lentâ & assiduâ





distantibus interstinctum ; aequalis undique latitudinis ; nullibi maculatum ; sed albicans ; & instar corneae subtilis laminae perlucidum. Lunatam, obtusam , salebris conspersam vermis extremitatem , pro capitis loco statuens , me multum a vero non aberrare puto . Nam etsi nullum os , nulli oculi , nulla nasi eminentia aut sinus , in hac ultima appareat ; ibi tamen esse caput nihilominus putavi ; eò quod ab hac parte motus inchoabat ; & ad alteram usque extremitatem , succedentibus invicem contractionibus atque extensionibus , procedebat . Insuper haec pars identidem supra truncum erigebatur : Ut in humani corporis teretibus vermibus , & in terrestribus , qui primitus caput erigunt , etiam fit. Capiti latius collum subjacet ; levioribus sed creberrimis incisuris distinctum : Quae inde per trunci progressum usque ad caudam rariores , & conspicuae magis , ac regulares occurrunt . Haec omnia , & insuper aliud extremum , seu caudam , in latum desinentem , ab ipso Archetypo videre potes. Digna observatione existimabis stamina , ad hanc usque diem in hac taenia velut adhuc subrubra , in parallelas series creberrime disposita ; ipsaque finitima genicula , productis ad utraque aequalibus partibus , firmiter nectentia . His positis ,  
tae-

*Fig. IV.*



taeniam hanc , praeter superiorem , unicum reverà , latum gracileque animal esse ; non autem plura simul annexa & haerentia minora animalia , absque ulla dubitatione sentio : Atque eò magis , quò insolubiles articulorum in tota ejus facie continuitates , praecipué per memoratos externarum fibrarum connexus , adhuc post multos menses , ut vides , persistunt . Insuper cum animadverterem , utriusque descriptae taeniae motum , regularem , uniformem , & *successivum* , seu reverà , ut aiunt , *vermicularem* , & motui vermium teretium omnino analogum ; quo scilicet à capite per collum , truncum & caudam , *successivis* & reciprocis contractionibus moventur ; An non unicum esse animal judicem ? At taeniam primò excretam , graciliorem , & breviorē alterà , quae ultimò excreta fuit , consideres , velim . Puer autem duplici haetaeniarum excretionē non multum solaminis accepit : Immo iisdem ferè affectionibus praegravatus , valde pallidus , & vix non cachecticus vivit . An verò id ex aliis taeniis , *intestinali* adhuc in tubo delitescentibus ; vel potius ex praeviis morbis proveniat , tuum sit decernere . Jam verò ad tertiam observationem devenio : Cujus apud Auctores ego nullam hactenus similem legi . Adolescentem aetatis sextum decimum agentem  
sericae

fericae arti operam navans, naturâ pituitosus, multumque somno indulgens, IV. Idus Septembris eodem elapso anno 1717., paulò post prandium atrocibus torminibus corripitur; quae duabus horis *epigastricam* praecipuè regionem excruciarunt. Accedebant vomitus: Quibus opportunè sedandis Theriacam & Diascordium administrabam: Sed ab iis ita potius acui visi sunt vomendi conatus; ut tandem unâ cum cibo aliquo recens sumpto, & *putriformi* quodam liquamine, animal, formâ invisum ejiceretur. Bombyci breviori proximum dixissem; ni capitis caudaeque fabrica, atque annulorum seu incisurarum numerus variaissent. Caput etenim accipitris formam, praegrandi, acuto apertoque rostro praeferebat: ex quo subater liquor & oleosus continuò manabat. Dum verò Bombycis corpus undecim compingitur annulis seu incisuris; nostri hujus monstri dorso decem & octo velut nodi, seu annuli aut articuli, accumbebant, ad totum truncum non aequales, sed versùs ventrem valde extenuati, ac ferè evanescentes. Interea undecim tantùm utrinque crura; atque ex cruribus obtusi pedes, iis majoris numeri articulis respondebant: Pedes & crura pilosa: Pilosum etiam universum Corpus: Cauda furcata: Color undique obscuro-cinereus, parvis subnigris maculis variatus. Vermis longitudo infra

Fig. XIII.

minor.



minoris digiti longitudinem; ejusque agilitas summa . Nam pluribus horis eum, ad instar pisciculi recens aquâ extracti, saltantem admirati sumus. Eruptum e stomacho adolescentis insectum & vivens, vivum ulterius fervare curabam; proindeq. varii generis escam apposui : At, cibis omnibus rejectis, folis lactucae foliis, eidem sortè porrectis, avidè vescabatur : Quo so o cibo contentum, in pixide clausum, quatuor integris diebus servavi . Quintâ vero die, domum, quâ egressus fueram, revertens, lumbricum non ampliùs inveni; Nec deinde ulteriorem de illo notionem habere potui. Porro cum antequam hoc animal amiserim, necem & consumptionem t mens, ejus imaginem curiosè designari curaverim; eam tibi, Praeceptor Doctissime, lubentè transmitto: Ut eam cum iis conferas, quae mox ex Archetypo descripsi . Adolescens, excreto animanti, vomitus aliquandiu sustinuit : Quod nos in suspicionem induxit, alios fortè ejusdem generis hospites stomacho adhuc includi . Sed sumpto *paregorico* remedio quodam & femine *santonici*, non nihil quievit: Et paulò post ab omni molesta affectione liber surrexit. Plurima super hac re Tibi inquirenda relinquo, Vir optime . Atque ut me amare pergas, etiam atque etiam rogo. Vale . Dabam ex Regiis venaticis Aedibus XVIII. Kal. Februarii MDCCXVIII.

# TABULARUM EXPLICATIONES

## TABULA I.

**O**stendit humanos naturales conceptus, ab ovo usque ad proventus foetus; & foetuum nonnullas partes.

Prima, atque altera Figura, binas exhibent ab humano eodem *Ovario* extractas diversae magnitudinis vesiculas, seu ova, non adhuc fecunda reddita; & in diversas facies perspecta.

Fig. I. Vesiculam depromit, seu ovum adhuc immaturum, seu minus; atque ad id lateris appositum, quo utriusque emisphaerii, seu opaci & a *placenta* obtekti, simulque pellucidi seu liberi, aequa pars sub oculos veniat. Ita *a.* emisphaerium est, *placentae* cortice involutum: *b.* emisphaerium non involutum.

Fig. II. Majus seu maturum ovum aperit; ejusque positionis, ut solum perlucidi, seu a *placentae* adhaesione liberi, emisphaerii spectanda facies porrigatur: Ad hanc vasa, nunc magis nunc minus rubra, eleganter reptantia visuntur: Quae non solum in ovis omnibus per *opticum* vitrum; sed in pluribus sine vitro apparent. Ornata extrinsecus vasis rubicundis ova omnia, primo aspectu videbantur in semina, superiori Octobri uteri inflammatione denata. Porro in horum ovorum, aliorumque similium, cavitatibus, quanquam multo liquore plenis,



nihil adhuc solidum liquori innatans videri potest. At verò ad eorum ambitum binae jam distinguuntur tunicae, seu chorium & amnios: Maximeque si cocta ova fuerint. Atque hinc a subiecto amnio solutum chorium atque subversum exhibetur.

- \* , Calix *ovarum* est, seu rotunda cavitas, in qua vesicula, seu maturum istud ovum continebatur; cum *vasculari* aliqua ejusdem *ovarum* superstitie ad latera substantia. In hoc folliculo *villosa-vascularis* apparet reticulus: Nihil luteum, nihil glandulosum. Calicis cavitas juxta incrementa maturescents ovi facile expanditur. Calices omnes ad *ovarum* tunicae contactum obversi sunt. Ovum, quod satis maturum est, ita ad hanc tunicam libero suo emisphaerio protuberat, eamque premit & extenuat; ut per hanc, instar *calci* aut vitri perlucidam, transpiciatur: Foecundatum verò cum fuerit, tunica ad subtilitatem summam deventâ, per cedentes ejus facileque diductas fibras, ut gemma per diductas corticis plantarum fibras, egreditur. Vacuatus inde conspicitur calix; vacuoque calici superposita extrinsecus, instar cicatricis, corrugatio: In cujus medio foramen plerumque diuque superest. Per haec foramina, iisque respondentia vasa illa, quae per anticum ovorum emisphaerium diffusa esse, superius Fig. II. ostendimus, generationis aperiri semita videtur. Nam virilis seminis fumus seu subtilissima pars, usque ad *ovarium* per adnotam tubam traducta, per patentiori oscula, quae quidem maturiorum ovorum sunt, in ipsum ingreditur: Ingrella, ad vasorum eorum procelus, cum foramine communicantes pervenit

venit ; in quos pariter introgreditur : Hic cum *umbilicalibus placentae* vasis continui sunt . Idèd per *placentae* vasa spiritus ille insinuatur in foetum : Et in hoc vitales motus illos omnes excitat ; quibus postea solemnis motus circuli , seu machinalis animalium fiat : Qui priùs in *embryone* , cordis atque arteriarum embolis quiescentibus , vix simplex mechanicus , & tanquam plantarum ordinis , fuerat .

Fig. III. Humanus *embryo* , quem , antè conceptionem , in vesiculae seu maturi ovi parte perlucida , per *opticum* vitrum explorata , sub incerti , obicurioris , inflexi corpusculi forma , sibi obvium fuisse factum , nuper ab Amico accepimus . Hic verò nos , nostro suspensio judicio , exemplar hujus ovi , simplici lente adaucti , velut ab Amico transmissum est , repraesentari curavimus .

Fig. IV. *Embryo* post tertium aut quartum a conceptione diem , jam nudo oculo sub minutissimi vermiculi specie apparens . Complectentis ovi figura , antea globosa , nunc ab ejus in uterum aditu , jam ad ovatam accedit : An non igitur eadem vesicula , seu ovum idem est , quod in primis figuris exponitur , a maturitate indèdque a *foecundatione* tantummodo elongatum ac dilatatum ? Porro qui in I. Figura minoris ovi medium occupans , *placentosus* cortex aspicitur , idem quoque adauctam hanc vesiculam , ad proportionem auctus complectitur . Hic utrumque , seu ovi atque *embryonis* corpusculum , sub naturali forma & magnitudine exhibetur . Haec a Matrona nobis familiari , quarto ab expletis catameniis die , per abortum exclusa , nostris in cimeliis diligenter



fervantur. In iis verò, quae demonstramus, an non illam perpetuam, quam tam sollicitè Natura intendit & postulat, viventium omnium germinum analogiam luculentè intuemur? Nam (missa quam jam ostendimus, simillimà plantarum re) cum majorum volatilium animantium germina, in vitellorum vesiculis, antè & post foecundationem conspicuis, racemo appensis, sita sint; minorum porrò, seu insectorum, è suis quoque vesiculis, eodem modo manifestis, prodeant; tum verò piscium germina in illis quoque perspicuis vesiculis sedeant, quae volatilium vitellis, & insectorum ac terrestrium animalium vesiculis conformes, a feminis deponuntur, indeque a maribus insperione foecundantur; cur humanum germen extra propriam vesiculam, quae pariter antè & post conceptum aequè perspicua, aliisque modis omnibus illarum consimilis est, seu in invisibili quodam luteo glanduloso, efficto ab ea distincto corpore reponetur? Tanti in viventibus generationum concentus, subversione quid opus est? Luteum glandulosum Corpus ovariorum muliebrum, simile est glanduloso cutaneo corpori. Cutaneae glandulae ab aliquibus Fautoribus inter cutem & cuticulam, ab Alteris inter cutem atque adiposam tunicam, a Tertiis in intima ipsa cutis substantia, statutae sunt. An non haec tanta de earum sede discordia, earum quoque commentis, fidem facit? Luteae glandulae, ab Alteris unà cum foecundato ovo in uterum delabi, ab Alteris in ovario constanter manere, praedicantur. An non ita adversae sententiae, fucum redolent? Quibus etenim credendum est

est? Qua de re, quemadmodum Cl. Ruyschius, qui ab initio, praejudiciis dominantibus arreptus, *cutaneas* glandulas videre se ac demonstrare putabat, rem dudum ac diligentius perscrutatus, denique has glandulas nullas esse, tutè alleruit atque revera demonstravit; ita qui Prius de lutea muliebrium *ovariorum* glandulosa substantia locutus est, si hac aetate scriberet, suum hoc inventum, ut de alio suo adiposorum ductuum invento lubenter fecit, lubenter defereret: Maximeque si, iis nostris, quae demonstramus, ritè perspectis, adverteret, quanta pulcherrimae *providentissimaeque placentulae*, ab humanarum rerum primordiis muliebri ovum amplexanti, soventi ac nutricanti, injuria inferratur; quoties haec eadem in hujus ovi *foecundatione*, lusu Hominum tollitur, commentitia subrogatur; ipsaque cum in uterum ducta, unà cum secundinis aliis accrescat, suamque operam compleat, eademque sit semper, quae in *ovariis* extiterat; ipsam non esse, nimio certè convicio affirmatur.

Fig. V. Clarior humanus vermis; seu foetus post VII a conceptu dies, a folliculo suo extractus, & manifestum vermem repraesentans: Ad naturalem idcirco formam ac magnitudinem delineatus. In hac quidem icone, praeter ovi seu folliculi figuram jam satis ovatam redditam, vermis partes singulae conspiciendas se praebent: Equidem gracilis, longus ac levigatus truncus, in longam acutamque caudam desinens, & nulla artuum vestigia, verminosam revera fabricam praeseferunt. At grandiusculum caput cum subjecto collo, quod

Dd;

trunco



trunco gracilius est, eique & capiti adeo interponitur, ut capitatus jam truncus dici queat, humani quidpiam jam redolet: Tum maxime, si faciem jam speculemur. Namque in

Fig. VI, Idem VII dierum foetus, *opica* lente adauctus & inspectus, praeter alias, quae nitidius spectantur, partes, jam quaedam in facie, humana vestigia porrigit. Vermis igitur trunco, non capite est: Seu homunculus est, in vitae scenam sub *vermiformi* larva primum prodians. Hic insuper conspicua fit hujusce vermis foetus connexio per latum ac velut *fascialem* tuniculum, ad amplum quoque *placentae* spatium. *Placenta* diligenti opere praeparata suasque in partes soluta, tum verò ad haec, quae vidimus, folliculi faciei latera circumquaque producta & expansa, elegantissimam suam *villosa-vasculari* fabricam patetfacit; easque imprimis subtiles innumeras mirabiles radículas, quas in subtiles quoque & innumeros uteri alveolos, pro succorum commercijs insinuare solet. Septem verò exquisitè dierum hujusmodi conceptum esse, ultra quamcunque dubitationis aleam est positum: Cum hic a castissima hujus Urbis clarique generis Femina, post totidem oppidò exactos ab ejus conjugio dies, fuerit per abortum exclusus. Hunc foetum, & abortum insuper, qui inferiùs sub XI Figura describitur, Laudatissimus Allionus noster nobis humaniter contulit; nobisque exactas eas, quas tradimus, utriusque *uterinas* aetates testificatus est.

Fig. V.

Quamquam Hippocrates effatus esset [a] septem dierum foetum cunctis jam partibus instructum esse

(a) *Lib. de Carnibus.*

esse ; superius tamen dixerat ( *b* ) foetum masculinum antè trigessimum , femellam verò antè secundum supra quadragesimum diem *inarticulatos* adhuc apparere ; Immò in foetu sex dierum neque vermiculi fabricam satis hactenus videre valuit ; etsi pro illa aetate plura jam viderit . Namque in illa , ut assert , tenellae *geniturae* excretionem , quam ipse in cantrice Femina imperato saltu procuravit ( *c* ) humanum jam valde accretum ovum suamque pellucidam habitudinem deprehendit ; & lucidum liquorem ovo inclusum esse , tum verò comprehensum foetum sub specie albarum crassarumque fibrarum , eique adnexum & eminentem umbilicum , & in umbilico jam sanguinem & tensam ex umbilico ambientem tunicam , seu chorium , animadvertit . Atque , si hîc obiter licet Medicinae Parentis honestatem vindicare . Quorsum Aliqui divinum Senem , feminae per saltum excretionem illam efficientem , infracti jusjurandi insimulant ? An non ipse eodem narrationis loco monuit , Hunc sex dierum foetum non animal , sed *future animal* fuisse ; praeterea foetum masculinum post triginta solum , femineum post quadranta duos dies , ad partium *coagmentationem* [ seu vitam ] pervenire ? Non igitur Hippocrates abortum conscientia procuravit ; cum sex dierum foetum , vivere non putasset .

Kerckringius *embryonem* trium aut quatuor a conceptione dierum describit atque delineat ( *d* ) qui potius cimis , quàm vernis figuram

D d 4

( *b* ) *Lib. de nat. pueri .*

( *c* ) *Ibidem .*

( *d* ) *In Antropogeniae Ichnographia .*



ram praefert: Tum verò umbilicalia vasa & ab eis coalitam *placentam*, quae vel in primis *embryonibus* revera sunt, ab eodem excludit. Sed tam parvulae, tenerae ac penè diffuentes res, plerumque non ita ab adnexis aliis expediri queunt, atque servari; quin faciliè solvantur, disjiciantur, aut confundantur, aut modis aliis deformentur. Nobis interea fors contigit, delineatos hic loci vermiculos invenire, expedire, intactos custodire; & quotidie omnibus ostendere.

Fig. VII. Dierum circiter XII humanus vermis seu foetus, qui instar aureliarum aut nympharum in insectis, aut vermis pulicis, crura explicantis & caudam retrahentis, reconditas prius partes exerit; in binas exiguas papillas, quae brachiorum principia aut radices futurae sunt, ad latera summitatis trunci jam primum, instar gemmantis arboris, pullulans; totidemque ad inferiora *caudati* trunci latera emittens; undè femora, crura atque pedes nascuntur sunt. Cauda verò in hoc verme jam contrahitur atque exarescit; ut parùm appareat.

Fig. VIII. XVI Dierum foetus, vermis formam jam prorsus amittens, & ad humanam accedens: In quo nempe truncus jam crassior & brevior est, cum acuminatoribus superioribus atque inferioribus tuberculis, seu in artuum exordia jam elongatis; prorsus contracta absumptaque caudà, & facie ad humanam composita. Cl. Andrius caudam foetus, ejusque inde amissionem, dignovisse videtur; cum de spermaticis vermibus loquens, eorumque figuram

ram describens, allerat (e) „ ce qui s'accor-  
 „ de avec la figure du foetus, qui quand il est  
 „ petit, ne paroît qu' une grolle tête sur un  
 „ corps long ; qui semble finir par une espece  
 „ de queue „ : Postea adjiciat „ Les versiper-  
 „ matiques [ quos ipse in virili semine primum  
 „ collocat ] ont tous de longues queues , mais  
 „ ils quittent ces queues lorsqu' ils devien-  
 „ nent foetus, il en est comme des petites gre-  
 „ nouilles , qui ne sont d'abord que tête &  
 „ queue, & qui ensuite perdent cette queue,  
 „ lorsqu'elles commencent a prendre la forme  
 „ sensible de grenouilles „ Id verò non in so-  
 „ lis gyris, sed in brutis quoque aliis, lucu-  
 „ lenter comperitur. Vid. etiam Epistola Clariss.  
 „ Geoffroy ad laudatum Andrium. Illustrissimus  
 „ Abbas de Comitibus [ Rispost. alla difesa del  
 „ Libro delle considerat. del Sig. Nigrisoli ] af-  
 „ fect: *Democritum memorasse vermes, qui sen-*  
*sim humanam figuram suscipiant; Platonem ve-*  
*rò id in Timei sine fuisse expressè locutum.* Cita-  
 „ tus Cl. Kerckringius in *embryone*, ut ait, seu  
 „ potiùs in foetu quatuordecim dierum, superio-  
 „ res atque inferiores distinctos jam artus, ve-  
 „ lut appensas quasdam crassas, obtusas ac fe-  
 „ rè obtruncatas massas, immo trunco fermè  
 „ majores depingit. Sed cum foetuum XVI die-  
 „ rum ea, quam dedimus, genuina figura sit;  
 „ illa profectò, quae foetuum XIV dierum est,  
 „ accedere ad nostram, & a Kerckringiana re-  
 „ cedere compellitur.

Fig. IX. Foetus XX dierum, cum clariori quidem  
 humano aspectu, sed inferiori mandibula adhuc  
 valde

(e) *De la Generat. des vers dans le Corps de l'Hom-*  
*me Ch. XII*



valde deformi; artubus verò magis elongatis; sed hactenùs imperfectis, & sinè ullo manuum aut pedum vestigio, in conum desinentibus. Cum verò in foetibus, incrementorum ratio nobis optimè comperta sit; tutò statuimus, foetum illum, a Celeb. *Dodart* in Comment. Reg. Paris. Acad. ann. 1701. exhibitum, septem solùm linearum longitudinem aequantem, & trunco tantùm magnoque ac longo capite conspicuum, neque adhuc in artus explicatum, non quidem propositae XXI dierum aetatis, sed juniorem fuisse; seu potiùs ad nostri foetus Fig. VII aetatem accessisse. Equidem mulierum, in stabiliendis suorum conceptuum exordiis, creberrimas allucinationes quotidie dignoscimus.

Fig. X. XXV dierum foetus: In quo clarius pedum manuumque conformatio jam suppetit; & prima digitorum vestigia se produnt. Quòd igitur a Kerckringio foetus trium hebdomadarum, non solùm in sceleton, partium omnium numero atque exteriori forma completum, sed quoque in completos & satis distinctos promissosque manuum & pedum digitos instructus fuerit [f], id planè non intelligimus. Neque hercle divinarè, quo nam modo oppositae foetuum ejusdem aetatis rationes conciliari possent; ut quum Kerckringius Anglus foetum XXI dierum ita artubus, eorumque immo digitis aliisque partibus completum & integrum designat, Gallus Dodartius, ut supra, ejusdem aetatis *embryonem* omnino imperfectum & mancum, seu sinè ullo adhuc artuum rudimento describat; nisi, ut dictum est, in

gra-

(f) *Citat. loco.*

gravidis Mulieribus, dies suorum conceptuum numerantibus, calculandi error suspicetur. An forte, juxta varia ipsa Regionum ingenia, tardius quoque aut velocius explicationes foetuum atque conformationes eveniunt; ut quae gentes toto inde vivendi tempore sunt, ita & primo sint dispares? Sed alia de B dloi XXV dierum foetu excogitanda essent: Nam neque foetus ab hoc Cel. Auctore expositi faciei venustati eximiae, & excedenti membrorum omnium symmetriae, tanta illa ejusdem exiguitas congruere; nec tanta illa *placentae* ac membranarum confusio respondere, videntur [g]. Ita caeterorum qui ab hoc Viro Cl. exhibentur, foetuum capita & facies non equidem propria sunt; sed potius a natis, immò adultis Hominibus mutata: Praeter varias, in quibus hi foetus eorumque sceleta, aliis tabulis proposita, deficiunt, proportionem ac dimensiones: Ut satis appositè de iis tantisque aliis atque magnificis anatomicis Tabulis, quas iste Vir super alios quoslibet evulgabat, Cel. Goelixio admonere placuerit: *Nonnullas plus speciei & splendoris, quam veritatis habere* (h). Sed missis aliorum foetibus, & ad nostrum redeuntibus; propriam quoque hujus foetus *placentam* a membranis solutam, quam cum eodem foetu curiosè servamus, hic objici curavimus: Lunata haec est, seu a descripto super chorium hemisphaerio jã nonnihil contracta: In hanc inseritur lata, bre-

(g) *In Anatom. human. Corp. centum & quinque tabulis demonstrata, & in Theatr. Anatom. Mang. Tab. LXXIX.*

(h) *Histor. Anatom. p. 174.*



brevis & recta, ut in hujus aetatis foetibus esse solet, *umbilicatus* fasciola. In hoc tandem foetu, secus ac in superioribus, jam humani trunci figura conspicitur: Et in trunco jam lumbi, illa atque clunes distinguuntur.

Fig. XI. Abortus est XXXII dierum, gallinaceum exiguum ovum magnitudine referens. In hoc ovo accumbens & nonnihil inflexus foetus, cum lata, brevi *pariete* & recta *umbilicalem* vasorum fascia, sed velut pyramidata, manisque adhuc artubus & imperiectis digitis, transpicitur. Abortus iste a primaria honestissimaque hujus Urbis Matrona, trigesima secunda exacte die factus est, ex quo ipsa concepit: Cum ante & post primum ex iis diebus, Sponsus diu absens fuerit: Ut ideo hujusce conceptus dies omnino tuta sit. Hunc verò vitiosum partum a mala tunicarum conformatione, forte & ab insolita *placentae* habitudine, fuisse productum verisimile est: Namque

*a* Est Chorion membrana, penitus ab amnio distincta, atque in unam duramque molem constricta & inversa.

*b b. b.* *Placenta*, ab ovi circumferentia jam valde retracta, & modicam ejus partem occupans; tum in insolitos & valde distinctos lobos coacta: Quam ergo si Cel. Kerckringius spectasset, illam esse, vel in ipsis mulieribus obviam, *placentam*, in plures cotyledones seu eminentias, similes iis, quae in ruminantibus sunt, reapse constructam ac divisam, ut alias dixerat. confirmare potuisset.

Caeterum Angli foetus, mensem adepti, apud Illustriss. Kerckringium plus nostris profecere: In suis enim sceletis perfectos jam artus

completosque pedes, manus digitosque exhibent [i]. Quodd si id [ ut antea lepidulè diximus ] tortè a coeli & climatum differentiis penderet; cum Anglis nostrisque Italis intermedii Germani sint, inter tardiùs crescentes Italos & citiùs Anglos, Germanos quidem foetus medio quoque modo progredi oporteret. Interea Germani foetus, tres jam menses nacti, non solùm Italis nostris foetibus, unum tantùm mensem assequutis, vix [ dempto capite ] majores sunt, Anglis verò minores; sed neque digitos, neque immo manuum exordia illà aetate hactenùs exeruisse, tum verò *placentiam* nullam habere videntur: Et, quod ipsis omninò singulare esse apparet, eorum *umbilicales* funiculi ad *chorium* membranam desinunt. Haec enim habemus a Clariss. Heisteri figura *trimestris foetus*, novis suis *anatomici Compendii* editionibus addita (1).

Fig. XII. Foetus XXXVI dierum; in quo artus & digiti non satis adhuc excrevere.

Fig. XIII. Foetus XXXX dies assequutus; in quo artus eorumque extrema, neque omninò completa videntur.

Fig. XIV. Gemelli foetus L dierum, unà cum aliis foetibus in museo Auctoris servati: In quibus laudabilem capitis, trunci, artuumq; conformationem ac symmetriam videre est.

Fig. XV. Foetus duorum mensium cum dimidio, seu tertià aetatis parte, gemellis superior; iisdemque tertià circiter magnitudinis parte major: Suam hic *placentulam*, *umbilicibus* vasis adhuc connexam gestat: Atque *umbilicalia*

(i) In cit. *Antropogeniae Ichnographia*.

(1) Vid. Tab. VI. Fig. 27. ejusque explicatio.



*lia* vasa jam in tuniculum contorta sunt. Funiculus verò mediocris longitudinis, non adhuc plicatus fuerat.

Fig. XVI. Trium mensium triumque hebdomadarum foetus, in ea, quae communior magisque naturalis est, *uterina* positione constitutus: Cujus collo, ut saepius contingit, *umbilicalis* funiculus circumdatus est; ad inferiora verò abicissus, plures interea jam flexus ostendens.

Fig. XVII. Foetus, dies aliquot ultra mediam graviditatem gestatus; jamque in utero versus; atque ita in eo, desuncta Matre, repertus. Ex hac figura genuina habitudo uteri cum detento converloque foetu dignosci potest: Quamquam hujus uteri latera ad inclusum foetum, ob allatam in Historia rationem, certe nimium accesserint. Foetus verò ad clariorem rem, a propriis tunicis expeditus ostenditur. Ejuscemodi quoque ad foetum habitudinis est ille uterus, quem cum septimestri contento foetu, Peritissimus in obstetriciis Andreas Verna, & publicus noster Anatomiae *Incisor*, a naturae imagine in artificiale exemplar formavit; suaeque inter elegantia & industria Anatomica Cimelia reposuit. In hac nostra Figura

*a*, Uterinae cervicis angustia est.

*b*, Vaginae uteri principium.

*c*, Inae cavitatis uteri sinistra pars, ab accubitu & pressione capitis conversi foetus extensa, elongata & extenuata: In qua quidem sede suam ponderis ac fulcimenti basim foetus infixerat.

*d*, Subversum uteri ~~stomachus~~ <sup>intestinae</sup> ~~latus~~ <sup>facie</sup>; in cuius ~~ex-~~

*e, e*, Placentae pars adhuc connexa percipitur.

*f*, Inflexi a foetu ad *placentam*, & per maximam plicam revoluti *umbilicalis* tuniculi pars.

*g. g. g. g.* Uteri parietum illo graviditatis tempore densitas: Et in hac coniectissima sanguineorum disciflorum vasorum, rotunda aut oblonga foramina.

Fig. XVIII Designat in septimestri foetu ilei intestini, coli, caeci & *vermi-formis* appendicis concursum ad naturalem magnitudinem.

*a*. Colon intestinum, in suo cum aliis intestinis concursu apertum.

*b*. Caecum, amplo *pelvi-formi* hiatu se aperiens in

*c*, *Vermi-formem* appendicem: Quae quidem in foetu amplissima est; tenuium scilicet intestinorum cavitatem aequans: Valde insuper longa; & imprimis una aut altera flexuram plerumque complectens.

*d*, Intestinum ileum.

*e*. Rudimenta in foetu *muscularis* annuli seu sphincteris, ilei finem in colon munientis, cum suorum ligamentorum vestigiis. Quum verò haec aperta communis intestinorum cavitas, ad clariorem imaginem praestandam, nonnihil quoque distenta fuerit; idcirco rotunda aut propè rotunda, quae solita est, sphincteris figura & cavitas, velut in oblongam evalit.

Caeterum lenta illa tardissimaque humani foetus transformatio, ut a levi, trunco mutiloque vermiformi corpore, articuli post plures a conceptu dies vix prodere incipiant; hinc gradu insensibili extuberent, crescant & producantur, praeter notas alias, falsitatis aperte convincit hypo-



hypotheseſi illam Recentium multorum, quæ vermes virilis ſeminis, integros homunciones eſſe, ſolum involutos ſaſciatosque deprædicat [m]. Quippe cum, ſoluta illa apertaſque homulorum ſaſcia, toti ſubito exilirent pendent a trunco articuli; ut in volatilium animalium vermibus, rupta expeditaque chryſalidis ſaſcia, papilio ſuas omnes ſimul partes conſeſtim exerit evoluitque. Ita (quis crederet?) Humanus foetus in ſua partium explicatione, plantarum potiùs, ut ſupra, gradatas explicationes imitatur: Ut in egreſſu ab ovario, *vegetabilium* quoque germinum exitum a trunco, aſſimilare ovum jam diximus. Idem de animalibus reliquis, exceptis volucris, putandum eſt. Sed fortè volucres, cum ſub chryſalidum, tum ſub putaminum cortice, ſuam quoque non minùs lentam tardamque crurum, alarum aliarumque externarum partium, explicationem ac productionem ferunt.

*De Ruyschianis Embryonibus & Foetibus*

A P P E N D I X.

Celeberrimus Ruyschius, ſuis elegantiffimis Tabulis plures variarum magnitudinum figuras foetuum adjecit: In quibus, tanquam minutiffimis rebus, quaedam, ab ipſis, ut puto, Caelatoribus cum naturæ imagine non omninò comparata, hic adnotare liceat; Ex quo de ſummi huiusce Anatomeſis diligentia aſſue fide non eſſe dubitandum videtur. Et

(m) *Vid. Figurae Dalempazii, in Novis Litterariis Bernard Artic. V. ann. 1699.*

primum, in egregii hujusce Scriptoris Thesaur. Anat. VII Tab. II Fig. IV Pusillus *Embryo*, formâ latoque trunco, pulli potius figuram repraesentare, nec solitam in ovo occupare sedem; tum verò *umbilicalis* funiculus naturali situ, figurâ & connexu minùs esse instructus videtur: Itemque extrema chorii facies villosum *placentae* rudimentum non exhibet: Hoc tamen chorii vasculare tegumen Cl. Auctor superiùs in Thesaur. Anat. VI Tab. I. Fig. II & III haudquaquam omiserat. Quamquam in Fig. II, ad chorium majoris ovi, jamque in utero incubati, satis villosum, immò foliaceo tomento obductum, membraneus ille superductus Pileus aut velut lorica A, nobis sanè minùs constet; atque villosus seu *placentoso-vascularis* cortex ad totum ovi ambitum extendi videatur: Qui tamen naturaliter unum tantummodo ejusdem emisphaerium occupat; & in ovo jam ad uterum commorato ulteriùs retrahi videatur. Nisi intelligendum sit, oppositam, seu hic non aspectam, hujus ovi partem, hoc cortice vacuam esse. Equidem Vir oculatissimus, in Fig. III, unam faciem ovi, a *vasculari* indumento liberam appositè satis repraesentat. Sed cum istud ovum, ovo nostro figurae V, ubi humanus vermiculus cernitur, majus sit; admiramur ideò, *in ejus cavo nihil solidi fuisse inventum*. Nisi fortè, absumpto per morbum in uteri cavitate foetu, ovum istud in falsum, ut dicunt, germen transisset. Nostris porrò humanis vermiculis cum Ruyschianus *Embryo* Tab. II Thesaur. VII valde major appareat; non intelligimus, cur in illis tanta capitis immo faciei, humana jam for-



ma sit; in hoc verò longè obscurior & imperfectior. Ad Tab. Illaudati Thesauri VI, si dependentes a prima figura *embryones* perlustremus, quorum dexter, ut Auctor monet, seminis anisi, sinister verò pediculi aut lactucae seminis magnitudinem aequat, misso in utroque *umbilicalis* funiculi ad locum non omnino debitum nexu, iterum non satis percipimus, cur isti foetus, non solum minori, sed majori nostro vermiculo revera crassiores, non adhuc tamen in caput & truncum, colli interposito, distinguantur: Quae tamen distinctio vel primum sensibilibus *embryonibus* semper inesse mihi visa est. Immo dexter *embryo* nostro figurae septimae foetu, crassitie, vix minor esse apparet. Atqui in nostro non solum caput, sed artuum primordia jam distinguuntur. Ita nobis est novum, ad Fig. II & III hujusce Ruyschianae Tabulae, *embryones* alios inspicere, nostro revera magnitudine admodum majores; in quibus non solum latent articulorum exordia; sed adhuc capitis cum reliquo corpore confusio est. Interea in foetu seu *embryone* iis minore, qui figura V est Tab. III Adversar. Anat. caput a carina, seu trunco, distinguitur. Neque in Fig. I Tab. III Thesaur. X satis a trunco dirimitur caput in foetu, qui decimum nostrum, seu dierum XXV, magnitudine aequat. Et Fig. V foetum exhibet, transversî digiti magnitudine, seu nostro IX figurae XX dierum, majorem, cum vix proditis primis artuum extuberationibus. Mittimus dextrum illum pendulum foetum Fig. I Tab. III; cujus certe caput majus esse debuisset, Ut, cum sinistro foetu comparatione praestita

praestita; facile videre est; & utriusque foetus nimis varios *umbilicales* funiculos. Et illum Thesaur. Anat. IV num. LIV, magnitudine digiti articuli; in quo pro artubus, rotunda, formâ & magnitudine instar capitis aciculae, corpuscula sunt; Quum foetus tantâ jam dimensione praediti, valde majores artuum productiones exerunt. Mittimus tandem distinctas jamq; coacervatas *placentias* in *embryonibus* minimis, vix tritici granum aequantibus; aliasq; *placentarum res*, cum foetibus non omnino congruentes. Porro horum aliqua, non omnia, excusabat ingenuus Vir Advers. Anat. Dec. II. §. X.. Atqui non Ruyschio, nostrae aetatis Anatomicorum facile Principi, neque *naturae lusi*, sed ipsis Sculptoribus, quae monuimus, tribuenda esse suademur: Qui nempe in Anatome, praecipue interiorum partium, omnino hospites, subtiles illas atque minutas, quas non intelligunt, hominis res, rarissime ad naturae imaginem conferunt; easque eò facilius, a vero declinantes, deformant, quò, aliquibus morose demptis aut additis, propius ad Picturae leges ac venustates accedere affectant & putant. Adeo verum est, Sculptore, & Anatomico & sub Auctoris oculis sculptente, utendum esse. Sed cum junctae simul hae partes in Caelatoribus rarissimae sint; ita rarissimae quoque Anatomicae Icones occurrunt; quae sanè in veram ac naturalem rem impingant. Atque nos ipsi ejuscemodi Sculptorum errores non semel passi sumus. Demum Ruyschius eos tantum, quibus artus absoluti sunt, foetus; caeteros imperfectorum artuum, adhuc



de , homulus in u  
aliquando incoeperit  
nomen *embryoni* ci  
tempore ovum jam t

(n) *Institut. Med. Ge*



## TABULA II.

**A** Perit Muliebres vitiosas generationes & graviditates; tum extra uterum, seu *testiculares, tubarias & ventrales*; tum in utero, seu molas, falsos conceptus, abortus, solutos foetus; atque insuper monstrosos.

In hac Tabula, pleraque delineata corpora, a propria, quae multa sit, magnitudine valde imminuta sunt; ut unà in angusto loco intruerentur: Secùs ac in prima Tabula, ubi singula, quae quidem minora sunt, in naturali dimensione sunt exposita.

Figura I. demonstrat incorruptum, simulque, velut in statu naturali fuisset, plenum & succosum foetum, annos prope quindecim extra uterum a Taurinensi Femina, duplicatà graviditate gestatum: Primà scilicet praegnatione novē menses in dextro ovario; Alterà duos menses supra annos quatuordecim, ad aream *me, enteri* servatum.

*A.* Foetus, carnibus, adipe & succis ita saginatus & gravis, ut plus quàm octo libras penderet: Atque ita matris abdomen occupans, ut, dorso anteriùs obverso, facie & anteriori corpore illius spinam respiceret: In cujus capite longi erant capillorum tractus in vertice: Neque obscura dentium in ore rudimenta.

*b.* Dextra manus, in pugnum inflexa, & ad summum caput arrecta.

*c.* Sinistrum brachium, mentum & oris caveam obtegens; ex quo manus vitiosè incurvata pendet. Super has partes supersunt adhuc ve-



stigia subtilis illius & mollis, simulque glutinosae crustae, quae foetui in matris ventre degenti undequaque obducta, eodem inde extracto aërique exposito, instar gypsi aquâ subacti, brevi induuerat.

*d.* Femur, & genu dextrum, singulari lusu ad caput elata & inflexa.

*f.* Sinistrum crus cum femore extensum, & totâ alterâ graviditate superstes in sacco

*\**, Seu vitriolo utero, ad dextrum ovarium antea cōfecto, nunc verò contracto & extenuato; ubi foetus conceptus fuerat, primamque graviditatem expleverat.

*g.* Pars hujus sacci, superius ad summum internum foetus femoris latus adhuc connexa; ad latera verò coalita cum

*b*, Seu partē tenuis intestini.

*i.* Pes dexter vitiosae figurae, genitalibus virilibus partibus arctè accumbens; easque ita premeus, ut explanaverit, & tanquam foliaceas effecerit.

*k.* Locus ad ventrem, cute & pinguedine nudatus; ut subjacentes musculares, molles & humidae, simulque firmae solidaeque fibrae conspiciantur.

*n.* Foetus Chorii pars.

*o.* Materni mesenterii, seu propriè meserei pars, unâ cum appensa intestini parte *b.* ad inferiora devoluta; ut in ea perspiciatur

*p.* Locus firmae junctionis cum Chorio: Cujus ideo soluti deductique lamina, ad hanc sedem adhuc adnata perspicitur.

Itaque cum foetus, praeter varios cum matris omento & peritonaeo connexus, mesenterio insuper, tenui intestino, atque uterinis partibus

bus firmè alligatus esset; non sinè supremo viventis matris discrimine, extrahi ab ejus ventre per caesaream operationem potuisset.

Figura II exhibet eundem foetum, eà, quam tenuit in ventris matre, positione, seu ad ejus posteriora obverium.

*A* Foetus, dorsum obijciens.

*b. b.* Chorion & Amnios tunicae, in unum coalescentes; foetum in matris ventre involventes, Hic autem sectae & inversae.

*c.* Fragmenta ad dorsum albidæ illius crustae: quâ totam ejus corporis superficiem fuisse oblitam diximus.

*d.* Caput foetus; cujus quidem, ob sinistrum *parietale* depressum os, elevatumque dextrum, vitiosa, seu acuminata conformatio occurrebat.

*f.* Abruptus *umbilicalis* funiculus, sub cubito dextro trajiciens, & adhuc in parte superstes.

*g.* Sinistrum femur, latè extensum versùs dextri *ovarii* materni saccum

*\**, Hic apertum & nonnihil dilatatum: In quo integrum crus, a femore propendens, adhuc recòditur.

*h.* Dextra matris tuba, inferius deducta; & cum lato ejusdem lateris ligamento, in eundem saccum concutrens, & cum eodem confusa.

*i.* Uteri materni fundus, ab accubantis foetus natibus compressus.

*k.* Sinistra tuba rigida & contracta; suoque latiori extremo cum superiori *ovarii* facie coalita.

*m. m.* Rotunda uteri ligamenta.

*n.* *Urinaria* vesica, ut in hac femina reperta est; & in iis, quae saepius pepererunt, reperitur.

Figura III explicat *tubariam* conceptionem, a diligentissimo Anatomico *Duverney* descriptam & delineatam, atque in *Comment. Reg. Scien.*



Parif. Acad. editam: In qua mafculus foetus in matris, cafu & febri demortuae, dextra tuba valde dilatata, fed ficca, & aliquatenus callofa, ita aridus deficcatusque inventus eft; ut velut omni fucco carens, ballamoque conditus videretur. Nec folùm ille foetus, Sed tota etiam figura, multùm infra allatam ab Auctore magnitudinem, in hac tabula, ob ejus anguftiam, repraefentatur.

Figura IV. Siftit *tubarium* foetum, a Cl. Santorino in *Obferuat. Anat.* Cap. XI § XVI & XIX defcriptum, & in Tabula II Fig. III delineatum: Qui adhuc, praecipuè in artubus, imperfectus ita eft, ut neque ad primum conceptus mensem omnino perveniffe, ex noftro XXXII dierum foetu, qui primae Tabulae figuram XI facit, & cujus quidem conceptionis tempus certiffimum eft, praeclare videatur. Interea ab eodem Auctore *tubarium* hunc foetum quinque menfium effe decernitur. Errorem verò non excufat *loci anguftia* ab eodem adducta, ad *aequum fuppeditandum alimentum* longè impar: Namque in *tubariis* conceptibus Littrii, Duverney, Vaffalii, Abrahami Cypriani aliorumque Scriptorum, tanta non fuit illius *loci anguftia*, ut, multo minori tempore multo plus auctis foetibus, aut faltem fatis completis atque explicatis eorum articulis, debito fuppeditando *alimento* impar fuerit. Ita foetus Abrahami Cypriani [fi quidem, ut Omnes depraedicant, in tuba fuerit] tam iuftae maturaefque magnitudinis deprehensus eft; ut fi in nofta hac Tabula, fuâ naturali dimenfione delineandus foret, haec quidem ipfi, vel uni, excipiendo impar efferet.

Figura V ostendit *ventralem* superiorem conceptum in Taurinensi Femina , intestinis ad usque maturitatem superstratum , & ab iis per succretam, instar supernumerarii *me enterii* , membranam , eidemque annexam *placentam* , alibiles succos haurientem . Omnia ad naturae imaginem adumbrata ; quamquam in hoc angusto Figuræ ambitu posita .

*a. a. a.* Communia & propria abdominis integumenta .

*b.* Urinalis vesica , lotio turgidula .

*c.* Uterus crassior , quàm in feminis utero non gerentibus inveniri soleat , repertus ; cum propriis appendicibus , seu ligamenti rotundis & latis , *ovarioque* dextro ; & tubâ dextrâ rectâ rigidâque , se totam super suum *ovarium* insolitè extendente ; Tum verò

*d.* Sinistrâ tubâ , suo etiam *ovario* ita superductâ , ut ipsum obtegat ; hinc intortâ , dilatatâ & obliquè ascendente , suoque aperto tentorio , deductisque fimbriis , connexâ ad marginem corporis

*e.* Quod superius ab expansa foetus *placenta* , inferius verò a succreta spongiola membrana conficitur ; atque tenuibus intestinis adnatum , superiori limbo cum colo intestino nonnihil adnectitur . Tabum igitur ex hoc corpore foetuque corruptis , cum solutis immo capillis , per hunc , latum praestitum , adnatae tubae hiatus , ad uterum & pudenda descenderat .

*f.* Foetus , in ea reapsè sede repositus , quam ipsum vivente matre habuisse , subjecta ei membrana , memoratae spongiolae rotundae appendix , totam ejus commensurationem designans ,  
testata



testata est. Atque ex hoc foetus situ fieri non potuit, quin *umbilicalis* tuniculus

- g. Super dextrum humerum traduceretur. Materna caeterum abdominis viscera, ob intrusam conceptionem, a naturali positione nonnihil quoque immutata videntur.

Figura VI porrigit costam, ex corrupto in uteri cavea disruptoque foetu solutam, & in uteri osculum delapsam; ubi primum, non beae sumptâ aditus directione, nonnihil infixa est; postmodum ab accreta ad ejus extremum glutinosa, hinc gypsea, & demum velut calculosa praestita substantia, ita ad illam sedem ferruminata; ut omnino occluso tramite, mulier a suppressis putridarum foetus partium excretionibus penitus obruta & contagio infecta moreretur. Haec verò pars pertinet ad Cuneensem Historiam, pag. 139. indicatam.

Figura VII depromit *cahoticum* abortum duorum circiter mensium; in quo foetus omnino disruptus, suisque in partibus dissipatus, & pluribus quoque consumptus fuit. Et primum, exteriores partes, seu secundinae, insolito modo dispositae, propriis litteris explicantur. Namque

a. a. Chorion membrana est, albicans & valida, totum ovum, vel super ipsam *placentam*, obducens; seu caeteris secundinis exteriorem corticem praestans.

b. b. Ejusdem Chorii diductae partes.

c. Amnios membrana, derafo Chorio satis pellucida, ut per eam corrupti foetus membra, in contento liquore innatantia, confusè transpicerentur.

- d. Placenta.* inter utramque membranam, Chorion videlicet & Amnion, extra naturalem statum contenta: Cujus pars, dum aquis immergeretur, velut subtilissima lanugo apparerebat.

Figura VIII. Foetus partes, ex abortivo ovo extractae, eademque positione exhibitae, quam in ovo amniique liquore obtinuerant. Variis porro de notis dignovimus, foetum hunc post hebdomadas aliquot extinctum fuisse & corruptum. Hoc verò animadvertendum est, ovum hujusmodi naturali hic magnitudine fuisse insculptum: Foetus autem partes omnes, ad nitidiorem figurae claritatem, fuisse ad duplum circiter adauctas. Ideo abortivum aliud ovum, quod in figura XI Tabulae I exposuimus, & mensis unius duorumque dierum est, hoc eodem, quod nunc designatur, paulò amplius apparet: Illud nempe complexum est foetum, qui nullum omnino detrimentum ante abortum passus erat. Hoc autem, quod foetum jam dudum putridum continebat, tum ob membranarum *flacciditatem*, tum etiam quia aliqua liquoris amnios pars evanuerat, minùs turgidum minùsque crassum apparet. Mulier verò abortum hujusmodi enixa est die XXIV Augusti superioris anni.

- a.* Caput, cui collum, humeri insuper & brachia appensa sunt: Os apertum est. Lingua corrupta & soluta confusè dignoscitur.
- b.* Dorsuales vertebrae, cum appensis costis, a *lumbaribus* disjunctae.
- c.* *Lumbares* vertebrae; quarum extremis hinc inde apposita adhuc crura apparebant.
- d.* Corculum, per amnios liquorem dispersum.

Pars



- e. Pars quaedam, confusa quidem: Quae tunc diligenter perspecta, hepatis aliquid agnoscentare videbatur.
- f. Pulmones, per liquorum pariter fluitantes, corrupti tamen, & penè soluti.
- g. Glutinis quaedam pars, perfecte albicans & duricula.
- h. Intestina.
- i. l. m. n. Umbilicalis funiculus, initio angustus, qui dum extenditur, amplior fit; ac velut tenuissima tunica vario modo complicita, universam dentis membranaceam amnios internam faciem involvit; eique adhaeret.
- o. p. Eiusdem tunicae quaedam partes, vivido colore donatae; ob contractam fortassis corruptionem.

Figura IX. Mola primi ordinis, quae proprii indebitaque accretione, conclusum foetum ita jam presserat atque calcaverat, ut in singularem longitudinem elongaverit atque extenuaverit.

Figura X. Mola alijs ordinis, a nobis *cabotica* dicta; atque non semel perspecta: In qua nempe, fortè ab exordio conceptus, enormiter accrescentibus secundinis, confusa tenerissimi foetus, discerpta atque *cabotice* dissipata membra partesque sunt.

Figura XI. Mola tertiae classis; seu adhuc cava, sed foetu jam prorsus vacua: Hic etiam, ob Tabulae angustiam, fermè ad medietatem diminuta. In hac membranae & *placenta*, ut in superioribus, confusae, densatae atque induratae sunt. Ejus verò pedunculus, qui in uteri collo haeserat, non solidus erat, sed succretus atque coagulatus sanguis: Haec quidem

Ruysschii

Ruyschii Fig. I Tab. I Thesaur. Anat. V desumpta est: Ubi quoque ejus ita explicatio legitur „ exhibet iconisimum secundinae uterinae embryonis, praeter propter bimestris; „ quae propter anihilationem, aut liquefactionem embryonis, aliquanto temporis spatium in utero remansit, undè ab utero temporis successu magis magisque compressa, „ induruit; & sic nihil minus quàm secundinae nam repraesentat „

Figura XII. Solida exquisitè, seu quartae classis mola; nimirum se ipsà jam plena & continua, absumptoque jam penitus foetu carneoque undequaque gliscente aggere, nullà amplius sensibili cavitare instructa. Haec quoque a naturali, in quo quidem visa fuit, extensione imminuta est.

Fig. \* Falsum (ut nominant) germen; idemque paucarum hebdomadarum, inter ea selectum, quae non infrequenter nobis in praxi observantur: In quo nempe foetus absumptus, ac prorsus deletus est: Incolumes verò secundinae; & iis adhuc contentus amnii latex. Igitur

a. *Vasculosa*, & velut lanuginosa, elegans placenta est; alterum ovi emisphaerium adhuc fermè totum occupans.

b. b. Chorion, a subiecta amnii tunica expeditum & inversum.

c. Amnii, ad liberam ovi faciem solùm superstitis, circumferentia ita perlucida, ut in ejus sinu, praeter liquorem, nihil foetus superfuisset, praeclarè transpiciamus.

Celeberrimus Ruyschius humana germina, ita quoque intactis secundinis deperdita & dele-



ta observavit, atque delineavit: Ut illud, quod Fig. III. Tab. I. Thesaur. Anat. VI a sinistra foetus sceleti manu dependet: Hoc verò, *foecundatum ovum* denominat Vir Cl. in *cujus cavo nihil solidi inventum est.*

Figura XII. Humanum monstrum, seu foetus septem mensium oblonga adeo & portentosa calvariâ; ut Siamenses Populi pileum certè eminentiorem non gerant. Adnotandum est, ita hoc caput a nativitate fuisse conditum. Namque tenellorum foetuum capita, ut ut bene conformata, ita interdum per artem produci possunt.

Figura XIV. Biceps Taurinense humanum monstrum, tamen cum binis solum brachiis totidemque cruribus: Servaturque apud Peritissimum Andream Vernam, *Incisorem* nostrum: Ut è converso apud eundem quoque est foetus alius, ad Regias Venaticas Aedes ante aliquot annos natus, cum quatuor brachiis totidemque cruribus, sed uno capite: Duoque alii, humano quidem trunco artubusque, sed capite, bubonis aut noctuae instar praediti. Ante hos viginti annos in Pancalerii Pago, decem milliariis ab hac Urbe diffito, Uxor Sebastiani Petiti, qui adhuc in vivis est, bicipitem quoque, cum non geminatis artubus, filium peperit: Atque aliâ graviditate horridius sanè monstrum, & cum iis, quae apud Salmuthum, Licetum, Aliosque in capite sunt, comparandum, enixa est: Nigrum scilicet, cornigerum, seu instar demunculi apparet: Quod a partu statim a Matre, Astantibus atque Conclavi fugiens, in externo quodam  
lignorum

ignorum aggere se abscondidit : Ubi statim  
occisum est.

Figura XV. Monstrosus equino capite foetus ;  
ad nos ex Casalensi Urbe transmissus ; & in  
nostro foetuum armario servatus.

Figura XVI. Horridus & deformis partibus , at-  
que praecipuè manibus pedibusque, bufonis aut  
ranae similibus, monstruosus foetus : Qui quo-  
que nostris in Cimeliis est.





## TABULA III.

**E**Xhibet morbida animalia, in humano corpore commorata eorumque partes; atque aliquot muscarum genera.

Figura I. Taeniae caput in musaeo nostro, baliamico liquore servatae; quod differt a

II, Seu capite illius taeniae, velut armillatae, quam Cl. Tulpus describit & delineat. Tres ejusdem formae, integrasque a capite ad caudam taenias, mulierem excrevisse amplissimus idem Auctor (o) Multorum visu testatur: Docetque ideo, plures simul taenias in eodem homine inesse posse.

III. Caput alterius taeniae, nobis a D. Gallina transmissum; cujus pariter caudam

IV Accepimus: Haec nodulis quidem, seu geniculis constat, per fibras *longitudinales*, ac velut *musculares* inter se connexis: Atque in latum desinit.

V. Partes taeniarum, a nobis inspectae habitaeque; nullis geniculis, seu nodulis distinctae; idcirco artificiales, lineas aut sericas, taenias revera similes.

VI. Pars taeniae a Borrichio descriptae, & similis a nobis quoque visae: Cujus genicula, ubi simul nectuntur, serrata sunt, seu denticulata.

VII. Cucurbitinus humanus vermis, non tamen recenter excretus; ideoque ad unam extremitatem jam corrugatus, & in apicem desinens.

Alter

(o) *Observat. Med. Lib. II. Cap. XLII. Tab. VII.*

- VIII. Alter cucurbitinus , nobis exhibitus statim post excretionem , imò adhuc vivens , diligentissimè in hac Figura expressus : Ad cujus extremum *e.* binae sunt instar corniculorum subtiles laterales productiones : Oppositum extremum aliud rima occupat *a. f. b.* ; acuminato alterius cucurbitini vermis extremo commodè excipiendo , & si constringat , firmè servando , aptissima : Quapropter haec animalia , quo tempore generant , alterum in alterius rimam , sinuosum seu *corniculatum* latus implantans , nectuntur ; & interdum catenam componunt ; Quae secundi generis taenia appellatur . Ad latus *i.* foramen quoddam rotundum distinctissimè observatur : Quod intus progrediens versùs *c.* , probabiliter cibarii canalis extremum est .
- IX. Animal, ab Homine per sedem excretum , & ad aliquod tempus vivens in aqua servatum : Cujus figuram ab Amico , qui viderat & servaverat , accepimus : Atque hìc a naturali magnitudine imminutam exhibemus .
- X. Vermis *viviparus* , a Muliere Taurinensi per vomitum rejectus , nobisque a nostrate Medico communicatus ; mirae profectò magnitudinis : Ex quo adhuc vivente disrupto , prodierunt vermiculi , qui jam viventes erant , & movebantur : Hic quoque , ob Tabulae angustiam , naturali minor insculptus .
- XI. Musca *vivipara* ; & mortua supra cadaveris partem reperta : Ex qua leviter compressa viventes jam vermiculi
- XII. Post alium alius , prodibant . Hi verò , unà cum musca matre , per vitream lentem ad hunc iconismum adaucti sunt .



- XIII. Vermis quidam, a Med. nostro Gallina nobis per epistolam descriptus; atque icone transmissus: Qui ob similitudinem, *intestinalis* vel *stomachalis* eruca, aut etiam *bombyci-forme* animal vocari potest.
- XIV. Insectum quoddam, muscae, aut potius scarabei formam exhibens: Quod, referente R. P. Bernardino nostro, Taurinensium olim *Capucinorum* Medico, inventum fuit Genuae, dum extincti Viri cadaver dissecaretur, in folliculo
- XV. Venae spermaticae sinistrae foras adjacentes, imò continuo: Quod ut prodiit, aliquot deindè diebus in vase vitreo vivens servatum & enutritum fuit.
- XVI. Excreti per *urethram* vermiculi, mole & figurâ tritici granum similes: Qui quondam ab Alghisio etiam perspecti, *Renales* nuncupati fuerunt.
- XVII. Minores vermiculi, instar majorum ascaridum: Quos a Sene cum urina excretos, aliquando conspeximus.
- XVIII. Similes, sed minores vermiculi; quos Tulpus, cum urina pariter excretos fuisse, scribit & delineat.
- XIX. Alia animalia, Eodem testante ac referente Tulpio, cum urina pariter excreta: Quae Idem *Renales* latos vermes appellat.
- XX. Ascarides pudendorum muliebrum, a nobis perlustrati, ipsique Hippocrati dudum cogniti: Qui cum primis Tulpii *Renalibus* figurâ conveniunt.
- XXI. Vermis, ab Hominis aure vivens egressus; atque ex naturali magnitudine primum delineatus.

- XXII. Idem, vitreae lentis ope adauctus. Auriculares vermes, quos Andrius delineat Tab. I. Fig. III, differunt ab iis nostris; & potius volatiles esse videntur.
- XXXIII. *Nasales* seu *Rhinarii* vermes; qui nempe ab internarum narium sinibus, vi sternutationum ejecti fuerunt: Et tantâ quidem copiâ; ut XXXX dierum spatio CLXXIV numerati fuerint. Ex vermibus narium Tab. I. Fig. I. Cl. Andrii, primus nostris valde major exhibetur; maximoque capite instructus: Ipseque est, quem a Fernelio Paraeus, indeque Aldrovandus retulerant. Alter verò, instar nostrorum gracilis est, sed longior: Tertius longissimus: Omnes quaquaversus villosi.
- XXIV. Hepatici vermes, quos a communi *hepaticarum blattarum* nomine non excludimus; & a nobis non in bitiosis, solum humani jecoris poris, sed quoque in intima ipsa hujus visceris substantia reperti sunt.
- XXV. Vermes, illis persimiles, qui in caseo veteri nascuntur; inspecti non ita pridem ab adstante Medico Aliisque, dum cerebrum cujusdam Adolescentis in primo Taurinensi Nosocomio dissecaretur.
- XXVI. Humanorum cadaverum genuini vermes: Qui primùm in chrysalides
- XXVII, Mutantur: Deindè ab his aureliis muscae
- XXVIII, Erumpunt.
- XXIX. Scabiei vermis, a Cosmo Bonomo, seu potius a Hyacintho Cestono visus, opticoque vitro ampliat.
- XXX. Ejus ovum in cryptis cutis, tanquam nidulis, depositum; & lente valde etiam adauctum.



492 *Tabularum Explicationes.*

Has icones, ad unam Tabulam collectas habes; ut uno aspectu plura videas & compares. Et verò, si, quae hîc repraesentantur animantia, pluribus Tabulis continerentur, oriri posset haud parvi momenti difficultas, ex Figurarum similitudine producta. Ast contra, si omnia Quis, ut nunc disposita sunt, diligenter meditetur, & dum ob oculos eodem obtutu Figuras habet, easdem inter se conferat; facile cognoscet, cum similitudine, quam pleraeque inter se habent, quandam adesse diversitatem; ob quam aliae ab aliis discriminantur.



453

RERUM IN HOC OPERE  
PRAECIPUARUM.

INDEX

A

<b>A</b> abortus, seu Aborſus, quando dicendus.	131. & ſeq.
Abortus, a vi in gravidarum uteri oſculum praefſtitus.	64.
Abortus cauſae multiplices ac claſſes variae.	132 & ſeq.
Saepe a contorſione umbilicalis funiculi.	133
Acarus, quid proprie, & quid ſymbolice ſit.	1385
Acarorum recenſione, hominum poſſibile omnium, & & aliquot vermium germina, in primae Parentis ovarie exiſtiſſe, non difficile intelligitur.	364
Alibilia ovorum, <i>Embryonum</i> & foetus prima vaſa, in omnibus eorum <i>gaſtationibus</i> ſunt <i>umbilicalia</i> .	17
Amnii liquor in <i>foecundatione</i> ſubito rareſcit.	30
Animalia, quae <i>ovipara</i> ſint, & quae <i>vivipara</i> .	3
<i>Animalcula</i> in humanis oſſibus reperta.	406
& eorum <i>Chryſalides</i> .	405
Animalia ab Hominiſus excreta, ab iſis qui non vide- rint, inter ſabellas habita.	298
Animalia plurima in coitu fortiter neſcuntur.	288
Animalis corporis mira apertio, ejuſque partium com- munio.	399
Animantia, brutis variis ſimilia, aut monſtruoſa, ex ho- minum ventriculis aut inteſtinis excreta, & apud op- timos Auctores deſcripta.	306 & 407
Aqua pura nutritia eſt, & cur.	370
<i>Ascarides</i> humani vernies, eorumque notae.	355
<i>Ascarides</i> pudendorum muliebrum.	331
Auctorum conſuſio in ſtatuenda ratione foraminis latera- lis cucurbitinorum vermium.	290. & ſeq.

B

<b>B</b> Ruta <i>multiſpara</i> , cur interdum numeroſiores, inter- dum pauciores foetus edant.	79
--	----

Cho-



## C

- C**Alices *ovariorum*, quid 18. eorum structura & foramina. 418  
*Chaotica* foetus dissolutio. 135  
 Chorion in vitioso casu, placentae superstratum: 134  
 Coitus momento multae actiones atque instrumenta ad humanam generationem conspirant. 66  
 Contagiosi morbi qui. 380  
   Verisimiliter cum vermiculis sunt. ibidem  
 Cordis motus in *Embryone*, quando incipiat. 22  
 Cucurbitini vermes, hermaphroditi sunt, ut teretes vermes. 284  
 Ex cucurbitinorum fabrica & insuper analogia, eorum, in coitus re, catenas fieri, probatur. 284  
 Cucurbitinorum vermium exterior structura & aspectus, qualis sit. 278 & seq.  
   Foramen laterale & limbus circumpositus, ab Aliquis instar uberis delineata. 279  
   Copulatio, ad generationis operam instituitur. 281  
   Juncturae modus. 281  
 Cucurbitinos, eorumque catenas, Qui primi memorarunt. 285  
 Cucurbitinorum in Anatome, quae supersint illustranda. 289

## D

- D**Entes, aliâ, quàm reliquum animale corpus, vitâ frui, ex eorum, post foetuum in utero mortem, accretione deduci potest. 142 143

## E

- E***Embryones* Humani. 419  
*Embryo*, quando in foetum evadit 22 & 435 436  
 In *Embryone* foetuque prima vitae officia. 23  
 Eruca humana *bombyci-formis*. 262  
 Erucæ in ovillo cerebro reperiuntur. 407

## F

- F**alsum germen, ut dicunt, seu falsus conceptus, quomodo a mola distinguatur. 130. 132 Quando in molam evadat. 129 & quomodo. 131. 133  
 Fal-

- Falforum germinum excretio, propriè non est abortus. 130 131
- Femina quaedam, citissimè suorum foetuum motus percipiens. 126
- Foecundatio non distinguitur a generatione. 17
- Foetus non alitur materno sanguine, sed *chyl*o, aut simili ex eodem elaborato succo. 23
- Quando galeatus dicatur, 56
- Cur in utero diutius retentus, atque ab eodem expulsus, non raro in materni ventris caveam projiciatur. 139
- Foetus aliquorum animalium, serò aut nunquam, necdum cum utero. 25
- Foetus cur in utero saepe exsiccentur, exsiccatisque diutius servantur. 137
- In utero diutius retenti, imò & exsiccati, quà inde de causa corrumpantur. 138
- In utero putrescentes, cur uterum ad expulsionem valde exstimulent. 139
- Vel mortui, vel vivi, diutinà molestâque graviditate gestati, hinc per naturalem partum editi. 151
- Foetus humanus, *allantoidis* tunicae expers esse videtur. 29
- Foetus partium acquisiti firmitatis gradus. 23
- Nutritio prius per umbilicalia vasa, deinde etiam per os celebratur: Undè potissima partus causa. 33
- Motus ad excitandum partum. 35
- Nati partibus, quae eveniant. 36
- Accretionis leges & tempora. 39
- Quae figuris demonstrantur. 40
- Foetus in utero versionis modus & tempus. 62
- Quod vel ex ipso Hippocrate periculosaë aleae plenum est, 63
- Membranarum firmitas, non est perpetua. 136
- Foetus trunci postremae explicationes, eas, quae in *lovariorum* seriebus paulatim fiunt, altiores vetustioresque, dilucidant. 65
- Foetus Buffierii Historia, suo loco a Scriptoribus non est posita. 155
- Foetuum integrorum, aut membratim, ex ano educitorum creberrimae Historiae sunt. 109
- Foetuum & placentarum in utero aspectus, juxta eorum aetates. 40. & seq. & a pag. 57. ad 60.
- Foetuum in utero sensibilis motus Hippocratica tempora, tum verò singulatim matris & feminae, stabilia non sunt. 126



## G

- G**eneratio quid sit, & cur fiat. 7  
 Generationis principia seu instrumenta quae sint. 8  
 Generatio quomodo distinguitur in naturalem, vitiosam  
 & morbosam. 8. 9.  
 Generationes aliae communes sunt, aliae singulares. 17  
 Generatio morbosâ utrique sexui communis est. 25.  
 Generationum in muliere vitiosarum, species variae. 31  
 Generationis modus plerorumque piscium. In explic.  
 Tab. 1. 42.  
 Genitalia, velut utriusque sexus, organa, stirpibus data sunt. 19  
 Genitura vegetabilium. ibidem  
 Geniturae virilis subita vis in generatione, illi vi, quam  
*Electricam* vocant, comparanda. 6.  
 Glandulosi vermes. 365  
 Graviditas adulta & quasi matura, interdum vix conspicua est. 113  
 Graviditas quaedam Taurinensis Feminae quemdam lapsum excitavit. 94 & seq.  
 Qui tamen facile emendatur. 95 & seq.  
 In graviditatibus, signa masculi aut feminae a variis uteri productionibus, aequivoca sunt. 117  
 Graviditatum vitiosarum praecipuae causae. 70 & seq.  
 Graviditatibus vitiosis tribuere quoque valent intemperantiae utriusque sexus. 79  
 Graviditas uteri abortiva, seu parva foetus in utero mora, cum immaturo indè partu. 132  
 Graviditas uteri vitiosa, abortivae graviditati opposita, seu quâ foetus in utero coërci, plerumque exsiccantur, aut putrescunt: Variique eorum exitus. 136  
 Graviditates, naturale tempus valde transgressae, cum vitali indè partu, potiùs prodigiosae, quàm vitiosae sunt dicendae. 144  
 Graviditas vitiosa uteri, quâ per discissum uteri fundum, aut cervicem, aut superiorem vaginam, interior sit partus, matri semper est mortifera. 145  
 In graviditate vitiosa uteri partuque, quae vaginae ruptiones lethales sunt: Quae interdum non lethales. 147  
 Graviditas in interna cavitate Tubarum, semper lethalis, est, si Tuba abrumptur. 151  
 Graviditas ovariorum interior, Matri semper lethalis est. 156  
 Non ita tamen exterior in his graviditas. 158  
 Graviditas Tubae ad interiorem ejus caveam. 174

Graviditatum extra uterum variarum notae.	222
Graviditatum vitiosarum symptomata varia.	225. & seq.

## H

<b>H</b> epar in foetu amplissimum est.	29
Hernia vera, quid.	115
Hernia uteri in graviditatibus, velut naturalis.	117
Hippocratis in Foetu VI dierum Observationes.	422
Idem In efficiendo abortu excusatus.	422
<b>HISTORIA</b> Abortus singularis.	134
Abcessuum abdominis, ruptarumque herniarum: Undè exitus teretium lumbricorum.	355. & seq.
Ascaridum in Homine.	256
Auricularis vermis.	315
Bronchialium verminosarum glandularum.	339
Cerebri vermium.	346
Cucurbitinorum vermium.	277
Erucae per vomitum exeretae.	299
Erucarum aliarum humanarum. Ibidem.	
Feminae, non sinè caesarea sectione parientis.	104 & 211
Foetus Bononiensis.	245
Foetus membratim depulsi, post moram in utero annorum quatuor & octo mensium.	139
Foetus, menses viginti duos cum dimidio vivi sanique, utero gestati, & a matre naturaliter editi.	144
Foetuum celerissimi motus.	126
Foetus in utero mortui, diuque incorrupti, tandem post novum gemellorum conceptum, gestationem & partum, serò, ipsisque communi partu exclusi.	141
Gestationis in utero quinquennis.	138
Graviditatis cruentae.	28
Herniosae.	113
Et aliùs Ruyschii.	115
Graviditatis in ovario externae, indèque externae ventralis praestitae.	160
Gestantis Feminae Cadaveris, conclusivae Foetus inspectiones, atque indè Animadversiones.	165 & seq.
Tubariae internae, lethalis.	152
Graviditatis ventralis & caesarei partus ex Cypriano.	190
Ex Reifelio.	232
Tubariae externae, cum foetus corruptione, ejusque per anum dejectis ossibus.	177
Hydropis singularis in ovario.	187
Hydropum Tubae. ibidem.	F f 3
	Lacer-

<b>HISTORIA</b> <i>Lacerti-formis Intestinalis</i> , humani vermis, finè inducta erosione.	300
<i>Lacerti-formis</i> alijs vermis, cum inducta erosione.	305
Lithopedii, seu foetus ad lapideam velut duritiem coacti, & in utero muliebri ann. 28. commorati.	137
Molae singularis.	245
& similis.	246
Molae, 23. solidos annos gestatae.	122
tres annos retentae.	123
Oculorum vermium.	312
Ovi foecundati, inter <i>ovarium</i> & tubam reperti.	45
Partus per subitam in perinaeo praestitam scissuram.	107
Partuum, per extractionem ab ano, aut simul omnium foetus partium, aut membratum.	110. & seq.
Partus interioris lethalis.	146
Partus caesarei Birbekii.	206
Rulaci Altorumque.	210. & seq.
Partus recentis in femina, septem simul filiorum.	249
Phthiriasis singularis.	392
Spermatocorum extraneorum vermiculorum.	316
Sterilis mulieris.	75
Vaginae uteri, lethalis in partu disruptionis.	148
Vaginae inferius ruptae ruptique intestini recti, cum foe- tu per anum extracto, matreque sanitati reddita.	149
<i>Ventralis</i> graviditatis.	84
<i>Ventralium</i> aliarum variae sedis graviditatum.	100. & seq.
<i>Ventralis</i> superioris graviditatis, cum foetus corruptione.	102
Cum foetuum exsiccatione.	106
<i>Ventralis</i> inferioris graviditatis, cum foetus corruptione, ejusque per anum ejectis ossibus.	112
Vermium plurium, ex hominis naribus faustè exeun- tium.	319
Vermis monstrosi <i>intestinalis</i> , & praecipuè <i>vivipari</i> .	292
Vermium urinalium.	317 & seq.
Uteri & tubarum, cujusdam Mulieris.	75
Historiae humanorum monstrorum bicipitum, aliorumque nostratum.	445
Hydrargyrum, Aliquibus malignarum febrium Antido- tum.	377

# I

**I**Cones Anatomicae cur plerumque deformatae, neque  
    cum vero congruentes sint.

Insectorum bella atque pugnae in *Hominis* partibus.

392 394

Lacteus



## L

- L** Acteus liquor, non sanguis, a matre in foetum transmittitur. 26 & 27  
 Lactis mammarum phasēs variae in variis vitiosis graviditatibus. 226  
 Ligamenta coli intestini cur ad *vermiformem* appendicem definant & coeant. 31  
 Liquorum copia in foecundato ovo, a pluribus fontibus derivari videtur. 21  
 Lutea glandulosa corpora, humanis in *ovariis* haecenus incerta & ignota vel apud ipsos Fautores, sunt. 49 50 & 420

## M

- M** Aritas ovorum atque inclusorum germinum, quid. 17  
 Medicis Scriptoribus quae cautior praestanda sit fides. 261  
 Mola quid sit 118. & seq. Vitiatus conceptus est 118. A vitio secundinarum est. 120  
 Molarum quot species sint. 121  
 Molae *chaoticae*, quatenam a nobis sint dictae. 121  
 Molarum piriformis interdum figura; & cur. 122  
 Molae quae diutius servantur. 122 & seq.  
 Molarum symptomata varia, juxta variam earum in utero sedem. 124  
 Veterascentium substantiae variae. 124  
 Molae volantes incertae fidei. 125  
 Molarum signa praecipua. Ibidem  
 ex Hippocrate. Ibidem  
 In molarum graviditate, motus non ab ipsis, sed ab utero sunt: & quatenam horum motuum sit ratio. 126  
 In molis, quae plerumque Mulierum valetudo sit. 127  
 Quae uteri rejectanea. Ibidem  
 Molarum retentiarumque secundinarum differentiae. 127  
 Molae servataeque placentae, in hydatides aequè converti possunt. 129  
 Molarum propria natura. 123  
 Molae revera monstrosae. 245  
 Monstra humana, eorumque species. 237  
 & eorum causae in genete. 238  
 & in specie. 239

Non-

Monstrorum causae aliae .	340
& aliae .	242
Multae quoque ab ovo esse videntur .	243
Monstra plurima incerta sunt .	244
Alia verò certissima .	245
Monstra , quae rara non sunt .	242
Monstruosa , in naturalibus humanis conceptibus evul-	
gata plurima , fabulosa esse videntur :	247
Aliqua tamen certa sunt .	Ibidem
Monstruosa velut , Mulieris foecunditas .	Ibidem
Morbi plurimi humanis vermibus perpetam adscribun-	
tur .	153
Morbosa humana generatio quae sit .	9 & 252
Morbi in ovibus , a cerebri vermibus .	340
Mulieres super bruta , cur vitiosis graviditatibus faciliores	
sint .	67 79
Muscae viviparae narratio .	294
Muscae , ejusdem etiam speciei , juxta diversas tempesta-	
tes nunc oviparae sunt , nunc viviparae .	297

## N

Naturalia Phaenomena non ideo deneganda sunt , quia	
humanam intelligentiam & captum excedant ,	298
aut quia Aliquibus sint invisae .	303
Naturali in Historia , quae approbanda sunt ,	409
Naturalium rerum superiores causae , plerumque inaccessae	
sunt .	397
Inferiores verò atque proximae , non difficile inda-	
gantur .	399

## O

Organicum vivens corpus quid sit .	7
Orgasmus quid propriè sit .	282
Ossium dolores vereres , sine ulla syphilidis suspitione , mer-	
curialibus remediis sanati .	408
Ova , generationes omnes & singulas antecedunt .	17
In quibus Mulieribus semper conspicua .	18
Gradatim , aliaque post alia maturescunt .	Ibidem
Ova muliebria matura & foecundata , quo tempore ex	
ovariis in tubas , indeque in uterum naturaliter dela-	
bantur .	18 19 & seq
Exeuntia ab ovaria , solum diducunt fibras succingentis	
tunicae .	418
Ova foecundata , statim mole augentur .	19 & 30
Ova .	

- Ova*, seu semina sylvestris cucumeris per admotae manus calorem, illico a calicibus ejaculantur. 19 & 20
- Ovarii* tunica in ovorum exitu, instar corticum arborum in germinum egressu, non rumpitur, sed diducitur. 20 & 418
- Ovorum incubatus, alius internus, alius externus. 8 & 12
- Ovatum auricularum cordis foramen, in adultis pluribus adhuc apertum est. 39
- Cui humani habitudo in *ovario* & in utero, ejusque post conceptum alterationes. 42
- Ovi cum utero connexionis modus & locus. 43
- Ovarium* humanum est velut communis & major *placenta*, seu commune solum, cui *placentulae* radicibus suis infixae sunt. 48
- Ovaria* humana glandulosas substantias non habent, neque in naturali statu luteas. 49 418 420 421
- Ovi solutio ab *ovario*. 49
- Ova humana, quae fecundantur, non omnia conceptum accipere aut servare videntur. 69
- Ovorum numerus, qui in ambobus mulierum *ovariis* deprehenditur, qualis plerumque sit, 70
- Ovorum & seminum copia in viventibus, cur super id, quod sit necessum, excedens esse videatur. ibidem
- Ova, quae in humanum uterum pervenire, ipsas, quae in *ovariis* inerant, vesiculas esse, notis omnibus comperitur. 17. 18. 42. 45. 47. 51. 70. & alibi. Vid. in primis Fig. I. II. III. IV. & Fig. Tab. I. earumque explicationes.
- Ova extraneorum animalium ingredi in Homines posse, eorumque in visceribus nidulari, foveri, & ex iis nova animalia excludi, vel ex ipsis Opponentium rationibus probabile sit; tum verò nihil repugnat. 307 308 & seq.
- Atque ex Accuratiorum naturalis Historiae Scriptorum recentium sententia firmatur. 331

## P

- P**artium Hominis & brutorum explicatio, plantae partium explicationem videtur imitari. 432. & alibi.
- Partus Caesareus dictus, seu sectio gravidarum mulierum pro conceptu extrahendo. 193
- Quibus graviditatibus haec sectio apta sit;
- Et in quibus omni tempore fuerit adhibita. 188
- Quà sorte apud peritos atque imperitos contigerit. ibidem & seq.



- Viventium gravidarum, Antiquis ignotus, aut  
saltem inusitatus. 193
- Apud primos Factores caeca haec operatio, fau-  
tusque ut plurimum eventus. 194
- Hujus rationem recens Anatome aperuit. 196
- Partus v. vac. mulieris Caesareus, duplex est, internus &  
externus. 197
- Internus suapte natura moriferus est. 198
- Eorum, qui internum Caesareum partum tuentur,  
nullae videntur firmae esse rationes. 200
- Neque ulla Eorundem praesto esse experimenta, aut  
observationes. 203
- Historiae a Rosseto allatae non probant, hanc ope-  
rationem super uterum fuisse praestitam. 204
- Neque additae Bauhini Aliorumque Historiae. 208
- Neque superadditae Analogiae. ibidem
- Plures insuper super hac re perpenduntur Hi-  
storiae. 212 & seq.
- Partus Caesareus externus, solus licitus est. 219
- Ita Antiquorum caesarei Partus definitiones malae  
sunt. 204 & 219
- Eius definitio quae sit praestantior. 200
- Ejusque recta judicatio qualis esse debeat. 221
- Partus externus Caesareus, interdum necessarius est; non  
raro perniciosus; quandoque mortiferus. 229
- Quando necessarius 105 & 230. Quando pernicio-  
sus. 105 & 234 Quando mortiferus. 236 vid. etiam  
Fig. I. Tab. II., ejusq. explicat. 417 438
- Partus humani pes os & vesicam, ab Auctoribus traditi  
nobis prorsus ignoti sunt. 83
- Pediculorum humanorum aliorumque morbosorum in-  
sectorum recens Commentum. 390
- Phthiriasis, a scabiosis vermibus non est. 290
- Ejus pediculi, ferales dicti. 291
- Pineales humani vermes. 254
- Piscium plerorumque generatio. 420
- Placenta quid sit, ejusque sedes ad humana ova. 17 18
- Placentae sanguinea vasa, cum uteri sanguineis non coe-  
unt. 28
- Placentae naturalis habitudo 43. 49. 422. 427 429 & alibi  
Insolita fabrica. 428
- Placentae in ovario, atque inde in utero mutationes. 47.
- Placentae & ovarii substantia. 48.
- Placentae accretiones in utero quâ proportionem fiant 51
- Ejus habitudo cum amnio & chorio. 52

<i>Placentae</i> in utero retentae, interdum penitus absumuntur; quandoque exsiccantur; saepe corrumpuntur.	127
& seq.	
Nunquam propriam molarum naturam induunt.	128
Aequè ac molar, in hydatides converti possunt.	129
<i>Placentarum</i> in utero retentorum varii eventus juxta variam earum aetatem.	213 & 129
<i>Faecordiorum</i> in foetu viscerumque status.	29
<i>Praegnationes</i> , similes non sunt in praegnantibus mulieribus; seu non ad eadem loca uteri distentiones efficiunt.	117
<i>Pseudomolae</i> .	129
<i>Punctum saliens</i> in foetu quid sit.	22

## R

<i>Rachitis</i> , aliaeque ossium vitiatae fabricae, in abortum conspirant.	133
<i>Renum</i> succenturiatorum usus in foetu.	29
<i>Rudimenta</i> in foetu <i>muscularis</i> annuli, seu sphincteris, ilei intestini finem in colon munientis.	431
<i>Renum</i> vermes in brutis saepe <i>angui-formes</i> .	349

## S

<i>Salamandra aquatilis</i> , ab Homine ejecta.	304
<i>Sanguinis</i> generatio in <i>embryone</i> .	22
<i>Sanguis</i> matris ad foetum, foetusque ad matrem non fluit: seu sanguinis circulatio, matri atque foetui communis non est.	24 25
<i>Sanguinis</i> effusio in partu, a qua origine & loco sit.	26
<i>Sanguinis</i> vermes.	366 & seq.
<i>Scriptores</i> in assignandis foetuum aetatibus persaepe alucinantur: Quoniam fortè Praegnantēs feminae in suorum statuendis conceptuum exordiis & calculis, creberrimè se ipsas decipiunt.	425 426 428 429
<i>Secundinarum</i> vitia morbique in utero, vel propria vel fortuita sunt.	120
<i>Secundinae</i> omnes, jam ad ova <i>ovariorum</i> manifestae.	517
<i>Seminalis</i> aura, ut dicunt, per quas <i>ovariorum</i> ovique semitas ad <i>embryonem</i> , animali motu affilandum excitandumque, pervenire videatur.	418
<i>Serpenti-formis</i> vermis, non ita pridem ab Homine ejectus, & a consultissimo Viro observatus.	304

Serpentum tamen, hufonum, talparum & simillium, a mulierum uteris dejectionum narrationes, absurdae sunt. 398

Sterilitas a secundinarum retentione atque exsiccatione. 128

## T

**T**AENIOLAE brutorum, & Hominis, 257

Taenia major, sive latus vermis, inter naturales humanos vermes, at monstruosos, recenseri possit. 258

Taeniarum, earumque partium differentiae. 259

Et super iis Auctorum contentiones. 260

Taeniarum in homine non infrequentia incommoda & symptomata. 263 & 272

Taenia intestinorum vera, in species varias manifestè distinguitur. 259 265 & seq

Taeniae primi, secundique generis, seu verae & spuriae dictae, quomodo distinguantur. 264

Taeniae humanae, earumque partes & rationes, Hippocrati jam notissimae. 264

Taeniae verae apud nos servatae, variorum formarum & aspectuum. 265 & seq.

Taenia singularis, in geniculis crenata, a nobis Aliisque conspecta. 267

Taeniarum cauda, quae sanè longissima est, a reliquo earum corpore, adhuc in homine superstite, brevius aut longius abrupta, facilè denuò, ut in aliis quoque brutis contingit, renascitur atque producit. 268

Taeniae verae, nunc hominì nocentes, nunc insones sunt. 269

Nunc verò solitariae, nunc cum teretibus aut cucurbitinis vermibus degentes. 269 & seq.

Taenias veras, statim anni temporibus solvi, earumque partes sponte excerni, Aliquorum observatio est. 274.

Taenias triginta, non tercentum pedum longitudinis, ut Aliqui interpretati sunt, Plinius commemorabat. 275

Taenia, spuria seu illegitima dicta, ex cucurbitinorum vermium nexu, productaque velut catena, conficitur. 276

Taeniae verae diversi generis, ab Amico communicatae. 412

Tempus, quo articuli ex foetus trunco prodire & conspici incipiunt. 424

Teredo quid sit. 385

Tere-



- Teretes humani lumbrici, quibus anni temporibus magis  
moventur. 275  
*Testiculares* conceptus, qui primi Typis fuisse evulgati  
videntur. 157  
 Thymi usus in foetu. 32  
 Tubarii interni conceptus, cur semper lethales sint, si  
Tuba rumpatur. 151  
 Externi verò conceptus, cur diutius tutèque interdum  
serventur. 185  
 Tubus membraneus, instar infundibuli, *umbilicalibus*  
volatilium, imò, foetè & Hominum, valis superad-  
ditus. 21

## V

- Vasa ovarum exteriora, in ovario iam obvia atque  
elegantia. 417 418  
 Vatorum quorundam in viventibus subitae amplificatio-  
nes, subitaeque astrictiones, & promptae aliarum par-  
tium productiones demonstrantur. 44 & seq.  
*Ventrals* graviditates, propriè superiores. 101  
 propriè inferiores. 107  
 Ventriculi totidem sunt, omnes animalis partes. 310  
 Vermis, humanus *embryo* est: & foetus erat. 40. & seq.  
 419 & 421  
 Vermes foetus, vel Vetustioribus noti. 425  
 Vermes virilis geniturae, Vermes foetus seu homunciones  
non sunt. 333 334 431 432  
 Vermes intestinorum humani corporis, non omnes mor-  
bosi sunt. 252  
 Vermes teretes dicti, nobis coevi, nobisque non nocui, si sani  
sint: Ibidem: A nostris aegrotationibus aegrotant. 253  
 Dulcia iis adversa sunt. 254 Amata, non adversa 316  
 Pineales humani vermes. Ibidem: An parvuli teretes:  
Ibidem. Teretium diversae magnitudines atque staturae  
sunt. 254. & 255. Aliud humanorum minorum *intesti-*  
*nalium* vermium naturale genus, ejusque notae: 255  
256. Et aliud ulterius genus; 257. Et aliud insuper, Seu  
quod adhuc naturalibus, at monstris humanis ver-  
mibus recenseri posset: aptius verò morbosis adscribi-  
tur. 250. & seq. Vermes humani teretes monstruosi: 263  
 Vermes Hominis morbosii, alii in Intestinis, alii ex-  
tra intestina. 263. *intestinalium* duplex genus. 264  
 Taeniarum Primum genus in varias rursus species di-  
distin-

stingitum. 265. & seq. Alterum Taeniarum genus ex cucurbitinis vermibus conficitur. 276. & seq. Cucurbitinorum forma, habitudines & partes. 278. & seq. Monstrosus intestinorum vermis, idemque viviparus. 292. *Intestinales* porro humani vermes in *oviparos* & *viviparos* distinguendi esse videntur. 294. 296. *Intestinales* vermes omnino extranei & morbofi. 298. *Eruci-formes*. 299 & seq. *Lacerti-formis* vermis. 300. & seq. & alibi, *Salamadri-formes*, aut *Serpenti-formes*. 304. & Alius nostri similis. 305. & Alii non secus monstruosi, variaque bruta similes. 306.

Vermes extra cibarium hominis canalem morantes, seu propriè Zoophagi eorumque classes: Seu alteri quibus exitus est: Alterique, quibus non est. 313.

Vermes primæ classis, seu Autium varii. 313. *Nasales* seu *Rhinarii* 316. 317. Quorum Historia non satis hactenus patet 318. Et qui interdum *urinarii* sunt si oles 320. Oculorum vermes. 322. Oris seu dentium 324. Urinales. 326. Pudendi muliebris atque uteri. 331. & seq. Viriles spermatici, cum morbofi, tum naturales dicti. 333. & seq. Naturales, cum adsunt, cujus esse usus videantur. 334. In quibus tamen hominibus deficiant. Ibidem. Duplicis esse generis venditantur. 335. Vermes pulmonum. 338. Bronchialium glandularum, 339. Oesophagi. Ibidem. Thyroidæ Glandulæ. Ibidem & 349.

Vermes Humani iis in partibus e quibus exitus esse non videtur 341. Hepatici brutorum & Hominum vermes, Ibidem. Hicque juxta variam in visceris partibus sedem, velut variarum classium sunt. Ibidem. In intima jejorici substantia a nobis reperti. 344. Vermes cerebri, seu propriè Cephalici. 345. Pericardii. & Cordis. 350. Lienis 351. Pancreatis 352. Mesenterii. Ibidem, & seq. Vermis jam in volucrem evasus, inter spermaticæ humanæ venæ tunicas natus adultusque. 359.

Vermes morbofi intermediæ classis: qui nempe ex partium hominis locis ubi sunt, exire modò possunt, modò vero non possunt: Atque eorum genera 361. Helicophagi seu ulcerosi vermes. 362. Subcutanei. Ibidem. Crinones. Ibidem. Dracunculi. Ibidem. Syrones seu humani Acari. 363. Bovilli vermes dicti. Ibidem. Tomi, seu Americanorum Cirones. 364. Vermes externorum musculorum 365. Glandulosi. 339. 347. 349. & 365. *Psoculares*. 366. *Umbilicales*. Ibidem. Sanguinis vermes. 366. & 1 eq.

- seq. Qui tamen, aut naturales aut morboſi intelligantur, ſatis haecenus comperti non ſunt. 368
- Vermiculi in coralliis ipſiſque metallis 368. In aëre, aqua, herbis, & alimentis penè omnibus. 369. & ſeq. In variis plantarum partibus variis. 370. Vermiculi alimentorum, in humano ſtomacho ſolvuntur: Non ita facile vermiculorum ova. 371. Lactis vermiculi 371. Nec naturales, nec morboſi vermiculi, diu in ſanguine conſiſtere poſſent. 371. & ſeq. Ova tamen vermiculorum volui aliquandiu per ſanguinem poſſunt. 371. Vermiculi naturales in ſanguine, quocumque adhibito opere, inſpici non queunt. 372. & ſeq.
- Vermiculi in humanis humoribus, morborum tempore perſpiciuntur. 374
- In humanis ſuccis a nobis ann. MDCCXXXIV, & ſequentibus temporibus, in epidemica Taurinenſi febre deprehenſi. 374
- Et cuius formae fuerint. 375
- Vermiculorum ſanguineorum naturae modique omnes, ignota ſunt. 377 Morboſi vermes prop iam ſtabilemque in ſanguine ſedem non habent. Ibidem, & ſeq.
- Vermiculorum epidemicorum quae veriſimiliter indoles atque ratio ſit. 378. & eut ii, quò plus ſunt, eò citius perſaepe quieſcant & deleantur. 369
- Vermiculos peſtilentes Qui deſcenderint. 380. Et Qui cellicos. 382.
- Vermes alios ſpecies humani, ſeu ſuperentanei. 384. Scabioſi, eorumque deſcriptiones & effectus. 385. & ſeq.
- Vermes Humanorum Cadaverum. 396
- Eorum ſaltus. 397
- & metamorphoſes. Ibidem.
- Verrium, in Cerebro aliisque Hominis reconditis partibus repertorum, indubitatae Obſervationes. 401. & ſeq.
- Vermis Bombyci-formis, Ab Amico communicatus. 419
- In Humanorum Vermium Hiſtoria, quae ad hanc uſque diem deſiderentur: Aut diligentius quaerenda ſint. 254. 260. 265. 275. 276. 289. 298. 318. 322. 333. 336. 351. 361. 366. 368. 372. 375. 377. 379. 380. 384. 385. 394. 395.
- Vermicationes herbarum, quibus tempeſtatibus fiant. 275
- Vermiformis inteſtinorum appendicis uſus & fabrica in foetu, atque cum colo caecoque inteſtino habitudo. 30 31 431
- Viſcerum in foetu diſpoſitio. 46



- Vitiosae in utero generationes atque graviditates. 113
- Viventium exteriores partes & aspectus, faciliè & fortuito mutari possunt, non mutata specie. 303
- Viventium omnium germinum Analogiam Natura tuerur. 419 420
- Viviparos intestinales vermes qui, praeter nos, observaverint. 296
- Umbilicalia vasa, in omni viventium genete, embryonibus exteriora sunt. 20 21
- Umbilicalis funiculi in graviditatis progressu, dimensionum flexionumque varietates. 55
- In tenerioribus foetibus, gracilitas ad unum extremum, ad aliud amplitudo. Fig. VIII. Tab. II. ejusque explicat. 444
- Urachi usus in foetu, 31
- Urachus in plerisque natis, imò & adultis Homínibus, adhuc apertus est, interdum ad usque umbilicum. 37 39
- Urinalis vesicae habitudo in saepe patientibus. 439, ad explic. Fig. II. Tab. II.
- Urinalis vesicae habitudo in foetu. 31
- Uteri adversus grandio rem foetum conditio. 60
- Vís contractionis. 61
- Uteri cavitas in ovi ingressu quae sit. 42
- Uteri comedones vermes. 313
- Uteri cum adultiori versoque jam foetu dispositio. 430 432
- Uterinarum herniarum species. 115
- Unde difficiles & suppressi partus, abortus, aliaque foetuum vitia sunt. Ibidem & 116
- Uterus gravidus saepe foras in sacci formam porrigitur. 114
- Uteri in graviditatibus productiones variae: Unde etiam variae graviditatum notae. 117
- Uteri verae internaeque Herniae, quae revera vitiosae sunt: seu quae naturales ac simplices ejus dilatationes non sunt. 316
- Quae nullà certè arte emendari possunt. 317
- Uteri lateralia, ad Tubarum ingressum, velut angulosa loca, magis minusve producta, foetuum diutius immorantium hospitia ac velut latibula saepe sunt. 136 143
- Uteri procidentiae ex Hippocrate, quomodo sint intelligendae. 209
- Uteri rejectanea plura, quae molas interdum mentiuntur: Ut sarcomata, membranacei sanguinis grumi, uterique polypi. 119




TABVLA I.

XVII



Reg. Colleg. Alu





TABVLA II


V





TABULA III.

III



IV



XXIX

XXV









